

Philology

Philology



XXV. f. 30

8


3-c

30

~~f. 30 p. 10~~



8.-3.c.30.



ADAMO KONARSKIO  
POSNANIAE EPISCOPO,

ET DIVI

Sigismundi Augusti

Poloniæ Regis in Italia

ORATORI,

HIERONYMVS MAGIVS  
IVRISC. ANGLARENSIS

S. P. D.



OMINIS non simpli  
cem esse naturam,  
ADAME KONAR-  
SKI Præsul amplif-  
sime, Philosopho-  
rum facilè princeps  
Aristoteles testatur, & nos, si men-  
tem adhibuerimus, satis intelligen-  
mus. Hinc ille vsu venire conten-

a 2 dit,

# Epistola

dit, vt nulla res eadem semper nos  
oblectet, quòd subinde eiusmodi  
animò cupido infideat, quæ muta-  
tionem, varietatemq; ipsam expe-  
tat, atq; deposcat. Quamobrem au-  
gusta illa mundi huius molitoris  
effectorisq; Dei administra natura,  
non tam vt virium suarum speci-  
men quoddam planè admirādum  
exhiberet, quàm vt nobis maximè  
consuleret, multiplici rerum om-  
nium copia, & varietate cuncta lo-  
cupletasse videtur. Quocunq; enim  
te vertas, quicquid in cernendi sen-  
sum cadit, multiplex esse animad-  
uertis. Cœlum variis exornatum  
stellis; terram hîc montibus emi-  
nentem, illhic vallibus lacunosam:  
fontibus, riuis, fluminibus, stagnis,  
lacubus ac mari irriguam atq; di-  
stinctam: plantis præterea, herbis,  
lapidibus, animantibus innume-  
ris, multiformibus, uersicoloribus-  
que



# Nuncupatoria.

que(vt quæ marinis fluctibus continentur, præteream) passim iucundum oculis præbere spectaculum conspicias. Huius solertiam ingeniumq; homines cum multis aliis facultatibus artibusque, tum uel maximè his, quæ literarum monumentis continentur, fœliciter æmulati sunt; dum non vnâ eandemque rem, sed planè innumeras nobis spectandas, inq; varios vsus desumendas proposuerunt. In quibus magna quadam sanè, & incredibili amœnitate ac utilitate resperfi Variarum lectionum libri videntur, qui dum grauioribus curis studiisq; oppressi, & quasi confecti respirare, nosq; ipsos colligere uoluerimus, hortorû viridariorumq; oculis atq; animis loco sint. Quorum, siue antiquiores, siue recentiores quæras, quanquàm copia satis ingens circumfertur; ego ta-



# Epistola

men, qui hoc scriptionis genus multum semper probauerim, quod quam auctori iucunda confectio sit, tam etiam lectori pergrata ac frugifera lectio esse soleat; non ideo si quid huiusmodi succisuiis horis diligentia mea amicorum hortatu aliquando peperissem, supprimendum abolendumque esse, mihi unquam in animum induxi: quin multa in sua priuatim capita cum collegissem, literisque tanquam tyrocinii mei monumenta consignassem, tantisper ea supprimenda esse censui, dum docti alicuius amici iudicium & censuram subirent, aut mihi ad ea, quae rudia inchoataque essent, perficienda, & quaedam, quae subinde displiceret, recudenda, ocium aliquando inter innumera, quibus diuexor, molestiarum examina, & importuna negocia, concederetur. Verum dum id frustra iam multos  
annos

# Nuncupatoria.

annos expecto, illud contigit, ut eorum, quæ à me fuerant animaduersa ac in libros relata, quædam mox & doctis quibusdam viris in mentem venerint, in lucemq; non sine laborum meorum iactura prodierint. Quare diem vltius extrahendam diffundendamq; non esse, cum perspicerem, cōmodum Venetias aduēnit Carolus Sigonius vir omni elegātis doctrinæ genere mirum in modū ( quod eius lucubrationes testantur) excultus, & cui nihil eorum, quæ in Græcis Latinisq; auctoribus ad antiquitatem cognoscendā penitusq; illustrandā pertinent, obscurum ac ignotū vnquā videri possit. Huic cum nōnulla ex his libris memoriter, quo eius extorquerē sententiam, recensuissem, tantum abest, ut ille ea improbauerit, ut ex eo, quod illi ostensum esset, exemplo reliqua perpēdens, ut

# Epistola

quàm primùm prælo libros hosce  
in communem studioforum vtilita-  
tem subdendos curarem, hortatus  
sit. Cuius ego iudicium secutus,  
mox non sine maximi alicuius pa-  
troni tutelari numine id faciendum  
esse decreui. Tunc verò tu, A D A-  
M E K O N A R S K I Præsul optime  
atq; amplissime, mihi in mentem  
veniebas, cuius dignitate, splen-  
dore, atq; auctoritate, exilia hæc,  
parumque meo nomine plausibi-  
lia illustrarem, & contra nouita-  
tis inuidiam, & vetustatis iniuriam  
præmunirem. Tu siquidem illustris-  
simo loco iure optimo positus, ac  
omnibus planè virtutibus, quæ nõ  
solum principi viro, sed sancto ac ir-  
reprehensibili Episcopo maximè  
conueniunt, exornatus, tantum ti-  
bi apud omnes Christiani Orbis  
nationes nominis, atq; auctoritatis  
comparasti, vt quæ tuo tecta sint  
præsidio

# Nuncupatoria.

præsidio, vel nomen tuum præfere-  
rant, nedum illæsa, sed magna quo-  
que dignitatis accessione commen-  
data, & augusta fore uideātur. Ac-  
cessit eò, quòd postea quàm à Diuo  
SIGISMUNDO AVGVSTO po-  
tentissimo Poloniæ Regè, qui ad se-  
ria quæque, & ad rerum summam  
pertinentia tuo vti solet consilio, in  
Italiam Legatus aduenisti, ea de te  
magis magisq; increbuit fama, quæ  
bonos omnes ad te amandum, su-  
spiciendum, colendumq; pellexe-  
rit. Non solum enim hanc legatio-  
nem ita gessisti, ac geris quotidie,  
vt diligētiam tuam, & grauitatem,  
Italorum Principes admirentur, &  
ingenium incomparabile cogno-  
scant, sed aliis etiam in rebus, vt to-  
ta ferè Polonia, & Posnaniæ con-  
sueuisti (etenim hæc tuis hodie stat  
institutis sanctissimis seruandis, &  
quasi vestigiis persequendis) vir-  
tutis

# Epistola

tutis pietatisque tuæ monumenta  
fanè quàm admiranda, passim relin-  
quis. Nam, vt cætera silentio in-  
uoluam, literatos homines nouus  
quasi sæculi nostri Mœcenas ita hu-  
manitate prosequeris, & beneuo-  
lencia complecteris ac foues, vt his  
etiam cōuictoribus, omniumq; ho-  
rarum comitibus, familiariter uta-  
ris. Qui enim animum optimarum  
disciplinarum studiis excoluisti,  
præclareque in te alis virtutis lau-  
dem, virtutem ipsam in deligendis  
tibiq; asciscendis amicis, & comiti-  
bus, non fortunam, cuius boni fe-  
rè ludibriis patent, sapiēter seque-  
ris. Qua re vt tui nominis memo-  
ria immortalitati consecretur, effi-  
cis. Ex his ego quanquàm grega-  
lis, innumeras hæc animi tui do-  
tes, & Episcopalis muneris orna-  
menta admirari, teq; mirum in mo-  
dum amare cum cœpissem, ac mox  
quæ

# Nuncupatoria.

quæ tui studiosissimus Iac. Breznicius iuuenis mihi propter singularem doctrinam multamq; probitatem charissimus, de te sæpe prædicabat, igniculos quosdam addidissent; aliquod animi studiiq; erga te mei edendum esse argumentum iudicaui. Ac sensi nihil in præsentia facere me commodius posse, quàm si hos Miscellaneorum, seu Variarum lectionum libros, tui nominis æternitati dicarem. Maiora certè, quibus dignus sis, præstabūt eruditissimi viri, & non parua Polonici nominis ornamenta Martinus Cromerus, Ioannes Sarius, Melchior Guilandinus, Stanislaus Ilouius, Andreas Patricius, cuius modò nemini Breznicius meus, Orecoius, aliiq; non pauci. Equidem quæ mea elaborare tenuitas potuit, sedulò præstiti. Quod autem ad munus hoc cartaceum pertinet,

Præsul



# Epistola

Præful Illustrissime, illud te scire velim, quæ à me scripta sunt, non adeò pro Delphicis respõsis (vt multorum mos est) habenda esse mihi persuadere, vt non magnam eruditiss hominibus habiturus sim gratiam, si non iniquo, & exulcerato animo, sed vt homines humanitatis addictos studiis decet, me, si qua errata offendent (vt fortasse nõ pauca offendent) scriptis suis admo-  
neant, & quasi labẽtem subleuent. Tanto autem æquiore animo iustas mihi ferendas esse reprehensionibus duxi (dummodò obrectationibus careant, & nonnihil primæ editioni condonetur) quanto certiore in Remp. literariam, cuius gratia manum his rebus admolari consueuimus, vtilitatem inuehi intelligam. Equidem cum nullo adhuc mortalium tam prosperè ac foeliciter actũ esse video, vt erro-  
re

# Nuncupatoria.

re penitus cuiusquam scripta vacauerint. Homines sumus, & quæ naturæ nostræ imbecillitate contingunt, non sunt probro danda, aut ad contumeliam vlla ratione trahenda. Opinionē hanc nescio quis malus genius humanis mentibus inuexit, erratis multū de auctorum existimatione detrahi (cum tamen maximos viros, sapius etiam quàm par est, lapsos videamus) & ideò eum pro hoste habendum esse, qui illa in re literaria commo-  
stret. Hi certè mihi communi eruditorum odio ( vt quod sentio ingenuè fatear ) digni videntur, qui tantum sibi in studiis quibusq; arrogant, vt vel quæ temerè ipsis exciderint, aut sint effutita, inconcussa, sanctaq; esse velint, omnemq; perinde respuant reprehensionem, ac quos à suis scriptis dissidentes intelligant, conuiciis, ac virulen-  
tis

# Epistola

tis maledictis proscindant. At hos meminisse oportet, hominum esse iudicia libera, eaq; lege libros inuulgari, vt alienæ censuræ aleã subeant. Quòd si quis æquus rerū æstimator existat, qui nihil sui ipsius amorì det, tantum abest vt errata, quæ admiserit, à quoquam apprehendi ac indicari ægreferat, vt potius tanquàm homini, qui errāti sibi, viã commostrauerit, aut morbo aliquo intestino cæcoq; laboranti, pharmacum præsidiaque salubria exhibuerit, illi gratiam planè sit habiturus. Atq; hæc eò sanè pertinet oratio, vt mihi infensos esse nolim doctissimos aliquot nostræ ætatis viros, à quorum discrepauì sententiis; sed quicquid à me allatum est, vt citra contradicendi libidinem ac solius studio veritatis, & sedulò factum est, ita æquo, vt certè facturos spero, animo ferant.

# Nuncupatoria.

rant. Verùm tu KONARSKI Præ-  
sul ampliffime ( ne te longiore ora-  
tione detineam, & in publica com-  
moda peccem ) hæc qualiacunque  
fint, bonam in partem, & tanquàm  
ftudii amorisq̃ue erga te mei, ob-  
feruantix quoq; , & reuerentix ſpe-  
cimen, & pignus quoddam acci-  
pies, & tua dignitate maximaq; au-  
ctoritate tueberis, meq; clientu-  
lorum tuorum albo adſcri-

bes. Quod vt facias  
te etiam atque  
etiam rogo.

Vale.

Patauio Kal. Octob.

M D L X I I I.

ΣΤΕΦΑΝΟΥ ΤΟΥ ΛΕΩΝΟΥ  
εἰς Γερώνυμον τὸν Μάγιον.

**Α**νδρῶν τὸν πανάρισον αἰεδὲν ὄρσεο μούσα,  
Μάγιον Ἀγγλαριῆ, φέγγος ἐοῖς γένους.  
Τόν ῥα θεοὶ μακάρων φιλέουσι δοτῆρες εἰῶν,  
Ἦν διασωφροσύνην, τὴν φρεσὶν ἥσιν ἔχει.  
Τούνεκ' ἄρ' οἱ τ' ἔδοσαν σοφίησγε τὰ βίνθεα πάσης  
Ἰδμεναι ἐνδυκέως, καὶ καλὰ πολλὰ γράφειν.  
Πρῶτον μὲν δεδάηκε νόμους ἀνδρῶν τε θεῶν τε·  
Ἔπειτα δ' Ἀρ. σοφίλους τὴν χαλεπὴν σοφίην.  
Πλεῖστα δέ τοι πολέμοιο κακοῦ σιμωγράφατο κέρδη,  
Οἷς γ' ἂν ἔλοι ῥέα τις, τὸν στρατὸν ἀντιπάλων.  
Νῦν δ' ἐκ δαιδαλέων συλλέξας δύσκολα βίβλων,  
Αὐτὰ σαφηνίσας, γράμμασι τοῖσιν ἔβη.  
Ἄσ' Ἀδάμω θ' ἱέρωτε Κονάρχω φωτὶ ἀρίστῳ,  
Μούσης ἀπασίῳ, ποιμένι Πωττανίας·  
Πρέσβεϊ τε σκηπτοῦχου Σαυροματῶν βασιλῆος,  
Ἀρχοῖς Ἰταλίας πᾶσιν ἐπηνεμένῳ.  
Τοῦδ' ἐκ καὶ ὑλαχομάρους νῦν κύνας οὖνομα σάει,  
Δάκνειν τόνδε πόγον Μαγίου ἀντομένους.  
Χαιρέτω οὖν Γερώνυμος ἀνὴρ θεῖος, ἀμύμων,  
Κόσμος πατρίδος ἥς, τίονος Ἀγγλαρίας.

INDEX CAPITVM,  
QVAE HIS LIBRIS  
CONTINENTVR.

*LIBRI PRIM I.*



ORMENTA bellica, qui  
bus Bombardis no-  
men est, non quo pas-  
sim traditur tempore  
excogitata, aut in bel-  
licos usus ascita. aucto-  
res multi reprehensi

Cap. 1.

Serui error detegitur, ac Virgilii lo-  
cus libro septimo Aeneid. declaratur.

Cap. 2.

De apum natura, ac multiplici gene-  
re: allata ratio, quare Iustinianus Impe-  
rator apes feras esse dixerit, cum Pli-  
nius neque feri, neque mansueti gene-  
ris eas esse scribat. Beroaldi conciliatio  
partim recepta, partim uerò improba-  
ta. Pauli Iurisc. locus declaratus. De ua-  
riis columbarum speciebus, & cur idem  
Iustinianus eas feras ut apes appellaue-  
rit. Cap. 3.

b

Multa

# I N D E X

— Multa, quæ de Gigantum proceritate, & magnitudine prodita sunt, uera esse, non solum ex grauissimorum auctorum testimoniis, sed ex his, quæ nostra ætate uisuntur, & miræ magnitudinis, ossibus, quæ effossa sunt, demonstratur. Cap. 4.

Hippocratis loca duo pugnancia conciliantur, & cur in miram proceritatem, amplitudinemq; corpora excrescant, declaratur. Cap. 5.

Naues onerarias remis etiã agi olim consueuisse. Lazarus Baysius reprehensus. Cap. 6.

Gulielmi Budæi errata duo demonstrantur, & quid Ciceroni, atque aliis auctoribus equum admittere significet. Locum quendam Pandectarum, mutilum lacunosumq; ut Budæus existimauit, non uideri. Cap. 7.

Legem 12. Tabularum de addictis, non fuisse ex Solonis, aut ullius Græci Nomothetæ legibus depromptam. De lege Σειράχδια. Quibus ex locis, iuribusq; ius Decemuirale collectum sit. D. Augustinus, Seruius, & Accursius notati. Cap. 8.

Ciceronis locus propter lacunam, uerborum



## C A P I T V M.

uerborumq; defectum antea obscurus, Plutarchi uerborum adiumento, illustratus. Cap. 9.

Emendata cōstitutio quædam in lib. Legum nouellarum Theodosii, apud iul. Frontinum, & in Codice Iustiniani. De Nili alluuiionibus, & aggeribus, ac Aegyptiorum fletu Nili irrigationem precantium. Illustrantur Rubricæ C. de Nili aggeribus non rumpendis, & de frumento Alexandrino: & quid Flumen sub titulo de Alexandria Primati- bus in eodem C. significet, declaratur. Cap. 10.

Qua ratione ab Horatio dictum sit, lippis, & crudis pila ludere, inimicum esse. Qualippitudine hic Poëta laboraret, & cur aliquando cū salubribus aquis careret, cœnare recusauerit. Cap. 11.

Quid Latinis, Græcisq; auctoribus animæ amissio significet; & quid causæ sit, ut non potius corporis amissio dicatur, cū anima principem locum obtineat. Serui cur corpora appellentur. Cap. 12.

Auli Gellii locus emendatur, & quæ esset funebrium tubarum forma, à Cæ-  
b    2    sellio,

# I N D E X

fellio, Capitone, Gellio, Nonio, & cæteris ignorata, item tiliarum: & quem sonum Siticines incinerent, declaratur. Quæ de eisdem tubis, tibiisq; à nonnullis prodita sunt, improbantur; & cur grauem sonum organa musica, quæ inflantur, emittant, demonstratur.

Cap. 13.

Librorum inscriptiones cur tituli appellentur. Becichemi, Alciati, aliorumq; sententia reiecta. Vnde factum, sit ut libri permulti nullos, uel adulterinos titulos habeant. Cap. 14.

Cur dies ab antiquis in duodecim horas distributus sit, & Romani hæreditatem omnem, ac pondera, mensurasq; plurimas in duodecim partes diuiserint, ex Galeno declaratum. Cap. 15.

Iustiniani locus in Institutionibus, Ciceronis uerbis declaratus. Cap. 16.

Quem imitatus Virgilius, frigus penetrabile dixerit. Qua ratione frigus urere dicatur. Aristotelis, Seruii, & Galeo ti Martii sententiæ reiectæ. Cap. 17.

Musæum Poëtam antiquissimū, dum uentos ex diametro pugnantes induxit, parū Philosophorum regulas obseruasse uideri. Cap. 18.

Carnes

# C A P I T V M.

Carnes assas elixis humidiores esse, an sit existimandum. Aristotelis, & Galeni sententiæ, quæ pugnantes uidebantur, nullo negotio conciliatæ. Cap. 19.

Quàm uerè Iustinianus Hippocentaurum esse non posse dixerit. De Centauris, monstrorumq; ortu multa nec passim obuia. Vlpiani sententia reiecta. Cap. 20.

Ciceronis locus illustratus. Animantium multiugam esse distributionem. Cap. 21.

## L I B R I S E C V N D I.



VA de causa uis quædam famis non tolerabilis, quam Græci βούλιμον καὶ βούπειναν dicunt, in diebus frigidissimis multò facilius, quàm cùm mite est cælum, uentriculum obsidere consueuerit. Erasistrati, & Gellii incuria atque oscitatio demonstratur. Vocis εὐδία quæ sit significatio. Gellii uersio reiecta, Manardus reprehensus, & Hippocratis locus illustratus. Cap. 1.

Quæ fuerint apud antiquos Diuisiones, quibus, & quando dari consueuerint. Declarata hæc uox in Pandectis; Accursii, Bartholi, Romani, & Tiracelli error demonstratus. Cap. 2.

Inter Catamitos meritoriosq; pueros ponendum esse discrimen. Mendum, quod Vallæ libris infederat, demitur, & etymologia huius uocis Catamitus, passim recepta reiicitur, ac cur pueri concubini, Catamiti sint dicti, demonstratur. Cap. 3.

Spinthriæ unde sic dicti. Pii Bononiensis, & Sabellici sententiæ improbatæ: emendatæque hæc uox in Tranquilli, & Lampridii codicibus. Cap. 4.

Francisci Connani, & Ioannis Ferrarii non leue erratum demonstratur. Cur spadones adoptare posse Iustinianus uoluerit, castratos non itē, quodq; sit horum spadonum impedimētum explicatur, & non nulla de eunuchis afferuntur. Cap. 5.

Statuæ pophyreticæ, quæ angulo cuidam templi diui Marci affixæ uisum tur. Venetiis, quibus dicatæ fuerint, ex coniecturis non leuibus indicatum. Cap. 6.

Hians Laurentii Vallæ contextus, uerbo, quod scribarum typographorumq; culpa deerat, restituto, expletur; & clypeus, quo ille contra nonnullas calumnias tegi possit, demonstratur. Cap. 7.

Quo pacto depuretur ferrū, acriusq; ad incidendum fodiendumq; reddatur. Stomoma, quod uulgò aciarium dicitur, qua arte efficiatur. Videri chalibem non stomoma, sed ferrum, tanquam genericam uocem, significare, Latinosq; uocabulo, quo stomoma significant, carere, Hebræos non item. De multis stomomatis generibus à Daimacho enumeratis. Cap. 8.

Quid sit garum, & qui sint lacerti apud Iurisconsultum in. l. Qui penum. ff. de Penuleg. Accursius reprehensus, & eiusdem legis contextus emendatus. Cap. 9.

Quænam illa fuerit machina, qua Archimedes memorabilem Hieronis nauē in mare deduxit, & quid sit ελιξ apud Athenæum. Cap. 10.

De argenteæ urnæ, qua Aemilii Pauli Papiniani cineres continebantur, inscriptione, quam Bartholomæus Socci

# I N D E X

nus mendosam , quasi leguleis fucum facere uellet , in suis commentariis posuit . Et de honore , quo Ro. Imperatores eundem Papinianum prosequuntur . Cap. 11.

Cur Horatius , & Cicero Ianum medium uocent, declaratur , & Chiliadum auctoris sententia reiicitur . Cap. 12.

Iudices qua ratione olim , leuato uelo causas cognoscere dicerentur . Cap. 13

An antiqui , & quo tempore stapiis sint usi : Galeoti Martii error, imposturaq; demonstratur, & Tortellius defenditur . Cap. 14.

Discrepare auctores in primi diuortii , quod Romæ factum est , anno assignando . Gellii locum, non esse, ut quidam uolunt emendandum . Plutarchi , Tertullianiq; in hac re auctoritas eleuatur , & Gellii sententia comprobatur . à Caio Iuriscōsulto diuortii allata etymologia reiicitur . De Viriplacæ Deæ sacello , & magistratu , qui de repudiis ius dicebat . Quæ uerba in repudiis , diuortiiisq; solennia antiqui usurparēt . Cap. 15

Claudii Quadrigarii , Taciti , & Liuii loca , quæ pugnare uidebantur , conciliata , Ant. Iulianus reprehensus . Cap. 16

## C A P I T V M.

Io. Bapt. Pium Bonon. malè interpretari quosdam Tibulli, & Virgilii uersiculos, magnoq; errore tumulos passim apio coronari solitos, scriptum reliquisse. De uariis coronarum sepulchralium generibus. Cap. 17.

De more Pythagorico in condendis sepulchro cadaueribus seruato. Locus in Plinii naturali historia emendatur. Cap. 18.

Lactantii Firmiani locus quidam indisquisitionem uocatur, eiusq; causa agitur. De pietate in defunctos, & Cæmeteriis, quæ inopum funeribus destinabantur. Cap. 19.

Capiti non parcere, quid apud eundem Lactantium significet, & quæ sit apud obscæni carminis auctorem tertia pœna declaratur. Cap. 20.

Videri scriptores aliquot, Tragicos Poëtas imitari, dum morituros, uthonestè caderent, curauisse dicunt. De proprii corporis post mortem, etiam ubi nullus sit sensus, hominibus insito pudore atque amore. Cap. 21.



## L I B R I T E R T I I.



• VARRONIS epigramma obscurissimū, Homeri imagini ab eo appositum, quod apud Gellium deprauatè legitur, à mendo purgatur, & genuina explicatione illustratur. Cap. 1.

Observatum quibus in locis hastas recondere antiqui. Virgilii locus declaratur. Milites in armis dormientes, terræ hastas infixas, non iacentes habere consueuisse: atque eam consuetudinem non solū apud Illyrios; sed etiam apud Hebræos esse servatam. In uocis *συνρωτῆρ* explicatione discrepasse ab Eustathio Pollucem. Cap. 2.

Quæ fuerint apud antiquos fasciæ crurules, & pedules; quibusq; illi usi sint calceis. Crepidæ unde dictæ. Feminalia, tibialiaq; priscis nulla fuisse. Cap. 3.

De quibusdam, qui prima concubitus nocte, ædium lapsi perierunt, & de Dæmonum amoribus. Cap. 4.

Sanguinem, qui in occiso homine refrixit,

# C A P I T V M.

frixit, planeq; fluere desiit, si intra aliquot horas occisor accedat, è vulnerebus dimanare. Qui huius rei causas perquisiuerunt, uel rei meminerunt, auctores omnes demonstrantur; & Galeoti Martii, ac aliorum quorundam sententia exploditur. Cap. 5.

Aristotelem super Austri, qui ad nos peruenit, origine, discrepare à cæteris omnibus auctoribus; quin etiam sibi ipsi parum constare. Cap. 6.

Pellium, quibus frigora propulsari solent, quis usus, & quo tempore fuerit apud antiquos. Cap. 7.

Emaculata constitutio in tribus posterioribus Codicis Iustiniani libris. Azonis error demonstratur. Declaratur quæ sint in eadem constitutione Deliciæ, & apud Catonem regulæ deliciarum. Cap. 8.

Tertiūne Consul, an Tertiò dici oporteat. M. Varronis sententia improbata. Cap. 9.

Veteris fuisse instituti apud Romanos cremare hominum cadauera. Plinius, qui hoc negat, reprehensus.

Cap. 10.

Dissidium, quod inter Tacitum, & sacras

cras literas esse uidebatur, sublatum.

Cap. 11.

Cauisse scriptores, ne Gallos, frugum, uiniq; dulcedine captos, alpes superasse, seq; Italiæ superfudisse, affirmarent. Valerius Probus reprehenditur, & constitutio quædam Valent. & Grat. Impp. illustratur. Cap. 12.

De Urbis à Romulo ædificatæ forma. M. Varronis contextus corruptissimus emendatur, & declaratur. De pomœrio multa, in quibus complurium auctorum errores demonstrantur. Cap. 13

Quibus olim uestibus in luctu mulieres uterentur. Blondi Foroliuiensis, Vrbinais uiri non indocti, & aliorum sententia improbatur. Cap. 14.

Quæ fuerit antiquorû de aquarum ortu sententia. Aristotelem contradi-cendi studio immodico, Platonis dicta quædam luxare, atque in absurda sensa detorque. Cap. 15.

# C A P I T V M.

## L I B R I Q V A R T I.



VRIS quæ sit uera etymologia demonstratur, & quæ ab Vlpiano allata est abiicitur.

Cap. 1.

Bartholum iuris interpretum coryphæum in opusculis tribus, quæ sunt, Tyberias, de Insula, & de Alueo fluminis, falsa, & legibus rationi quæ minimè consentanea scripsisse. Flumina cur taurinis prædita uultibus, & cornuta fingerentur. Festus reprehensus. Cap. 2.

Quas res emendis uendendis quæ; pecore, & iumentis stipularentur antiqui, & quas uerborum formulas usurparêt. Varronis uerba quædam declarata.

Cap. 3.

Locus in eiusdem Varronis uerbis perplexus declaratur, atque agitur de animalibus sacrificio ineptis. Cur homines corpore uitiati à sacerdotio arceantur. Cap. 4.

Roma cur communis patria à Modestino sit appellata, alio pacto quam Alciatus

ciatus fecerit, declaratum. Romanum imperium, Orbem ex causa, quam Hegesippus attulit, nō esse dictum. Cap. 5.

Auli Gellii locus expenditur, & Alciati, Ferrarii, aliorumq; Iurisconsultorum error demonstratur. Cap. 6.

De fructibus arboris in confinio uel propè confinium natæ. Cui uerba in Pandectis, & Iustiniani in Instit. emendata. Doctissimorum quorundam uirorum sententiæ reiectæ legibus aliquot declaratis. Agrorum terminos olim fuisse uarios. Cap. 7.

De parricidio, & pœnis, quibus antiqui parricidas afficiebant. Ouidii locus declaratur, & Constantini Imp. lex illustratur. Modestini uerba quædam lectionem à nonnullis allatam non ferre. Quo uirgarum genere, & qua ratione parricidæ cæderentur. Cap. 8.

Pestilentiis, quæ urbes, regionesq; uastasse dicuntur, an & bruta absumpta esse credendum sit. Hippocratis locus, qui multis auctoribus ad uersari uidebatur, quo modo sit accipiendus. Cap. 9.

Consuetudinē, qua ingredientiē templā, lustrali aqua respergimur, etiam apud Ethnicos fuisse. Cap. 10.

Animas

# C A P I T V M.

Animas nostras corporibus egressas, deductoribus egere. Quis eas deducat. Ethnicos Mercurio id muneris tribuere. Cap. 11.

An hominum umbræ sint, quæ circa sepulchra non nunquam uisuntur. Ethnicorum Theologorumq; nostrorum hac de re sententiæ relatæ. De uocatis Dæmoniacis, & à Lycanthropia correptis, qui in sepulchris degunt, & sepulchra noctu oberrant. Cap. 12.

Musicæ in humanos animos inq; corpora ipsa uim esse maximam, ex his, quæ literis prodita sunt, quæq; in dies usu ueniunt, demonstratur. Cap. 13.

Manes, seu potius Dæmones olim etiam æris tinnitu fugari, creditum esse, huius rei cùm apud nos tû apud Ethnicos quæ ratio adduci possit. Cap. 14.

Aemylîi Probi locus in disquisitionem uocatus. Cap. 15.

Carnifices antiquis ominosos, ac magis, quàm nostra ætate inuisos fuisse. Diuum Cyprianum erga carnificem, à quo erat feriendus, munificum fuisse. Caroli V. Imp. constitutione carnifices esse inuiolabiles. Cap. 16.

Locus Aristotelis, sapientis Lyrici,  
Xeno-

Xenophontisq; testimonio restitutus,  
atque illustratus. Cap. 17.

An iurè apud Ciceronem in libro de  
amicitia, à Biante remoueat senten-  
tia de amicitia cum futuræ inimicitia su-  
spitione colenda. Cap. 16.

Ethnicorum quorundam mos obser-  
uatus, qui sepulchris iam conditos de-  
functos, funalibus accensis honorare so-  
lebant. Cap. 19.

Locus in Commentariis Iulii Cæsa-  
ris, quo ille pontis lignei in Rheno con-  
structionē describit, declaratur. Cap. 20

Apud Clementem Romanū, & Epi-  
phanium per *παλμῶν* interpretem, &  
obseruationes, quod hominum genus,  
& quæ res significantur. Cap. 21.

HIERO-





HIERONYMI

MAGII

MISCELLANEORVM,  
SEV VARIARVM  
LECTIONVM,

*LIBER PRIMVS.*

Tormenta bellica, quibus Bombardis nomen est, non quo passim traditur tempore excogitata, aut in bellicos usus ascita; auctores multi reprehensi.

CAPVT I.



MORTALIVM genus, quo nihil præstantius à rerum omnium architecto atque opifice summo in terris editum est; ad immortalium superiorumque spirituum, atque adeò ad ipsius auctoris sui (si dicere fas sit) diuinitatem proximè accedere uidetur, & meritò cælesti

A ori-

## Hieronymi Magii

origine censetur : ea enim excogitauit , quæ non humana , sed supra hominis ingenium iure esse creduntur . Nam ut multa omittā , quæ in stuporem oculos mentemq. omnium abducere possunt , equidem nunquam satis miratus sum æneorum tormentorum , quibus Bombardis est nomen , inuentionem , eorumque horrificam uim , unde urbium euerfiones , atque exercituum clades neutiquam uulgares emanarūt , indiesq. emanant . Mouent humanas mentes tonitrua , fulminaq. è nubibus extrusa perterrent , eadem arbores scindunt deiciuntq. ; turres operosaq. ædificia demoliuntur , nihilq. non obuium perfodiunt : eadem planè , tormenta bellica tonitruis suis , tremendisq. ciaculationibus præstare uidemus . Quòd si Archidamus Agesilai filius , cùm Catapultæ iaculum ( ut Plutarchus in Apoph. Laconicis retulit ) tunc primùm ex Sicilia aduectum uidisset , exclamauit , O Hercules , uiri perijt uirtus . quid superioribus sæculis , cùm tormenta hæc omnium , quæ post hominum memoriam excogitata sunt , perniciosissima , primùm conspecta fuerunt , homines dixisse arbitramur ? Profectò non modò uirorum uirtutem opesq. ; sed ualidas quasq. structuras , ualidosq. urbium arciumq. muros , deiectum abolitumq. iri , confestim exclamasse credendum est . Verùm quis

nam

nam mortale hoc fulmen primò procudere ausus sit, nullus est, qui literarum monumentis liquidò testatum reliquerit; quod optimæ ratione factum esse censent nonnulli, quandoquidem qui tot malorum, quot hodie uidemus, uiderunt superiora sæcula, omnisq; uisura est posteritas, causam præbuit, & totius quasi Orbis necem accersuit, indignus fuit, qui per hominum ora uolitaret. Quidam Salmoneum Aeoli filium quiddam Bombardis simile, quo Iouis fulmen imitaretur, adinuenisse autumant, de quo Virgilius Aeneid. lib. VI. sic cecinit.

- » Vidi & crudeles dantem Salmonea pœnas,
- » Dum flammæ Iouis, & sonitus imitatur Olympi.
- » Quatuor hic inuectus equis, & lampada quassans.
- » Per Graiûm populos, mediæq; per Elidis urbem
- » Ibat ouans, diuûmq; sibi poscebat honorem:
- » Demens qui nimbos, & non imitabile fulmen
- » Aere, & cornipedum cursu simularat equorum.

Alij, ut Franciscus Petrarcha, Robertusq; Valturius testatum reliquere, Archimedem Siracusanum, qui mathematicas cogitationes

## Hieronymi Magii

ad machinarum usum summa fœlicitate conuertit, æneum, quo de agimus, tormentum reperisse crediderunt; hoc (nisi fallor) argumento ducti, quòd Plutarchus in Marcelli uita dicat, eo tempore, quo Siracusas oppugnabat Marcellus, Archimedem machinas plures instruxisse, quæ immensæ magnitudinis saxa incredibili fragore, ac celeritate, in Romanas copias eiacularantur. Quorum sententia haudquaquam recipienda uidetur. Si enim ita res haberet, Plutarchus Liniúsq; , qui multi sunt in Archimedis miro ingenio explicando, deq; machinis ipsius non siluerunt, et nihil, quòd in obsidione Siracusarum gestum sit, prætermiserunt, longè (ut par est) maiora de machinis illis prædicassent, & tonitruï fulminisq; imitationem, ignisq; inter eiaculandum coruscationem fumidam, profectò silentio non inuoluissent. At, inquires, incredibilis Plutarchi fragoris meminisse, idq; ad rem declaranda satis uideri. Verùm ego respondendo, nec quidem satis esse ad Bombardam appingendam uideri; si instrumēta illa ab Archimede excogitata, saxa etiam fulminis more eiacularata esse, Plutarchus scriptum reliquisset: siquidem Vegetius lib. 4. cap. 22. Ballistas atque Onagros, quibus nullum termentorum genus ualidius reperiretur, maiora saxa fulminis

minis more contorquere ait, & infra cap. 29.  
 more fulminis quicquid percussissent, aut dissol-  
 uere, aut irrumperere consueuisse: quas tamen  
 machinas longè à Bombardis & forma et usu  
 abesse, nemo est qui nesciat. Adde quòd Roma-  
 ni cateroquì non oscitantes, id genus tormen-  
 ta Romam asportassent, imitatieissent, & ad  
 bellicos usus traduxissent. Tradit Athenæus  
 lib. 6. cap. 8. Romanos à Græcis machinas in-  
 strumentaq; expugnandis urbibus apta didicis-  
 se, eosq; ea in re superasse. Verùm, si dijs pla-  
 cet, Romanos Archimedis machinas despexis-  
 se dicamus: quid autem de Græcis ipsis existi-  
 mandum est? nunquid & hi Archimedis mi-  
 rum illud inuentum nihili olim fecisse uideri  
 possunt, cum apud eos tot tantiq; Mechanici  
 reperirentur? An Heron, Pappus, Athe-  
 næus, Biton, atque alij huius farinae auctores,  
 qui mechanica conscripserunt, quorum libros  
 manuscriptos legimus (nullibi enim ad hanc  
 usque diem cusi extant, quòd mechanica, præ-  
 sertim, quæ ad antiquitatem pernoscentiam spe-  
 ctant, non sine magno sæculi nostri dedecore  
 in toto Christiano Orbe, cunctasq; apud natio-  
 nes frigeant) negligentes adeò, parumq; ocu-  
 lati fuisse uidentur, ut mirum hoc instrumen-  
 tum libris suis, quemadmodum cætera anti-  
 quorum, quæq; eorum ætate in usu erant, non

## Hieronimi Magii

apposuerint? Et nedum non appositum, sed nul-  
lam ab his de eo factam mentionem uideas.  
Heron tamen uasculi cuiusdam igniuomi me-  
minit, quod etiam delineat, in usum militum,  
qui scalis admotis urbium muros conscendunt,  
ad terrendos scilicet propugnatores, quo mi-  
nus illis scandentibus, impedimento sint: il-  
ludq; appellat ἀγγείον πυροβόλον; quod tantum  
abest à Bombardæ usu atque adeò tormenti, cui  
uulgò sclopeto, archibutioq; nomen est, ut tu-  
bis igniuomis, quibus milites utuntur, si ip-  
sis infixas hastas dempseris, ansamq; prope  
calcem addideris, persimile uideri possit. Cor-  
nazzanus, qui de Re militari uernaculis car-  
minibus opus inelegantius, quàm quod à no-  
stræ ætatis hominibus legendum uideatur, o-  
lim edidit, lib. 3. cap. 2. Bombardam casu à  
Coloniensi quodam Chimiste adinuentam di-  
cit. Hic enim, ut ille inquit, nitro, cinnaba-  
ri, & allumine confectum in mortario asser-  
uabat puluerem latere contectum, qui eò fortè  
scintilla dilabente incensus, superimpositum  
laterem, ualidè supra domus tabulata expu-  
lit. Qua ille re animaduersa, cinnabaris alu-  
minisq; loco, sulphur, & contusos carbones  
addidit, igneq; iniecto, ualidiorem multò eia-  
culationem fieri cognouit: quo experimento  
edoctus, bellicam mox machinam confecerit.

Vrbinas

*Vrbinas ille ἄππιτος, qui libros de Inuentoribus rerum conscripsit, lib. 2. cap. XI. si non la bitur memoria ( ab hinc enim multos annos malè feriatuſ curiosuſq; opus non dum ueti tum perlègi, non nullaq; ex eo ſubnotauimus ) di uerſa, nulloq; pacto credibilia de puluere illo uiri Germani Chimiæ artis periti, literis pro didit. ait enim puluerem fuiſſe ſulphureum, nul lamq; nitri mentionem facit. Siquidem ſulphur dum flammam alit, flatum, quo quidquam expellat, neutiſquam emittit. Omnis uerò tormentarij pulueris uis, ex factitio nitro, quod dum exuritur, in ſpiritus reſoluitur, prodit: ſulphur uerò, & carbones, ad ignem excipiendum meliuſq; alendum adhiberi, tam apertum eſt, quàm quod apertiffimum. Res etiam experimento patère poteſt; ſi quiſ nanq; ſulphuri carbonibuſq; in pulueris faciem con tuſiſ ignem admoueat, nihil præter pinguem ac malè olentē flammā inde prodire cognoscet.*

*V E R V M quantum attinet ad tempus, quo id factum ſit, primumq; Bombardæ bello uiſæ ſint, uſuiq; fuerint, non ſatis certò con ſtat ( quæ enim de Salmoneo & Archimede fe runtur, fabulam ſubolere intelligiſ ) quòd qua ætate machina hæc inuenta ſit, literarum ſtu dia, quæ à Gotthica barbarie cladem acceperāt, iacerent. Laurentiuſ Valla lib. 2. cap. 34.*



## Hieronymi Magii

*suarum elegantiarum* , quas ille anno à Christo nato millesimo quadringentesimo trigesimo octauo scribebat , ut ipse met testatur infrà libro 3. cap. 14. non multum antè sua tempora Bombardam in usu esse cœpisse , his uerbis fidè facil , Nuper , inquit , inuenta est machina , quam Bombardam uocant , idest nō multo tempore abhinc . Iampridem Bombarda in usu est , &c. Platina in uita Urbani v 1 . huius nominis Pontificis summi , qui in pontificem lectus est anno humanæ salutis 1378 . huius Pontificis tempore , prælio , quod post captam Clodiam inter Venetos , & Genuenses factum est , Bombardam primū inuentam , & in bellicos usus conuectam , scriptum reliquit . Sic . n . ait ; Hac etiam arte Barbadigus usus est , inuenta tum primū à quodā Theutonico Bombarda , quæ fuit à sono , & tonitru sic dicta . Nulla erat Scapha Venetorum , nullus Lembus , qui non duas Bombardas , & eo amplius haberet : quibus multi Genuenses ut à re insolita , nec ad præcauendum scita opprimebantur . hæc ille . Raphaël Volaterranus lib. 30 . Commentariorum urbanorum , eadem de re in hæc uerba loquitur , Loco uerò Onagri simul & Arietis , areas machinas , quas ex sonitu Bombardas uocant , ingentis ponderis saxa igne impulsas , euomentes habemus : quæ quidem



dem machina primum à Germanis dono Venetis data, cùm ij apud Clodiam fossam Genuenses obsiderent &c. Auctor ille Vrbinas, de quo supr. i, similiter huius machinae usum primum Venetis ostensum fuisse ait eo bello, quod ad fossam Clodiam gestum est, nempe anno humanæ salutis 1380. Florentinae olim historiae uernaculus conditor, & suæ Reip. scriba lib. I. eodem anno primum conspectas fuisse Bombardas, memoriae consignauit: eademq; produnt Blondus Foroliuiensis, omnesq; auctores, quos mihi legere contigerit, qui hac de re loquuntur. Qui eo tempore primum uisas Bombardas dixere, errant, ut patet ex his, quæ Petrarcha scripta reliquit in lib. De Remedijs utriusq; fortunæ, Dialago 99. sua enim ætate non solum Ballistas aliasq; machinas usurpata demonstrat, sed & Bombardas ipsas, quarum tanquam notissimarum mentionem facit; & satis constat ex Matthæi Palmerij Chronologia aliorumq; auctorum scriptis, Petraracham anno à Christo nato 1374. obiisse. Ad de quod historia rerum gestarum Alphonsi XI. Castellæ Regis, edocet, Barbaros anno ab eisdem Christi natalibus 1343. Bombardas informes tamen (dolia nanque igniuoma appellantur) & multis antea sæculis in bello usurpasse, quod & Hispanus quidam adnotauit.

## Hieronymi Magii

Ne autem nos mendacij infimules, adeas Petri Sublanciæ Episcopi (Leonem hanc urbem appellant) libros de rebus gestis Alphonsi Regis, qui Tolentum expugnavit. Quanquam autem Barbaros illos huiusmodi bellicis tormentis usos esse, negare non est cuiquam integrum, nihilominus sæculis illis, alijs nationibus cognita fuisse, præsertim Christianis, haud quaquam uerisimile uidetur: de his enim perpetuum ad Petrarchæ usq; ætatem, si Petrum Sublacensem Episcopum exceperis; silentium cum apud alios scriptores tum apud historicos, quos alioquì huiusmodi tormentorù meminisse oportuit, uidere poteris. Quin Aegidius Colūnius Romanus, qui olim Lutetiæ Parisiorum Philippi Pulchri Gallorum Regis ætate, sacras literas publicè interpretabatur (cæpit uerò Philippus hic regnare, si Chronologijs credimus, anno ab Orbe redempto 1285.) libro 3. De Regimine Principum, Parte 3. Cap. 18. ubi de Trabucchis alijsque tormentis bellicis agit, nihil omnino de Bombardis loquitur; quæ profectò si tunc uspiam in usu fuissent, silentio ab eo non inuoluerentur. Sunt autem Trabucchi, machinæ lithobolæ (eiusdem generis ferè sunt & Briccolæ uocatæ) quibus auorum nostrorum memoria, uasti molares in hostes iaciebantur; quibus Turcharum

charum Imperatorem dum Eubæam expugnaret, usum esse, atq; his nedum saxa prægrandia sed etiam equorum integra cadauera putrescentia, intra urbem esse eiaculatum constat: quanquam & maximis ea in oppugnatione Bombardis muros quatiebat. Huiusmodi Trabucchos, seu Briccolas aliquot, se olim Alexandriæ in Aegypto conspexisse, mihi narravit uir Clarissimus Thomas Contarenus, maritimarum terrestriumq; copiarum Venetæ Reip. superioribus annis Imperator. Non.n. harum usum Bombardæ statim, atq; omnino postea excusserunt, quòd non solum propugnantibus, sed etiã oppugnâtibus nullo planè præ Bombardis ipsis sumptu usui esset: quas penè abolitas, quasi ab inferis reuocare, ualidioresq; atq; utiliores reddere, multis uarijsq; additamentis nitimur in libris de Militarib. technis, quos manuscriptos, superioribus diebus Michaëli Medinæ Hispano, summo Philosopho, & Theologo dedimus, Consaluo Ferrando Cordubæ, Suesanorum Duci Illustrissimo, nostriq; sæculi Heroi maximo, offerendos. Hic enim ob incomparabilem rei militaris scientiam, atq; in bonarum literarum studiosos non mediis fidiis uulgarem amorem, amicis in consilium adhibitis, maximè dignus esse uisus est, qui diuturnis nec infructuosis (nisi fallor) meis in bellica-

## Hieronymi Magii

*rum rerum studio laboribus potiretur . Antequàm huic capiti coronidem appingamus , illud non est ignorandum , Briccolis ex editioribus locis turribusq; ipsis saxa eiaculari consueuisse ( missilia nanque, teste Vegetio lib. 4. de Re militari cap. 29. quanto de excelsiori loco exeunt , tanto longius penetrant ) cuius rei nos admonet liber tertius Iuris municipalis Florentinorum , in quo ciues priuatim in turribus Briccolas habere , prohibentur .*

Seruii error detegitur, ac Vergilii locus libro septimo Aeneidos declaratur .

### CAP. II.

**S**ERVIVM Vergilij enarratorem, uirum fuisse doctissimum, nemo est qui nesciat; eius tamen lucubrationes, quæ ad ætatem nostram peruenerunt, insignibus scatent erroribus, quorum partem maximam audaciorum quorundã culpa, qui bonos auctores margineis additamentis polluant, partim eius incuria ut fit, atq; oscitatione, natam esse crediderim. Philippus Beroaldus, uir suæ ætatis in literarum mansuetioribus studijs maximus, iusto fermè opusculo, dum penè adhuc puer esset (ut Nicolaus Burtius in libello, cui titulum indidit, Bononia illustrata, attestatur) huius

*huius Vergiliani enarratoris errores profecutus est . Sed hunc plures Seruij lapsus , quos lector non indoctus facilè animaduertere potest , fugerunt . E quibus unus est , quem pridem inter legendum obseruavi . Virgilij libro VII. Aeneidos de Lauinia uersus est ,*

» *Iam matura uiro , iam plenis nubilis annis . Inquit ad hunc locum Seruius , Non est hìc iteratio , sed secundum ius locutus est , in quo & ex annorum ratione , & ex habitu corporis ætas probatur . Primum ergo ad habitum , secundum ad annos pertinet . hæc ille . Nunc an iura nouerit Seruius , dispiciamus . Iustinianus Institut . De nuptijs . §. 1. in hæc uerba loquitur , Iustas autem nuptias inter se ciues Romani contrahunt , qui secundum præcepta legum coëunt , masculi quidem puberes , fæminæ autem uiripotètes , etc. Et infra sub titulo , Quibus modis tutela finitur , Pubertatem autem , ueteres quidem , non solùm ex annis , sed etiam ex habitu corporis in masculis æstimari uolebant . Nostra autem maiestas dignum esse castitate nostrorum temporum existimans , bene putauit , quod in fæminis etiam antiquis impudicum esse uisum est , idest inspectionem habitudinis corporis , hoc etiam in masculos extendere . Et ideò sancta constitutione promulgata , pubertatem in masculis post decimum*  
quartum

## Hieronymi Magii

*quartum annum completum, illicò initium accipere disposuimus, antiquitatis normam in fœminis bene positam, in suo ordine relinquētes, ut post duodecimum annum completum, uiri potentes esse credantur, &c. Ex his igitur liquidò constat ueteres, ac recentiores, in fœminis, quantum ad pubertatis argumentum attinet, annos spectasse, habitum uerò corporis non item; quòd habitum curiosius quærere (ut etiam Theophilus Antecessor existimat) indecorum esse putarent: tametsi Plato Dialogo de legibus x 1. in hanc sententiam loquatur, Conuenientiam uerò (inquit) ætatis ad nuptias, & è contra, iudex nudos omnino mares, nudas quoq; ad pubem usq; fœminas conspiciens, iudicet, &c. Quod tamen ad Romanorum leges translatum fuisse, nullibi constat. Seruius uerò de Romanorum iure, ut par est, sensit: alioquì ineptus fuisset omnino, si Vergilium secundum Platonium ius loquutum esse censuisset, dum eum secundum ius loquutum esse scriberet. Non est tamen ignorandum, ad Vallem Egeriæ, ut Blondus in calce libri primi Romæ triumphantis scriptum reliquit, ad sextumdecimum ab urbe lapidem, prope oppidum Cinthianum, templum fuisse Fortunæ uirilis, ad quod uirgines uiripotentes à parentibus perductæ, conuenire solerent, quas tem*  
*pli*

pli illius sacerdos omnino nudatas, undique inspicere consueuisset, ut corporis uicia apparentia indicaret. Quæ res nihilo magis Seruio adstipulatur. Non igitur Virgilius secundum ius loquutus est, nec Romanorum iura, ex habitu corporis, fœminarum ætatem probari unquam uoluerunt. Quamobrem contra Seruij sententiam, Vergiliano uersui iterationem inesse, existimandum est; quam adfabrè æmulari, atque expressisse uidetur Ouidius libro 14. Metam. de Canète Pici uxore sic inquires,  
 » Hæc ubi nubilibus primū maturuit annis,  
 » Præposito cūctis Laurēti tradita Pico est.  
 Nec longè ab ea abest Claudianus libro 1. de Raptu Proserpinæ, sic scribens,  
 » Iam uicina toro plenis adoleuerat annis  
 » Virginitas.

Puellas hæc nobiles ac uiripotentes, Græci βαθυζώνους appellant. Pindarus Ode 3. σὺν βαθυζών διδύμοις πασι λήδας. Cuius uocis illa ratio est, quòd ante primum concubitum, zonæ uirginalis solutio fieret, de qua plura cum alijs tum uerò Antonius Iustus ciuis atq; affinis meus, optimus Iurisconsultus, honestarumq; omnium disciplinarum cultor haud in elegans, in Commētarijs suis in Lodouici Ariostii Satyram, quæ est ad Annibalem Malegucium à doctissimo illo Poëta exarata.



## Hieronymi Magii

De apum natura, ac multiplici genere,  
allata ratio, quare Iustinianus Imperator apes feras esse dixerit, cum Plinius, neq; feri neq; mansueti generis eas esse scribat. Beroaldi conciliatio partim recepta, partim uerò improbata: Pauli Iurisconsulti locus declaratus. De uariis columbarum speciebus, & cur idem Iustinianus eas feras ut apes appellauerit. CAP. III.

**A**PUM feram esse naturam Caius .l. v. ff. de Acquir. rer. dom. et Iustinianus Imperator, siue Tribonianus potius, Theophilus, & Dorotheus sub Iustiniani persona loquētes, Institutionibus de Rerū diuisione . §. Apum. manifestè affirmāt. Sed Plinius lib. 7. cap. 56. Naturalis hīstoriæ, neq; placidas, neq; feras esse apes, sed media inter placiditatem, & feritatem natura præditas dicit. Huius uerba sunt infra scripta; Damæ, inquit, mansuescunt rarò, cum feræ iure dici non possint. Complura nanq; sunt neq; placida nec fera, sed mediæ inter utrumque naturæ; ut, in uolucris hyrundines, apes in campo, in mari delphini, &c. Idem lib. 11. cap. 5. de apibus sic ait, Præterea cum sint neq; mansueti generis, neq; feri &c. & infra cap. 18. apes & rusticas



et apum plura esse genera testatur. Varro autem in feras & cicures diuidit. Aristoteles quidem in hanc sententiam loquitur lib. 5. de Hist. animal. Genera apum plura: optimum, quæ breues, uariæ, & in rotunditatem compactiles sunt. Secundum, quæ longæ, & uespis similes. Tertium, qui fur nuncupatur. grandis hic & aluo est ampliore. Quartum, fucus præcipua magnitudine &c. Et libro 9. Genera, inquit, apum plura, ut dixi: duo principum, alterum rufum, quod præstantius est, alterum nigrum, magisq; uarium, duplo amplius ape utili. Tertium genus, quod optimum. breue hoc, & in rotunditatem compactile, & uarium. At quartum longum, crabronibus simile. Præterea quod fur appellatur, nigrum hoc, aluoq; ampliore est. Quin etiam fucus, qui omnium maximus est, sed sine aculeo, & ignauus. Differunt inter se apes parentibus natæ urbanis, & quæ rustico montanoq; uictu educatis prodierint. Sunt enim hæ syluestres horridiores aspectu, & iracundiores, & minores, sed opere, ac labore præstantiores. Hæc Aristoteles. De apum generibus eadem ex Aristotele Columel. cap. 3. lib. 10. Varro uerò Rei rusticæ libro. 3. Differunt, inquit, inter se quæ feræ & cicures sunt. nunc dico feras, quæ in syluestribus lo-

## Hieronymi Magii

*cis pascitant, cicures quæ in cultis. Syluestres minores sunt magnitudine, & pilosæ, horridæ, puluerulentæ. Hæc Varro. Eandem apum sectionem approbasse uidetur Paulus Iurisconsultus cum inquit, Si apes feræ, in arbo re fundi tui, apes fecerint &c. quæ uerba leguntur in. l. Si apes. ff. de Furtis. feras nanque ad differentiam cicurum, dixisse censerî potest. Quæ res me fluctuantem diutius exagitarunt ac torserunt. Demum uolente Deo sum ad Beroaldi commentaria delatus in Apuleij librum. 8. de Asino aureo, in quibus ille perfunctoriè, qui hominis mos est, in prædictam litem delapsus, pacata omnia reddere conatur, & inquit, Ceterùm Plinius non tam Iurisconsultorum obseruationem spectans, quàm mores apium, & ciuilitatem, quæ hominum causa genitæ sunt, quarum mel, & cera usibus humanis seruiunt, scitè & eleganter dixit apes neque placidas haberi neque feras, sed intermediæ, atque meditullio placiditatis, & feritatis collocatas. Hæc Beroaldus. Verùm quis unquam tam illiteratus fuerit, ut animalium naturam ad placiditatem aut feritatem quod attinet, ex ciuilitate, atque utilitate diiudicari contendat? Quotus quisq; est, qui Plinium ea de causa apes mediæ esse interpretari placiditatem & feritatem naturæ, censuisse dicat,*

dicat, quòd hominum causa genitæ sint? nullus profectò. quandoquidem, si ad hanc regulam animalium naturas exigamus, uniuersa nec placida nec fera essent, quæ hominum causa cum rebus omnibus, ut Chrysippus inquit, idemq; Plinius in Proæmio libri. 7. item. 20. & 22. testatur, edita sunt à natura. Si ciuilitatem spectemus, uestpæ etiam, formicæ, & grues, quas animantes ciuiles Aristoteles appellat lib. I. cap. I. de Historia animalium, nec placidæ nec feræ dicendæ erunt, sed in meditullio collocatæ. Ciuiles, inquit Aristoteles, appello animantes, quæ labori communicant: idem quarum opus communi efficitur opera, munusq; idem omni est, quod non omnibus gregalibus competit. Ciuilis generis est homo, apes, uestpa, formica, grus: quarum aliæ sub duce degunt, ut grues, ut apes: aliæ nulli subditæ imperio sunt, ut formicæ, & alia innumera penè genera, &c. Præterea cùm eadem de delphinis, hyrundinibusq;, quas animantes apibus exæquat Plinius, dici non possint, nempe quòd ciuiles non sint, et cera mellesq; usibus humanis non seruiant; meritò placida feraq; simul animalia, delphini, hyrundinesq;, Beroaldi ratiane non erunt. Illud rectè habet apud Beroaldum, scilicet quòd Plinius apum mores spectauerit, eorumq; ratione nec

## Hieronymi Magii

feras nec placidas dixerit . Si quis enim earum naturam diligentius intueatur , ac perpendat , in Plinij sententiam haud ægrè pedibus ibit . nam ferae illæ dici non possunt , quando hominis conspectum non refugiunt , sed placidorum in morem animalium inter homines degunt , præsertim quæ assiduo eorum interuentu , qui aluearia curant , delinitæ fuerint : ac etiam si in agris uel sub saxis , aut in arborum cauatis uetustate truncis mellificent , loca auia non quærunt , & inaccessa , quasi nullo hominum timore percussæ , nec uisa , aut degustata ab homine mella deserunt , aut aliò transferunt , sed quasi alueis humana arte incluse , eodem loco persistunt , ac mitescunt . Columella cap. 3 . lib. 10 . Nam quanto , inquit , grandior apis , atque rotundior , tanto peior ; si uerò seuerior , maxime pessima . Sed tamen iracundia nōtæ melioris , facile delinitur assiduo interuentu eorum , qui curant aluearia . Nam cum sæpius tractantur , celerius mansuescunt , durantq̃ ; si diligenter , &c . Quamobrem rectè inquit Portius in Com. ad Glossam . 6 . § . Pauonum . sub prædicto titulo De rerum diuisione , apum naturam non adeò esse feram , quin mutari possit . Atquæ placidæ etiam iure dici non possunt , quandoquidem factò examine , aliquando abscedunt , aliòq̃ commi-

grant ,

grant, & alueis inclusæ, in sylvas interdum aufugiunt, sæuiunt in homines aculeis, eorumq; contactum refugiunt. Eadem ferè de delphinorum hyrundinumq; natura dici possunt, cum & placiditatis & feritatis argumenta præferant. Plinius igitur quantum ad apum spectat naturam, rectè loquutus est, apes in uniuersum cum Caio, & Iustiniano nunquam, alioquì dicturus feras, sed potius cum Aristotele, harum alias urbanas, alias uerò rusticas (nam cap. 18. lib. 9. apes etiam rusticas uocat) aut cum Varrone feras, & cicures. Quam diuisionem & Paulus Iurisconsultus, uti suprà diximus, approbasse uidetur, feras apes uocans, non quidem ratione iuris dispositionis, sed potius, ut de quo apum genere loqueretur, demonstraret; quasi ille sic dicat, Si apes non urbanæ mitesque iam factæ, sed agrestes, syluestresq;, & quæ hominum curam nunquam agnouerunt, in arbore fundi tui apes fecerint, &c. Atq; hanc Pauli mentem fuisse arbitror. Si enim secus sentiamus, eum Caio, Iustinianoq; aduersari dicendum esset, cum apes feræ, ad differentiam placidarum dici soleant. Verùm Caius Iustinianusq;, qui non ut Plinius atque Aristoteles naturalem historiam contexunt, sed iura explicant præscribuntq;, apes omnes in-

ter feras animantes retulerunt, quò sciri posset cuius'nam essent uel in syluis agrisq; reptæ, uel cùm ex alueis dilapsæ, in naturalem laxitatem se recipiunt, alienisq; arboribus insederint. Nam alioqui non adedò rudes erant, ut quæ Aristoteles, Varro, & Plinius scripta de apibus reliquerunt, ignorarent, aut tanquam absurda contemnerent. Qua ratione factum est ut columbarum etiam, quas partim feras partim uerò placidas esse constat, feram in uniuersum esse naturam Iustinianus. S. mox sequenti, decernat. Quòd autem columbæ & placidæ & feræ reperiantur, testis omni exceptione maior sit Aristoteles: Problemate nanque 44. sectionis 10. in animalium genere, quæcunque domestica sunt, ea etiam fera reperiiri ait, non autem è conuersò. Lege quæ idem scripta reliquit de columbis, cap. 13. libri 5. De natura animalium. Athenæus cap. 16. libri 9. Dipnosoph. Columbarum, inquit, unum est genus, & species quinque, columba, uinago, phaps, palumbes, turtur. Varro Rei rusticæ lib. 3. cap. 7. duo columbarum genera constituit, unum agreste, quod in turribus, & uillæ culminibus, à quibus sunt columbæ appellatæ, degere propter timorem, et nidificare solet: Alterum genus clementius, quod cibo domestico contentum,

gallina-



gallarum more inter homines solet uersari ;  
ridosq; passim construere . Ex his duabus stir-  
pibus miscellum fieri genus tertium , fructus  
causa . Clementiorum columbarum species præ-  
ter eas , quas Thuscia habet , Varietij pluri-  
mas peregrinas uidimus , ut quas proprias uo-  
cant , Thurcas , Monighinas , & alia . Om-  
nes autem , seu placidas , seu agrestes quæsie-  
ris , sub uno ferarum nomine in iure compre-  
hendere oportuit , quòd , quanuis in turribus ,  
peristerotrophijs , intraq; domesticos parietes  
eas habeamus , tamen sæpe aufugere soleant  
apum more , nouasq; sedes , et loca auia quæ-  
rere , unde lites poterant suboriri , quibus san-  
ctione obuiam ire necesse fuit . Quanquàm ne-  
gocium aliquatenus nobis facessit quod legitur  
infra in eodem titulo , in . § . Gallinarum . in-  
quit enim Imperator , gallinarum , anserumq;  
feram esse naturam , neutiquam censerì . nosq;  
id ex eo posse intelligere , quia aliæ sunt gal-  
linæ alijq; anseres , quos feros appellamus .

Ad quam normam si rem exigamus , uides  
admitti dissidium , columbasq; ipsas , quas do-  
mi , aut etiam in peristeronibus alimus , pro fe-  
ris non esse habendas , eo quòd aliæ sint colum-  
bæ , quas feras uocamus . Verùm dicendum  
est Iustinianum Iurisq; consultos sequutos es-  
se Varronem , qui loquens de columbis , præter

## Hieronymi Magii

prædictas, quas ob allatam rationem pro feris habere par est, nullas alias agnoscit. Nam licet inueniantur uinago, phaps, palumbes, et turtur, quæ Athenæo, atque alijs sub uno columbarum genere sunt, non tamen à Latinis auctoribus columbæ (si memoria fidei utor) appellatur; ideoq; nulla de ipsis ratio habita est. Vnde etiam dicendum est, ne nomothetas incuriæ atque oscitationis insimulare aliquis merito possit, rationem illam in prænotato. §. Gallinarum. positam, non pro solida perpetuæque ut fieri solet, quasi ea tanquam Lydio lapide aurum, ita animantium placida natura depræhendatur; sed insimul gallinarum anserumq; domesticorum placidam naturam, quæ in feram nunquam, ut omnibus in confessio est, denegerat, nomothetas illos eò impulsisse, ut ipsas feras non esse, nec pro feris unquam habendas, existimarent. Quæ ratio in columbis, apibusq; minimè uiget, cum quanuis feræ columbæ, feræq; apes, præter eas, quæ in hominum dominio sunt, reperiuntur (quod uerum esse supra grauissimorum testimonio scriptorum fuit demonstratum) tamen quæ placidæ habentur, maxima immutabiliq; placiditate, qualem quantamq; in gallinis anseribusq; quotidie spectamus, præditæ non sint. Sed hac de re satis superq;.

Multa



Multa, quæ de Gigantum proceritate, & magnitudine prodita sunt, uera esse, non solum ex grauissimorum auctororum testimoniis, sed ex his, quæ nostra ætate uisuntur, & miræ magnitudinis ossibus, quæ effossa sunt, demonstratur. Cur hodie nulli generentur Gigantes. Homerum super humanæ staturæ contractione perperam Philosophari. CAP. IIII.

**A**ETERNVM, atque increatum esse mundum, haud ignobiles Philosophi memorie prodiderunt. Quorum opinio et si quibusdam rationi consentanea uidetur, tamen quia fidei nostræ orthodoxæ aduersatur, abijcenda, prorsusq; exturbanda est. Mundus enim præter quàm quòd à sacris scriptoribus, creatus à Deo Optimo Maximo, & demum interiturus, uel nouam à depuratione faciem accepturus, citra errorem creditur; etiam ipse suam necem sensim aduentantem, uel hoc maxime argumento demonstrat, quòd homines nunc breuiiores statura educat, qui recens dum esset, & florente iuuenta, maximos & proceros protulit. Quæ de re probe et lepidè Esdras lib. 4. cap. 5. sic locutus est, Et interrogauit et dixi, Cum iam indicaris mihi uiam, loquar coram

## Hieronymi Magii

coram te ; Num mater nostra, de qua dixisti mihi, adhuc iuuenis est, iam senectuti appropinquat ? Et respondit ad me, et dixit, Interroga eam, quæ parit, & dicet tibi. Dices enim ei, Quare quos peperisti nunc, non sunt similes his, qui ante te, sed minores statura ? Et dicet tibi & ipsa, Alij sunt, qui in iuuentute uirtutis nati sunt, et alij, qui sub tempore senectutis, deficiente matrice, sunt nati. Considera ergo & tu, quoniam minori statura estis præ his, qui ante uos : & qui post uos, minori quàm uos, quasi iam senescentes creaturæ, & fortitudinem iuuentutis prætereuntes. hæc ille. Verùm cum nonnulli staturæ corporum facta esse fieriq; indies decrementa negent, & quæ de Gigantibus narrantur, commentitia esse, & aniles fabulas putent ; fuerit operæ precium hîc sub uno aspectu omnia ponere, quæ à nobis de Gigantibus sunt propterè apud scriptores obseruata. Vt autem à sacris literis sumamus exordium, Moses Genes. cap. 6. ante cataclysmum Gigantes fuisse dicit, quorum ortum ita explicat, Postquam enim, inquit, ingressi sunt filij Dei ad filias hominum, illæq; genuerunt, isti sunt potentes à sæculo uiri famosi. Quæ uerba multis errandi ansam præbuerunt, existimantibus Angelos mulieribus se miscuisse, indeq; progenitos esse

esse Gigantes. Lactantius Firmianus lib. 2. de origine erroris, ait Angelis Deum permississe ut in terra commorarentur, hac tamen lege, ne terrestribus commacularentur, alioquin fore ut cœlestia amitterent: eos uerò nihilominus paulatim à Diabolo ad mulierum congressus esse pellectos, atque ideò coinquinatos, in cœlum postea non esse receptos. Qua de re Hilarius in Explicationibus suis ad Psalmum 132. cuiusdam extitisse librum testatur; atq; ait Angelos illos, filias hominum concupiscentes, cum de cœlo descenderent, in Phœnicia maximè excelsum montem Hermon conuenisse, montisq; nomen interpretatum, Anathema esse. Scriptum Simphorianus Camperius reliquit Praxis lib. 2. cap. 7. multos affirmare, Dæmones in Succubi forma, uirili semine accepto, eodemq; sub imagine Incubi in sulcos muliebres eiaculato, Gigantes ipsos genuisse. Dæmones autē alia peragere, frequentes Theologi affirmant, quibus Diui Augustini testimonium ex libro. 15. de Ciuitate Dei deesse non uidetur. Iosephus quoq; illustris auctor lib. 1. Antiq. cap. 5. testatum reliquit, ex Dæmonum cum mulieribus concubitu procreatos fuisse Gigantes. Sed causam hanc ortus Gigantum commentitiam esse, prænotatumq; Mosis locum ægrè Gigantum historiam astruere,

aſtruere, nemo non uidet. Vt enim rectius ſen-  
 tientium interpretum conſenſus eſt, filij Dei  
 apud Moſem, pro Angelis accipi non debent:  
 & per Gigantes ibi, non proceræ monſtroſæq;  
 magnitudinis homines, ſed potius bellicoſos  
 præpotentesq; ſignificare nobis uoluiſſe, ſan-  
 ctitate atque antiquitate reuerendus auctor,  
 uidetur. Hunc locum quòd altercationes ad-  
 mittat miſſum faciamus, & ad alia indubita-  
 ta ueniamus. Capite 13. Num. explorato-  
 res à Moſe miſſi in terram Chanáan, Terra,  
 inquiunt, quam luſtrauimus, deuorat habita-  
 tores ſuos. Populus, quem aſpeximus, pro-  
 ceræ ſtaturæ eſt: ibi uidimus monſtra quædam  
 filiorum Enach de genere Nephilim [alibi, gi-  
 ganteo] quibus comparati, quaſi locuſtæ uide-  
 bamur. hæc illi. Vt autem tradunt Hebræo-  
 rum Rabbini, Enach, uel potius Anach, uir fuit  
 Gigantea proceritate præditus, à quo omnes  
 Gigantes Anachim dicuntur. à quibus non ab-  
 horrent, quæ Theodoritus habet Quæſtione  
 26. ad lib. Num. In hanc enim loquitur ſen-  
 tentiam, Quam dicit eſſe generationem E-  
 nach? Hic, ut ueriſimile eſt, propter magnitu-  
 dinem corporis, ſamatiffimus erat, & uulga-  
 tiſſimus, genere uerò patrem omnino repræſen-  
 tabat. hæc Theod. Alij uerò dicunt Gigantes  
 Enachim dictos, ab Enochia ciuitate. ſiquidem

Berosus libro citato literis prodidit, fuisse circa Lybanum urbem Enos dictam, Gigantum domicilium. Ex quo patet etiam post cataclysmum fuisse Gigantes; unde & Noha filiosq; eius, & uxores, à quibus prognati erant, Gigantes fuisse quidam autumant, quibus adstipulatur Berosus, aut quisquis ille fuit, qui libros Berosi titulo insignitos conscripsit, inquit libro primo Noha Gigantem fuisse. Gigantes fuisse apertius probatur cap. 2. Deuteronomij, sic enim ibi legitur, Dixitq; Dominus ad me, Non pugnes contra Mohabitas, nec ineas aduersus eos praelium, non enim dabo tibi quicquam de terra eorum, quia filijs Loth tradidi eam in possessionem. Emin primi fuerunt habitatores eius, populus magnus, & ualidus, & tam excelsus, ut de Enachim stirpe, quasi Gigantes crederentur, & essent similes filiorum Enachim. Et infrà, Non enim dabo tibi de terra filiorum Ammon, quia filijs Loth dedi eam in possessionem. Terra Gigantum reputata est, & in ipsa olim habitauerunt Gigantes, quos Ammonitæ uocant Zommim, populus magnus, et multus, & proceræ longitudinis, sicut Enachim, quos deleuit Dominus à facie eorum. Infrà etiam cap. 9. fit mentio Enachim. Iosue cap. 14. Da ergo mihi montem istum, quem

quem pollicitus est Dominus, te quoq; audiente, in quo Enachin sunt, & urbes magnæ atque munitæ. Et paulò post, Nomen Hebron antea uocabatur Cariatharbe: Adam maximus ibi inter Enachim situs est. Quo loco, Hieronymus in lib. De locis Hebraicis, Adami sepulchrum describi existimat: unde nonnulli magnitudinem ad corpus referunt, quibus suffragari uidetur Methodius Martyr, qui ait Adamum genuisse Seth Gigantem secundum similitudinem suam. Cuius etiam loci adminiculo Thalmudistæ in libro Camhedrim in cap. huius initij, Ebacdynema deliramentum illud, sicut alia multa, de Adami corpore protulerunt, nempe adeò procerum fuisse, ut à terra ad cælum usque pertingeret. Vt tamen Epiphanius lib. 1. contra Hæreses Tomo 3. se legisse affirmat; alijq; non pauci, nec indocti testantur, Adam non in Hebron, sed propè Hierusalem in Caluariæ loco, cui Hebraicè Gologota nomen est, tumultatus fuit. Quod si uerum sit, non solum multorum Theologorum, sed etiam Iuris nostri Pontificij auctorum interpretumq; sententia improbanda esset, qui in Decr. Causa. 13. Quæst. 2. cap. Hebron. Adami sepulchrum in Hebron fuisse censuerunt, uulgatam Bibliorum uersionem, & Hieronymi auctoritatem sequuti, nec animaduerten-



tes uocem, *Adam*, *Hebræis* et *Adamum* *Protoplastum*, & hominem significare: quibus etiam aduersantur *Hebræorum Rabbini* (si modò horum nugamenta digna uideri possunt, quæ in testimonium proferantur) qui ita uertendum esse contendunt, Nomen *Hebron* antea fuit *Kiriath Arbam*, homo maximus inter *Anachim* &c. E quibus unum memoria teneo *Rabbinum Solomonem*, qui ad hunc locum, in hanc loquitur sententiam; Hoc nomen *Arbam*, nomen est Gigantis, qui est homo magnus in Gigantibus &c. Alij *Kiriath Arbam*, pro ciuitate quatuor, accipiunt (*Arbam* enim quatuor significat) quòd in ea quatuor uiri sepulti sint, scilicet *Anach* pater, et *Achiman*, *Scisai*, & *Thalmai*, eius tres filij, quorum mentio habetur in citato cap. 13. Num. his uerbis, *Ascenderuntq; ad Meridiem*, et uenerunt in *Hebron*, ubi erant *Achiman*, et *Scisai*, et *Thalmai* filij *Enach*. ut male etiam in citato cap. *Hebron*, *Hebron* ciuitas trium uirorum esse dicatur. Sed hac de re *Theologi nostri* decernant. *Deuteronomij* cap. 3. *Og* regem *Basan*, Gigantem fuisse legitur. hæc enim ibi de eo habentur, Solus quippe *Og* rex *Basan* restiterat de stirpe Gigantum. Monstratur lectus eius ferreus, qui est in *Rabbath* filiorum *Ammon*, nouem cubitos habens

habens longitudinis, et quatuor latitudinis, ad mensuram cubiti uirilis manus. Præterea lib. 1. Regum cap. 17. literis est consignatum, fuisse spurium quendam in castris Philistinorum nomine Goliath è Geth, altitudinis sex cubitorum, & palmi. In Iudith etiam historia, Gigantum mentionem factam esse uideamus. hæc enim in ea cap. 16. leguntur, Non enim cecidit potens eorum à iuuenibus; nec filij Titan percusserunt eum, nec excelsi Gigantes opposuerunt se illi, sed Iudith &c. Diuus Augustinus lib. 15. de Ciuitate Dei, cap. 9. uastiora amplioraq; priscorum hominum corpora quàm sua essent ætate, attestatur, & inter cetera hæc quoque protulit, Vidi, inquit, ipse non solus, sed aliqui mecum in Vticensi litore, molarem hominis dentem, tam ingentem, ut si in nostrorum dentium modulos minutatim concideretur, centum nobis uideretur facere potuisse. Sed illum Gigantis alicuius fuisse crediderimus. nam præter quòd erant omnium multò maiora tunc corpora, Gigantes longè cæteris anteibant. Sicut alijs, nostrisque deinde temporibus, vari quidem, sed nunquam fermè defuerunt, qui modum aliorum plurimum excederent. &c. Idem inferius, Verùm, ut dixi, antiquorum magnitudinis corporum, inuenta plerunque



runque ossa, quoniam diuturna sunt, etiam multò posterioribus sæculis produnt. Idem in frà cap. 23. Romæ paucis ante annis quàm ea urbs à Gotthis uastaretur, fuisse sæminam dicit, corpore quodam modo Giganteo, quæ non ex maximis orta esset parentibus, ad quam uisendam mirabiles fierent mortalium conuentus. Quod pertinet ad molarem illum hominis dentem, formæ similitudine deceptum esse Augustinum crediderim, (non enim centuplo corporibus nostris maiora Gigantum fuisse corpora, quod ex dente illo argui uides, est existimandum) molaremque illum Elephantum, aut marinæ beluæ fuisse. Nicephorus lib. 12. Historiæ Ecclesiasticæ cap. 37. scriptum reliquit, natum Theodosio imperâte, hominem quædã in Syria, forma Gigantea, proceritate cubitorum quinque, & unius prætereà palmi, Antonium nuncupatum; alterum uerò in Aegypto hominem adeò paruum, ut perdici similis uideretur. Sua quoque ætate se hominem uidisse Syro antedicto persimilem, quem breuis admodum staturæ mulier peperisset.

SED iam ad Ethnicos scriptores ueniamus. Herodotus lib. I. auctor est, sub terra inuentum fuisse Orestis cadauer, longitudinis cubitorum septem. Plinius quoque naturalis hi

C storia

## Hieronymi Magii

*storiæ lib. 7. cap. 16. posteritati prodidit, in Creta, terræ motu abrupto monte, inuentum fuisse corpus hominis stans 46. cubitorum, quod alij Orionis, alij uerò Etionis fuisse traderunt. Etionis loco, quidam legunt, Oti. Idem testatum reliquit, sua ætate sub Imperatore Claudio, aduectum fuisse ex Arabia hominem nouem pedum longitudinis, nouemq; insuper unciarum, idest brachiorum quatuor, &  $\frac{7}{8}$ . Ad hæc corpora quædam in Sallustianis hortis, non fuisse maiora brachijs quinque, &  $\frac{1}{8}$ . quæ eisdem planè uerbis Solinus cap. 5. retulit. Philostratus lib. 5. hæc Apollonij Thianæi uerba retulit, quæ ad astruendam de Gigantibus fidem, non parùm conducere uidentur, Ego, inquit, Gigantes fuisse dico, multisq; locis, diruptis tumulis, eiusmodi corpora ostendi: non tamen, ut fertur, cum Dijs pugnassee credo, sed forsân Deorum ædes, ac templa uiolasse &c. Non ab similia affert idem Solinus cap. 14. loquens de Phlegra his uerbis, Illhic siquando, ut accidit, nimbis torrentes excitantur, & aucta aquarum pondera ruptis obicibus, ualentius se in campos ruunt, eluione ossa etiamnum feruntur detegi, quæ ad instar sunt corporis humani, sed modo grandiori, quæ ob enormem magnitudinem, monstruosi exercitus iactant extitisse, &c.*

Pausa-

Pausanias quoque, uasta fuisse antiquorum corpora demonstrat, licet à fabulis, et mendacijs parùm distare quæ scribit, mihi uideantur. eam enim tali ex Aiakis cadauere, fuisse magnitudinè refert, ut si quis secundum symmetriam, & naturalem partium humani corporis inter se competentiam ratiocinetur, incredibili proceritate corporis præditum fuisse Aiacem cum uitam inter homines uiueret, necessariò colligat. Sed Pausaniam Calderini opera Latine loquentem audias, De illius corporis magnitudine ( inquit Pausanias ) Myusus quidam ita mihi referebat. aiebat enim mare ad eam tumuli partem, quæ litus respicit, inundasse, aditumq; admonumentum parasse non difficilem; cadaueris quoque magnitudinem uel ex hoc me aduertere iubebat, quòd ipse pedis illius talo pro disco uteretur, ac præcipuè genuum ossibus, quæ medici molas uocant, &c. Idem inferius refert in Asterij insula, ante Milesiorum urbem sita, cadauer Asterij iacuisse ( fuisse uerò hunc Anaëtis, qui ex terra natus sit, filium existimatum ) quod nihilo decem cubitis breuius esset. Hic uerò Anac fortasse ille est, cuius in sacris literis, ut suprà uidimus, mentio habetur. Multa enim Græci ex Hebræorum fontibus hauserunt, suasq; ad fabulas detorserunt. Gellius lib. 3.

Noctium Atticarum cap. 10. Varronis ex Hebdomadibus sententiam sequutus, an ultra septem pedes humana excrescere possint corpora, ambigere uidetur. Sic enim loquitur, Præter hæc modum esse dicit summum adole scendi humani corporis, septem pedes: quod esse magis uerum arbitramur; quàm quod Herodotus homo fabulator, in primo historia- rum, inuentum esse sub terra scripsit Orestis corpus, cubita longitudinis habens septem, quæ faciunt pedes duodecim, & quadrantem. nisi si ( ut Homerus arbitratus est ) uastiora, proluxioraq; fuerint corpora hominum anti- quorum, & nunc, quasi iam mundo senescen- te, rerum atque hominum decrementa sunt. Hæc Gellius. Plutarchus in Theseo, ipsius Thesei corpus magnum fuisse demonstrat, lo- quens in hanc sententiam, Locum effodit, quo factò apparuit magni corporis sepulchrum, & iuxta pilum, atque ensis. Loquitur autem de eius sepulchro. Sed nec minus uetusta de- sunt effossorum ingentium cadauerum exem- pla. literarum nanque monimentis proditum est, Clementis pontificis Maximi, & Henri- ci IIII. ætate, anno humanæ salutis M D. Ro- mæ adinuentum fuisse Pallantis corpus, tan- tæ proceritatis, ut murorum urbis pinnas ere- ctum, uertice pertingere posset. Galeoti Mar-  
tij

tij ex cap. 36. de doctrina promiscua, uerba retulisse sit satis, Nam Gigantes (inquit) fuisse, sacra narrat historia, & Romæ tempore Henrici III. inuentum est cadauer Pallantis, quem Turnus occidit, tantæ magnitudinis, ut longitudine sui, Romanos muros æquaret, etc. Nec uerò, si huius magnitudinis cadauer effossum credamus, Pallantis id fuisse minùs fuerit existimandum, quòd Virgilius libro Æneidos x. eius corpus exustum fuisse arguat, » *Arsurasq; comas obnubit amictu.*

cùm satis constare possit, illud de Pallantis con-  
 crematione κατὰ πρόληψιν moris fuisse à Poë-  
 ta prolatum. Præterea Ioannes Boccacius  
 lib. 4. Geneal. ut Gigantes fuisse, creditu faci-  
 le sit, hanc de Gigantis maximi cadauere nar-  
 rat historiam, mihi quidem fabulosam. Inquit  
 enim sua ætate, rusticos quosdam in Sicilia non  
 procul à Drepano fodientes, maximum adinue-  
 nisse antrum, in quo sedens esset Gigantis ca-  
 dauer, quod leua contum cuiusuis nauis malo  
 maiorem teneret. Quo in cineres, ut uetustissi-  
 mis cadaueribus usu uenit, statim soluto, plū-  
 bum, quod conto inerat, plusquàm mille, &  
 quingentas libras excessisse; dentes libras no-  
 uenas, cranei uerò partem multa frumenti mo-  
 dia excepisse. Aitq; Boccacius idem, facta  
 supputatione, Gigantis illius proceritatem ul-

## Hieronymi Magii

tra ducentos cubitos processisse, unde Polyphemum fuisse creditum sit. Melchior Guilandinus Borussus, amicus meus, uir præter omnium disciplinarum absolutam cognitionem, in plantarum fossiliumq; omnium, cæterorumq;, quæ ad rem medicam pertinent doctrina, primi nostræ ætate nominis, superioribus diebus, cum uarijs de rebus mecum cõmentaretur, è re nata, facta Gigantum menciónem, mihi narrauit, se, cum anno à Christo nato 1559. in Aphricam captiuus esset perductus, Iuliæ Cæsare caluariâ Gigantis miræ magnitudinis uidisse, quam Hispani duo identidem captiui, dum aratro terram proscinderent, exarassent, & ad Regem Assanum Hariadeni Aenobarbi filium miraculi, & adipiscendæ libertatis ergò, magno mortalium cõcursu conueherent: quos tamen spes fefellit, cum Rex Barbarus, & qui omnino ἀνοῦτος nulla re minus quàm antiquitatis studio, atque admiratione afficeretur, pro libertate quinos ipsis Venetos aureos persolui iusserit. Huius autem caluariæ ambitum spithamarum fuisse undecim, idem retulit, seq; ab Hispanis illis, cum mox diligentius de re percuntaretur, audiuisse, eodem loco, quo caluaria illa reperta esset, reliqua etiam cadaueris ossa miræ, ut symmetriæ ratio exposcebat, magnitudinis supersuisse. Alexander



der Centellius Romanus, Abbas multa probitate insignis, mihi postea cum Ioanneandrea Anguillario Poëta percelebri eadem de re loquenti, narrauit, se in Calabria, in agro Rhegino, cum iuxta templum, cuius ille Antistes est, altius terram effodi cisternæ cōstruendæ gratia, ruderaq; multa egeri curaret, cadauer uetustissimum non uulgaris magnitudinis inuenisse, longitudinis nimirum brachiorum quinquæ, cuius ossa uetustatis iniuria, nimioq; humore delibuta, faciliè confraëta sint. superesse tamen etiam num pedum ossa cum dentibus aliquot, quæ ut testis possim esse oculatus, se ad me perferenda curaturum, sanctè recepit. Americus Vespucius Florentinus, uir magno cū animo tū ingenio præditus, qui incognitas Orbis partes, maris pericula haudquam reformidans perlustrauit, Gigantum insulam (sic nanque hodie nuncupatur) inuenit, in qua, ut alij etiam, qui ad eam appulerunt, attestati sunt, quanquam procera magnitudinis homines sint, nullus tamen brachiorum quinque longitudinem implere conspicitur. Cū Carolus huius nominis quintus Imperator, Bononiam imperij diadema à summo Pontifice accepturus, aduenisset, seruum habuit à pedibus, uisendæ magnitudinis, qui tamen proceritatem brachiorum quatuor non




excedebat : cuius nos sepulchrum modumq; in eadem urbe in quodam sacello superioribus annis spectauimus. Venetijs in Cruciferorum Ecclesia asservatur os femoris Diui Christophori, licet parte ex altera comminutum, tantæ magnitudinis, ut eorum, quæ de uiri huius proceritate legimus, fides, uisu astrui possit. Nostra etiam ætate Paulum III. Pont. Max. ossa quædam humana mostrosæ magnitudinis habuisse, non obscuræ fidei Aulici mihi narra-  
runt. Causam, cur nostra ætate gigantes non generentur, Mundi esse senectam, ut suprâ dicebamus, manifestum est. Plinius quoque lib. 7. cap. 16. hoc exustioni ascribit. sic enim ait de hominis proceritate loquens, In plenum autem cuncto mortalium generi minorem in dies fieri, propemodum obseruatur; rarosq; patribus proceriores, consumente ubertatem seminum exustione, in cuius uices nunc uergat æuum. Quam rem & Vergilium animaduertisse crediderim, dum & frugum semina degenerare, minoraq; in dies fieri dixit, sic enim cecinit Georgicorum libro 1.

- » Vidi lecta diu, & multo spectata labore
- » Degenerare tamen, ni uis humana quot-  
annis
- » Maxima quæq; manu legeret. sic omnia  
fatis

» In peius ruere, ac retro sublassa referri.  
Quamquam Aristoteles lib. i. Meteor. terram  
locis duntaxat quibusdam, non autem uniuersam,  
nec eodem tempore, senescere, & rursus  
iuuentutem adipisci scribit. cuius iuuentus se-  
nectusq; , animalium plantarumq; iuuentuti,  
& senectuti minimè sit comparanda. Quem  
sequutus auctor libri De Mundo ad Alexan-  
dram, siue Theophrastus, siue alius eius secu-  
li Philosophus fuerit (Aristotelis certè opus  
non esse, liquidò constat) ait terram, naturam  
nihil uetustescentem aequè custodire, licet ter-  
ra motionibus concutiat, profluue obrua-  
tur, & per partes exuratur. Mundi igitur  
uel uniuersi, uel huius inferioris senectus, ad-  
uentansq; exustio, ex qua siccitas inuehitur,  
feminumq; ubertas, atq; innata uis calorq; in-  
sumitur, decrementi causam afferunt. Quæ res  
Empedoclem impulit, ut sui æui homines, præ  
illis primis, instar obtinere infantium, ut Plu-  
tarchus lib. 5. cap. 27. De Placitis Philoso-  
phorum scriptum reliquit, affirmare non sit ue-  
ritus. Homerus quoque, quem Iustinianus  
noster in Pandectarum Proœmio, omnis uir-  
tutis parentem appellat, humana in dies de-  
crescere corpora, Iliad. lib. 5. ubi de Aenea &  
Diomede uulnerato loquitur, & libro 12. ubi  
de Aiace, itemq; Hectore, haud obscure de-

mon-



# Hieronymi Magii

*monstrat ; sic enim inquit, ut unum duntaxat locum adducamus .*

ἔκτων δ' ἀρπάξας λαῶν φέρεν, ὅς ῥα πυλάων  
εἰσήκει πόρῳθεν πυρμνὸς παχύς. αὐτὰρ ὕ-  
περθε

ὁξὺς ἔην. τὸν δ' οὐκε δ' ὕ ἀνέρε δῆμου ἀρίσω,

ῥηϊδίως ἐπ' ἄμαξαν ἀπ' οὐδεὸς ὀχλίσειαν

οἷοι νῦν βροτοὶ εἰσί. &c.

*Idest . Hector autem rapiens lapidem porta-  
bat, qui portas*

*Stetit ante, deorsum crassus, sed superne*

*Acutus erat . hunc neque duo viri ex popu-  
lo optimi*

*Facile ad plaustrum à terra prouoluerent,*

*Quales nunc homines sunt .*

*Quæ Homeri loca Plinius, Gellius, ipseq; Iu-  
uenalis obseruarunt, sic nanque hic loquitur  
Satyra 15 .*

*Nam genus hoc uiuo tunc decrescebat Ho-  
mero,*

*Terra malos homines, nunc educat atque  
pusillos .*

*Homerum æmulatus Vergilius, sic inquit li-  
bro Æneidos 12. de Turno loquens ,*

*Saxum antiquum ingens, campo qui fortè  
iacebat*

*Limes agro positus, litem ut discerneres  
aruis :*

*Vix*

» *Vix illum lecti bis sex ceruice subirent,*  
 » *Qualia nunc hominum producit corpora*  
*tellus.*

» *Ille manuraptum ualida torquebat in ho-*  
*stem.*

*Fuitq; tanta Virgilij auctoritas, ut Augusti-*  
*nus libro 15. de Ciuitate Dei cap. 9. ad astruen-*  
*dam de priscorum hominum statura fidem,*  
*hos uersus adnotarit. Idem Vergilius Geor-*  
*gicorum libro 1. quod ad rem attinet sic ce-*  
*cinit,*

» *Ergo inter sese paribus concurrere telis*

» *Romanas acies iterum uidere Philippi.*

» *Nec fuit indignum superis, bis sanguine*  
*nostro*

» *Aemathiam, & lätos Aemi pinguescere*  
*campos.*

» *Scilicet & tempus ueniet cum finibus illis*

» *Agricola incuruo terram molitus aratro,*

» *Exesa inueniet scabra rubigine pila,*

» *Aut grauibus rastris galeas pulsabit in-*  
*anes,*

» *Grandiaque effossis mirabitur ossa sepul-*  
*chris.*

*Lucretius ante Virgilium eandem rem his est*  
*uersibus profecutus libro 2.*

» *Sic igitur magni quoque circum mœnia*  
*mundi*

## Hieronymi Magii

- » *Expugnata dabunt labem putresq; ruinas*
- » *Omnia ; debet enim cibus integrare nu-*  
*uando,*
- » *Et fulcire cibus, ac omnia sustentare :*
- » *Nequicquam quoniam nec uenæ perpe-*  
*tiuntur*
- » *Quod satis est, neque quantum opus est na-*  
*tura ministrat :*
- » *Iamq; adeò effœta est ætas, effœtaque tel-*  
*lus,*
- » *Vix animalia parua creat, quæ cuncta*  
*creauit*
- » *Sæcla, deditq; ferarum ingentia corpora*  
*partu.*

*Verùm quod spectat ad Homerum, dicendum uidetur, eum aut malè esse Philosophatum ; dum à Troiano bello ad suam ætatem luculentum decrementum hominis staturam passum esse demonstrat ( & si non me latet, eum hyperbole, quæ Vergiliàna etiam minor sit, usum fuisse ) aut numerosis propè sæculis ætate à Troiano bello abfuisse. Quod si uerum sit quotquot de Homeri ætate loquuntur scriptores, prorsus errarent ; siquidem non multos admodum annos inter Troianum bellum, & Homeri tempora enumerant. Herodotus centum septuaginta octo annos post Ilij expugnationem natum esse Homerum, memoriæ consignauit*

gnauit, τῶν δὲ, inquit, τρωϊκῶν ὕστερον γέγονεν  
 ἑμπος ἑτέσιν ἑκατον ἐξήκοντα ὀκτώ. Cassius, ut  
 Gellius refert lib. 17. Noctium Atticarum,  
 cap. 21. memoria in Annalibus mandavit,  
 Homerum uixisse post Troianum bellum an-  
 nis centum, & quadraginta. Cornelius uerò  
 Nepos, eodem Gellio ibidem referente, di-  
 cit, ante Romam conditam annis circiter cen-  
 tum & sexaginta. Solinus cap. 53. humanis  
 rebus excessisse post Ilium captū anno 272.  
 Archilocus uerò in libello de Temporibus,  
 Homerum Meonium (multi siquidem fue-  
 runt Homeri) à Troiano excidio anno 500.  
 floruisse dicit.

PLUTARCHVS, qui omnium senten-  
 tias diligenter est perscrutatus, in eiusdem  
 Homeri uita, quosdam dixisse ait, natum  
 fuisse Homerum Troiani belli tempore, eius-  
 demq; spectatorem fuisse: Alios uerò, cen-  
 tum annis post, alios centum quadraginta.  
 Quosdam non integros octoginta annos inter  
 Troiani belli tempora, & Homeri genesim  
 enumerasse, plures uerò in hanc conuenire  
 sententiam, annis centum post bellum Troia-  
 num, esse natum. Sed omnes falsa prodidisse  
 dicere, temerarij hominis, rerumq; omnium  
 prorsus ignari fuerit. Vnde reliquum est, ma-  
 le philosophari Homerum, qui centum anno-

## Hieronymi Magii

*rum aut paulò maiore curriculo, hominũ pro-  
ceritatis decessionem minimè obscurã factam  
existimauit. Equidem cùm adhuc scholasticus  
essem miroq; antiquitatum studio tenerer, mul-  
ta antiquorum sepulchrorum solia cum Pisis,  
tum in alijs Italiæ urbibus obseruaui, sumq;  
permensus, quæ tamen parum aut nihil, & si  
ante mille aut eo amplius annos facta erant,  
longitudine à nostri sæculi solijs arculisq; se-  
pulchralibus aberant. Superioribus annis ui-  
di ego Pisauri unà cum Ioanne Ricciardesco  
Iurisconsulto integerrimo, ac ciue meo, tunc  
urbis illius Prætore, in præclarissimo Vr-  
binatum Ducis armamentario æreas galeas,  
in agris Metauro adiacentibus, ubi Asdru-  
bal cum exercitu cladem accepit, effossas, quæ  
ab ijs, quas modò milites nostri gestare solent,  
ad magnitudinem quod attinet, non discrepa-  
bant. Et nihilominus, uti omnes certò sciunt,  
tempus illud, quo prosperè à Romanis ad Me-  
taurum cum Asdrubale pugnatum est, ab æ-  
tate nostra longo sæculorum agmine dissitum  
esse constat. Quo fit ut dicere par sit, innume-  
rabilia propè sæcula, non breuia annorum in-  
terualla, in humanis corporibus luculenta, uel  
saltem sensilia decrementa parere. Si quis er-  
go humanæ staturæ seram, obscuramq; con-  
tractionem diligentius spectet, haud profectò  
rationi*



*rationi consentaneum esse dixerit, in tam breui temporis spacio, humanæ proceritati, sensibile quicquam, exustionis uel temporis iniuria potuisse decedere.*

Hippocratis loca duo pugnantia, conciliantur, & cur in miram proceritatem amplitudinemq; corpora excrecant, declaratur.

CAP. V.

**S**UPERIORA me admonent, ut hîc quædâ, de causa incrementi corporum asseram. Aui cenna Tractatu 2. partis prioris Canticorum, Causæ, inquit, magnitudinis membrorum sunt, fortitudo, & potentia formatiua, & etiam nutriens. Aristoteles etiam incrementû corporum à forma fieri non à materia, contra Empedoclem probat: quod & eruditissimus Varchius meus aliquando adnotauit. Crescere nanque perfectio est, & perfectiones in composito, à forma sunt, imperfectiones uerò à materia. Idem lib. 3. de Part. anim. cap. 6. calorem esse ait, qui augendi uim obtineat. Medicorum princeps Hippocrates in libro de Aëre, aquis, & locis, incrementum à temporum anni temperata mistura, aërisq; clementia proficisci ait; in hanc enim loquitur sententiam. Longè enim pulchriora, & maiora

## Hieronymi Magii

*ra omnia nascuntur in Asia, estq; regio ipsa hac nostra multò mansuetior: sunt mores hominum benigniores, & cultiores. Causa uerò horum est, temporum anni temperata mixtura, siquidem in medio solis ex ortu sita est ad Auroram, à frigiditate ac caliditate omni remotior. Incrementum autem & benignitatem inde proficisci, omnibus in confesso est, cum nihil sit præcellens & cogens uiolenter, sed per omnia æqualitas uigeat &c. Infra uerò in Asia homines esse ait magnitudinis eximie, quibus tamen uirilitas, audacia laborisq; tolerantia non insint, huiusq; rei causam præbere tempora ipsa anni, quæ non magnas mutationes faciant neque caloris neque frigoris, sed semper æqualia permaneant, cum regio proximè accedat ad temperaturam optimæ constitutionis. Infra uerò sibi ipsi aduersari uidetur, sic inquit, Quicumque regionem montanam asperam, nudam, & non aquosam incolunt, his mutationes temporum contingunt magnæ, & diuersæ, unde & hominum formas magnas progigni conuenit, qui et ad laborem, & ad uiriliter agendum à natura præstent, quibusq; feritas & immanitas non mediocriter à natura sint congenitæ. Hæc ille. Vides ubi mutationes magnæ, & diuersæ sint, corpora gigni magna, cum contrà idem Hippo-*  
*crates*

crates *suprà*, temporum anni temperatam mi-  
 sturam, & æqualitatem, cum non magnæ mu-  
 tationes fiant, incremento corporum causam  
 suppeditare, manifestè dicat. Quin tantum ab-  
 est ut mutationes temporum ad hominum pro-  
 ceritatem conducere uideantur, ut morbos po-  
 tius, eodem Hippocrate attestante *Aphorif-  
 morum part. 3. Aphorismo 1. & in lib. de  
 Humoribus*, pariant. mutatio nanque, ut *Ga-  
 lenus ait in lib. Artis med. naturæ est inimi-  
 ca*. Existimaui aliquando Hippocratem cum  
 de montanis hominibus loqueretur, magnitu-  
 dinem accipere quantum spectat ad latitudi-  
 nem, & profunditatem, non quantum ad pro-  
 ceritatem (& horum etiam ratione magnitu-  
 dinem dici, fidem facit *Galenus in explicatio-  
 nibus suis in Aphorismum 54. particule 2.*)  
 cum illud subdat, scilicet homines illos alpi-  
 nos ad laborem, & uiriliter agendum à natu-  
 ra præstare. nouimus enim huiusmodi corpo-  
 ra, non solum in hominibus, sed etiam in iu-  
 galibus, maiore prædita esse robore, neruo-  
 siusq; in labores conari; cum contra procera,  
 cito flaccescant, ac labore conficiantur, suaq;  
 mole etiam feriata planè corruant. Verùm  
 postea animaduertens Gallos Germanosque,  
 qui huiusmodi regiones incolunt, proceris &  
 ad laborem ferendum uiriliterque agendum

## Hieronymi Magii

aptissimis præditos esse corporibus, hanc abie-  
ei sententiam, censuique non unam esse altius  
excrescendi causam, ideoq; pignantiam Hip-  
pocratis uerbis inesse nullam. Alpinorum ue-  
rò hominum corpora, immodica esse proceri-  
tate, frigoris mutationisq; et humoris ratione.  
Etenim haud obscurum est propter ἀντιπερί-  
στασιν frigoris, ad augeri corporis calorem, un-  
de uentres hyeme natura sunt calidissimi, fa-  
meq; eo tempore maxime urgemur. Calorem  
uerò in huiusmodi locorum incolis, propter mu-  
tationes augeri, idem Hippocrates in eodem  
libro testatur. Mutationes uerò morbos ipsis  
non conciliant tum propter robur duritiemq;  
corporum, tum propter assuetudinem. Vitru-  
uius lib. 6. cap. 1. Septentrionibus subie-  
ctos, sanguine abundare ait. Alexander A-  
phrod. Probl. 2. libri 2. Scythis calorem in-  
teriora tenere, partibusq; insidere principibus  
testatur. Cum ergo calor ad interiora pro-  
pter frigoris contraobsistentiam se colligat,  
roboreturq;, ac adaugeatur; calorq;, Ari-  
stotele libro 3. de Part. anim. cap. 6. attestan-  
te, augendi uim obtineat, meritò ad proceri-  
tatem editiora illa loca, de quibus Hippocra-  
tes loquitur, conducere uidentur, quòd pro-  
pius ad mediam aëris regionem frigidissimam  
accedentia, uentisq; afflata, frigida sint. Ad-

hæc

hæc sperma ipsum eadem ratione & spirituosius, & calidius harum regionum hominibus inest. Cum autem, ut Physicorum omnium consensus est, spermatis calor spiritusq; , fundendi ampliandiq; vim obtineat, meritò à primis fœtus rudimentis embryoni insitus, fundendo, alimoniam attrahendo, digerendoq; , plurimum ad magnitudinem adipiscendam conducet. Aristoteles Problemate 8. sectionis 14. nobis maxime adstipulatur dum in hanc loquitur sententiam, Fit igitur ut qui loca inhabitant calida, refrigerentur, qui frigida concalescant. Vtrobique tamen corpora magna adolescunt, eo quòd, qui frigida colunt, insito calore abundant, qui calida, calore loci refoventur: quippe cum in calidis & à calore incrementum sequatur, frigus autem vim astringendi constipandiq; habeat. Cum igitur alteri principium intra se uehemens augendi obtineant, alteri nullo extremo frigore impediatur, meritò utriq; augeri possunt plenius, &c. Quem partim sequutus Plinius lib. 2. Nat. hist. cap. 78. in Aethiopia propter ignium nimium, in aduersa uerò glaciali mûdi plaga propter humoris alimentum, corpora esse procerata testatur. Ac profectò humorem, incrementi maximi non solum in animalibus, sed etiam in plantis causam præbere, in confesso

est. Vnde altissimorum montium arbores, quarum humor à Sole non exhauritur, quarumq; insitus calor ex dicta iam causa roboratur, in miram assurgunt proceritatem. Vitruuius lib. 2. cap. 10. scriptum reliquit, quod & nos sæpe uidimus, arbores in ea Appennini parte, quæ Septentrionem spectat, ex humore nimio, Solisq; defectu, crassiores fieri: & infra lib. 6. cap. 1. refrigeratas regiones, quod absint à Meridie, ipsisq; humor non exhauriatur à caloribus, quin eo affluant, homines alere ait corporibus præditos amplioribus, ideoq; sub Septentrionibus gentes esse immanibus corporibus. Plinius uerò lib. 7. cap. 2. Maxima, inquit, in India gignuntur animalia. Indicio sunt canes grandiores cæteris. Arbores quidem tantæ proceritatis traduntur, ut sagittis superari nequeant. Hæc facit ubertas soli, temperies cæli, aquarum abundantia. Hæc ille. Humorem autem proceritati causam præbere, ipse met Hippocrates in eodem libro affirmat dum in hanc loquitur sententiam, At qui cum multus aër ab aquis regionem occupet, ob hanc ipsam causam, quod ad formam ac corporum speciem attinet, Phasiani sunt à reliquis hominibus longè diuersi: sunt enim magnitudine ingenti. Et hoc quia utuntur aëre maximè humectato, & quod apud ipsos anni tempo-



tempora non uarias habent neque ad æstum, neque ad frigus permutationes &c. Ex qua ratione fit ut longè maiora animalia in mari, quàm in terris uisuntur, quòd Aristoteles Problemate 54. sect. 10. obseruauit. Plinius quoq; lib. 9. cap. 2. magnitudinis immensum maris beluarum, causam euidentem esse ait, humoris luxuriam. Terra, Plinio eodem auctore, nullum animal Elephanto maius habet. Elephas uerò, teste Aristotele, quadruplo maior est boue. At quantò maiora Oceanus alit monstra? Horum nonnulla ad eam excrescunt magnitudinem, ut nisi ossa templorū parietibus miraculi gratia, affixa conspiceremus, quæ de ipsis narrantur, fide prorsus indigna uideantur. Vnde non immeritò, monstrosa Neptuno tribuit antiquitas; & Orion Neptuni de stirpe, Gigas fuisse fertur: quod & Martius De Doctrina promiscua cap. 36. obseruauit. Latiorē locum præterea, amplumq; alimentum, non modicum facere ad magnitudinem corporis, affirmat Aristoteles Problemate 14. sectionis 10. Quamobrem alio ampliore præditæ mulieres quamquam humiles, fœtus edunt maximos procerosque. Huius etiam rei parentum proceritas, non modica habet momenta, magnos enim fœtus, à magnis prodire parentibus conspiciamus. Numerosæ



igitur, adipiscendæ proceritatis sunt causæ ; hæ nimirum, ut ex suprâ relatis est manifestum, Fortitudo et potestas formativæ virtutis, seu calor spiritusq; , qui in spermate continetur amplissimus ; amplissima alimonia : temporum anni temperata mixtura , aërisque clementia , fortes aëris mutationes : frigus : aëris calor, igniumque nixus : humoris luxuries non solum in aëre, sed etiam in alimentis : alui amplitudo : Harum causarum si multæ coierint, gignuntur Gigantes, non quidem eius magnitudinis, cuius, recens creato mundo, gignebantur, sed miræ proceritatis homines, quales nostra ætas vidit ; habereq; dicitur Gigantum vocata insula , ab Americo Vesputio primum lustrata. Verum antequam caput hoc reprimò, illud etiam afferre libet, quod Aristoteles in lib. De Generatione animalium scriptum reliquit, scilicet perficiendi cuiusq; animalis certam esse magnitudinem tum ad maius tum ad minus, quem terminum non supergrediuntur, ut vel maiora vel minora evadant ( Seneca in Quæstionibus naturalibus, crescendo legem appellat ) atq; ut idem lib. 2. de Anima literis prodidit, omnes res naturales habere tam in qualitate, quam in quantitate quandam terminum, quandamq; præstitutam mensuram tam in parvo quam in multo, ultra quem

quæ eas aliter inueniri sit ἀδύνατον. Si ergo non  
 fra ætate aliqua corpora communem excedēt  
 magnitudinem, atq; exilitatem, id non in im-  
 mensum neque ad minimam paruitatem fiet.  
 Neque etiam hîc illud silentio inuoluendum  
 esse uidetur, fieri aliquando in iumentis mon-  
 strosas magnitudines. Eam ob rem legere est  
 apud Lium libro primo Dec. 1. bouem olim  
 in Sabinis cuidam patri familiæ miranda ma-  
 gnitudine ac specie esse natam, cui monumen-  
 tum miraculo, fuerint Romæ in uestibulo tem-  
 pli Dianæ fixa per multas ætates cornua.

Naues Onerarias remis etiam agi olim  
 consueuisse. Lazarus Baysius repre-  
 hensus.

CAP. VI.

Lazarus Baysius, uir non contem-  
 nendæ eruditionis, quin de literis beneme-  
 ritus, in libro de Renauali sic inquit, de lon-  
 gis abundè diximus, de Onerarijs, paucis disse-  
 rendum. Quæ Onerariæ dictæ, quod essent o-  
 neri ferèdo idoneæ, et ea ratione φορτηγῶι dicun-  
 tur à Græcis. Polybius in primo ἔχων ἑκατὸν  
 εἰκοσι σκάφη καὶ τὰ ἀγορὰν σχεδὸν ἐν ὀκτακοσίαις  
 ναυσὶ φορτηγῶις. Liius Dec. 3. lib. 7. Naues,  
 quas Liius tutandis commeatibus habue-  
 rat, partim machinationibus onerat, appara-

# Hieronymi Magii

tuq; mœnium oppugnandorū; partim tormen-  
tis, & saxis, omniq; telorum missilium gene-  
re instruit. Onerarias quoque, non eas solūm,  
quæ remis agerentur. Quibus uerbis declara-  
tur, Onerarias non solere remis agi. Hæc Bay-  
sius: qui omnem antiquitatem obseruasse atq;  
excussisse hoc loco minimè uidetur, quandoqui-  
dem non solūm uelis, uerūm etiam remis, Onerariæ, φορτηγὸι à Græcis uocitatæ (Thucydi-  
des, ut Pollux adnotauit lib. 1. cap. 9. portato-  
rium, Onerariam uocat, & Plautus in Mer-  
catore, Gerariam) cursum conficiebant. Quod  
uerum esse, dubio procul demonstrat Homerus  
Odys lib. 9. sub Ulyssis persona, sic canens,

κύκλωπὼς γὰρ ἔκειτο μέγα ῥόπαλον παρὰ  
σηκῶ,

χλωρὸν ἐλαίνεον, τὸ μὲν ἔκταμεν ὄφρα φοροίη  
αὐανδρὲν. τὸ μὲν ἄμμες εἴσχομεν εἰσορώωντες  
ὅσονθ' ἴσον νηὸς εἰκοσόροιο μελαίνης,  
φορτίδος Ἀρείης, ἥ τ' ἐκ περάα μέγα λαΐτμα.  
τόσον ἔην μῆκος, τόσον πάχος εἰσοράασαι.

Idest, si uerbum uerbo reddas,

Cyclopis enim iacebat magnus contus iux-  
ta caulam

Viridis, oleaginus, quem quidem inciderat  
ut portaret

Exsiccatum: hunc quidem nos comparaui-  
mus insipientes,

Quan-

*Quantus malus navis uiginti remorum nigrae*

*Onerariae, latae, quae transit magnam undam,  
Tanta erat longitudo, tanta crassitudo ex  
uisu coniiciendo.*

*Vides quàm ualidè hic Homeri locus contra  
Bayſii obſervationem pugnet. Vt ergo omnis  
error abſit, dicendum eſt, Onerarias maxi-  
mas, quæ nulla niſi uentorum ui impelli poſ-  
ſent, ut etiam hodie ſit; remis agi non conſue-  
uiſſe ( nunc tamen triremium forma Onera-  
riæ nauēs ædificantur, quas uernaculo ſermo-  
ne Galeas groſſas uocant, quæ remis etiam  
aguntur, quamuis mole Onerarijs non ſint in-  
feriores ) minores uerò ut hæ, quæ uiginti re-  
morum eſſent, & remis, & uelis, & ut naui  
gandi ratio atque uſus exigebat, maria ſul-  
caſſe.*

*Gulielmi Budæi errata duo demōſtran-  
tur, & quid Ciceroni, atq; aliis aucto-  
ribus equum admittere, ſignificet. lo-  
cum quendam Pandectarum muti-  
lum, lacunoſumq; ut Budæus exiſti-  
mauit, non uideri. CAP. VII.*

**G**ULIELMVS Budæus homo doctus &  
diligens, qui Pandectarum libris ſitu &  
tene-

tenebris obsitis, non parum lucis attulit, quo nomine Iurisperiti omnes illi maximè debemus, in suis annotationibus quodam loco sic inquit, *Admittere equum*, interdum pro consendere accipitur, ut apud Ciceronem in secundo de Finibus, Num etiam cum P. Decius deuoueret, & equo admissso in mediam aciem Latinorum irrueret, &c. Cum adolescens adhuc è Grammaticorum scholis non esset egressus, atque in hunc Budæi locum incidissem, statim eum lapsum esse animaduerti. eo nanque loco, equum admissum, non pro consenso, sed pro concitato, & celeri accipi debere satis demonstrat Valerius Maximus sic uocem interpretatus lib. 5. cap. 6. de eodem P. Decio scribens, Caput, inquit, suum pro Reip. salute deuouit, ac protinus concitato equo, in hostium agmen, patriæ salutem, sibi mortem querens, irrupit. Concitato equo, ut uides, dixit, pro eo, quod Cicero habet, *Admissso*. Quin ipse met Cicero rem totam aperit, dum lib. 3. De Natura Deorum loquitur in hæc uerba, Rebantur enim fore ut exercitus Imperatorem equo incitato se in hostem immittentem persequeretur, id quod euénit etc. Idem lib. 1. de Diuinat. de P. Decio, Post triennium autem cum Consul esset, deuouit se, & in aciem Latinorum irrupit armatus. Quo eius facto superati

superati sunt & deleti Latini. Vbi uidetur uerbum Irrupit, equi concitationem admittere. Cæsar quoque lib. 1. Belli Gallici eodem significatu uerbo ipso, quo de agitur, usus est, Consi-  
dius, inquit, equo admissso, ad eum accurrit, dicit montem, quem à Labieno occupari uoluerit, ab hostibus teneri, &c. Penelope, Quidiana.

» Hic lacer admissos terruit Hector equos.  
Magno Francisci Philelphi errore, qui lib. 36. suarum epistolarum, Amissos legit, qui alios etiam, neque infimi ordinis scriptores assecras habet, præter Egnatium non obscuræ hominem famæ, qui in obseruationibus in Ouidij Heroid. admissos in eodem uersu legendum esse contendit. Prædictis, Ouidij eiusdem luculentius testimonium accedat ex lib. 1. Metamor. ubi sic ait,

» utq; monebat  
» Ipse amor, admissso sequitur uestigia passu.  
Admissum passum pro celeri, quasi se ipsum Apollo ad cursum acrius concitasset, dictum esse perspicis: Abhinc multos annos cum hac de re ad Franciscum Robortellum, uirum de Græcis Latinisq; literis, deq; morali Philosophia bene meritum, retulissem, illeq; ut amantissimum præceptorem decuit, ingenium meum esset exosculatus, ac laudibus etiam, ut me arden-

ardentiorē in literarum studia redderet, esset profectus, nescio quo fato postea factum est, ut in eius amici libris, Francisci Floridi quædam de re, longa admodum præcedente præfatione, scripta sint. Idem Budæus in annotatione ad hæc uerba legis 2. De Origine iuris, Populi consensu partim in carcere necati. Ita rursus respub. suum statum recepit. ] sic scriptum reliquit, Desunt hic haud dubie quatuor uerba. Addo igitur, Partim in exilium acti. nunquam enim hæc particula partim, non geminata reperitur. hæc ibi. Ac cum Ciceronis auctoritatibus particula geminationem ostendit, rem ex Lilio intelligi posse dicit, qui refert ex Decemuiris, de quibus Pomponius Iurisconsultus loquitur, Appium, & Oppium in uincula coniectos, spontanea morte iudicium præuenisse, eorum uero collegas exilij causa solum uertisse. Cui & auctoris innominati ex cap. 21. libri De Viris illustribus, quem quidam Plinio Cæcilio, quidam Cornelio Nepoti, quidam uero nouissime Probo adscribunt, testimonium addo, qui ait in Decemuiros illos omnes aut morte, aut exilio fuisse animaduersum. Verum quamquam Budæi additamentum satis probabile uidetur, inuenio tamen calamo exarata & membranacea exemplaria quædam, quæ refragantur, cum uerba à Budæo



dao addita, minime habeant, nec alia præter  
ea, quæ in olim uulgata editione habebantur:  
deinde quia Lucretium uideo lib. 5. et 6. hanc  
particulam, partim, citra geminationem usur-  
passe, apud quem deprauatum esse contextum,  
cum ratio carminum obsistat, dicere cuiquam  
non fuerit integrum. Priore loco sic inquit  
Lucretius,

» Et partim mutant cum tempestatibus unda  
» Raucifonos cantus cornicum sæcla uetusta,  
» Coruorumq; greges, ubi aquam dicuntur,  
    & imbres

» Poscere, et interdum uentos, aurasq; uocare.  
Posteriore uero,

» Hunc homines fontem nimis admirantur,  
    & acri

» Sole putat subter terras feruescere partim,  
» Nox ubi terribili terras caligine texit,  
» Quod nimis à uera longè est ratione remo-  
tum.

Cicero lib. 2. de Diuinat. A nobilissimis, in-  
quit, ciuibus, partim etiam à se omnibus re-  
bus ornatis, trucidatus iaceret. Idem de Ami-  
citiis, Sed nihil est quod illi non persequantur  
his argumentis, partim fugiendas esse nimias  
amicitias, neque necesse sit unum sollicitum es-  
se pro pluribus. Valerius Maximus lib. 2. de  
Institutis, Pars capitali iudicio damnatae. nec  
alia

*alia simili postea uoce respondet, quod idem est ac si, partim, dixisset. Per multas, quas habeo auctoritates, missas facio, ne testibus uti non necessarijs uidear.*

**Legem xii. Tabularum de addictis, non fuisse ex Solonis aut ullius Græci nomothetæ legibus depromptam. De lege Σεισάχθεια. Quibus ex locis iuribusq; ius Decemuirale collectum sit. Diuus Augustinus, Seruius, & Accursius notati.** CAP. VIII.

**D**ECENVIRALIBVS legibus, quibus duodecim tabulis est nomen, cautum fuit, ut si quis ob pecuniam debitam, quam soluere nō posset, adiudicatus, addictusq; esset, eius corpus in partes secatum creditoribus distribueretur. de qua lege Cicero in lib. de legibus, & Gellius lib. Noc. At. 20. cap. 1. Hanc, cum acerbam nimis sæuitiaq; insignis sit (quanquam Sextus Cæcilius apud Gellium, eam pænæ huius sæuitia in terribilamentum, & ne ad eam perueniretur excogitata, sancitam esse contendit) & à Romanorum ingenijs quodammodo aliena, longeq; ab humanitate abesse uideretur, quidam Iurisconsultus ἀμυντος omnino, non ex Decemuirorum penore urbis'ue moribus

bus depromptam mihi affirmabat, sed potius, ex Solonis, Draconis'ue legibus (huius namque leges sanguine scriptas, ob sæuitiam, quosdam dixisse) deductam censebat. Eam ego ex Solonis Draconis'ue legibus minimè fluxisse, sed ex urbis potius manasse institutis, contrà differebã: satis enim constare ex Liniij lib. 2. multò ante quàm legati Romani in Graciã legum causa mitteretur, consueuisse neeti debitorum, inq; eos uerberibus priuatim dæseui. Adhæc nuspiam esse lectum, Draconem Solonem'ue huiusmodi legem sanxisse; quin tantum abesse ut Solon in obæratos sæuiendum esse censeret, ut potius Σεισάχδειαν legem (hanc Legati illi Romã haudquaquã attulisse uidentur) qua alieni æris onera subleuaret, et grauatos à uinculis tutos rederet, tulerit. Cùm Diodorus Siculus De antiquorum gestis fabulosis lib. 2. scriptũ reliquerit, Aegyptiorũ legibus sancitum fuisse, ut debitorum bona, nõ corpora essent creditoribus obligata, eamq; legem uideri Solonem ad Athenienses transtulisse, quã Σεισάχδειαν appellauerit, dũ decerneret ne ob usuras (inquit Diodorus) ciuium corpora neeterentur. De qua lege scribit etiam Plutarchus in Solone, in lib. de Vitæ, usu. in Politicis, & in libello De Fortuna et uirtute Alexandri, Satis ergo constare non ex Solonis,

aut

aut Draconis legibus, eam de addictis sanctionem esse ductam, sed aliunde deriuatam. His ille tandem acquieuit. Quantum autem ad rem attinet, sciendum est, ex legibus regijs et ex moribus populi Romani, ut ex Alicarnassei lib. 2. & 10. cognoscimus, multa in 12 Tab. translata fuisse; quin, ut Seruius literis prodidit, ex Faliscorum legibus aliquid in easdem fuisse conuectum; sic enim ait in explicatione ad hunc uersiculum lib. 7. *Aeneid.*

» Hi Fescenninas acies, æquosq; Faliscos. Romani missis Decemuiris, à Faliscis collegerunt iura fœcialia, & nonnulla supplementa 12. Tabularum, quas habuerunt; nam ab Atheniensibus decem habuerunt tubulas. hæc ille. Præterea non est negandum, licet hic Seruius, Liuiusq; libro 3. Decadis primæ, Atticarum dūtaxat legum, ex quibus 10. Tabulæ Romæ descriptæ, & ad rumores hominum, propositæ, correctæ mox sint, faciant mentionem (sic enim ait Liuius, Iam redierant Legati cum Atticis legibus. eo intentius instabant Tribuni &c.) ex alijs quoque Græciæ urbibus Decemuirale ius collectum uideri. Cuius rei hæc habeo argumenta. Idem Liuius libro citato; Missi, inquit, Legati Athenas Sp. Posthumius Albus, A. Manlius, P. Sulpitius Camerinus: iussiq; inclytas leges Solonis descri-

describere, & aliarum Græciæ ciuitatum instituta, mores, iuraq; noscere &c. Pomponius in Pandectis sub titulo De origine iuris. l. posteriore. §. Exactis. sic ait, Placuit publica auctoritate decem constitui uiros, per quos peterentur leges à Græcis ciuitatibus &c. at in hoc labitur Pomponius, quòd contra historiarum fidem, decem fuisse à Romanis missos legatos dicit, cùm tres solùm fuerint. Gellius lib. 20. cap. 1. de eisdem 12. Tab. Eas, inquit, Leges, cùm Sextus Cæcilius, inquisitis, exploratisq; multarum urbium legibus, eleganti, atque absoluta breuitate uerborum scriptas diceret, &c. Iustinianus Instit. De Iure nat. gentium, & ciuili, Et non ineleganter in duas species ius ciuile distributum esse uidetur, Nam origo eius ab institutis duarum ciuitatum, Athenarum scilicet, & Lacedæmoniorum fluxisse uidetur &c. Quæ cum non satis perspecta haberet Diuus Augustinus, aut fortasse (quod magis putandum est) memoriæ uitium pateretur, non sine errore lib. 2. De Ciuitate Dei, cap. 16. Romanos à Lacedæmonijs iura accepisse negauit, Seruij, ut opinor, relata auctoritate ductus, & Liuij uerbis illis, Iam redierant Legati cum Atticis legibus. Eruditissimi sanctiq; uiri, qui his libris De Ciuitate Dei præter rem Ecclesiasticam, non mo-

## Hieronymi Magii

*dicam rem literariam promouit, uerba hæc sunt, Si autem à Dijs suis Romani uiuendi leges accipere potuissent; non aliquot annos post Romam conditam, ab Atheniensibus mutarentur leges Solonis: quas tamen non ut acceperunt, tenuerunt, sed meliores, & emendatiores facere conati sunt. quauis Lacedæmonijs Lycurgus leges ex Apollinis auctoritate se instituisse consinxerit: quod prudentes Romani credere noluerunt, propterea non inde acceperunt. Hæc Augustinus. Cui magis obstat Ammianus Marcellinus, qui libro 16. rerum gestarum testatum reliquit, leges Sumptuarias ex Rhetris Lycurgi, idest Axonibus, Romam translatas, diu fuisse obseruatas, demumq; senescentes à Iuliano Imperatore paulatim fuisse reparatas. Sanè errat quoq; Seruius dum inquit ex 12. Tab. decem Romanos ab Atheniensibus habuisse (hoc idem cum Seruio censuit etiam Accursius noster in Glo. sua ad prænotatum Iustiniani locum) cùm nullus, quòd equidem meminerim, auctor numerum legum Athenis allatarum protulerit, & Liuius harum mentione, tanquam ex principe Græciæ urbe perlatarum, contentus, dicat mox instituisse Tribunos, ut tandem scribendarum legum initium fieret, decemq; postea fuisse conditas tabulas, propositasq; publicè, &*  
ad

ad rumores hominum de unoquoq; capite edito, fuisse correctas. Nisi si, *scriptionem decem tabularum*, solam è Græca lingua uersionem, *Liuius* significare existimandum sit, cùm *Pomponius* dicat in prænotato. §. *Exactis. leges in tabulis Decem æneis, uel eboreis perscriptas, fuisse pro rostris propositas, ut possent apertius perspicere. Nam si Græcè scriptæ fuissent propositæ, à paucis legi potuissent, cùm eo tempore Græcarum literarum non admodum periti essent Romani. Gellius lib. 11. cap. 18. à Decemuiris duodecim tabulas scriptas fuisse dicit. Idemque lib. 17. cap. 21. ab ijs primò decem fuisse tabulas conscriptas, mox duas alias additas, testatur.*

Ciceronis locus propter lacunam, uerborumq; defectum antea obscurus, *Plutarchi uerborum adiumento, illustratus.*

CAP. IX.

**I**N libro Ciceronis secundo de Legibus, hæc uerba leguntur, Hoc uerò nihil ad Pontificum ius, & è medio est iure civili, ut per æs, & libram hæredem testamenti soluant, & eodem loco res sit, quasi ea pecunia legata non esset, si is, cui legatum est, stipulatus est id ipsum, quod legatum est, ut ea pecunia ex stipu-

E 2 latione



## Hieronymi Magii

latione debeatur: sitq; ea \* non doctum hominem sanè, cuius fuit Accius per familiaris: sed mensem credo extremum anni, ut veteres Februarium, sic hic Decembrem sequebatur. Hæc Cicero. Quæ ante asteriscum uerba sunt, nullo pacto ijs, quæ sequuntur cohererent. Priora nanq; de sacris perpetuis dicta sunt, posteriora uerò ad ius Manium faciunt. Asteriscus ergo inter ea, quæ tractationis de sacris perpetuis calcem facerent, et caput de Manium iure habebant, locatus est. Sed quem nam dicit Cicero sequutum fuisse Decembrem mensem, aut ad quid sequutum, et de qua nam re hic & in uerbis, quæ uetustate penitus obsoleuerunt amissaq; sunt, loquutus est? Dicendum est de inferijs, parentalibus, et Decio Bruto: quod apertè satis, et luculenter demonstrat Plutarchus in Problematibus dum Ciceronis dictum, ex hoc, ut in confesso est, loco citans, in hanc sententiam loquitur, Quid est, quòd cum cæteri Romani Februario mortuis inferias mittere, & parentare consueuissent, Decius Brutus, ut Cicero scribit, id Decembri faciebat? & quæ sequuntur. Vides non parum lucis è Plutarchi uerbis Ciceronis contextui alioquì obscurissimo accedere.

Emendata Constitutio quædam in lib.  
Legum nouellarum Diui Theodosii,  
apud Iulium Frontinum, & in Codi-  
ce Iustiniani. De Nili alluuionibus,  
& aggeribus, ac Aegyptiorum fletu  
Nili irrigationem precantium. Illu-  
strantur rubricæ C. de Nili aggeri-  
bus non rumpendis, & de Frumento  
Alexandrino, & quid Flumen sub ti-  
tulo de Alexandria Primatibus in  
eodem C. significet, declaratur.

C A P. X.

**I**N libro legum nouellarum Diui Theodosii,  
sub titulo, De Alluuionibus, et paludibus,  
legitur Constitutio, quæ in sui media ferè par-  
te hæc habet uerba, Ideò suggestionem tui cul-  
minis admittentes, non Aegyptijs solis, nec  
de limi tantû alluuionibus loquimur; sed quod  
salubre est orbi terrarum, atq; omnibus pro-  
uincijs promulgamus, &c. Eadem in libro Iu-  
lij Frontini, de Controuersijs limitum, habe-  
tur, & hæc eadem uerba continet, non sine  
mendo, quod etiam legitur in doctissimi uiri,  
omniq; encomio maioris, Pauli Manutij Ad-  
ditamentis ad Calepini Lexicon, quibus eiusdẽ  
constitutionis uerba ex Frontino inserta sunt.  
Pro eo enim, quod est Limi, legendum est Ni-

## Hieronymi Magii

li. quod coniunctio ex. l. 3. C. de Alluionibus et pal. quæ ex eadem profluxit. sic enim ibi scriptum cernere est,

Impp. Theod. & Valen. A. A. Cyro P. P.  
Ea, quæ per alluionem, siue in Aegypto per Nilum, siue in alijs provincijs per diuersa flumina possessoribus acquiruntur: neque ab ærario uendi, neq; à quolibet peti &c. huc etiam illa spectant, quæ in. l. præcedenti leguntur,

Imppp. Archad. & Honor. & Theod.

A. A. A. Cæsario P. P.

Si quos inundatio Nili fluminis reddidit ditiores &c. Vbi etiam illud est animaduertendum contextui prænotatæ legis tertiæ, mendum insedisse; quod fuit in causa ut Accursius nescio quid de uitio somniaret, & comminisceretur. Pars autem mendosa hæc est, Ne uel alluionum ignorare uitia, uel rem noxiam possessoribus uideamur inducere &c.

Cum potius, ut nos admonet idem liber legum Nouellarum Diui Theodosij, ita sit legendum, Ne per alluionum ignorantiam, uetitam rem, & maximè noxiam, possessoribus, uideamur indicere. Accedit eò quòd uerba illa, Sed quod salubre est orbi terrarum, atque omnibus provincijs, promulgamus. satis demonstrant, uerba, quæ præcedunt, priuatim ad loci uel regionis unius alluionem spectare potuisse,

potuisse, ideò non esse, limi, legendum. Cum autem, si alibi uspiam, fiant maximæ iuxta Nilum alluiones, terræq; immodica accrementa, meritò, de huius fluminis alluionibus uerba facta esse, potest intelligi. Quod autem maiores quàm alibi, fiant circa Nilum alluiones, testatur Aristoteles, qui libro primo Meteor. ait, uideri Aegypti regionem in dies singulos magis, magisq; exaruisse, à Niloq; omnem adaggeratam aduectamque esse. Quod ipsum & Seneca Naturalium questionum lib. 6. cap. 25. exstimauit. quo loco etiam sic loquitur, Tantum enim (si Homero fides est) aberat à continenti Pharos, quantum naus diurno cursu metiri plenis lata uelis potest: sed continenti admota est &c. Strabo lib. 1. Itaque Aegyptus uniuersa sub Herodoto, fluuij munus appellari iure potuit, & si non uniuersa, ea saltem, quæ sub agro est inferiore, qui Delta nuncupatur, &c. Nilus enim (hunc Gellius lib. 10. cap. 7. fluminum, quæ ultra imperium Romanum fluerent, prima esse magnitudine dixit) auctu magno quotannis, ut Herodot. lib. 2. Diodorus primo, & alij testantur, per Aegyptum spatiat, limum trahit, alluionesque, ut par est, magnas, agrorum limites confundens, facit; unde excogitatam primò ab Aegyptijs geome-

triam, cū apud Herodotum libro citato, tum apud Iamblichum, Strabonemq; lib. 17. Geograph. legimus. Cicero lib. 2. de Natura Deorum, de eiusdem Nili alluione, Aegyptum, inquit, Nilus irrigat, & cū tota æstate, obrutam oppletamq; tenuerit, tum recedit, molitosq; & oblimatos agros ad serendum relinquit, & c. Vlpianus quoque. l. 1. §. Ripa. ff. De fluminibus, Nilum incremento suo Aegyptum operire testatur. Ex alluione flumen hoc nomen esse sortitum, nonnulli dixere, ut Nilum antiqui, quasi νεὸν ἰλὺν, hoc est nouum limum uocauerint, quod nouum lutum quotannis aduehat. Cū uerò inundatio Nili, quædam sit stercoreatio, præsertim cū amplissima est, meritò Aegyptij Isidis sacra celebrantes, Nili irrigationem fletibus solebant implorare. Quò respexisse Statius uidetur, cum inquit,

» melius uotis Mareotica fumat

» Coptos, & ærisoni lugentia flumina Nili. Nisi potius, lucentia, legendum sit. Ad quem locum Lactantius, siue, ut alij malunt, Luctantius enarrator, sic inquit, Coptos ciuitas Mareotica Aegypti, in qua Io uersa in Isidem colitur, cui sacris Sistro celebratis Nilus exæstuat. Lugentia.] De sacris Isidis tractum, quia prouentum frugum quærunt Aegyptij usque ad

ad ueros planctus, nam irrigatio Nili, supra dictorum fletibus imploratur. hæc ille. Ex incrementi autem mensura, Aegyptij frugum copiam, aut penuriam prævident: siquidem, ut Plinius lib. 5. cap. 11. posteritati prodidit, cum Nilus ad duodecim cubitos intumuerit, provincia famem sentit, in 13. etiam numesurit. 14. cubiti hilaritatem afferunt: 15. securitatem: 16. delitias, & hoc iustum dictum esse ex observatione incrementum. Quæ res in Nili statua antiquitate uisenda, quæ Romæ in Vaticanano conspicitur, puerulis sexdecim eam quasi scandentibus, supremoq; copię cornu manu præferente, significata est ab antiquis. Plinius lib. 35. cap. 7. Inuēnit eadem Aegyptus in Aethiopia, quem uocant Basaltem, ferrei coloris, atque duritiæ, unde & nomen ei dedit. Nunquam hic marmor repertus est, quàm in templo Pacis, ab Imperatore Vespasiano Augusto dicatus. argumento Nili sexdecim liberis circa ludentibus, per quos totidem cubiti summi incrementi augentis se amnis eius intelliguntur. hæc ille. Propter uim autem latè se effundentium Nili aquarum, magnis præmunire Aegyptum molibus, & exaggerationibus oportuit, quæ ff. de Extraordinarijs criminibus. l. Saccularij. chomata appellantur, idq; ideò ut terra feri posset. Iustinus lib. 2. Sic inquit,

## Hieronymi Magii

quit, *Aegyptum autem, quæ tot Regum, tot  
seculorum cura, impensa q; munita sit, & ad  
uersus uim decurrentium aquarum, tantis in-  
structa molibus, tot fossis concisa, ut cum his  
arceantur, illis recipiantur aquæ, nihilominus  
coli, nisi excluso Nilo non potuerit: nec posse ui-  
deri hominum uetustate ultimam, quæ siue  
exaggerationibus Regum, siue Nili trahentis  
limum, terrarum recentissima uideatur &c.*  
*Legere ne pigeat quæ de aggere hyrundinum  
miro opere constructo iuxta Copton oppidum,  
Plinius lib. 10. scripta reliquit: de quo & Be-  
cichemus Epistolicarum questionum Centuria  
prima cap. 63. Aquæ Nili stagnantes, aper-  
tis admitti molibus, & fossis excludi consue-  
uerant. Plinius lib. 5. cap. 9. Cum stetere a-  
quæ, apertis molibus admittuntur. Vt quæq;  
liberata est terra, feritur &c. in quem usum  
erant commata & diacopi, quo Nilus in cam-  
pos commodè admitteretur, aut intra alucium  
compesceretur, quarum uocum mentio est  
in citata. l. Saccularij. de quibus Budæus  
in Annotationibus, & Beroaldus ante ipsum  
in Commentarijs in Apuleium de Asino au-  
reo, è quibus multa desumpsit Budæus. Earum  
fossarum meminit Suetonius in Augusto cap.  
18. qui eas longa uetustate oblimatas, fuisse  
Augusti cura deterfas, quo Aegyptus fera-  
cior,*



cior, & urbicæ annonæ habilior redderetur. Est à nonnullis memoriæ consignatum, Romanos rei frumentariæ gratia, fossas; alueosq; à singulis regionibus Aegypti, ære publico in Nilum perfodiendos curauisse, quibus frumenti uis ingens Alexandriam, ac demum Romam conueheretur, incredibiliq; sumptu alueorum illorum aggeres ut seruarentur curasse: quo spectasse existimant Impp. Honor. & Theodosium C. de Nili aggeribus non rum pendis, ubi lege lata decernunt, absumendos esse flammis, delicti patrati loco, qui aggeres, et ualla fluentis Nili uiolauerint. Quâquàm probabilius fortasse ob prædictos potius aggeres eam editam esse sanctionem, dici aliquis existimabit. Et si scio frumentum Alexandriam conuehi consueuisse, unde in libro Codicis undecimo titulus est, De frumento Alexandrino. Et in titulo mox sequenti, qui est, De Alexandriæ Primatibus, Corporati ciuitatis Alexandrinæ, repurgandi fluminis onere liberantur. quo in loco flumen pro fossis prædictis accipio, quibus aqua excluderetur, uel admitteretur, aut etiam per quas in Nilum, & Alexandriam frumentum, et mox cū in alias regiones, tum Romam conueheretur. Suetonius enim huiusmodi fossas Augusti cura ad feracitatem regioni conciliandam, &

urbicæ

*urbicæ eam annonæ habiliorem reddendam, cum oblimatæ essent, deterfas dicit, ut supra retulimus; à cuius deterfionis, repurgationisque onere, Corporati ciuitatis Alexandrinæ liberantur. Hegesippus lib. 4. cap. 27. in portum Alexandriae maximum, quæ ad usum totius Orbis proficerent, conuectari, necessarium fuisse ait; & regionem Aegypti feracem, totum orbem terrarum frumento alere atque instruere necessarijs mercibus, scripsit.*

*Qua ratione ab Horatio dictum sit, lippis, & crudis pila ludere, inimicum esse. Qualippitudine hic Poëta laboraret, & cur aliquando, cum salubribus aquis careret, cœnare recusauerit.*

C A P. XI.

*CUM Gregorio Angelerio Iurisconsulto eruditissimo, meique amantissimo, animi gratia, Horatij hos uersus lib. 1. Sermonum Satyra 4. legebam.*

» *Hinc muli Capuæ clitellas tēpore ponunt:*

» *Lusum it Mæcenas, dormitum ego Vergiliusque;*

» *Nanque pila lippis inimicum & ludere crudis.*

*Videbatur perspicacis ingenij uiro, & à Musis*

sis haudquaquam alieno, non admodum esse re-  
 ete ab Horatio dictum, crudis inimicum esse pi-  
 la ludere, cum hoc ludi genere corpus pluri-  
 mum, ut in confesso est, exerceatur, calorq; na-  
 turalis, ut Galenus testatur in Com. ad A-  
 phor. 48. particulae 2. Aphorismorum, exer-  
 citij beneficio commoveatur, ualidaq; fiant  
 quae in membris sunt uirtutes naturales, ani-  
 males, & uitales. Vnde tantum abesse, ut lude-  
 re crudis sit inimicum ille dicebat, ut potius  
 ad cibi concoctionem, cruditatesq; abolendas  
 egregie conducere uideretur. Qua in re quid  
 ego sentirem, ut audacter proferrem, deq; Ho-  
 ratij lippitudine, si quid scitu dignum haberem,  
 subticere nollem, amice rogauit. Cui me olim  
 quadam ad eos uersus spectantia subnotasse di-  
 xi, atque ex hypomnematis haec retuli, quae  
 Miscellaneis nostris digna uisa sunt. Neuti-  
 quam est ambigendum, crudis pilae ludum  
 exercitiumq;, esse incommodum. cum Gale-  
 nus lib. 4. cap. 5. De Symptomatum causis, in  
 hanc sententiam loquatur, Sic etiam, inquit,  
 ex ijs, qui cruditatibus abundant, nouimus  
 quosdam dum quiescerent, nihil perpeti; dum  
 uero uel balneis, uel Soli se exponerent, hor-  
 rere; idq; multo magis si exercitarentur. Nam  
 & Sol, & balneum, & exercitatio, ad mo-  
 tum excitant excrementa alioqui quiescentia,  
 quem-

## Hieronymi Magii

quemadmodum & ex animi affectibus ira .  
Porro à se ipsis ad motum insurgunt excre-  
menta , si uel calefiant , uel extenuentur , uel in  
spiritum degenerent . Neque mirum uideri de-  
bet , ea minùs corpus infestare dum quiescunt :  
dum uerò mouentur & plurimùm lādere , &  
concutiendo , horrorem , rigorem , & febrim  
inducere . Etenim dura corpuscula , quæ oculis  
extrinsecùs incidunt , si clausis genis particu-  
la quieuerit , aut parum omnino , aut nihil mo-  
lestiæ inferunt : si uerò moueatur , intolerabi-  
li dolore cruciant &c. Apud Celsum quoque  
libro primo cap. 2. legimus , ijs , qui crudis a-  
bundant , quietem somnumq; cruditatis præ-  
sidia esse optima . siquidem , ut Galeni senten-  
tia est lib. 4. de Sanitate tuenda , & Methodi  
7. quiete crudi humores concoqui , non irrita-  
ri solent . Crudis igitur , clarissimorum testi-  
monio medicorum , ac non obscura ratione , pi-  
la ludere inimicum est , propter exercitationē  
ipsis incommodam ; præsertim cum in hoc lu-  
do corpus permoueatur atque agitetur . Pau-  
lus Aegineta lib. 1. cap. 17. loquens de exer-  
citationum generibus , eam , quæ corico , &  
parua pila fit , celerem uocat . Galenus in li-  
bro de paruæ pilæ exercitio , ait hoc ludo  
omnes ex æquo corporis partes exerceri , si  
quis uelit ; sin malimus unam præ cæteris exer-  
cere

cere, id etiam licere. Iulius Pollux lib. 9. cap. 7. quod est, De Symposiorum ludis &c. pilæ ludum laboriosum esse demonstrat. eum adeas, nam ipsius uerbis perlectis, ludum huiusmodi non solum crudis, sed & lippis incommodum inimicumque esse, cognoscas. Athenæus quoque libro primo. Dipnos. Cap. 8. multa dicit intentione, multoque labore opus esse ad ludum exercitationemque pilæ, & robore ad resolutiones in caput. Nunc ad Horatium: crudus enim intelligitur Virgilius, cum Horatius supra, se lippum esse fateatur. Lippis quoque pilæ lusum inimicum esse eadem de causa, scilicet propter humorum, qui oculos uexant, agitationem, nemo ibit inficias. Adde quod Aristoteles Problematum 11. Sectionis primæ, corpora, quæ uehementer incalescunt, ac humore priuantur, aridis lippitudinibus infestari ait. Talem uerò fuisse Horatij lippitudinem crediderim, cum ipse met non uno in loco se biliosum fuisse arguat. Biliosos autem ob carnis caliditatem, & siccitatem, siccas lippitudines inuadere, testatur Hippocrates manifestè in libro De aqua, locis, & aëre. Cui astipulatur Galenus in explicationibus ad Aphorismum 13. particulæ 3. dum in hanc sententiam loquitur, In calidis uerò naturaliter, & cholericis sicca ophthalmia erit. Sicca dicitur, cum

## Hieronymi Magii

cùm nihil ab oculis mittitur. Et mox, Chole-  
ricis autem sicca ophthalmia euenit propter ca-  
liditatem capitis, & siccitatem sui. hæc ille.  
Satis ergo patet Horatium sicca laborasse lip-  
pitudine. Lippitudinis ratione factum est (ut  
hic alter huius Poëtæ locus in eadem Saty-  
ra. 5. declaretur) ut cænare, cùm aqua esset  
insalubris, noluerit. sic enim ait.

» Hic, ego propter aquam, quòd erat deter-  
» rima, uentri

» Indico bellum, cænantes haud animo æquo

» Exspectans comites. &c.

Quam rem Iacobus Taurellus, uir doctissi-  
mus, olim in Perusino Gymnasio ad eius sobrie-  
tatem indicandam, dum publicè Horatium in-  
terpretaretur, adnotandam esse censuit; & si  
alioquì de Lyricorum more, hic Poëta in uini  
potatione suadenda multus sit, seq; bibacem  
planè demonstrat, quod antea ab Anacreon-  
te in eius, qui typis cusi sunt, uersibus, & ab  
Alcæo Poëta Mitilenæo, apud Athenæum  
lib. 1. Dipnos. cap. 17. & ab alijs alibi fa-  
ctum uidemus. Quanquam non me latet Hip-  
pocratem, Aphorismo 31. part. 6. dixisse,  
meri potionem dolores oculorum soluere; &  
Galenum in Com. ad eum Aphorismum testa-  
ri, se inueni cuidam sicca lippitudine malè af-  
fectum, cui oculi quasi sicci, uenæ autem tur-  
gentes

gentes essent, ut balneo, & modica uini potione uteretur, præcepisse. Quod me tamen de mea non deicit sententia, cum Hippocrates in libro de Visu, ad lippitudinem annuam & popularem, inter cætera, aquæ potum conducere dicat, idemq; Galenus loco prænotato, dicat sanguinem coagulatum, qui in oculis decumbit, potu uini, quod propriè coagulata dissoluit, suumq; ob motum citissimum à uenis eijcitur, fundi ac depelli, si alia corporis plenitudo non adsit, à qua Horatium immunem, ob literarum studia, desidemq; uitam, cum & biliosus esset, neutiquam fuisse credendum est; alioqui à mero saltem modico, quod citra abstinentiæ iacturam fieri eo casu poterat, non abstinuisset. Huc spectant hi eiusdem uersus ex Epistola ad Valam lib. I.

„ gelida cum perluor unda

„ Per medium frigus.

Et infra,

„ Collectos ne bibant imbres, puteos ne perenneis

„ Iugis aquæ: nam uina nihil moror illius oræ.

Iam igitur patet ex prædictis qua lippitudine Horatius laborauerit, et cur lippis pilæ ludus sit inimicus. Quibus etiam et hoc accedat, noxium esse id genus ludi lippitudinibus, pro-



pter oculorum exercitium citumque varias in partes deflexum, quibus rebus oculi uexantur. Hæc autem usuuenire ludentibus, nemo est, qui nesciat, & Galenus in libro de Paruæ pilæ exercitio, loquens in hanc sententiam, demonstrat, Quod uerò, inquit, etiam oculos exercere oporteat, hinc discere datur, si in memoriam reuocauerimus, quod nisi quis pilæ momentum, quo feratur, diligenter prouideat, necesse est ut ab eius præhensione aberret, &c.

Quid Latinis Græcisque auctoribus, animæ amissio significet, & quid causæ sit ut non potius corporis amissio dicatur, cum anima principem locum obtineat. Serui cur corpora appellantur. CAP. XII.

PUBLICA autem iudicia hæc sunt, Lex Julia maiestatis, quæ in eos, qui contra Imperatorem uel Remp. aliquid moliti sunt, suum uigorem extendit: cuius pœna, animæ amissionem sustinet, &c. Verba hæc sunt Iustiniani Imperatoris in Institutionibus sub Rubrica, De publicis iudijs, quæ cum pridem legerem, accipiebam animam cum Accursio nostrisque Iureconsultis, pro animato corpore.

pore, quandoquidem, ut ille ait, anima non in hominis, sed in Dei potestate consistit. Cui conēinere uidebatur hic Iuuenalis ex Satyra 9. uersiculus,

» Quorum animas hic farre suo custodit, & aere.

Idest, ut quibusdam placet, animata corpora. Verum cum postea animaduertentē Latinos auctores, qui elegantius loquuti sunt, Græcosq; simili loquendi modo usos fuisse, ut Sallustium in Catilina, ubi inquit, Quod si uirtuti uestre fortuna inuiderit, cauete ne inulti animam amittatis. Et Probum in Epaminonda, ubi de eius obitu loquitur; Homerum Iliad lib. 2 4. Musæum in libello de Herone, & Leandro, & alios; cæpi rem attentius pressiusq; considerare, & animam pro uita accipiendam censui. eamq; rem cum alijs argumentis, tum his Sallustij eiusdem ex Catilina uerbis demonstrari intellexi, sic enim inquit, Nam ferè quem quisque uiuus pugnando locum ceperat, eum amissa anima, corpore tegebat &c. Vnde morientes animam efflare dicuntur. Alioquì anima pro animato corpore sumitur. Lucretius lib. 4.

» Nam certè ex uiuo Centauri non fit imago;

» Nulla fuit quoniam talis natura animai.

Atque ita etiam pro homine apud Hebræos non semel hæc uox usurpatur, ut Numer. cap. 19. Act. Apost. cap. 27. & alibi. Quam rem Chrysostomus Homilia 49. in cap. 24. Matthæi, Epiphanius in libro, cui titulus est, ἀνυπόστοτος, aliq; adnotarunt. Si Nonio Marcello credimus, anima etiam pro corpore, seu cadauere aliquando accipitur, ut apud Vergil. Aeneid. xi. ubi ait,

» Ite, ait, egregias animas, quæ sanguine nobis

» Hanc patriam peperere suo, decorate supremis

» Muneribus.

Sed hæc satis aperta. Illud uerò non modica difficultate obstructum uidetur, morientem hominem, animam dici amittere, non è diuerso, corpus. Cum enim anima in hominis compage principem locum obtineat, & à dissolutione supersit; potius dicendum uidetur, hominem, qui morte corripitur, corpus amittere, quàm animam. Aristoteli nanque lib. 1. de Anima, tex. com. 90. anima magis corpus continere uidetur, quàm corpus animam. ad quem locum Auerroës inquit, animam magis esse dignam, quæ causa sit copulationis corporis, quàm è contra. Idemq; Aristoteles lib. primo De partibus animalium cap. ultimo, corpus

corpus totum, animæ gratia conditum dicit. Quin quanquàm homo ex anima & corpore constat, tamen animam ipsam non corpus, hominem esse, Cicero in Somnio Scipionis testatus est. Tu uerò (inquit) enitere, & sic habeto, te non esse mortalem, sed corpus hoc. Nec enim tu is es, quem forma ista declarat, sed mens cuiusq; is est quisque, non ea figura, quæ digito monstrari potest. Hæc ille. Plotinus quoque in libro, cui titulum indidit, Quid est animal, quid homo. animam ipsam, uerum esse hominem censuit. in quorum sententiam discessit Macrobius lib. 2. cap. 12. Com. in Somnium prænotatum. Quid ergo dicendum est? censuerim hunc loquendi modum usurpari, quòd tunc anima pro spiritu, & uita, non autem pro ipsa anima rationali accipiatur, uel quia corpus solum in cernendi contrectandiq; sensum cadit, solumq; nostrum esse uidetur. quam sententiam nobis suadet Seruius in explicationibus ad ea uerba Palinuri libro 6. *Aeneidos Verg.*

• Nunc me fluctus habet, uersantq; in litore uenti.

Dum sic inquit, Quia secundum Philosophos corpus solum nostrum est, quod nobiscum oritur, nobiscum perit. Anima enim generalitatis est, & aded non est nostra, ut etiam in

## Hieronymi Magii

alia corpora plerunq; transeat. Ergo, Me, corpus meum, quod est hominis proprium. Est autem Homeri, αὐτοὺς δ' ἐλώρια τεῦχε κύνεσσιν. hæc Servius. Qua fortasse ratione, serui, qui in nostro sunt dominio, corpora à Græcis appellantur. Athenæus Dipnos. lib. 5. cap. 8. ex Moschione, qui De naue Hieronis Syracusij commentaria scripsit, sic habet, Ἀρχιμήδης ὁ μηχανικὸς μόνος αὐτὸ κατήγαγε δι' ὀλίγων σωμάτων, κατασκευάσας γὰρ ἑλικά, τὸ τηλικούτον σκάφος εἰς τὴν θάλασσαν κατήγαγε. πρῶτος δ' Ἀρχιμήδης ἔρε τὴν τῆς ἑλίκος κατασκευήν. Idest, Archimedes Mechanicus solus paucorum corporum adiumento (is enim Helicem comparauit) tantam nauim in mare deduxit. Primus autem Archimedes Helicis usum excogitauit. Tametsi in Latina Athenæi uersione, uideamus uocem σωμάτων ad instrumenta referri. Quod à doctissimo interprete non sine aliqua ratione, aut auctoritate factum esse non est uerisimile. At rem citra controuersiam manifestam ostendit Epiphanius libro prænotato dum in hanc loquitur sententiam. Et consuetudo, inquit, solet seruos, corpora uocare. Dominus, inquit, centum corporum: immo etiam animas habentium. Quandoquidem uerò dominium hominum, corporibus dominatur, & non animabus, propterea seruos, merito

ritò corpora uocauerunt cum anima, ut corporum usum ostenderent. hætenus Epiphanius.

Auli Gellii locus emēdatur, & quæ esset funebrium tubarum forma, à Cæsellio, Capitone, Gellio, Nonio, & cæteris ignorata, itē tibiæ, & quem sonum Siticines incinerent, declaratur. Quæ de eisdem tubis tibiisq; à nonnullis prodita sunt, improbantur, & cur grauem sonum organa musica, quæ inflantur, emittant, demonstratur.

CAP. XIII.

**V**T AVLVVS. Gellius retulit Noctium Atticarum lib. 20. cap. 2. Marcus Cato in Oratione, quam inscripsit, Ne imperium sit ueteri, ubi nouus uenerit, sic loquutus est, Siticines, & liticines, & tubicines. Sed Cæsellius Vindex, inquit Gellius in Commentarijs lectionum antiquarum, scire quidem se ait, Liticines lituo cantare, & tubicines tuba; quid isthuc autem sit, quod Siticines cantant, homo ingenuæ ueritatis, scire se negat. Nos autem in Capitonis Attei Coniectaneis inuenimus, Siticines appellatos, qui apud sitos canere soliti essent, hoc est uita functos, & sepultos. Eosq; habuisse proprium genus tubæ,

## Hieronymi Magii

qua canerent, à cæterorum tubicinum proprietate differens, quos Sicinistas uulgus dicit &c. Eadem ferè habet Nonius Marcellus. Sed in qua re proprium illud genus tubæ à reliquis tubis differret, & quid diuersum Siticines à tubicinibus canerent, neuter, nec ullus alius scriptor explicat. Quæ res ne amplius in obscuro decumbat, aliqua à nobis afferenda sunt in medium, si tamen prius lectorem monuerimus, uideri corruptum esse Gellij contextum eo loci, ubi inquit, Quod Siticines cantant. Non enim quod, sed, quo, est legendum, cum de instrumento, non de modo loquatur. Quam rem satis intelligimus ex eo, quod Gellius ex Capitone subiicit, scilicet, Siticines habuisse proprium genus tubæ, qua canerent, à cæterorum tubicinum proprietate differens. Est igitur sciendum tubas illas fuisse cæteris latiores, ac longiores, quales in antiquorum sepulchris aliquando exculptas uidimus; ipsosq; Siticines graue canere consueuisse. Longitudinem quidem maiorem, quàm in cæteris tubis esset, demonstrat Ouidius libro 2. Amorum, Elegia 6. ubi loquens de morte Psitaci, aliasq; aues, ut defuncti funus faciant, alloquens, sic canit,

» Horrida pro mæstis lanietur pluma capillis,  
» Pro longa resonent carmina uestra tuba.

Vides



*Vides tubæ longitudinem signari. Latiores uero cæteris eas fuisse, ostendit Galenus lib. 3. De Symptomatum causis, eo loci ubi de flatibus loquitur, qui in uentre inferiore fieri solent. Porro, inquit, sunt alij bombosi, bombis latissimarum tibiæ non absimiles. quales habere solent ij, qui Tymhaustæ, idest, Siticines nominantur: quæ ob materiam, ex qua constant, purum sonum reddere non possunt, & uia quâ spiritus transit, latitudo, sonum efficit grauiorem. Atqui huiusmodi flatus in crassis intestinis consistunt. ubi uacua fuerint ab excrementis. Quod si humor quispian in his continetur, accedit hinc quoque bombo forma quædam; uocantq; omnes eiusmodi sonum, uel potius murmur, Græcè borborygmon, etc. Licet uerò de tuba non quatur, quia tamen & tubis Siticines utebantur, nullo pacto ambigendum est, eos sicut tibiæ, ita etiam tubas latiores habere consueuisse: quo grauior, nempe lugubris, sonus emitteretur. Siticines autem grauiorem incinere sonum consueuisse, demonstrat etiam Aristoteles lib. 5. de generatione animalium, dum in hanc loquitur sententiam, Spiritus enim calidus, crassitudine sua, grauitatem efficit uocis. Frigidus præ sua tenuitate contrarium facit, quod uel in tibijs patet. qui enim calido utun-*

se, ac primum Olympum funebre tibia carmen  
in funere Pythonis, Lydio ritu cecinisse, in  
primo Musicæ scripsit Aristoxenus, etc. Idem  
Plutarchus in Polit. ex Platone eodem, modu-  
lationem, et cantum Lydium, lætuosum, con-  
questuosumq; esse testatus est. Accedit eò Pol-  
lucis quoque testimonium, qui libro 4. loquens  
de tibijs, sic ait, si Latine eius uerba exprimas,  
Paratretæ lætæ conueniebant, acutæ & len-  
tè inflatæ, &c. Ad tibias lugubres quod at-  
tinet, non est ignorandum, scriptum eodem li-  
bro reliquisse Pollucem, Phryges lugubrem ti-  
biam inuenisse, qua ab ipsis accepta Cares usi  
sint. Lætantius, siue Lætatijs Grammaticus  
ait, Siticines usos Phrygio modo, inuento à  
Telope Phrygio, apto ad euocationem anima-  
rum. γύγυσαι tibijs, Phœnicum inuentum, lu-  
gubres fuisse, ostendit Iulius Pollux libro cita-  
to ( de his & Athenæus lib. 4. cap. 24. ) sic  
& Dydimus dum ita scribit, οἱ πρὸς τὸν αὐλὸν  
ἀδόμενοι θρήνοι, ὃ γὰρ αὐλὸς πένθιμος. Funebres  
tibias Flamini audire, illicitum fuisse Festus  
ait lib 6. nihilominus ex Massurio Sabino a-  
pud Gellium lib. 10. cap. 15. patet, funus exe-  
qui Flaminem, religione minimè fuisse impe-  
ditum, in quo citra dubium hæ tibie audie-  
bantur. Tales autem erant aduncæ, quod satis  
indicat Papinius libro 6. Thebaidos, dum sic  
canit,

» *Tibia funesta tristior illa tuba.*

*Et ipsemet lib. 3. Fastorum,*

» *Cantabat mœstis tibia funeribus.*

*Matthæus Evangelij cap. 9. Cum, inquit, uenisset Iesus in ædes primatis, uidisset q; Tibicines, & turbam tumultuantem, dicit illis, Sedecite, non enim mortua est adolescentula. Vides, licet puella primatis esset filia, tamen tibicines, non tubicines funeri fuisse adhibitos, nimirum, quantum coniectura assequi licet, ratione ætatis defunctæ. Persius Satyra 3. funus describens patricij uiri, tubicinem non tibicinem facit adesse. inquit enim,*

» *Hinc tuba, candelæ, tandem beatulus alto*

» *Compositus lecto, crassisq; lutatus amomis*

» *In portam rigidos calces extendit.*

*Quod pertinet ad Ciceronis locum, facere ille uideri potest tibiæ, non tubæ mentionem, ut Deorum ira Clodio etiam mortuo illatam infelicitatem, augeat: quasi dicat, nec tibiæ quidem, quæ minoribus populariumq; hominum funeribus adhibentur, adfuerunt. Verum quanquam, quæ dicta sunt, uera esse in faciem, ac subsistere uidentur, est nihilominus animaduertendum non solum maiorum natu populariumq; funeribus tibiæ esse adhibitas, sed etiam nobiliorum. Cicero enim lib. 2. de Legibus sic inquit, Honoratorum uirorum laudes*

des in concione memoranto, easque etiam ad-  
cantus, ad tibicinem prosequuntor: cui nomen  
Nenia. quo uocabulo etiam Græci, cantus lu-  
gubres nominant. Hæc ille. Testantur quoq;  
Festus lib. 12. & Nonius ubi de Præficis, &  
Nenia. (hic quidem uerbis Varronis ex li-  
bro 4. de Vita Pop. Rom.) nenas in funere,  
ad tibiam cani consueuisse. Communes autem  
funeribus omnibus nenas fuisse, est existiman-  
dum. Vnde in Miloniana oratione, quem can-  
tum et quas tibias Cicero significare uoluerit,  
iam manifestè intelligis. Putauerim itaque  
tibicines funeribus quibuscunque adhibitos o-  
lim fuisse, eamque ob rem frequentem fu-  
nebrum tibiæ inueniri mentionem, tu-  
bæ non item. Ex quibus patet Franciscum  
Aligerum, Florentinum, Gregorium Giral-  
dum Ferrariensem, multosque alios errare  
(horum opinionem refert eruditissimus Ma-  
nutius in lib. de Legibus Romanis, nec impro-  
bat) qui aiunt, tubicines adhiberi consueuisse  
funeribus hominum ætatis prouectioris, pue-  
rorum uerò tibicines; & eorum, quæ relata  
sunt, nullam habent rationem. Verùm quid  
de Atteio Capitone dicemus, qui de Siticini-  
bus scribens, tubæ duntaxat facit mentionem?  
Putauerim id eum fecisse, non quòd frequen-  
tiores tubis tibias esse, Siticinesque ipsis uti  
ignora-

ignoraret, sed quo diuersitatem tubæ adnota-  
 ret, & si cum diuersæ etiam horum à reliquis  
 tibiæ essent, earum etiam meminisse debuit.  
 His satis proq; ingenij nostri captu explica-  
 tis, reliquum esse uidetur, ut aliquid de causa  
 grauitatis cantus tiliarum, tubarumq; , bre-  
 uiter tamen, dicamus. Aristoteles quidem, ut  
 uides, crassum instantis aërem, eam esse affir-  
 mat: Galenus uerò instrumenti latitudinem;  
 qui etiam Artis medicinalis cap. 69. sic in-  
 quit, Eo, inquit, modo, neq; acuta natura uox  
 sine angustia faucium, neque grauis sine lati-  
 tudine fieri potest. Idem Com. 23. in lib. 3.  
 Hippocratis de Morbis uulgaribus, ad part.  
 32. uocem sonoram, & acutam, à siccitate ef-  
 fici organorum testatur: quæ res etiam causam  
 præbere mihi uidetur acutæ echticorum uoci,  
 licet Aristoteles Problemate 37. sectionis 19.  
 paucitati aëris uelociter lati id tribuat, qui  
 fortasse et siccitatem trachææ, talé uocem si-  
 mul in echticis efficere non negasset. Sanè gra-  
 uitatem uocis sonique, cum latitudine organi  
 crassus aër unà, parere uidetur. Cum uerò ar-  
 etæ aër permeat uia, tenuis prodit, quod per-  
 spicere potes hyeme. Si enim aperto ore exuf-  
 flaueris, spiritum cernes in nebula aut fumi  
 morem satis crassum: si uerò compressis labijs;  
 adeò idem spiritus tenuis erit, ut oculorum sen-  
 sum

## Hieronymi Magii

*sum effugiat . Idemq; usuuenit in musicis organis, quæ uel follibus, uel ore instantur : nam si os, quod flatum primò accipit, nimis sit contractum, acutum sonant, tenui nimirum, & cito aëre, fractoq; ingrediente. Si uerò patens latumq; sit, grauem mittunt sonum, ob crassum, lenteq; latum. Pariter cum eadem organa incaluerint inaruerintq;, acutum sonant . Sed hæc hætenus .*

**Librorum inscriptiones, cur tituli appellentur .** Becichemi, Alciati, aliorumq; sententia reiecta . Vnde factū sit, ut libri permulti nullos, uel adulterinos titulos habeāt. CAP. XIII.

**C**V<sup>m</sup> olim Alciati commentaria legerem ad Titulum Pandectarum De Rebus creditis si certum petatur, animaduerti doctum cæteroquē hominem censere, Titulum inde dictum, quod factum, nomen, & memoriam tueatur auctoris . quam ille nominis notationem mutatus est à Marino Becichemo Scodrensi, qui Epistolicarum quæstionum Centuria prima, Cap. 49. sic inquit, Titulus autem dictus est, quasi tutulus, eo quod factum, nomen, & memoriam tueatur auctoris . Sic Becihemus . Quæ sententia passim recepta est, uideturq;



deturque his Varronis uerbis ex lib. 6. de Lingua Latina posse comprobari, Tutulati, inquit, dicti sunt, qui in sacris capitibus habere solent ut metam. Id tutulus appellatur, ab eo quod matres familiâs, crines conuolutos, ad uerticem capitis quos habent uti uelatos, dicunt tutulos; siue ab eo quod tuendi causa capilli fiebat; siue ab eo quod altissimum in urbe, quod est arx, ea res tutissima, tutulus uocatur. Hæc Varro. Cui adstipulatur Festus lib. 18. qui titulos, milites esse dictos scriptum reliquit, quasi tutuli essent, dum patriam tuerentur. Verum ego librorum inscriptiones, titulos dictas existimo, à Flaminicarum capitis ornamento, quod uitta purpurea innexa crinibus fiebat. Idem Festus lib. 17. Tutulum uocari aiunt Flaminicarum capitis ornamentum, quod fiat uitta purpurea innexa crinibus, & extructum in altitudinem, &c. Quamquam inuenio apud Iulium Pollucem lib. 4. ubi loquitur de calceamentis uestibusq; Tragicis, & Comicis, lenas etiam, meretricumq; matres uittam quandam purpuream capiti induere consueuisse. Quia ergo inscriptiones in librorum capitibus fiebant non sine ornamentis, & rubro colore, dictæ sunt tituli, quasi tutuli, à similitudine uidelicet ornamenti capitis Flaminicarum. Quod autem librorum ti-



## Hieronymi Magii

tuli rubro colore scriberentur, satis est ex Martiale, & Ouidio manifestum. Ita enim hic ait in principio lib. Tristium,

» Nectitulus minio, nec cedro carta notetur.

Ille uerò Epigrammate 146. ad Luperum de libro,

» Rasum pumice, purpuraq; cultum.

Legum quoque tituli eodem exarabantur colore, & ut quidam uolunt, etiam earundem initia seu primæ literæ, quamobrem rubricæ dicti sunt. Vnde Iuuenalis Satyra. 14. maiorum leges rubras dixit, et Persius Satyra 5. Masfurij rubricam. Non solum autem librorum legumq; tituli rubro scribebantur colore, sed etiam sepulchrorum. Plinius lib. 33. Naturalis historiæ Cap. 7. ait minium in uoluminum scriptura usurpatum, clarioresq; literas uel in auro, uel in marmore, uel etiam in sepulchris fecisse. Quia uerò librorum tituli minio conscribebantur, plurimumque exornabantur antiquitus, dum scribæ librarijque spacium & tituli & ornamenti ab ijs, quos uulgò à minio, Miniatores appellamus, scribendi, relinquunt, factum est, ut antiquorum libri non pauci, ad nostram ætatem, uel absque titulis, uel cum spurijs inscriptionibus, perueuerint. Multos ego manuscriptos membrana-

branaceosq; libros, & reuerendæ uetustatis tales conspexi, superioribusq; annis Ferrariæ apud Ioannembapt. Giraldum, uirum eruditissimum & amicum meum, Heronis librum *περὶ πολεμικῶν ὀργάνων*, ullo absque titulo legi: cumq; ille cuius esset auctoris, se prorsus nescire diceret, ego qui eundem librum Bononiæ in Bibliotheca Diui Saluatoris unâ cum Corrado meo, & Ioanne Andrea Sartorio legissem, Heronis esse indicaui.

Cur dies ab antiquis in duodecim horas distributus sit, & Romani hæreditatem omnem, ac pondera, mensurasq; plurimas in duodecim partes diuiserint, ex Galeno declaratum.

## CAP. XV.

**S**EMEL tædium lectionis auctorum omnium ei, qui uelit inter doctos haberi, demonstrandum esse, non sine causa eruditissimi uiri censuerunt. multa enim, quæ aliquando usui esse possunt, in ijs libris delitescunt, quos à facultate, quàm consecramur, longè uidemus esse sepositos. Quod cum uerum esse mihi compertum sit, legeremq; ideò Galeni lib. De cuiusque animi peccatorum notitia atque medella, in eum incidi locum, in quo scitè atque ele-

## Hieronymi Magii

ganter, cur dies in duodecim horas ab antiquis, à Romanis uerò hæreditas (quam rem nemo Iureconsultorum nostrorum obseruauit) cum pluribus & mensuris & ponderibus, in duodecim partes secètur, declarauit. Loquitur autem in hanc sententiam, agens de diei horarum numero duodenario, Porro, inquit, numerum hunc tanquam omnium utilissimum delegerunt. dimidium enim continet, & duplum, & quartum, & sextum, & duodecimum, quæ nullus alius post ipsum numerus, usq; ad uigesimum quartum, continere uidetur. Hunc etenim tanquam longiorem repudiarunt, & duodenarium numerum ueluti commodatum iudicantes, in tot particulas totius diei tempus diuiserunt. Hanc autem partitionem ex usu esse alij multi, & Romani ipsi experientia comprobantes, atque utentes, ostendunt: siquidem hæreditatem omnem, cum testamentum condunt, in dodecim portiones distribuunt, & ponderum, ac mensurarum, quibus in uita opus est, plurimas, in duodecim partes diuidunt. Hæc Galenus. Vides quàm bene rem auctor hic doctissimus explicet. Sanè quod de mictu duodenario animalis cuiusdam in Aegypto Serapidi dicati, ab Hermete Trismegisto obseruato traditur, unde dies in duodecim horas sit diuisa, horæq; ab

urina

*urina sint dictæ, fabulam olet. Spectant ad ea, quæ de diuisione hæreditatis dicta sunt, allata à Iustiniāno Instit. de hæredibus instituendis. §. Hæreditas et. §. Et si plures. cū his, quæ tum ab alijs interpretibus, tum à nobis in nostris Annotationibus scribuntur, quæ cū cuius obuia sint, consultò hîc missa facimus.*

Iustiniani locus in Institutionibus, Ciceronis uerbis declaratus. CAP. XVI.

**N**ON exilem continere difficultatem uide-  
 ri potest Iustiniani locus Instit. De iure  
 naturali, gentium, & ciuili. §. Sed ius qui-  
 dem. Verba Triboniani, Theophili, & Doro-  
 thei Græcorum Iureconsultorum, qui Institu-  
 tiones hæc composuerunt, semperq; sub Iu-  
 stiniani persona loquuntur, hæc sunt, Sed quo-  
 ties non addimus nomen cuius sit ciuitatis, no-  
 strum ius significamus. Sicuti cū Poëtam di-  
 cimus, nec addimus nomen, subauditur apud  
 Græcos egregius Homerus, apud nos Vergi-  
 lius. Nullo pacto hæc uerba, Imperatoris per-  
 sonæ, aut etiam Græcis Iureconsultis, quadra-  
 re uidentur, siquidem Græcus fuit Iustinianus,  
 semperq; in Græcia uixit, ut non obscuris scri-  
 ptorum monumentis est manifestum. Cur in-  
 quit, Apud Græcos egregius Homerus, apud

## Hieronymi Magii

*nos Vergilius? At dices ideò hæc uerba proferri quòd Romanorum esset Imperator, unde sub initium Procemij, seu potius Epistolæ, quæ eisdem Institutionibus præfixa est, se Principem Romanum, non autem Constantinopolitanum, aut Græcorum appellat. Quæ ratio & si plausibilis est; potest tamen & infrascriptis Ciceronis uerbis, quæ mihi prima capeßenti iuris elemèta, et hoc loco hæsitanti, lectio obtulit, huiusmodi exturbari difficultas. Sic enim inquit lib. 2. De natura Deorum, Mutuemur hoc quoq; uerbum, dicaturq; tam æther Latine, quàm dicitur aër: etsi interpretatur Pacuuius,*

» Hoc, quod memoro, nostri cælum, Graij perhibent æthéra.

*Quasi uerò non Graius hoc dicat. At Latine loquitur, siquidem nos non quasi Græcè loquentem audiamus. Docet idem alio loco,*

» Graiugena de isto aperit ipsa oratio.

*Hæc, Cicero. Sic ergo hoc loco dicere possumus, Iustinianum quia Latine loquitur, quasi Latinum illis uti uerbis, par esse.*

Quem

Quem imitatus Vergilius, frigus pene  
trabile dixerit. Qua ratione frigus  
urere dicatur. Aristotelis, Seruii, &  
Galeoti Martii sententiæ reiectæ.

CAP. XVII.

**V**ERGILIUS libro primo Georgicorum,  
docens, ad conciliandam terræ pinguedi-  
nem, quo pacto & cur steriles agros incende-  
re prosit, inter cætera sic inquit,

» Seu plures calor ille uias, & cæca relaxat  
» Spiramenta, nouas ueniat quæ succus in  
herbas,

» Seu durat magis, & uenas astringit hian-  
tes;

» Ne tennes pluuiæ, rapidius potentia So-  
lis

» Acrior, aut Boreæ penetrabile frigus ad-  
urat.

Cum, teste Aristotele in Meteor. & Galeo  
lib. 3. de Simplic. med. fac. cap. 5. frigus den-  
sandi constipandiq; uim facultatemq; habeat,  
uidebitur fortasse semidocto alicui, malè fuis-  
se à Vergilio frigus dictum penetrabile, cum  
magis epithetus calori conuenire uideatur,  
qui, eodem attestante Philosopho, aperiendi  
raraque faciendi corpora, facultatem uirtu-  
temque continet. Verum non ita rem habere

## Hieronymi Magii

cum experimentum, tū Lucretij uersus (hunc imitatus esse Vergilius haud dubiè uidetur, cum frigus penetrabile dixit) satis demonstrant. sic enim cecinit ostendere uolens difficile admodum esse creditu, quidquam in rebus solidi reperiri:

» Permanat calor argentum, penetrabileque frigus

» Quando utrunque manu retinentes pocula rite

» Sensimus infuso lympharum rore supernè. Infrà uerò idem Philosophus (non enim est cur eum Poëtam appellemus, quando nihil præter uersus, poëticum habet) frigus manale appellat, ignem uerò penetralem, ut perspicuum esse possit, pari penetrandi ui & frigus & calorem pollere, rectèq; à Vergilio frigus dictum esse penetrabile. Illud uerò non æquè perspicuum est, cur frigus adurere Vergilius dicat, cum nihil magis igni, cuius propriè munus exustio est, frigore sit inimicum? Nec uerò solus hic Poëta huiusmodi uim frigori tribuit, sed etiam Lucanus, qui sic ait,

» Vrebant montana nives.

Et Cornelius Tacitus lib. 13. Ambusti multorum artus ui frigoris, & quidam inter excubias exanimati sunt, &c. Multi etiam alij, quos breuitati consulens silentio inuoluo, talem



lem in frigore uim agnoscunt, ex qua ratione, si Pompeio lib. 14. credimus, pruina nomen accepit, quod fructus scilicet, ac uirgulta perurat. Seruius quidem locum his uerbis declarat, Hoc ad Solem, & ad frigus pertinet; nam uno sermone duo diuersa conclusit, quæ tamen unum effectum habent. nam & frigoris finis, est caloris initium; et summus calor, frigoris est principium. unde quasi unus effectus est et frigoris et caloris. hæc Seruius frigide nimis, & insipide. Aristoteles uero libro 4. Meteor. ad rem quod attinet, in hanc loquitur sententiam, At, inquit, frigus agens est, uelut corrumpendi et labefactandi uim obtinens, uel ut ex accidenti quippiam molitur, quemadmodum supra docuimus. Siquidem frigus aliquoties & calefacere, & comburere dicitur, non more quidem caloris, sed quod calor in unum conducatur, aut certe aduerso teneatur conatu. hæc Aristoteles. Hunc sequutus Galeotus Martius, eius tamen suppresso nomine, sic loquitur sub fine cap. 3. lib. de Doctrina promiscua, Sed frigus nunquam urit, licet uterq; Poëta (loquitur autem de Virgilio, & Lucono) dixerit: ueruntamen causam præbet incendij: nam adueniente frigore uehementi, id caloris, quod sparsim in folijs & herbis, & alijs huiusmodi, natura locauit, adueniente  
contra-

## Hieronymi Magii

contrario colligitur in unum, & fortius iam, quæ prius fouebat, exurit. Exustio ergo à calore fit, causam præbente frigore, &c. Sed hi, ut Lucretij uerbis utar,

» Magnopere à uera lapsi ratione uidentur. Non eo inficias, calore innato præditas esse plantas herbasq; omnes, testantibus Aristotele ipso lib. 2. de Part. animal. cap. 3. et Galeno lib. 3. de Simplic. medic. facul. cap. 5. et ratione ipsa suadente: siquidem alimentum è terra attrahunt, alterant, concoquuntq; , crescunt, germinant, fructusque generant, quæ munera caloris esse, nemo negat: sed tantum ipsis inesse, quantus, si in unum à frigore compellatur, ad exurendum satis sit, mihi non fieri ullo pacto uerisimile, audacter affirmo. minor enim hic est quàm qui nedum exurere, sed & sensu percipi possit: siquidem plantæ non multo indigent calore ad alimentum conficiendum, cum, ut Aristoteles inquit citato cap. 3. suis radicibus alimentum iam confectum è terra hauriant, non ipsæ conficiant: quocirca excrementum neutiquam contrahunt, cum terra caloreque eius perinde ac uentre utantur. Modicus ergo ille calor omnino, quàm per ἀντιπερισσῶν unitus, exurendo est ineptus. Idq; uerum esse inde facile intelligitur, quòd licet homo calore maximè affluat, quem

quem tactu statim sentimus, cutimq; frigori peruiam habeat, non tamen dum manus aut pedes frigore corripuntur, calorem adaugeri sentit, aut exustionem se pati intelligit. Cum, si res, ut *Aristoteles Martiusq;* arbitrantur, haberet, & calorem intra manus pedesq; in algoribus adaugeri maxime, sensuque exustionem percipi oporteat. Adhæc in maximis caloribus, cum adeò Solis æstu incalescunt herbe arboresq;, ut is sensu percipiatur, non tamen hæ exuruntur, si radicibus humoris copia suppetat. Est ergo dicendum, ob restinctum caloris innati in herbis plantisque, nullam amplius uiuidi humoris fieri attractionem, humoremq; insitum à frigore depelli, unde necessariò euenit, ut hæ tanquam ignis calore adustæ inarescant, & ideò adustæ dicantur. Quod uerum esse, hæc *Ecclesiastici* uerba cap. 43. fidem faciunt, eo loci, ubi de *Aquilone* sermo est, Et deuorabit montes, et exuret desertum, & estinguet herbam sicut ignis. Ita enim legendum est, si *Græci* contextus fidem sequi uelimus, non autem, Viride sicut ignem. ut habet uulgata uersio. Huc accedit *Varro* lib. 4. De *Lingua Latina*, qui sic ait, Virgultum dicitur à uiриди: id à ui quadam humoris, quæ si exaruit, moritur. Quod autem frigefacta siccantur inq; plus æquo frigefactis, calor, qui pro-

## Hieronymi Magii

propriam rei naturam tuebatur, commemoratur, unde corruptioni locus sit, est admodum manifestum, si quis Aristotelem lib. 4. Meteor. & Galenum lib. 3. De Simplic. med. facul. cap. 13. legat. Huc etiam spectant è Damocratis Clinico uersus infrascripti, qui ab eodem Galeno lib. 10. de Compositione phar. sec. loc. cap. 4. referuntur, de herba Iberide uocata, & Latine ita sonant,

- » Aestate pendent folia, donec multa hyems
- » Sarmentitiâ deducat hæc ad imaginem, &
- » Deiecta, & exiccata depereant gelu.

Cum igitur frigus calorem plantis innatum extinguat, omnemque euocet humorem, penitusque inarescendi causam præbeat (quod & calor efficere alia ratione solet) merito ex quadam similitudine, comburere dicitur; non autem quòd per ἀντιπερίσσειαν à frigore calor insitus in unum compulsus, adeò exardescat, ut partes, quibus obducitur, in ignis morem exurat.

Musæum Poëtam antiquissimum, dum uentos ex diametro pugnantes induxit, parum Philosophorum regulas obseruasse uideri. CAP. XVIII.

**A**NTIQUISSIMVS, pariter atq; elegantissi-

gantissimus Poëta Musæus, in libello De Herone, & Leandro, sic scriptum reliquit,

» μαρναμένων ανέμων, ζεφύρω δ' ἀντέπνεον  
 & ρος

» καὶ νότος ἐς βορέην μεγάλας ἐφέηκεν ἀπηνάας.  
 Id est, Pugnantis uentis, Zephyro autem  
 contra spirabat Eurus;

» Et Notus in Boream magnas immisit minas.

Cum hi uenti ex diametro inuicem opponantur, haud rectè factum à Musæo uidetur, dum eos uno eodemq; tempore unà flantes, quasi pugnam conferentes, magnamque ideò cientes tempestatem, inducit. siquidem qui Philosophicas res diligentius pertractant, id fieri non posse affirmant; ipseque Philosophorum princeps Aristoteles lib. 2. Meteor. ubi latè de uentis agit, huiusmodi insimul flatus fieri posse negat, dum in hanc loquitur sententiam, Sic autem ordinatis uentis, manifestum est quòd simul flare contrarios quidem non est possibile: secundum enim diametrum. Alter igitur cessabit uiolentiam passus. Non sic autem positos ad inuicem nihil prohibet. Hæc ille. Sed huiusmodi non pauca apud antiquos reperiuntur, temporum culpa, quibus omnes naturæ recessus non erant perlustrati. Huic Musæi errato simile & illud uideri potest Alcæi Poë-

## Hieronymi Magii

*ta Mitilenæi, qui potum per asperam arteriam ferri, pulmonemque eo perfundi existimavit. in hanc enim sententiam cecinit, ut legere est apud Athenæum libro 1. Diipnos. cap. 17. & lib. 10. cap. 9. ex Comitij uersione.*

» *Vino pulmonem irriga,*  
» *Flammata surgunt astra perfidæ Canis,*  
» *Sitiunt calore cuncta, tempus est graue.*  
*Per asperam nanque arteriam non potus dilabitur, sed spiritus ultro citroque com meat, ut ex humanorum corporum dissectione tam apertum est, quàm quod apertissimum. οἰσοφάγος uerò poculentis esculentisq; destinatur, quam gulam Latini appellant. Verùm, ut apud Gellium lib. 17. cap. xi. relatum legimus, non solum Alcæus, sed Plato, Hippocrates, Philistio Locrus, & Dioxippus Hippocraticus, commentum de potus in arteriam pulmonemque influxu, crediderunt, ipseque Plutarchus, quanquàm Erasistrato iurè reclamante, in eorundem sententiam partim discessit.*

Carnes assas elixis humidiores esse, an sit existimandum. Aristotelis, & Galeni sententiæ, quæ pugnantes uidebantur, nullo negotio conciliatæ.

## CAP. XIX.

**A**RISTOTELES Meteor. lib. 4. de Hepsefi, idest elixatione; ac optesi, idest assatione agens, assas carnes elixis humidiores esse affirmat; quod nimirum quæ assantur crusta quadam obducantur, unde meatus porique obstruuntur, insitusque humor euocari nequit: cum contrà in his, quæ elixantur, humor ab aquæ elixantis calore euocetur, & quasi exugatur. Quod uerum esse experimenta satis ostendere uidentur. Si quis enim assas carnes, non tamen admodum excoctas, scindat, humorem quendam planè aqueum statim abundè effluere animaduertet; quod tamen elixis scindendis non insuenit, cum humor insitus in elixantem aquam, ac in ius abierit: cuius rei haud obscurum præbet argumentum ius ipsum, quod carnem sapit, idque magis uel minus, quo magis aut minus caro hepsesim fuerit passa. Verùm quanquàm citra controuersiam, Aristotelis sententiâ uera esse uidetur, super ea tamen ambigere fluctuareque semidoctus fortasse lector cogetur, cum Galenum contra-

rium



## Hieronymi Magii

rium planè sentire uiderit . in hanc enim lo-  
quitur sententiam lib. 3 . de Alimentorum  
facultatibus, cap. 1. Quæ nanque, inquit, af-  
santes, aut in sartagine frigentes mandunt, ea  
corpori siccius dant alimentum: quæ uerò in  
aqua præcoquunt, humidius: quæ in patinis  
condiuntur, inter hæc media sunt &c. Sed dis-  
sidium aboleri posse uidetur, si dicamus Ari-  
stotelem de insito proprioque carniū cocta-  
rum humore esse loquutum, Galenum uerò de  
adscititio, extrinsecusque illapso . Cum enim  
rem medicam pertractet, coctas ipsas carnes  
non absolutè quales ex se sint ( qui Philoso-  
phorū mos esse consuevit ) considerat, sed dun-  
taxat pro ut se habent ad corpus humanum,  
quod medico faciendum esse ipse met demon-  
strat De Simplic. med. facul. lib. 1. cap. nouis-  
simo; lib. 2. cap. 20. & lib. 3. cap. 4. & 5.  
Adhæc dicendum etiam uidetur Galenum lo-  
qui de carnibus perfectè assatis, ac planè exuc-  
cis ( artem nanque parandorum obsoniorum,  
quæ medico plurimum conuenit, & de qua  
nonnulli medicorum libros etiam antiquitus,  
ut apud Athenæum patet lib. 12. cap. 4. edi-  
derunt, melius Galenus ipse callebat ) quæ iu-  
cundiores & gratiores quàm humidiores, ac  
aqua illa manantes, esse solent, quanquàm  
non ita concoctioni expositæ . Illud uerò prorsus

*sus indubitabile est, aquam dulcem potabilemque; non solum alimenta humidiora reddere; sed etiam ulcera squalida, & quæ supra modum inaruerint, emollire, udaq; efficere, ut citato lib. I. de Simplic. med. fac. cap. 7. idem testatur: qui capite mox sequenti & hoc literis prodidit, ab aqua feruenti corporibus exustis, siccitatem uti ijs, quæ ab igne sunt assa, neutiquam conciliari.*

*Quàm uerè Iustinianus Hippocentaurum esse non posse dixerit. De Centauris monstrorumque; ortu multa, nec passim obuia. Vlpiani sententia reiecta.*

C A P. XX.

**C**<sup>VM</sup> in uillam agri Anglarensis, cui Camparma nomen est, montanam quidem, at aucupijs, uenationibusque; & lucorum umbrarum æstate gratissimam, concessissem; essetque; mecum Paulus Ligius, iuuenis legalis Philosophiæ studiosissimus, inclinato in postmeridianum tempus die, ut obrepentem somnum amoliretur depelleretque; , anagnostis ille cæpit fungi munere. Anglare nanque digrediens, mutos quosdam magistros in enchiridij formam contractos, sibi comites asociuerat, inter quos Iustiniani erant Institutiones.

H In

## Hieronymi Magii

*In his sub titulo De inutilibus stipulationibus, quæ adscribimus, tunc uerba legebat, At si quis rem, quæ in rerum natura non est, aut esse non potest, stipulatus fuerit, ueluti Stichum, qui mortuus sit, quem uiuere credebat, aut Hippocentaurum, qui esse non possit; inutilis erit stipulatio. Hic cœpit ille subdubitare, & in eam faciliè adduci sententiam, ut Iustinianum, seu potius ueros harum institutionum auctores, lapsos crederet, dum ideò stipulationem subsistere negant, quòd Hippocentaurus esse non possit. Cuiq; enim, qui literas nosses, satis constare, Claudium Cæsarem, ut est à Plinio lib. 7. Naturalis historiæ cap. 3. relatum, scriptum reliquisse, Hippocentaurum olim in Thessalia esse natum, eodemq; die interiisse: eundemq; Plinium, eius Principatu illi ex Aegypto in melle allatum, se uidisse testari. Esse igitur posse Hippocentaurum, atque ideò stipulationis robori locum esse, dicendum uideri, ille discendi studio contendebat, et ecquid ego hac de re sentirem sciscitabatur. Respódi Institutionum auctores receptam scriptorum multorum sententiam sequutos, qui Hippocentauros, seu Centauros conficta esse monstra, nunquamq; in rerum natura fuisse, censuerunt; eaq; etiam ratione non ualere stipulationem sciuisse, quia, et si huiusmodi monstra*

*stra nascantur (similia nanq; aliquando monstra diuersique etiam generis fieri, illis minime obscurum fuisse, nemo negabit) non tamen ullo pacto uiuere possunt; statim nanque edita emoriuntur. Qua ratione uerba hæc à Vergilio 6. Aeneidos prolata Seruius affirmat,*

» *Centauri in foribus stabulant, Scyllæque biformes.*

*Sic enim scriptum reliquit, Bene in foribus, quia, & quæ contra naturam possunt creari, statim pereunt, &c. Verùm quæ tunc memoriæ lapsu omisi de Hippocentauris monstrisq;, & ad hunc locum spectare uidentur, refero. Lucretius lib. 4. commentitia monstra hæc esse affirmat, sic enim canit,*

» *Sed neque Centauri fuerunt, nec tempore in ullo*

» *Esse queunt duplici natura, & corpore bino.*

» *Ex alienigenis membris compacta potestas:*

» *Hinc illhinc par uis, ut non par esse potis sit,*

» *Id licet hinc quauis hebeti cognoscere corde.*

» *Principiò circū tribus actis impiger annis*

» *Floret equus: puer haud quaquam, sed sæ-*

# Hieronymi Magii

pe etiam nunc

» *Vbera mammarum in somnis lactantia  
querit.*

» *Post ubi equum ualida uires ætate senecta*

» *Membraq; deficiunt fugienti lægida uita,*

» *Tunc demum puerili æuo florente inuentus*

» *Occipit, & molli uestit lanugine malas.*

» *Ne fortè ex homine, & uterino semine e-  
quarum*

» *Confieri credas Centaurós posse, nec esse*

» *Aut canibus rapidis succinctas semima-  
rinas*

» *Corporibus Scyllas, & cætera de genere  
horum,*

» *Inter se quoniam discordia membra uide-  
mus.*

*Idem hoc ipsum citato libro affirmat, his uer-  
sibus,*

» *Omne genus quoniam passim simulachra  
feruntur,*

» *Partim sponte sua, quæ fiunt aëre in ipso,*

» *Partim quæ uarijs ab rebus cunque rece-  
dunt,*

» *Et quæ conficiunt ex harum facta figuris.*

» *Nam certè ex uiuo Centauri nō fit imago,*

» *Nulla fuit quoniam talis natura animai.*

» *Verùm ubi equi atque hominis casu conuē-  
nit imago*

*Hære-*

» Hærescit facile extemplo quod diximus  
ante,

» Propter subtilem naturam, & tenuia te-  
sta.

Cicero lib. 1. Tusculanarum Quæst. Is pla-  
nè, inquit, perspiciet, inter Hippocentaurum,  
qui nunquam fuerit, & Regem Agamemno-  
nem nihil interesse, &c. Idem lib. 1. de Na-  
tura Deorum, Quis enim Hippocétaurum fuis-  
se, aut Chimæram putat? Sic Cicero. Cui ad-  
stipulatur Ovidius lib. 4. Tristium, Elegia 7.  
sic canens,

Quod precor esse liquet: credam prius ora Me-  
dusæ

Gorgonis anguineis cincta fuisse comis.

Esse canes utero sub uirginis, esse Chimæram,

A truce quâ flâmis separat angue Leam:

Quadrupedesq; homines cum pectore pecto-  
ra iunctos,

Tergeminumque uirum, tergeminiûque  
canem.

Hammonius in lib. περὶ ἐπιφανείας, Quod, in-  
quit, possibile est, & contingit aliquando ef-  
se; ridiculum fuerit si quis dicat esse impossi-  
bile: repugnantia enim loquetur. Quod au-  
tem non possibile est esse, neque esse contingit,  
ut non possibile est, neque contingit Centau-  
ros esse, ergo impossibile est esse, &c. Ioannes

H 3 quoque

Adde hic ea, quæ dicitæ exscrales in libello de mor-  
v3. καὶ περὶ τὰς φάσεις, ac si Scyllā, Centaurūq; horre-

## Hieronymi Magii

quoque Chrysostomus Homilia 7. ad cap. 3. Epistolæ ad Colossenses, Hippocentauros, monstrum esse ficta testatur. Aristot. lib. 2. Phys. ait quod quæadmodum non inuenitur planta, quæ ex uite & olea composita, uinū ac oleum producat, ita nō inuenitur animal ex homine, & tauro conflatum. Palephatus in lib. De non credendis Poëtarum fabulis, & Lucanus in Phar. pariter negant Centauros esse. Orosius lib. 1. cap. 14. hæc, quæ ad rem nostram pertinent, scripta reliquit, Sed, inquit, Thessalos Palephatus in libro primo incredibilium, prodit ipsos à Lapithis creditos, dictosq; fuisse Centauros, eo quod discurrentes in bello equites, ueluti unum corpus equorum, & hominum uiderentur, &c. De Centauris Diodorus Sic. lib. 5. & Seruius ad illud Georgicorum 3.

» Frena Peletronij Lapithæ, girosq; dedere. Plutarchus tamen in libro, cui titulus Latinis uerbis inditur, An brutis ratio insit, existimare uidetur, Minotauros, Aegipanes, Sphinges, Centaurosque ex promiscuo hominum cum brutis coitu nasci. Thales etiā idem usuuenire demonstrauit; traditum nanque est, cum in Periantri armento monstrum ex equa natum, quod pectore tenus humana præditum esset effigie uidisset, surridentē monuisse, ne pa-

storibus



floribus, quibus uxores deessent, uteretur.  
 Rabbi Eleazer, uir impendio delirus, in expli-  
 cationibus suis ad cap. 2. Genes. ait ex pro-  
 miscuo Prothoplasti cum brutis, iumentisque  
 omnibus coitu, monstrosos homines editos es-  
 se. quam rem retulisse, mihi erat religio, nisi  
 prius ab Hispano quodam pio uiro, ex Franci-  
 scanorū familia, lib. 3. Fortilitij fidei (hunc  
 enim ille titulum operi suo adscripsit) rela-  
 tam animaduertissem. Eadem obscœna & à  
 piorum mentibus arcenda opinio, nugacibus  
 quoq; Thalmudistis insêdit, ut ex his, quæ ipsi  
 in libro Hyobamud, in citatum cap. 2. Genes.  
 ad ea uerba, Hoc nunc os ex ossibus meis,  
 & caro ex carne mea ] literis prodiderunt,  
 perspicitur. Sed ad Centauros atque ad rem no-  
 stram redeo. Galenus lib. 3. de Vsu partium  
 corporis humani, cap. 1. optimis demonstrat  
 argumentis, absurdam, atque impossibilem es-  
 se Ceutaurorum procreationem; cui illud in  
 postremis non habetur, substantiam hominis,  
 & equæ permisceri non posse. Eius prolixum  
 nimis sermonem, breuitati studens omitto.  
 Aristoteles libro 8. de Historia animalium  
 cap. 28. ea animalia, quæ diuersi generis sunt,  
 si coierint, tunc generare affirmat, cum eadem  
 ferendi uteri tempora habuerint, et corporum  
 magnitudinibus non multum discrepauerint.

## Hieronymi Magii

*Atque idem testatur lib. 2. de Gener. anim. cap. 5. illud etiam addens, prolificam fieri admissuram, si animalia natura non multum distant. Et infra lib. 4. cap. 3. ouem ex homine uel canem, & è conuerso, progigni posse negat, quòd uteri gestationis tempora non congruant. Quanquam autem monstra quasi ex homine, & bruto conflata uisuntur aliquando, talem tamen affirmat uerè non esse mistionem; Iam, inquit, puerum capite arietis, aut bouis referunt, idemq; in cæteris membrum nominant animalis diuersi, uitulum capite pueri, & ouem capite bouis natam asseuerarent. Quæ omnia accidunt quidem causis supradictis, sed nihil ex his, quæ nominant est, quanuis similitudo quædam generetur, &c. Cur mulieres nonnunquam bruta pariant, legere ne pigeat apud Thadæum Flor. in explicat. in Ioannitij Isagogas ad cap. 18. Verùm res non fictæ sed factæ his, quæ relata sunt, maximopere aduersari uidentur. Scriptum enim Volaterranus in Commentarijs urbanis reliquit, sub Pio huius nominis III. Pont. Maximo, in nostra Hethruria puellam quandam quòd cum cane adamato stupri consuetudinem habuisset, grauidam esse factam, ac semicanem fœtum edidisse, hoc est pedibus manibus, ac auribus caninis, cætera uerò hominem;*

nem; remq; expiationis gratia ad Pontificem fuisse delatam. Memoriae proditum est, Auenione anno salutis humanæ 1543. ex simili concubitu editum esse monstrum humano quidem capite præditum, sed auriculis, collo, brachijs, manibus, ueretro, partibusq; alijs quibusdam caninis; puerperam uerò fassam esse, se à cane initam, ideoq; mox Pridie Cal. Aug. iussu Francisci Gallorum Regis unà cum cane amasio, uindicibus flammis facinus expiasse. Multa etiam alia non absimilia feruntur. Ego ut monstra huiusmodi interdum enasci non nego, ita Aristotelis, Lucretij, Galeniq; sententiam non desero. Fieri autem talia, non ex bruti, sed hominis spermate, cum Accursio, doctisq; uiris existimo, causam discordis formæ præbentæ muliere, quæ dum iniretur, animal, cuius forma fœtui conciliata sit, cogitatione menteq; cõplectebatur. Vim autem fœtum intra uterum effigiandi, sœminæ concipientis cogitationi inesse, testatus est Hippocrates, qui ut Diuus Hieronymus in Quæstionibus super Genesim refert, mulierem adulterij suspitione laborantem, eo quòd infantem enixa esset, qui nullo pacto eius uirum facie referret, hac liberauit ratione, quia pictura infanti non absimilis, eius cubiculo inesset. Quo argumẽto Quintilianus, quod & ab Alciato obseruatum uidimus,

## Hieronymi Magii

dimus, matronam defendit, quæ *Aethiopem* enixa erat, cùm eius coloris icunculam in thalamo haberet. Meminitq; *Augustinus* rei non dissimilis lib. 10. de *Ciuitate Dei*, ubi rem à *Iacob* excogitatam approbat, qui quemadmodum *Geneseos* cap. 30. scriptum legimus, ut in grege unicolore, fœtus uersicolores ederentur, uarij coloris uirgas in canalibus, ad quos potus gratia oues arietesq; accedebant, ponebat, ut in ipso calore coitus & admissura, oues ex earum intuitu fœtibus, quos conciperent, diuersos colores conciliarent. Adde quòd non sine ratione mulierum cogitationi adscribuntur pomorum nonnullorum, carniū quoque & uini formæ & colores, quibus infantum quorundam cutem respersam uidemus. quo fit ut in eandem cogitationem humana monstra, brutorum membris prædita, reijcere possimus. Ex uocata nanque imaginatione, propter motum in spiritu naturali, & uitali, ac humoribus, consequitur multifariam mutatio in humano corpore. Quin si *Auicennæ* lib. 6. de *Naturalib.* part. 4. & *Algazeli* credimus, humana anima nobilior, & semota à corporis passionibus, cogitationibus maximo-pere affixa, cùm principiorum superiorum, quibus materiæ obtemperant inferiores, oleat naturam, quippe quæ ab illis ortum ducat, eò excellen-

excellentiæ processit, ut ad eius nutum impe-  
 riumq; exterior etiam materia permutetur.  
 Quam tamen uim in anima Peripateticos non  
 agnoscere nouimus, quibus agentia et patien-  
 tia communicare debent in materia; quod ani-  
 ma munia extra corpus exercente, non usuue-  
 nit: ut etiam censuit Thomas Garbus lib. 2.  
 Summæ medic. scien. Tract. 4. Quæst. x1. ne  
 alios commemorem. Sanè ipse Auicennas  
 lib. 18. de Animalibus, ait mulieres aliquan-  
 do ex cælesti (ut uoce protrita utar) impres-  
 sione, monstra gignere. Astrologi quoque mon-  
 strorum ortum astris tribuunt, præsertim ijs,  
 quæ Arietem constituunt. Domitius Vlpia-  
 nus, ut cernere est in. l. Quæret aliquis. ff. de  
 Verborum significatione, monstra Fato fieri  
 opinatus est, ut mihi quidem uidetur non sine  
 errore, primùm quia fati commētum iam mul-  
 torum, nouissimè uerò Iulij Sirenij uiri erudi-  
 tissimi scriptis sublatum est: deinde quia Ari-  
 stoteles libro 2. Physicorum, monstra casu fie-  
 ri, explosa eorum sententia, qui à fortuna ea  
 prouenire putabant, contendit. Quanquàm,  
 si propriè loquamur, nec casu quidem monstra  
 fieri dicendum uidetur: siquidem, ut Philoso-  
 phorum consensus est, effectus à casu proma-  
 nantis propriè sumpti causa, exterius habe-  
 tur, monstrorum uerò interius, cum si cogita-  
 tionis,

## Hieronymi Magii

tionis, de qua suprà loquebamur, causam re-  
ctè excipiamus, monstra fiant ex materiæ lu-  
xurie nimia, uel (ut eorum, è quibus hæc deli-  
bamus, uerbis utamur) ex suis qualitatibus,  
& quantitativis dispositionibus. Idem Aristo-  
teles libro posteriore de Ortu, et interitu cap.  
6. quæ nec semper, nec magna ex parte gi-  
gnuntur, ea spontè & fortuitò prodire ait.  
Querunt Aristotelis interpretes in explica-  
tionibus ad finem libri 2. Physicorum, Vtrum  
monstra à natura, uel à casu profluant: Et non-  
nulli bifidam monstrorum distinctionem affe-  
runt: alia enim esse dicunt aggregata ex indi-  
uiduo alicuius speciei & monstruositate: alia  
uerò indiuidua, quibus illa euenit monstruosi-  
tas. Posteriora, à natura proficisci, priora  
non item. Nonnulli monstra quidem à natura  
particulari nuncupata edi; alij contrà ab uni-  
uersali. Peripatetici turmatim in eam sece-  
dunt sententiam, ut affirmant, monstra à natu-  
ra effici, enutriri, augmentumq; accipere, ue-  
rùm non secundum naturam; latius nanq; pa-  
tet uerborum sententia cum dicimus, aliquid  
esse à natura, quàm cum secundum naturam:  
siquidem non solùm habitus, dispositiones, &  
formæ à natura dimanant, uerùm etiam pri-  
uationes, monstra, & corruptiones, ut probè  
ac lepidè à Themistio, & Simplicio in Expli-  
cationi-

cationibus in prænotatū *Physicorum* librum, est adnotatum. *Auerroës* monstrorum causam, alium naturæ modum appellat. Monstrosos partus rarius in homine quàm in animalibus, quæ uno nixu plures edunt catulos, conspici ait *Aristoteles* lib. 4. de *Gener. anim.* cap. 4. quia singulare, perfectumq; fœtum edat: eamq; ob rem in regionibus, quibus mulieres perfœundæ sunt, ut in *Aegypto*, plura edi monstrosa. Illud hîc non fuerit silentio inuoluendum, quod ad *Iustiniani* locū prænotatum maxime pertinet; è monstris ipsis nonnulla uiuere, nonnulla statim in lucem edita emori: quandoquidem, ut *Aristoteles* scriptum reliquit, si monstra parum à sua natura secesserint, uiuere solent, alioquin intereunt, uidelicet cum quod præter naturam, partibus uiuendi principibus accidit. Id autem *Hippocentauris* euenire, supra ex *Plinio*, & *Seruo* didicimus. Vnde meritò hos esse in rerum natura non posse, dixit *Iustinianus*, et si quis *Hippocentaurum* dari stipuletur, stipulationem neutiquam subsistere affirmauit, cum huiusmodi monstra uspiam uixisse, ueris ullius sermonibus, aut scriptionibus compertum non sit, quin multi, ut supra ostendimus, gigni non posse contendunt. *Alexander Aphrodis.* Probl. 44. libro 2. ob inopiam uel exuperantem materiæ



## Hieronymi Magii

*materiae modum, monstra uiuere non posse scriptum reliquit.*

Ciceronis locus illustratus. Animantium multiugam esse distributionem.

CAP. XXI.

CICERO lib. 2. de Natura Deorum, sic scriptum reliquit; Cum igitur aliorum animantium ortus in terra sit, aliorum in aqua, in aëre aliorum: absurdum esse Aristoteli uidetur, in ea parte, quæ sit ad gignenda animalia aptissima, animal gigni nullum putare. Sidera autem æthereum locum obtinent, qui quoniam tenuissimus est, et semper agitur, & uiget, necesse est quòd animal in eo gignatur, idem quoque sensu acerrimo, & mobilitate celerrima esse. Quare cum in æthere astra gignantur, consentaneum est in ijs sensum inesse, & intelligentiam. hæc Cicero. Quod hic de Aristotele dicitur, haudquaquam uerum uidetur: præter nanque duo animalium genera duobus in elementis, terra scilicet & aqua, nullum aliud hic Philosophus uspiam agnoscere animal uidetur. Quin Meteor. lib. 4. apertè inquit, in terra & aqua duntaxat animalia reperiri, in aëre autem et igne non item. quod ipsum eius Paraphrastes (siue is Ale-

*Alexander Aphrodis.* ut uulgò creditum est, fuerit; siue alius innominatus, ut *Victorius* censuit lib. 25. *Variarum lect.* cap. 22.) arbitratus est. in hanc enim loquitur sententiam, Quòd autem uolatilia in terra fiant, cognoscere non est difficile. Sic *Paraph.* Quamquam sibi ipsi *Aristoteles* constare non uideatur, qui lib. 3. de *Gener. anim.* cap. xi. sic loquitur, si nostris utatur uerbis, Plantas enim terræ incolas quispiam esse statuerit, aquæ aquatile animalium genus, aëris pedestre, &c. Verùm hac partitione non ex suo usum esse sententia, inconfesso est. Cum ergo ex *Aristotele*, eiusq; enarratore pateat manifestè, animalia solùm terræ, & aquæ uernacula reperiri; & præterea nuppiam, *Ciceronem*, qui talia de *Aristotele* proferat, quadriugamque ei animalium sectionem tribuat, parùm in *Aristotelis* librorum lectione uersatum, aut memoria non admodum fidei usum, suspicari aliquis posset. Verùm ego dixerim *Ciceronem* quæ attulit hausisse ex eo *Aristotelis* Tractatu, cuius meminit *Plutarchus* lib. 5. de *Placitis Philosophorum.* cap. 20. dum in hanc loquitur sententiam, Est, inquit, *Aristotelis* Tractatus quidam, in quo animalium genera, quadripartita esse dicit, Terrestria, Aquatilia, Volatilia, Cælestia.

Etenim

## Hieronymi Magii

*Etenim cælestium quoque orbium dici animalia, non secus atque terræ. Hæc Plutarchus. Vides quàm manifestè clareq; Plutarchus Ciceronis loco affulgeat, eumq; nōtæ eximat. Hanc Aristotelis distributionem sequutus uidetur Ouidius libro 1. Metamor. cum sic caneret,*

» Neu regio foret ulla suis animalibus orba,  
» Astra tenent cæleste solum, formeq; Deorum;

» Cesserunt nitidis habitandæ piscibus undæ;  
» Terra feras cepit, uolucres agitabilis ær. Tametsi Iacobus Cruceus Bononiensis in suis Annotationibus uelit, Ouidium in his uersibus,

» Quæsitisq; diu terris ubi sistere posset,  
» In mare lassatis uolucris uaga decidit alis. innuere, aues terestria potius, quàm aërea esse animalia, id suadente Apuleio, qui in hæc uerba loquitur, Immo si sedulò animaduertas, ipsæ quoq; aues terrestre animal non ærium rectius perhibeantur. Semper enim illis uictus omnis in terra, ibidem pabulum, ibidem cubile: tantumq; aëra proximum terræ uolando transuerberant. Cæterum cum illis fessa sunt remigia pennarum, terra ceu portus est. Varro lib. 4. de Lingua Latina triplicem animalium facit diuisionem, ea locans in  
aëre

aëre, aqua, & terra. Cui Moses, atq; Evangelistæ adslipulantur, dum aues cælo, idest, aëri tribuunt. Ex cuius etiam partitionis ratione Iustinianus (cùm Iustinianum laudo autorem, ueros Institutionum scriptores mente complector) Institutionibus sub Titulo De Iure naturali gent. & ciu. §. I. & infra De Rerum diuisione. §. Feræ. aues in Cælo nasci dixit. cum tamen Iureconsulti in Pandectis ubi similia proferunt, pro, Nascuntur, habeant, Capiuntur, ut. l. I. De Acquir. rer. dom. & in. l. Si apes. sub Titulo de Furtis, perspicitur. Quod consultius ab his factum uidetur, dum multas aues ac fortasse maiorem earum partem, in terra nidificare animaduertent; quarum nullam habuit rationem Iustinianus, ut cognoscere etiam licet ex §. Apum. eodem Titulo de Rerum diuisione, in quo sic ait, Itaque apes, quæ in arbore tua confederint, antequam à te alueo includantur, non magis tuæ intelliguntur esse, quàm uolucres, quæ in arbore tua nidum fecerint etc. Sanè Platonici, siue etiam Socratici, aëri tribuunt demones, animalia corpore aërea, animo passiuæ. à quorum sententia non longè abest Martianus Capella, qui à medio aëris limite ad montium usq; terræq; confinia, Hemitheos, Heroës, Manesq; , quos Agatos, & Cacodæmonas uocat Graia discre

## Hieronymi Magii

*tio, uersari scriptum reliquit. Sed Diuus Thomas Materia 16. De Malo. Quaestione 1. nulum aëreum animatum esse contendit ; cum corpus organicum esse nequeat, nisi terminū, figuramque adipisci possit, quod in aëre fieri non uidemus ; ex quo fit, ut Dæmones naturā nullo præditos esse corpore dicendum sit. Verum hæc alterius loci sunt.*

## Libri primi Miscellaneorum

F I N I S.



HIERONYMI

MAGI

MISCELLANEORVM,

*seu Variarum Lectionum,*

LIBER SECVNDVS.

Qua de causâ uis quædam famis non tolerabilis, quam Græci βούλιμον καὶ βούπειναν dicunt, in diebus frigidissimis multò facilius, quàm cùm mite est cœlum, uentriculum obsidere cōsueuerit. Erasistrati, & Gellii incuria, atque oscitatio demonstratur. Vocis εὐδία, quæ sit significatio. Gellii uersio reiecta, Manardus reprehensus, & Hippocratis locus illustratus. CAP. I.



ERASISTRATVS medicus apud antiquos non incelebris, libro διαρέσεων primo, uim quandam famis, quam Græci βούλιμον καὶ βούπειναν appellant, in diebus frigidissimis facilius multò, quàm lenibus mitibusq; fieri, me-

## Hieronymi Magii

*moriæ prodidit : atque eius rei causas, cur is morbus eo plerunque tempore corpora inuadat, nondum sibi cognitas esse fassus est. Erasistrati autem uerba ab Aulo Gellio Noctium Atticarum lib. 16. cap. 3. relata, super hac re sunt infra scripta, Ἄπορον δὲ καὶ δέομενον ἐπισκέψεως, καὶ ἐπὶ τούτου, καὶ ἐπὶ τῶν λοιπῶν βουλευμιῶντων, διατὶ ἐν τοῖς ψύχεσι μᾶλλον τὸ σύμπλωμα τοῦτο γίνεται, ἢ ἐν ταῖς ἐυδαίαις. Id est, Dubium est, indigensq; considerationis, tum in hoc, tum in cæteris famelicis, quare in frigoribus magis huiuscemodi casus accidat, quàm serenis temporibus. Sic enim Erasistrati uerba interpretatur Gaza, qui, ut Iacobus Constantius, & Andreas Alciatus testantur, Græca omnia, quæ apud Gellium leguntur, Latinitate donauit. Licet autem causas non afferat Erasistratus, nec Gellius in hac re suum exacuere uoluit ingenium; ut qui non admodum esset eruditus, et, si nonnullis credimus, grammaticum non excesserit. Poterat tamen uterque hac de re aliquid apud Aristotelem cognoscere, qui Problemate 4. sectionis 8. in hanc loquitur sententiam, Cur tempore, inquit, frigido maximè uis illa famis intolerabilis incidat, qui caninus appetitus uocatus est, & hyberno potius quàm æstiuo? An quòd uitium hoc ob inopiã sicci alimenti solet acci-*



accidere? Tempore autem frigido, & hyberno, cum calor in angusta se contrahit, ocius interdum deficit alimentum. quod cum defuerit, uitium id esuriendi accidere consentaneum est. At si in ea cibi uitiosa cupiditate resolutio imbecillitasq; secuta est, materia statim interna corporis à collecto calore colliquescit: quæ si ad locum cibo à natura destinatum influxerit, pro cibo seipsam corpori applicabit. Hæc ille. Qui locus licet omnino rem non aperiat, non sine tamen incuriæ atque oscitationis nota cum ab Erasistrato, tum ab A. Gellio fuit omissus. Nos autem licet rem medicam non profiteamur, aliqua asserre conabimur, quibus res ipsa penitus explicetur. Primum igitur de cibi appetentia nonnulla præscribenda sunt. Natura, ut Galenus lib. 4. de Usu partium corporis humani, cap. 7. scriptum reliquit, omnibus alijs animalis particulis, uentriculo excepto, nullum eorum, quæ desunt, sensum largita est, sed eas in plantarum morem, dum assidue ex uenis alimoniam sibi desumerent, nutriri uoluit. Soli uerò uentriculo, præsertim eius partibus, quæ ad orificium pertinent, sensum indigentie ad cibum animal excitantem, conciliauit. Quod non sine ratione fuit comparatum. Siquidem cum, eodem Galeno attestante, totius corporis particula,

## Hieronymi Magii

*nutrimentum ex uenis à caua prognatis trahant, ipsa autem rursus caua, ex uenis epatis, hæ rursus ex his, quæ sursum ad portas feruntur, illæ rursus ex uentriculo & intestinis; cùm autem nulla iam amplius particula supersit, à qua uentriculum capere oporteat, hunc ipsum extrinsecus desumpta alimonia replere, fuit animali necessarium. Quamobrem cibi facta est appetentia animalis; in alijs uerò partibus, idest uenis, suetio, & quæ naturalis nuncupatur appetentia; quæ. haud aliter, ut Galenus auctor est lib. 3. de Symptomatum causis, cap. 7. quàm in plantis perficitur. Quæ res maximè fuit necessaria. Cum enim, teste eodem, loco citato, & in libro de Dissolutione continui sub principium, ac in libro de Marasmo, siue de tabe, à quolibet animali melior, & tenuior pars per cutem effluat, atque in aërem abeat, cogente ad id innati in nobis caloris perpetua in humorem actione, quo fit ut corporis substantia, partesq; inaniantur, atque imminuantur, ex qua sanè inanitione imminutioneque, ad mortem citra dubium uia sterneretur, idcirco nutrimenta à partibus, uenisq;, & à uentriculo, qui circa os (ut idem Galenus ait prænotato cap. 7. & lib. 4. et itè 6. et 9. de Usu par. corp. hum.) abundantiore præ cæteris partibus, ob neruos eò*

à cerebro pertingentes, sensu præditus est, maximopere exiguntur. Quinque igitur motibus cibi naturalis fit appetentia, Aëtio Serm. 9. cap. 20. & Galeno eodem cap. 7. auctoribus, qui se inuicem comitantur, scilicet primum inanitione, inanitarum partium naturali appetentia, uentriculi suctione, suctionis sensu, demum omnium nouissima animali appetentia. Atq; hæc quidem ex naturæ præscripto.

DEPRAVATA uerò appetentia fit, si uehementiæ modus excedatur, ac tunc, ut Galenus ait, à nonnullis canina appetentia uocatur, cum uel ob acidi humoris uitium uentriculus mordicus infestatur, uel ubi totum corpus immodicè dissipatum, assidua indiget nutrictione. Quippe frigidi humoris uitium rosionem, quæ suctioni proportionem respondeat, inducit: ac appetentiam haud aliter quàm naturale pathema excitat; atque cibi magis quàm potionis desiderium adfert, idq; propter refrigerationem. Quo fit ut ad famem excitandam frigus in uentriculo non parum conferat, nam & uacua reddit corpora, ac ipsorum tunicas cogens, constringensq; , famem suscitatur. At inter potissimas continentesq; causas, quibus fames impeditur, calor numeratur, quippe solidiora corpora laxando dissoluit, atque ad attractionis functionem reddit imbecilliora: hu

## Hieronymi Magii

*mida uerò fundendo, supra modum extendit. Igitur caninæ appetentiæ causa una est acidorum humorum uitium, altera uerò, ut dictum est, plurima per totum corpus inanitio. Hæc Galenus, qui Com. 21. sect. 2. Aphor. caninæ famis causam dicit esse, uentriculi intemperiem frigidam, & acidos humores, os ipsius irritantes, cui Aëtius concinit Serm. 9. cap. 21.*

**FIT** præterea in uentriculo βούλιμος, id est ingens fames, de qua Galenus citato cap. 7. lib. 3. de Sympt. causis, in hanc loquitur sententiam, *Accidit adhæc βούλιμος, id est uehemens fames, ita enim uocant; estq; huius particula symptoma, cum simul & penuria, imbecillitate, & refrigeratione afficitur, &c. Loquitur autem de uentriculi ore, cui Aëtius probè astipulatur Sermone prænotato, cap. 16. inquit βούλιμον ex uentriculi frigidityte oriri, indigentia, ac uirium imbecillitate; huiusq; symptomatis sæpenumero causam præbere longas per niues peregrinationes, totum corpus uentriculumq; luculenter refrigerantes. Idem Galenus Com. 21. in lib. 2. Aphor. bulimi meminit, inquit, si Latino sermone utatur, Passio βούλιμος nominata, est casus potentia ex frigidityte exteriori, qui à fame quidem inchoauit, sed non habet eam amplius adiun-*

adiunctam, &c. Eadem ferè habet Auicenna lib. 1. Fen 1. Doct. 3. cap. 3. & lib. 3. Fen 13. Traët. 1. cap. 19. & Traët. 2. cap. 12. Quamobrem Franciscus Valeriola Physicus eruditissimus & Galeni nobilis explanator, miratur quid Alexandrum Trallianum impulerit, ut diceret lib. 2. cap. 23. βούλιμον à nimio calore enasci, cùm reliqui omnes & Arabes & Græci, à frigiditate proficisci, quod et res ipsa docet, affirmauerint. Minimè autem est ignorandum, βούλιμον à Canina appetentia differre; quòd perpetuò in canina appetentia fames urgeat, in bulimo non item; quanquàm à fame inchoauit, sed prostrata tandem uentriculi facultate perit; à frigiditate exteriori, deleta sentiendi potestate; tum etiam quòd illa ab acidis succis ortum ducit, hæc sine his consistere potest, ut Galenus citato Com. 21. in 2. Aphor. testatum reliquit. Est igitur satis manifestum βούλιμον de quo Erasistratus agebat, à frigore proficisci. unde non mirum si in diebus frigidis hoc symptoma multò facilius accidat, quàm cùm mite, clemens tepidūq; est cælum. Tametsi et calorem etiam huic symptomati, sed propter frigoris ἀντιπερίστασιν, causam parte aliqua præbere dicendum est, cum Galenus, & Aëtius, ut suprà perspicere licet, uentriculi etià inopia βούλιμον ascribant, quæ  
non

## Hieronymi Magii

non nisi à nimio calore, ut prænotato Aristotelis loco, ex q̃; Galeni ipsius dictis de animali appetentia, & ex his, quæ scripta reliquit Meletius in libro de Natura hominis, satis liquet, efficitur. Quam rem & Auicenna suadet, sic inquit lib. 3. Fen 13. Tract. 2. cap. 12. Fames autem secundum plurimum est à superfluitate caloris in corpore toto, & in extremitatibus eius — Caliditas enim cum dominatur corpori, resoluit, & cogit uenas uti suctione post suctionem, donec perueniat ad os Stomachi capiendo quod aggregatum est &c. Qua ratione crediderim Alexandrum Trallianum adductum, ut βούλιμον à calore nimio ortum habere diceret, præsertim cum hoc eodem loco Auicenna, in causa canini appetitus, agnoscat calorem superfluum in ore uentriculi resoluentem, & instaurationem exposcentem. Vt idem Trallianus senserit, βούλιμον à calore quidem nimio ex frigoris antiperistasi adaucto, ortum ducere, perfici autem mox à nimio frigore uentriculum obsidente, sentiendiq̃; potestatem abolente. Quod si uerum sit, quantum ad ortum spectat, calorem communem habebit βούλιμος cum canina appetentia (et si ab acidis etiam succis hæc enascitur) nec iure mirari uidebitur Valeriola.

NON est ergo in obscuro bulimi causa, nec  
res

res consideratione multa indiget, ut Erasistratus censuit.

HIS pro ingenij nostri captu explicatis, proximum uidetur, ut aliquid de uoce ἁδία, qua usus est Erasistratus, scribamus. Gaza, ut uides, uerba Erasistrati, ἡ ἐν ταῖς ἐνδίας, uertit, Quàm in serenis temporibus. qui tamen apud Hippocratem Aphor. 12. part. 3. uocem ἐνδίας, ad teporem in sua uersione retulit. Gellius ipse in uocis eiusdem interpretatione, serenitatem placiditati iunxit, inquiring, Quàm cum placidum serenumq; est. sed malè uterque, ut mihi uidetur: siquidem nullam habuit Erasistratus rationem serenitatis, quia opposuit uerba ἐν ταῖς ἐνδίας, uerbis illis ἐν τοῖς ψύχει. quorum significatio est, In frigoribus. Frigora autem, ut neminem latet, serenitatem sepius non excludunt, & caloribus teporibusque opponuntur. Sanè Aristoteles lib. 2. Meteor. Aparctian frigidissimum niuosumq;, serenum esse dicit, serenos etiam esse affirmans Thrasciam et Argestem uentos, ut quotidie experimur, neutiquam tepidos, & qui locum inter Septentrionarium, Zephyrumq; medium occupant. Sunt autem hi decepti à uocis etymo. cum enim ex ἐν, quod est bonum, & διός, idest Iouis, hoc est aëris, confletur; serenitasq; ipsa, & placiditas bonum aërem



## Hieronymi Magii

aërem efficiant, ideo serenitatem placiditatemq; significari existimauerunt. Eustathius Constantinopolitanus in Com. in 4. Odys. ad rem quod attinet, in hanc sententiam loquitur, Respondet igitur proportionē εὐδίας, idest meridianus, ad εὐδίας, idest εὐαέριος [ hoc est boni aëris ] cuius scæmininum εὐδία, idest εὐαερία, idest bona aëris constitutio. Idem in 16. Iliad. εὐδίας, & αἰδρίας, idest serenitatem, idem significare ait. Cum igitur uox bonum aërem significet, & non simplici de causa aërem bonum appellemus, factum est ut una eademq; uox εὐδίας, & εὐδία uariè ac multipliciter ab auctoribus usurpetur, ut pro bona die, pro serenitate nonnunquam, aliquando pro tranquillitate, & aëris malacia, uentorumq; carentia: interdum pro tempore: item pro miti, leniq; aëre: præterea pro tempore lento, ut est à quibusdam non indoctè obseruatum. Hippocrates loco superius citato hac uoce temporem significauit cum inquit, ἢν δὲ νότιος ὁ χειμὼν καὶ ἐπομβριος, καὶ εὐδίας γέννται; τὸ δὲ ἔαρ ἀνυχμηρὸν καὶ βόρειον, αἱ μὲν γυναῖκες &c. hoc est, Si uerò hyems Austrina, pluuiialis, & tepida fuerit; uer autem siccum, & Aquilonium, mulieres quidem &c. De qua uoce notum satis est quanta exorta fuerit lis & digladiatio inter Manardum & Leonicensem; existi-

existimâte Manardo eam ex Aphorismo expungendam cum alijs de causis, quanquam non satis urgentibus, tum quia Galenus ipse in Com. uocem non agnoscat. Sed fallitur Manardus uir alioqui eruditissimus, & qui rectam quandam medendi artem multa cum elegantia primus ostendisse uidetur; nam ut cætera eius argumenta missa faciam, ad Galenum quod attinet, non satis oculatus uidetur, siquidem in eius Com. tepiditatis seu caloris fit mentio, & uox εὐδίας agnoscitur. sic enim ait, γὰρ δὲ ὅτι τοῦ χειμῶνος μὲν ὑγροῦ, καὶ θερμοῦ γενομένου, τοῦ δ' ἥρους ξηροῦ, καὶ ψυχροῦ, νοσεῖν ἀναγκαῖον ἐστὶ τοὺς ἀνθρώπους, ἐν αὐτῷ τῷ ἥρῳ ἐκτεόν ἐστιν.

Et infra :

Τὰ γὰρ τὰ σώματα καὶ μαλακὰ, καὶ ἀραιὰ γεγονότα, κατὰ τὸν εὐδίων χειμῶνα, ῥαδίως εἰς τὸ βάθος αὐτῇ διαδίδωσι τὴν ἐκ τοῦ περιέχοντος ψύξιν. Præter autem Galenum, ratio ipsa suadet, uocem hoc significatu esse accipendam; quia hæc uerba ἦν δὲ ἕαρ νότιος ὁ χειμὼν καὶ ἐπομβρος, καὶ εὐδίας γένηται. opponuntur illis, τὸ δὲ ἕαρ αὐχμηρὸν καὶ βόρειον. sunt enim contrariæ aëris constitutiones, hyemis quidem tepens, & humida; ueris autem frigida, & sicca. Aquilo enim, qui & Boreas dicitur, frigidus est, ut testatur Galenus in Com. in pri-

## Hieronimi Magii

*num Epidim. Vnde iure optimo Ouidius libro 1. Metamor. horriferum uocauit, sic enim canit,*

- » *Scythiam septemq; triones*
- » *Horrifer inuasit Boreas, contraria tellus*
- » *Nubibus assiduus, pluuioque madescit ab Austro.*

*Auster autem calidus est, ut idem Galenus ait, nisi si quando, raro ualde in ueris initio frigidus, aut alia hora exiguo tempore similis spirauerit. Eam ob rem Ouidius infra lib. 7. inquit,*

- » *Lethiferis calidi spirarunt flatibus Austri.*
- Idem lib. 4. de Ponto, Eleg. 10. eundem uentum tepidum uocat. Atqui res non eget testimonij, sensu enim uentos hosce tales esse depræhendimus. Sed dices, si Auster calidus est, cur addita est uox ἐυδίας? superfluere enim uidetur, cum Hippocrates hyemem Austrinam dicens, calidam (ut etiam Thadæus Florentinus in Com. suo scriptum reliquit) dicat, seu intelligat. Respondeo factum id esse ab Hippocrate, ne quis procellosam hyemem intelligeret: haud enim obscurum est, Austrum esse procellosum aliquando, attestantibus Aristotele libro 2. Meteor. & Galeno in Com. ad part. 3. lib. 3. de Morbis uulg. qualem non uult appingere nobis Hippocrates (so  
let*

let enim hic esse siccus, ut ibidem Galenus affirmat) sed lenem alium & clementem, pluium tamen. Siquidem uer duntaxat tempestosum intelligit, ut ipse met sui ipsius interpres demonstrat in libro de *Ære aquis & locis*, de eisdem constitutionibus in hanc sententiam scribens, Si uerò hyems Australis fiat, & pluuiosa & clemens; uer autem Boreale & siccum & tempestosum [siue, hyemale] primum quidem mulieres, quæ uterum gestant, &c. Eius autem uerba hæc sunt ἢν δὲ ὁ μὲν χειμὼν νότιος γένηται, καὶ ἑπομβρὸς, καὶ εὐδίας: τὸ δὲ ἥρ βορείοντε, καὶ αὐχμηρὸν, καὶ χειμέριον, πρῶτον μὲν τὰς γυναῖκας, ὁκόσαι ἂν τύχωσι ἐν γαστρὶ ἔχουσιν, &c. Ex quo loco etiam patet Manardi sententiam erroris neutiquam esse exortem, dum uocem εὐδίας, ex Aphorismo delendam putat: nam hic ubi eadem repetuntur ab Hippocrate, posita est.

Quæ fuerint apud antiquos Diuisiones: quibus, & quando dari consueuerint. Declarata hæc uox in Pandeëtis, Accursii, Bartholi, Romani, & Tiraquelli error demonstratus. CAP. II.

MARCELLI Iurisconsulti doctissimi, hæc uerba in Pandeëtis sub Rubrica de Annuis

## Hieronymi Magii

*Annuis legatis, & fideicommissis, leguntur, Cùm quidam Decurionibus diuisiones dari uolisset die natalis sui : Diui Verus, & Antoninus rescripserunt, non esse uerisimile testatorem de uno anno sensisse, sed de perpetuo legato.] Quid per Diuisiones sit à Marcello significatum, nullus ad hanc usque diem explicauit; uox enim Latinis auctoribus est insolens, usque adeò ut obscura omninò sit. Vnde non mirum esse debet, si Budæus, Alciatus, alijq; ex Iureconsultis nostris non pauci, nec indocti, qui Pandectarum libros librariorum culpa deprauatos, tenebrisq; obsitos repurgarunt, scriptisque & annotationibus illustrare contendunt, eam taciti, ut alias uoces prætenuolarunt. Equidem dum olim Perusiæ, mox Pisis, ac demum Bononiæ agerem, et inter doctos homines còmunium studiorum gratia uersarer, ad eos, qui ex his nomine erant non obscuro, de re & uocis significatione retuli, ac neminem inuèni, qui quidquam, quod uerum, aut saltem uerisimile uideretur, afferret. Cùmq; ex diutina sententiarum exquisi-  
tione iam essem defatigatus, uiresq; ingenij omnino considerent, & flaccescerent, re penitus deplorata, forte euènit, ut in quædam aduersaria mea inciderem, quibus elogia epitaphiaq; quæ in antiquis lapidibus passim in  
Italia,*

*Italia, & prouincijs leguntur, subnotaram. Harum inscriptionum tribus perlectis, quæ fuerint apud antiquos Diuisiones, et quo tempore, ac quibus dari consueuissent, planè intellexi. Inscriptiones sunt quæ apponuntur. Comi hæc uisitur sæculorum iniuria mutilata detritaque.*

——— *DIVID. OLEVM, & propin. DC. DCCL. præbeant. Item lectiſternium tempore parentaliorum ex DC. CC. memorijs eiusdem Valerianæ, & Appi Valeria. fil. eius per offic. Tesserarior. quodannis ponatur, & parentetur. Item coronæ myrt. ternæ & tempore rosæ Iul. ternæ eis ponantur micatæ de silitis ex DC. L. profundantur. Item Appius Eutychianus maritus eiusdē Valerianæ scholæ Vexillariorum largitus est HS. XXX. N. L. cuius summæ reditu quodannis die ss. natalis eius ante statuam lecti ex DC. CCL. ponant. Sport. DC. CCL. inter præsent. sibi diuid. oleum & propin. per rosam PRÆBEANT.*

*Quæ sequitur, Rauennæ legitur, & à Volaterrano etiam lib. 16. Com. urbanorum, à Blondo Forol. libro 2. Romæ triumphantis, & ab alijs refertur, sed non admodum emendatè.*

# Hieronymi Magii

D.

M.

FLAVIAE Q. F. Salut. coniugi carissimæ  
 L. Publicius Italicus Dec. orn. et sibi v. Po-  
 suit. Hic Coll. Fabr.  $\overline{M}$ .  $\overline{R}$ . HS. XXX. VIV. ded.  
 Ex quo redditu quotannis Dec. Coll. Fabr.  $\overline{M}$ .  
 $\overline{R}$ . in æde Nep. quâ ipse extruxit die Neptuna  
 liorū præsentibus Spor. >|<. bini diuideretur.  
 Et Dec. XXVIII. siue >|<. centeni quinquageni  
 quotannis darentur. Vt ex ea summa sicut  
 soliti arcam Publiciorum Flauiani, et Italic  
 filiorum, & arcam in qua posita est Flauia  
 Salutaris uxor eius, rosas exornent de  
 >|<. sacrificentq; ex XXII. & de reliquo  
 ibi epulentur. Ob quam liberalitatem Col.  
 Fabr.  $\overline{M}$ .  $\overline{R}$ . inter benemeritos quotannis  
 rosas Publicijs supra se & Flauia Salut. uxo  
 re eius mittendas ex >|<. XXXV. sacrifici-  
 umq. faciundum de XX. HS. per MAGI-  
 STROS DECREVIT.

Tertia Reate conspicitur, estq; in hæc uerba.

T. FVNDILIO Geminio VI. uir. Aug.  
 Mag. Iuu. Augustales patrono & Quinq.  
 perpetuo optime merito. Hic arcæ Augustali-  
 um se uiuo HS. XX. dedit. ut ex redditu e-  
 ius summæ die natali suo IIII. K. Febr.  
 præsentibus uescerentur. Et ob dedicationem sta-  
 tuæ Decurionibus & Seuiris & Iuuenibus  
 Sportulas, & populo epulum et oleum eadem

DIE



## DIE DEDIT.

*Vides quàm bene ex harum inscriptionũ tanquam commentariorum quorundam lectione, Iureconsulti uerba explicentur, et Diuisionum significatio, & consuetudo sub obtutum ponatur. Fuerunt igitur hæ Diuisiones, scilicet sportulæ, pecuniæ, oleum, crustum, uinum, aliæq; id genus nec absimilia, quæ testatores Collegijs, & sodalitatibus, militijsq; negociatorum & artificum, item Decurionibus, populoq; interdum, die natalis, quæ uiuentibus fuerat celeberrima atque honorata, parentaliorumq; tempore singulis annis dari testamento cauebant. Harum Diuisionum meminit etiam Paulus Iurisconsultus in eisdem Pandectis sub titulo De Legatis, his uerbis, Ciuitatibus legari potest, etiam quod ad honorem ornatumq; ciuitatis pertinet. Ad ornatum puta quod ad instruendum forum Theatrum, stadium legatum fuerit. Ad honorem puta, quod ad munus edendum, uenationem, uel ludos Scænicos, ludos Circenses relictum fuerit: aut quod ad Diuisionem singulorum ciuium uel epulum relictum fuerit, &c. Huiusmodi Diuisiones à uiuentibus etiam lætitiæ gratia dari consueuisse, non est ambigendum. Dabant antiqui Diuisiones nedũ Decurionibus, ut cognoscitur ex pridem relata inscriptione, sed etiam*

# Hieronymi Magii

*eorum liberis. inter cætera Diuisiones panis  
& uini. Fulginiæ in lapide peruetusto in hor-  
tis Alexandri Elmi sic legitur,*

—— PATRONO Ciuit. Foro Flam. Fulgi-  
nia. Itemq. Iguuinorum splendidissimus ordo  
Floro Flami. Cuius dedicat. Decurionibus, et  
liberis eorum panem et uinum, et 7c 7c. XX.  
N. Itē municipibus 7c 7c. III. N. DEDIT.  
Qui integram inscriptionem legere auet, eam  
perquirat in Emendationibus, suspitionibusq;  
Malæspinæ in Epistolas Ciceronis ad Atti-  
cum. Perusiæ in templo Diui Angeli in perue-  
tusto lapide, qui aræ adstructus est, huiusmodi  
legimus inscriptionem,

C. VIBIO. C. F. L. N. TRO. GALLO.  
PROCVLEIANO PATRONO PERV-  
SINORVM. PATRONO ET CVRATO-  
RI R. P. VEËTONENSIVM. IVDICI.  
DE. V. DEC. AEDILI. PATRONO COL-  
LEGI CENTON. VIBIVS VELDV-  
MNIANVS AVO KARISSIMO. OB CV-  
RIVS DEDICATIONEM DEDIT DE-  
CVRIONIBVS.  $\frac{V}{\Lambda}$  II. PLEBI  $\frac{V}{\Lambda}$  I.

D. D. D. D.

*Inuenio aliquando, lætitiæ gratia datas ab Im-  
peratore Romano Diuisiones Senatui, Equiti-  
bus et plebi, ut apud Suetonium in Flauio Do-  
mitiano,*

mitiano, Senatui quidem & Equiti distribu-  
ta esse panaria; Sportellas uerò cum obsonio  
plebi. Adhæc apud eundem Suetonium in Ne-  
rone Claudio, & apud Tacitum lib. 14. in de-  
dicatione Thermarum & Gymnasii, ab Impe-  
ratore præbitum fuisse oleum Senatui & E-  
quitibus. Multiplices igitur erant diuisiones  
priuatimq; & publicè, et non una de causa, ut  
ex his, quæ relata sunt perspicere licet, daban-  
tur. Quod spectat ad Decuriones, Alciatus in  
Comment. ad. l. Pupillus. ff. de Verb. signific.  
solum obseruauit, eos, uiritim binos denarios,  
uel huiusmodi certam quantitatem, ab ijs, qui  
in ordinem cooptarentur, recipere consueuisse,  
item quoties aliqua statua ædícula'ue dedica-  
retur, aliquid eo nomine ipsis dari, fuisse in mo-  
re positum; quæ pecunia Sportula quoque ap-  
pellari soleret, ut in. l. Spuriij. ff. de Decurioni-  
bus. Idem Dispositionum lib. 3. cap. 17. sic  
inquit, Cæterum cum aliquis magistratum no-  
uum inibat, uel alicuius lætitiæ causa, per li-  
beralitatem pecunias Decurionibus distribu-  
bat; quod singulis dabat, sportula dici cœptum  
est. Sic Alciatus. Sed aliæ etiam res, ut ex  
suprà relatis patet, Decurionibus dabantur,  
quod non fuit ab Alciato animaduersum. Sa-  
nè aliæ sunt Sportulæ, aliæq; Diuisiones, qua-  
rum meminit Diuus Cyprianus lib. 3. Episto-

## Hieronymi Magii

larum Epistola 5. ex harum tamen, ut opinor, similitudine quadam dictæ. eius uerba sunt hæc, Ceterum Presbyterij honorem designasse nos illis iam sciatis, ut & sportulis iisdem cum Presbyteris honorentur, & diuisiones mensuræ æquatis quantitatibus partiantur &c. Reliqua, quæ de Sportulis ab Alcianto locis citatis, à Ferrario in Annot. ad S. Sportularum. sub Rubr. de Actionibus, in Instit. ab Augustino Datho lib. 2. Epistolarum in Epistola ad Franciscum Cardinalem Senensem, & ab alijs scribuntur, notiora sunt quàm quæ hîc referri debeant. Quod pertinet ad superius relata Marcelli uerba, Accursius & post Accursium Bartholus, ita contextum accipiunt, ut Iureconsultus loquatur de quodam, qui suo testamento Decurionibus Diuisiones (quæ essent hæ non declarant) dari iussisset die natalis sui, idest mortis die, quasi tunc natus ille esset ad gloriam, ut fit inquit Accursius, de natiuitate Sanctorum. Quod glossema, tametsi nihil eo sit insulsius, commēdat non sine manifesto errore Romanus Sing. 33. cuius hoc est initium, Quia cras est festum. retulitq; aliquando & secutus est eruditissimus Andreas Tiraquellus. Diem uerò natalis pro die mortis, nō esse apud Marcellum sumendū, aperte demonstrant inscriptiones suprā relatæ, pri  
ma

*ma scilicet et tertia. Defunctorum natales apud Græcos etiam celebrari, honorariq; consueuisse demonstrat Lucianus in Demosthenis encomio. Adde quod nullibi reperies apud auctores, si excipias Christianos, de quibus non loquitur Marcellus, diem mortis, diem natalis appellari. Diem autem natalem celebrem apud antiquos fuisse, magnaq; hilaritate agi consueuisse, nemi nem latet, & cognoscere licet apud Ovidium lib. 4. Tristium Elegia 13. & lib. 5. Eleg. 5. Item ex illo Vergilij uersiculo*  
*Phyllida mitte mihi, meus est natalis Iolla.*  
*Alijs testimonijs in re satis manifesta supersedeo.*

Inter catamitos meritoriosque pueros ponendum esse discrimen. Mendum, quod Vallæ libris infederat, demitur, & etymologia huius uocis, Catamitus, passim recepta, reiicitur, ac cur pueri concubini, Catamiti sint dicti, demonstratur.

CAP. III.

**L**AURENTIUS Valla homo doctus, qui Latini sermonis elegantiam à barbarie, in qua planè obruta iacebat, magno labore uindicauit, libro 4. suarum Elegantiarum cap. 90. ita habet, *Scorta mascula, pueri meritorij uo-*

## Hieronymi Magii

cantur. quidam aiunt hos pueros dici Catamitos, quod mihi non uidetur, sed potius concubinos. meritorij nanque ut meretrices precio merent. Cicero in *Ant.* Ingenui pueri cum meritorijs, scorta cum matribus familiâs uersabantur. Hæc Valla. Voluit autem reprehendere Seruium Vergiliij enarratorem, qui in *Com. in Eclogam* 8. sic ait, Modò tamen ideò ait, Sparge marite nuces. ut eum culparet infamiæ. Nam meritorij pueri, idest Catamiti, quibus licenter abutebantur antiqui, recedentes à turpi seruitio, nuces spargebant, idest ludum pueritiæ, ut significarent se puerilia cuncta iâ spernere. Hactenus Seruius. Negat Valla pueros meritorios, Catamitos posse appellari, & concubinos potius dicendos esse existimat, quòd meritorij in meretricum morem prostarèt, corpusq; precij gratia inuulgarent. Sed animaduvertere potuit Valla, Catamitum, còcubinum significare. *Festus lib. 3.* Catamitum, inquit, pro Ganymede dixerunt, qui fuit Iouis concubinus. Quamobrem adducor ut credam, corruptum esse Vallæ contextum, atq; ideò ita esse legendum, Quidam aiunt hos pueros dici Catamitos, seu potius còcubinos; quod mihi non uidetur, &c. Et eo facilius, quia ipse inter meritorios pueros, & concubinos (de his autem loquutus est Seruius, ut indicant illa eius uerba,

uerba, *Recedentes à turpi seruitio*) ponit discrimen, ut uelit, meritorios esse, qui meretricum instar, sui passim mercedis gratia, copiam omnibus facerent: concubinos uerò, qui pro concubinis haberentur. Contra quam differentiam esset itum, si meritorios pueros, concubinos appellandos esse diceret. quod de docto uiro arbitrari, non est rationi consentaneum. Sanè quantum spectat ad uocem, *Scortum*, fortasse citra errorem dici possit, hanc concubinum puerum etiam significare. *Liuius Dec. 4. lib. 9.* Inter cætera, inquit, *Cato* obiecit ei *Philippum Pænum charum*, ac nobile scortum, ab *Roma* in *Galliam* prouinciâ spe ingentium donorum perductum. *Tranquillus* quoque in *Vitellio*, *Tiberij Catamitos*, scorta appellat, *Pueritiâq;*, ait, *primâq;* adolescentiam *Capreis* egit inter *Tiberiana* scorta, & ipse perpetuò *Spintriae* cognomine notatus, existimatusq; corporis gratia, initium et causa incrementorum patri fuisse. Hæc ille. *Tiberius* enim, ut idem *Suetonius* in eius uita testatur, conquisiuit *Capreis* in secessu illo, puellarum, & exoletorum greges, et monstrosi concubitus repertoires, quos *Spintrias* appellabat. *Catamitos*, pueros esse meritorios, & sic dictos, quasi κατὰ μισθόν, idest pro precio, cum *Græci* μισθόν mercedem uocent, passim creditum



## Hieronymi Magii

tum est. Hunc errorem non solum in Callepini Lexico à doctissimis uiris emendato magnaq; accessione locupletato, sed etiam in Scopæ Grāmatici non contemnendi Spicilegio, atque apud alios inuenies. Fuit aliquando cūm à uoce *μίξις*, quæ concubitus coitusq; significat, & *κατά*, dictos augurarer; quasi quis dicat, pro concubitu. Deinde à uerbo *καταμύω*, quod est inclino & incuruo, pueros muliebria patientes, Catamitos nuncupatos putabam, ut cum litera, *Υpsilon* in tertia nō per, *I*, uox scribenda esset. Satis enim constare apud Latinos uidebam, uerbum Inclino, et Incuruo, obscenitatem, quæ in huiusmodi pueris peragitur, significare. *Martialis*,

» Incuruabat Hylā posito Tyrinthius arcu,

» Tu Megaram putas non habuisse nates?

*Iuuenalis Satyra decima*,

» — quot discipulos inclinet *Amillus*.

Antiqui de his Ocquiniscere dicebant, *Nonius*, Ocquiniscere, inquit, est propriè inclinare. *Pomponius Prostitulo*, Vt nullum ciuem pædicaui per dolum, nisi ipsius orans ultrò qui ocquinisceret. Demum uerò *Festi* librum primum, tertiumq; legens, omnia hæc nugas esse intellexi; cūm ex ijs, quæ ille scripta reliquit, facillè cognoscatur, Catamitos, quasi *Ganymedes* nuncupatos, ut hac uoce, solum

*lūm concubini, non reliqui muliebria patientes, significantur, quòd Ganymedem ab antiquis Catamitum dictum, referant. hic enim priscorum fabulis, Iouis concubinus dicitur, unde Martialis,*

» *Dixit idem quoties lasciuo Iuno Tonanti,*

» *Ille tamen gracili cum Ganymede iacet.*

*Festi libro primo uerba hæc sunt, Alcedo, inquit, dicebatur ab antiquis pro Halcyone, ut pro Ganymede Catamitus, pro Nilo, Melo: & infra, Alumento pro Laumedonte à ueteribus Romanis, nec dum assuetis Græcæ linguae, dictum est. Sic Melo pro Nilo, Catamitus pro Ganymede, Alphius pro Alpheo dicebatur. Libro uerò 3. Catamitum pro Ganymede dixerunt, qui fuit Iouis concubinus. Quæ uerba supra etiam citauimus. Hoc nomine Ganymedem appellauit antiquorum more Plautus. quem non adeò antiqui auctores sequuti sunt, Macrobius enim libro 5. Saturn. cap. 16. mentionem faciens de Ganymedis raptu, Catamiti pellicatum dixit. Ausonius autem Gallus,*

» *Aut Iouis Elysii qui Catamitus eris.*

## Hieronymi Magii

Spinthriæ, unde sic dicti, Pii Bononien-  
sis, & Sabellici sententiæ improba-  
tæ, emendatæque hæc uox in Tran-  
quilli, & Lampridii codicibus.

### CAP. II II.

**P**RÆCEDENTIS capituli nonnullis ne-  
cessariò referendis cum semel erubueri-  
mus, ante quàm rubor depellitur, de Spin-  
thrijs quorum Tranquillus in Tiberio, &  
Lampridius in Heliogabalo meminerunt, non  
nulla, quantum ad uocem pertinet, scribenda  
uidentur. Quæsiuerunt eruditi uiri unde nam  
à Tiberio monstrosi concubitus repertores, qui  
triplici serie connexi, ut ait Tranquillus, inui-  
cem incestarent se coram ipso, Spinthriæ sint  
appellati. Sabellicus in explicationibus suis  
in Tranquillum, à fauillis dictos arbitratur;  
Pius uerò Bononiensis à Spynthurnice. sic e-  
nim inquit cap. 16. suarum Annotationum,  
Est & avis inauspicata, quam nostri Incendia-  
riam, Græci Spynthurnicem dicunt, Plautus  
per diminutionem Spynthurnicium, de qua Pli-  
nius, & Aristoteles meminerunt: à qua diræ  
& inauspicatæ, idest execrandæ libidinis in-  
uentores, & artifices, uocati sunt Spynthriæ,  
non autem à fauillis, ut quidam coniectant.  
Hæc Pius. Sed quid monstrosi concubitus ar-  
chitectis

chiteētis cum fauillis? Non sunt etiam ab aue  
 illa inauspicata Spynthriæ nuncupati, siqui-  
 dem non alij hoc nomen nequissimis illis exo-  
 letis indiderunt, sed, ut Tranquillus ait, Tibe-  
 rius ipse, qui eos in delitijs habebat, eorumq;  
 aspectu deficientes libidines excitabat, sic eos  
 appellare solebat. est uerò maximè absurdum  
 putare, hunc ab aue inauspicata infamiq; eos  
 nominasse, alioquì suas delitias, libidinesq;  
 quāquā immanes, quibus mirum in modum  
 delectabatur, suosq; mores, execratus uideri  
 potest, seq; obscœnitatis reum planè agere.  
 Censui aliquādo sic dixisse à Græca uoce Σφιγ-  
 κτήρ, quæ ani (honor sit auribus) musculum  
 significat. Galenus in libello De Vteri disse-  
 ctione, Podicem autem, inquit, dico totum re-  
 ctum intestinum: laxiorem uerò podicis par-  
 tem infernam, recti intestini partem, ubi e-  
 tiam maximè dilatatum est, & ad cuius fi-  
 nem adstrictior podicis pars Σφιγκτήρ à Græ-  
 cis appellata, existit, &c. Idem lib. 4. de Vsu  
 partium corporis humani. Recti uerò intesti-  
 ni ora inferior à musculis in orbem circumfu-  
 sis σφιγγεται, idest constringitur: quapropter  
 nomen ei σφιγκτήρ, idest compressorem, pu-  
 to quosdam imposuisse. Hæc Galenus. Cui pro-  
 bè concinit Meletius in libro De Natura ho-  
 minis, ubi de eodem musculo agit. Cū au-

## Hieronymi Magii

*tem Venus illa in hac corporis parte exerceretur, meritò eos Tiberius Sphinctrios, appel-  
lasse uidetur, uel potius Sphincteras, quasi Cò-  
pressores, à comprimendis natibus; ex qua ra-  
tione à Lucillio Poëta antiquissimo, pædico-  
nes, pullopremones dicti sunt, à premendis id  
est comprimendis, et subagitandis pullis, idest  
pueris adamatis, secundum priscam uocem.*

*Ausonius Gallus in Epig. ad Pythagoram de  
Marco, qui dicebatur Pullaria,*

» *Quid Marcus feles nuper Pullaria di-  
ctus,*

» *Corrupit totum qui puerile decus:*

» *Perversæ Veneris postico uulnere fossor,*

» *Lucilli uatis subulo, pullopremon.*

*Matthæus Doëtorius uir Græcè & Latine be-  
ne doctus, diuiniq; & humani iuris apprime  
consultus, ut hæc non improbabat cùm eadem  
de re cum eo, ut sit inter amicos eisdem studijs  
addictos, differerem, ita etiam suspicabatur  
dictos Sphincteros, à Græcis ducta appella-  
tione, apud quos, teste Suida, molles, & hu-  
iusmodi obscœnitate infames Sphinctæ (quod  
& Rhodiginus lib. 8. cap. 8. attestatur) nun-  
cupantur: ibatque in eius sententiam Guido  
Morgalantus Philosophus & Medicus eru-  
ditissimus, & à studijs humaniorum litera-  
rum non abhorrens. Verùm mox ego rem  
mecum*

*mecum permolens, uerbaque illa Tranquilli, Triplici serie connexi inuicem incestarent se.] anxie considerans, arbitror Tiberium eos monstrofi concubitus inuentores, Spinthrias appel-  
lasse ab armillarum genere, quod spinther dicebatur, quo, ut Pompeius lib. 17. testatur, mulieres utebantur summo brachio sinistro; quæ armillæ anulis quibusdam inter se connexis, ut in peruetustis statuis non semel uidimus, constabant. Vnde cum illi connexi triplici serie hæere consueuissent, ex quadam similitudine sunt Spinthriæ, idest armillæ dicti. Quo fit ut apud Tranquillum Lampridiumque non Spyntrias, uel Spynthrias, sed Spinthrias sine litera, y, sit legendum. Legere etiam possemus Sphincteros, ab eodem armille genere, ut illud non Spinther, ut ab omnibus scribitur (σπινθηρ nanque Græcè cum δ, notatur) sed Sphincter, à constringendo brachio dicatur. Quod tamen sine auctore, aut reuerendæ uetustatis codicum fide, affirmare non ausim.*

Hieronymi Magii

Francisci Connani, & Ioannis Ferrarii  
non leue erratum demonstratur. cur  
Spadones adoptare posse Iustinia-  
nus uoluerit, castratos non item,  
quodq; sit horum spadonum impe-  
dimētum, explicatur, & nonnulla de  
eunuchis afferuntur. CAP. V.

**H**UMANIORVM *literarum studium Iu-  
reconsultis, si intra certos fines cohibea-  
tur, utilitatis nonnihil, atque ornamenti plu-  
rimum afferre; sin immodicum tanquam Si-  
renarum cantus sensus, mentemque oblectet,  
diutiusq; detineat, damnis eos non leuibus, et  
quibusdam ueluti ingenij cladibus afficere, fa-  
cile ex his, quæ indies usu ueniunt, intelligi po-  
test, egoq; aliquando læsus didici. Quod nisi  
matūrè Græcis Latinisq; Sirenis, Budæisque  
etiam & Alciatis, huiusque farinæ auctori-  
bus, quos in delicijs ab ineunte adolescentia ha-  
bere cœperam, longum ualere renunciaffem,  
meque ad bonam frugem, ad eos nimirum le-  
gum interpretes, quos nostræ ætatis nonnulli  
tanquam ἀμώτους Barbarosque, non sine da-  
mno auersantur, recepissẽm, uix me Iurecon-  
sulti nomine dignum existimarem. Dictu e-  
nim incredibile est quantum bonarum mitio-  
rumq; literarum cultu, iuris prudentiæ campi  
syluescant,*



*syluescant, filicibus tribulisq; obsideantur, & sterilescant. Cuius rei tunc admonemur, cum uel Aduocati militauerimus, uel ad rerum notiones, iudicandumq; & ad respondendum de iure, accesserimus. Tunc enim aliorum omnium praesidio destituti, Barbaros duntaxat nobis usui adiumentoque esse; Barbaros nos communire; Barbaros solida prudentia nobis praestò esse, manusque labantibus admouere, cognoscimus. A musis politioreq; disciplina omnino fuit Bartholus alienus, infans & incultus Alexander; arcem illi tamen iurisprudentiae tenent, nemoq; ad eorum eruditionem saeculo hoc nostro undequaque expolito, adhuc propius accessit. In maximos hi Iureconsultos euaserunt, quòd una semper re distinebantur, in unam neruos omnes intendebant, atque toti incumbabant, nec multiplicibus studijs huc atque illhuc distrahebantur.*

*VERVM non eò hæc dicta esse uolumus, ut cuiusquam existimationi, & famæ quicquam deteratur, aut quòd omnem à Iureconsultis nostris ablegandam esse elegantiam censeamus, unde ad uitam barbariem deuoluamur; sed ut modus adhibeatur, multiq; non in humaniorum literarum, sed Iurisprudentiae studijs simus; alioquè oleum & operam perdemus, ac fœdè, ut aliquando Ioanni Ferrario,*

## Hieronymi Magii

Et Francisco Connano doctis aliòquì Iureconsultis, in una eademq; re usu uenit, labemur, inq; manifestos scopulos impingemus. Cum enim hi Iustiniani uerba infrascripta Institutionibus sub titulo de Adoptionibus legissent, rem planè obuiam ignorantes, futes omnino discriminis rationes attulerunt. Sed Et illud, inquit Iustinianus, utriusque adoptionis commune est, quòd et ij, qui generare non possunt, quales sunt spadones, adoptare possunt, castrati autem non possunt. Ferrarius ad hunc locum sic in Annotationibus scriptum reliquit, Cæterum spadonibus, quia humano inuento impotentes mulierum sunt facti, et sortassis progenerare olim, atque prolem adsequi potuere, permissum est utraque adoptione uti. est etiam in. l. 2. §. Illud. Et. l. Adrogato. §. Spado. ff. eodem titulo. Hæc ille. Connanus uerò lib. 2. Commentariorum iurisciuiilis cap. 15. Rationem, inquit, huius distinctionis inuenire difficile est, quòd nulla causa esse uideatur, cur in spadonibus aliud, quàm in castratis statuatur. Et mox, Itaq; spado, cui solum testes desunt, aut euulsi ipsi, aut attriti, uxorem ducere, heredem scribere, uel adoptare potest. Castratis aut nihil horum permittitur. Nam spado non omnino ineptus est ad res Venereas, quibus operam dare pòt, sed nulla sobolis spe Et c.

Profe-

Profectò si satis hi perpendissent in Pandectis .l. Si quis posthumos . De liberis & posthumis . l. Si serua . §. Spadoni . De Iure dotium. & .l. Si quis ita spado. De Aedilitio edito; aut saltem legissent commentaria Soccini ad.l. Sed est quæsitum. De liberis & posthumis . rem omni prorsus carere dubio animaduertissent, germanamq; ad Iustiniani locum explicationem attulissent. Est igitur sciendum, ut ex his legibus colligitur, spadonum alios nunquam generare posse: alios uerò & si in præsentia generare non possunt, spem tamen haud dubiam corporis habitu præbere, si impedimenta, quæ eos non sinunt esse parentes, abscedant, se ipsos ad conferendos fœminarum agros non fore ineptos. Atq; ideò ob accessuram generandi potestatem, his posterioribus adoptionem permitti, prioribus ob contrarias causas, non item. Spadones igitur, quibus adoptio permittitur, temporali laborant sterilitate, uel propter frigiditatem, ut Theophilus censuit, uel quia uias seminis obstructas habent; tales nanq; inueniri Spadones demonstrat Aristoteles Problemate 27. Sectionis 4. sic inquit, si Latino ore loquatur, Quibus itaque meatus habitu suo naturali priuantur, uel quia obcæcati sunt qui ad penem tēdunt, quod Spadonibus, hisq; similibus euenit, uel etiam

## Hieronymi Magii

*alijs de causis, hic talis humor in sedem confluit &c. Si his igitur aut similibus uitijs, quæ depelli possint, spadones laborent, adoptare poterunt. Plura de spadonibus adduci possent ex Iureconsulto in. l. Spadonum. ff. de Verb. sign. cui primus affulsit Beroaldus in commentarijs in Tranquillum, & in Apuleium: Item ex Theophilo, ex Suida, Luciano, Paulo Aegineta, Matthæo Euang. cap. 19. et alijs; sed quia illa sunt protrita, & si alicubi implexa, à me omittuntur. Illud tamen nequaquam omittendum duximus, antiquos nedum eunuchos facere consueuisse, sed & eunuchas. Vt enim Xantus Lydus Rerum Lydarum lib. 2. scriptum reliquit (quod est ab Athenæo lib. 12. Dipnos. cap. 4. relatum) Andramites Lydorum Rex, primus eunuchas mulieres fecit hisq; loco uirorum eunuchorum usus est. Quis usus esset apud antiquos eunuchorum, optimè declarat Gregorius Nazianzenus in Monodia in Basilij uitâ, loquens in hanc sententiam, Interdum Eunuchos suos ad leniendum misit. Hi cubicularij ipsius erant, genus admodum molle, tamen impietate aduersus Deum fortes, dum sectam & ipsi Arianam tuentur. Viri nanq; sunt inter mulieres, ad eas custodiendas oblectandasq; ; mulieres uerò inter uiros ad omnia obscæna patienda. Quamob-*  
*rem*

*rem quando genitalibus stuprum admittere nequeunt, lingua fornicaria, et adultera utuntur. Hæc Nazianzenus. Eunuchorum naturam optime appinxit Polemon Atheniësis in definitionibus humanarum effigierum, in-  
 quiens ipsos, maiori ex parte immiti esse ingenio, dolosos, facinorosos, multisque in sceleribus se exercere consueuisse.*

*Statuæ porphyreticæ, quæ angulo cui-  
 dam templi Diui Marci affixæ uisun-  
 tur Venetiis, quibus dicatæ fuerint,  
 ex coniecturis non leuibus indica-  
 tum.*

CAP. VI.

*C*<sup>V</sup><sup>M</sup> *Tridento Venetias uisendæ Inclytæ  
 Urbis gratia aduenisset Michaël Iterus  
 Nauarus, nostræ ætatis Iureconsultorum Co-  
 ryp hæis meritò à doctis adnumeratus, mihiq;  
 amicitiae, communiumq; studiorum iure con-  
 iunctissimus, memorabilia cuncta in priuatis  
 publicisq; locis, atque admiratione digna undè  
 lustrabamus. me enim ille tanquam mystago-  
 go utebatur, quòd multa antea præclara obser-  
 uassem, ac à patritijs uiris percunctationibus  
 edidicissem. Cùm quadam die propè ad por-  
 tam, quæ è platea aduenientibus in Palatii a-  
 trium patet, accederemus, obtulerunt se no-*

## Hieronymi Magii

*bis leua in angulo templi Diui Marci, è porphyretico marmore statuæ quatuor, hærentes binæ. Tunc Iterus quorum' nam essent illæ, & cur angulo illi ab antiquis, qui ædem construxerunt, affixæ essent, ut solebat, percunctari cæpit. Dixi rem antiquarijs omnibus, Venerisq; eruditis uiris esse penitus obscuram, solumq; è Græcia statuas hasce esse aduectas constare, & nihil præterea. Me uerò, si coniecturis locus sit, suspicari, statuas illas Harmodij esse & Aristogitonis, qui Atheniensium Tyrannum Hypparchum peremerunt; quorum historia ex his, quæ Thucydides libro 6. scripsit, satis est nota, & cuius meminerunt Plato in Symposio, Aristoteles lib. 2. Rhetoricorum, Athenæus lib. 13. cap. 27. et alij. Cū. n. ob patriam à tyrannide liberatam magnis honoribus hos persecuti fuerint Athenienses, statuis etiam, ut fieri solebat, eos honorasse constat. Sic enim inquit Demosthenes in oratione πρὸς λεπτίνην de Conone loquens, Διόπερ οὐ μόνον αὐτῷ τὴν ἀτέλειαν ἔδωκαν οἱ τότε, ἀλλὰ καὶ χαλκὴν εἰκόνα, μετὰ τὸν Ἀρμόδιον, καὶ Ἀριστογείτονα ἔστησαν πρῶτον. ἤγοῦντο γὰρ οὐ μικρὰν τυραννίδα καὶ τοῦτον τὴν λακεδαιμονίων ἀρχὴν καταλύσαντα πεπαυκέναι. Idest, Quapropter illi [scilicet Cononi] tum non tantum immunitas decreta est, sed primus fuit, cui quem-*  
*admo-*

admodum Harmodio, & Aristogitoni aenea statua deterneretur. putabant enim eum, qui Lacedæmoniorum imperium euertisset, non paruum tyrannidem destruxisse. Quanquā æneas horum statuas Demosthenes fuisse demonstrat. Dio Chrysostomus Oratione XI. cui titulus est, Troia. sic inquit, si Latinis utatur uerbis, Harmodium autem, & Aristogitonem præ omnibus maximè Athenienses honorant, ut qui ciuitatem in libertatem asseruerint, tyrannumque interfecerint. hæc ille. Pollux quoque, & si temporis iniuria lacunofus, idem demonstrat lib. 8. loquens de Imperatore Atheniensium in hæc uerba, Ordinatur quoque certamen funebre eorum, qui bello ceciderunt, & Harmodio \* suisque parentalia celebrat & c. Ora quoque opinionem meam adiuuare; in utroque enim pari alterum barbatus esse, scilicet Aristogitonem; alterum uerò, nēpe Harmodium, imberbem. Cultum corporis armaque; à Græcorum ritu non abhorre. Vtriusque utrobique complexum, eorum amoris fideique, & coniurationi maximè congruere. Eo uerò in angulo has statuas esse locatas, ut Venetos quotidie in atrium palatiumque conuenientes, tyrannidem esse abolendam, tyrannorumque interfectores honorandos esse, admonerent. Hæc cum eruditissimo



*uiro arriderent, digna esse putavi, quæ Miscel-  
laneis nostris adscriberentur.*

Hians Laurentii Vallæ contextus, uer-  
bo, quod scribarum typographo-  
rumq; culpa deerat, restituto, exple-  
tur, & clypeus, quo ille contra non-  
nullas calumnias tegi possit, demon-  
stratur.

CAP. VII.

**D**E Gerundijs scribens Laurentius Valla,  
sic loquitur lib. 1. cap. 29. Soluendo non  
sum, nunquam patitur secum substantiuum,  
ideò dubitari potest, datiuus sit, an abla-  
tiuus. Significat autem satisfacere pro eo,  
quo obligatus sum, siue pecunia, siue remun-  
eratione: ut Quintilianus, Placeamus li-  
cèt nobis fortuna nostra pater; pauperi soluen-  
do non sumus. Vult autem semper post se da-  
tiuum, licèt non semper apponatur, inter-  
dum etiam alium casum. Apud eundem, Ma-  
ximi tum uirorum, & quibus artis suæ sol-  
uendo non sit humanitas. Sic Valla. Cùm  
hæc olim legeremus, duplici hic auct̃or impli-  
citus errore uidebatur, altero quòd non rectè  
uerborum sententiam explicaret, altero,  
quòd perperam de constructione pronuncia-  
ret. Quod spectat ad priorem errorem, hunc  
esse

esse lapsum demonstrari satis censebam his Iureconsulti uerbis, quæ leguntur in .l. Soluendo ff. de Verborum significatione, Soluendo esse, inquit Iabolenus, dicitur istantummodò, qui solidum potest soluere. Vides soluendi potestatem non autem actum, ut Val-læ uisum est, significari. Quantum uerò pertinet ad posteriorem, pariter hallucinari ille uidebatur inquiens, uerba hæc, Soluendo esse, nunquã pati secum substantiuum, ideoq; ambigi posse utrũ soluendo, in datiuo esset, an in ablatiuo: quandoquidẽ non obscuri nominis scriptorum auctoritatibus, & non absimilibus loquendi formulis obsisti posset. Sunt autem illæ infrà relatæ. Liuius, Si Resp. soluendo æri alieno esset. Iureconsultus. ff. de Pollicitationibus, Si bona liberalitati soluendo non fuerint. Licet Budæus, soluendæ, legat. Idem Liuius (quod ad similitudinem locutionis facit) alibi sic inquit, Talia quærentes, æqua orare, seq; ea relaturos ad Scipionem Tribuni responderunt; & P. Scipionem Deũ benignitate, & Remp. esse gratiæ referendæ &c. Idem alio in loco, Ut diuites conferrent, qui oneri ferendo essent &c. Ouidius lib. 15. Metamor. de Phœnice aue loquens,  
 » Cum dedit huic ætas uires onerique feren-  
 do est.

## Hieronymi Magii

*Cicero in Oratione pro L. Flacco, Illud, inquit, quæro, Sunt'ne ista prædia censui censendo? &c.*

VERVM nulla erroris nōta Vallæ inu-  
renda est, Nam quod pertinet ad gerundij hu-  
ius significationem, non adeò literarum ille ui-  
deri possit ignarus, & eorum, quæ legerat im-  
memor, ut eo soluendi actum significari exi-  
stimaret, & Iaboleni declarationis non me-  
minisset, uel eam abiiciendam putaret. Eamq;  
ob rem dixerim contextum mancum esse, uer-  
bumq; deesse, quo potestas significetur, ut sic  
legamus, Significat autem satisfacere posse ei,  
cui obligatus sum. Qua recepta lectione, o-  
ptimè Vallæ significationem appingit. Quan-  
tum autem attinet ad alterum erratum, nōtæ  
identidem est eximendus: quia licet unam at-  
que alteram inueniamus reclamantem obsi-  
stentemq; auctoritatem, non ideò improban-  
da Vallæ est observatio, qui elegatias scribit,  
ut titulus, quem ille operi præfixit, pollicetur,  
& de usu non autem de ab usu loquitur, ut ip-  
se met testatur in calce capitis primi lib. 1.  
quem clypeum, qui uirum hunc de literis be-  
nemeritum tueri student, Vallæ hostibus lite-  
ratoribus quibusdam obijcere poterunt.

Quo pacto depuretur ferrum, acriusq;  
ad incidendum fodiendumq; redda-  
tur. Stomoma, quod uulgò aciarium  
dicitur, qua arte efficiatur. Videri  
chalybem, nō stomoma, sed ferrum,  
tanquam genericam uocem, signifi-  
care, Latinosq; uocabulo, quo stomo-  
ma significant, carere, Hebræos non  
item. De multis stomomatis gene-  
ribus à Daimacho enumeratis.

## CAP. VIII.

**M**EMINI me olim apud Diodorum Sicu-  
lum legere, Hispanos, ferri laminas ter-  
ra operire consueuisse, quo illæ ferruginem ru-  
biginemq; contraherent, & purgarentur, in-  
deq; ex his gladios atque arma procudere.  
Huius autem rei rationē ferriq; alias purga-  
tiones, item temperamenta tunc perquirenti  
mihi, hæc comperta sunt. Ferri substantia  
cū impura sæculentaq; sit, ac habeat terræ  
indigestam portionem non modicam, humo  
quodammodo macerata, marcescentia excre-  
menta exudat, indeq; rubigine tanquam sca-  
bie quadam obducitur. Quo fit, ut ferrum ru-  
bigine obsessum, purum redditum esse dicen-  
dum sit. Quamobrem uidemus enses peruetu-  
stos rubigine scabros, cū expoliti fuerint,  
miram

*miram cum in incidendo tum in fodiendo uim  
 obtinere ; quanquàm sunt qui id temperamen-  
 to tribuunt. Rubiginem ferro ex prædicta cau-  
 sa innasci, fidem facit Plato in Timæo, in hac  
 scribens sententiam cum æris meminisset, At  
 quando terrena pars huic immista, propter ue-  
 tustatem à cæteris partibus eius secernitur,  
 ad extremamq; emissæ superficiem per se ipsa  
 aspectui patet, rubigo iam nascitur. Hæc Pla-  
 to. Consueuerunt nostra ætate ferrarij fabri,  
 gladios, forfices, aliaq; instrumenta incisoria,  
 fimo equino operire ; cum uerò iam satis rubi-  
 ginis contraxerint, expolire, & cote subige-  
 re atque exacuerè ; et hac ratione ipsis robur,  
 uimq; acrem conciliari testantur. Alius de-  
 purandi modus legitur in Volaterrani Para-  
 lipom. ad Comment. Urbana. Eius uerba hæc  
 sunt, Rursus stannum, æs, ferrum hoc modo  
 purgabis. Sumito salis alcali, cineris, cate-  
 niæ (id genus est pompholicis) æquas partes,  
 & ex aceto uehementi supra marmor diligen-  
 ter mollito ; deinde acetum colato, & in hoc  
 postea stannum quinquies fusum lauato, æ-  
 ris autem, aut ferri laminas ignitas extin-  
 guito ; optimè purgabuntur. Hæc ille. Est &  
 tertia purgandi ratio, si uera sunt, quæ ex  
 Asianorum quorundam Thurcarumq; sermo-  
 nibus percepimus. Stomoma fabri ferrarij li-  
 mis*

mis atterunt, & in scobem penitus ac puluerem redigunt; mox puluerem illum farine admiscunt, & aqua emolliunt, indeq; turundas atque offas ducunt, quas anseribus uorandas præbent. Postea ex earum fimo scobem secernunt, eamque fornacibus liquefcere faciunt, quoad in massam rursus coëat; atq; hoc esse omnium purgatissimum Stomoma dicunt, ex quo ducunt nonnulli gladios ensesq; , quibus ferrum non secus ac lignum persecunt, qualem esse Georgij Castriotæ ensē, quem nos superioribus annis Pisauri in Vrbinatum Ducis armamentario uidimus, memoriæ proditum est. Alio pacto non Stomoma, sed ferrum purgatur, scilicet cum in laminas iam ductum malleis, iterum fornacibus redditur, ac quo ad fluat excoquitur. Idq; sæpius fit quomaior scoriæ copia subsidat, atque ita ferrum quasi purum putum efficiatur, quod Græci σόμωμα uocant (quanquam & temperamentum uox significat, σομόω enim idem est quod tempero, induro, & exacuo) nos uerò quasi proprio nomine carentes, ferri nucleum. Stomomatis non absimilem confectiōnem edocet Aristoteles lib. 4. Meteor. his uerbis, Τήκεται δὲ καὶ ὁ εἰργασμένος σίδηρος, ὥς τε ὑγρὸς γίγνεται, καὶ πάλιν πήγνυθαι, καὶ τὰ σωματά ποιοῦσιν οὕτως, ὑφίσταται γὰρ, καὶ ἀποκαθαίρεται

ρεται κάτω ἡ σκωρία . ὅταν δὲ πολλάκις πάθῃ, καὶ  
καθαρὸς γένηται, τοῦτο σόμωμα γίνεται . οὐ  
ποιοῦσι δὲ πολλάκις αὐτὸ, διὰ τὸ ἀπουσίαν γέ  
γνεσθαι πολλήν, καὶ τὸν σαθρὸν ἐλάτῃ, ἀποκα-  
θαιρομένου . ἔστι δὲ ἀμείνων σίδηρος ὁ ἐλάτῃ ἔ-  
χων ἀποκάθαρσιν . *Idest, Ferrum arte domi-*  
*tum, ita liquefcit, ut liquidum reddatur, &*  
*iterum densetur. atque in hunc sanè modum il-*  
*lud defæcatum reddunt . recrementum enim*  
*fidit & in imum secernitur . Quæ quidem res*  
*postquàm frequenter acta est, & purum eua-*  
*sit, defæcatum redditur . Nec uerò artifices,*  
*eodem modo illud frequenter præparant, quòd*  
*attenuetur, & imminuatur, quodq; ita repur-*  
*gatum, pondere minus sit . Illud etiam magis*  
*laudatur, quod minus excrementi agit . Vides*  
*quàm bellè Philosophus doceat ferri purga-*  
*tionem, & stomomatis elaborationem . Qui-*  
*bus etiam uerbis satis demonstratur, ut ab a-*  
*lijs quoq; fuit obseruatum, σόμωμα longè di-*  
*uersum esse ab ærè, & non esse genus squamæ*  
*æris, ut falsò censuit Plinius Naturalis histo-*  
*riæ lib. 34. cap. xi . Quòd uerò suprà dixi-*  
*mus uideri nos propria uoce carere, quæ σόμω*  
*μα significemus, suadent hæc Plinij eiusdem*  
*uerba libro prænotato, cap. i 4 . Et fornaci-*  
*cium, inquit, maxima differentia est . in ijs*  
*quidem nucleus ferri excoquitur ad induran-*  
*dam*



dam aciem, &c. Vides, uerborum ambitu magis illum uti uoluisse, quàm uoce hac, calybs, quod fortè ea non ferri speciem, sed genus significet, & si suprà lib. 22. cap. 22. contrarium innuere uideatur his uerbis, Si enim caligaris clauus, si ferri, uel calybis aliqua rubigo &c. Calybs uerò ferrum significat, propter Calybi finitimos populos, quos ferri gloria, præ cæteris, qui ferri metallis insignes habebantur, nobilitauit. quamobrem Virgilius lib. 1. Georgicorum inquit,

At Calybes nudi ferrum, uirosa;q; Pontus  
Castorea; Eliadum palmas Epeiros equarum.

Iustinus lib. 43. de Galleciæ portione, Præcipua his quidem ferri materia, sed aqua ipsa ferro uiolentior: quippe temperamento eius ferrum acrius redditur, nec ullum apud eos telum probatur, quod non aut Bilbili fluuiio, aut Calybe tingatur. Vnde etiam Calybes, fluuij huius finitimi appellati, ferroq; cæteris præstare dicuntur, &c. Stomomatis apud antiquos plura fuisse genera, quæ uarijs usibus deferuissent, testatur Daimachus in Commentarijs obsidionalibus, quæ nos manuscripta ex Creta Venetias aduecta uidimus, ex quibus hæc apud Eustathium leguntur in comment. in lib. 2. Iliad. in Catalogum.

τῶν γὰρ, inquit ille, σωμαμάτων φασί, τὸ μὲν, χαλυβδικόν. τὸ δὲ σινωπικόν. τὸ δὲ, λύδιον. τὸ δὲ, λακωνικόν. καὶ σινωπικόν μὲν καὶ χαλυβδικόν, χρήσιμον εἰς τὰ τεκτονικά. λακωνικόν δὲ εἰς ρίνας, καὶ σιδηροτεύπανα, καὶ χαρὰκτῆρας, καὶ λιθουργικά. τὸ δὲ λύδιον, εἰς ρίνας καὶ αὐτὸ καὶ μαχαίρας, καὶ ξύρια ξυσῆρας. οὕτω Δαίμαχος ἐν πολιорκητικοῖς ὑπομνήμασι, κατὰ τὸν τὰ ἐθνικά γράψαντα. Idest, Stomomatum autem, aiunt Calybdicum quidem aliud, aliud autem Sinopicum, Lydium aliud, Laconicum aliud. Et Sinopicum quidem, et Calybdicum utile ad fabrilia, Laconicum uerò ad limas, & terebra, quibus ferrum perforatur, & ad characteres, & lapidicinariam. Lydium autem & ipsum ad limas, & ad machæras, & ad nouacula. Sic Daimachus in obsidionalibus còmentarijs, secundum eum, qui scripsit gentilia. Hebræis σόμωμα dicitur שׁוּמַל chalamásc, ut fuit pridem adnotatum à Francisco Forrerio Vlyssiponenſi Theologo præclarissimo, in doctissimis suis Commétarijs in Iesaiam ad cap. 50. Cuius uocis etymum esse dicit à uerbo שׁלַח chalásc inserta litera מ Mem, idest domuit, cùm omnia domet sua duritie. Quamquàm uideo Hebræos quadratum nomen esse dixisse, cuius radix sit שׁוּמַל chalamásc. Hoc idem ferri genus propter insignem duritiem,

tiem, adamantem Græci nonnunquam appellarunt, ut apud Isacium Tzetam Lycophronis Com. apudque alios observauit eruditissimus uir, & antiquitatum omnium diligentissimus obseruator Quinctinus Acanthius Spoletinus, quem ob pietatem in Deum non mediocrem, & quod in amicos, præsertim uero erga me semper fuerit officiosus, non uulgari amore prosequor, & plurimi facio. Stomomati autem præter depurationē, robur etiam maximum aquæ uis quædam arcana, ut de Calybis Bilbilisq; aqua ex Iustino didicimus, conciliat. tametsi in uniuersum aquæ frigori, quo temperando, obduratur, accedens robur fabri ferrarij acceptum ferant. Fit enim eo quædam antiperistasis, ex qua candentis ferri calor introrsum compulsus, fortiorq; redditus, humorem absunit, qua re illud duritiem adipiscitur. Quidam tamen persuasum habent, medicatis aquis, nonnullisq; humoribus demersum temperatumq; ferrum, acrius reddi. Alij enim salita aqua, alij aceto permista, alij oleo, urina nonnulli, quidam diuersis herbarum succis utuntur. Albertus cognomento Magnus, lib. 2. de Lapidibus Tract. 3. auctor est ex ferri nucleo sæpius colliquato perpurgatoq;, adeo ut ad argenti albedinem quasi accedat, ductis instrumentis incisorijs, temperamento succi

## Hieronymi Magii

*ex raphano lumbricisq; expressi, tantam conciliari duritiem, ut ipsis ferrum non secus ac plumbum persecetur. Sequitur id uerum esse, experimento didicisse testatur. Sanè Homeri ætate sola frigida aqua, ut posterioribus sæculis factum esse credimus, incisoria ferrameta obdurari consueuisset, manifestè ostenditur his uerbis lib. 9. Odys.*

» οἷς δ' ὅτ' ἀνὴρ χαλκῶς πέλεκυν μέγαν ἢ ἐσκέπαρνον

» Εἰν ὕδατι ψυχρῷ βάπτει μεγάλα ἰάχοντα  
» φαρμάσων, τὸ, γὰρ αὖτε σιδήρου γε κράτος ἐστίν.

*Idest. Sicut autem quando faber ferrarius securim magnam uel asciam*

» *In aquam frigidam demergit ualde resonantem,*

» *Obdurans, hoc enim ferri robur est.*

*Sed de his hæc dixisse sufficiat.*

*Quid sit garum, & qui sint Lacerti apud Iureconsultum in. l. Qui penum. ff. de Penu leg. Accursius reprehensus, & eiusdem legis contextus emendatus.*

### CAP. IX.

**S**ED *Aristo notat etiam quæ esui potuique non sunt, contineri legato: ut putà ea, in quibus*

quibus esse solemus, oleum fortè, garum, amurca, mel, cæteraq; similia. Hæc sunt *Vlpiani* uerba in. l. Qui penum. ff. de Penu legata. in quorum explicatione *Accursius* sic inquit, Garum genera salsamenti. &c. Sed tu dicas, garum esse liquamen illud salitū, quod olim ex pisce garo conficiebatur; de quo sic scribit *Plinius* lib. 31. Nat. hist. cap. 7. Aliud etiam nunc liquoris exquisiti genus; quod Garū uocauere, intestinis piscium, cæterisq; quæ abiicienda essent, sale maceratis, ut sit illa putrescentium sanies. Hoc olim conficiebatur ex pisce, quem *Græci* γάρον uocabant. Et libro eodem, capite sequenti, de garo loquens, Nunc, inquit, è Scombroy pisce laudatissimum in finibus Carthaginis Spartariæ, et cetarijs; Sociorum appellatur, &c. Idem lib. 9. cap. 17. de piscibus loquens, M. Apitius ad omnem luxum ingenio mirus, in Sociorum garo (nam ea quoque res cognomen inuenit) necari eos præcellens putauit. Hæc *Plinius*. De garo ex Scombroy pisce, mentionem facit & *Strabo* lib. 3. Enumerat *Athenæus* lib. 2. Dipnos. Cap. 30. antiquos, qui gari meminerunt. Testatur *Iulius Pollux* lib. 6. antiquos aceti speciem quandam, garum appellasse. quod fortasse factum est ob gari præstantiam, à quo cætera condimenta liquida sic diceren-

## Hieronymi Magii

tur. *Acetum autem inter condimenta referebatur, ut etiam hodie refertur, quin ut citato capite scriptum Athenæus reliquit, Attici acetum solum, condimentum appellabant.*

*Lucianus garo atque oleo pisces perfundi consuevisse demonstrat. Pædacijs Dioscorides libro. 2. cap. 31. de gari medicinis scribit, appellatq; garum, salsum liquamen tam ex piscibus, quam ex omnium animalium carnibus effluens, quod quidem Salamuriam Anglarenses nostri uernacula uoce dicunt. Gari sic meminit Horatius Serm. lib. 2. Saty. 8.*

» *His mistum ius est oleo, quod prima Venasri*

» *Pressit cella garo de succis piscis Iberi. Martialis uerò,*

*Expirantis adhuc scombri de sanguine primo*

» *Accipe Fastorum munera chara garum. Idem oua garo condiri consuevisse demonstrat inquiens,*

» *Candida si croceos circumfluit unda uitellos*

» *Hesperius scombri temperet oua liquor. Garum efficacius Græci αἱμάτιον dicunt, idest sanguiculum: nam ex sanguine scombri, ut ex suprâ relatis patet, conficiebatur; de quo Constantinus Cæsar lib. ultimo de Agricultura, capite*

capite ultimo. Patet igitur quid sit garum,  
 quibus rebus, & in quos usus conficeretur. In  
 eadem lege hæc quoque uerba leguntur, LA-  
 CERTOS quoque cum muria sua contineri,  
 nec Labeo negat. ] Accursius ad hunc locum  
 perperam & barbarè, inquit, Lacertas, idest  
 brisca mellis, intelligens pro brisca fauos. Tu  
 uerò dicas Lacertos ibi significare pisces sic  
 uocatos, è quibus, teste Celsò atque alijs, sal-  
 samenta conficiebantur; quorum Plinius lib.  
 22. capite nouissimo his uerbis meminit, Co-  
 lías, siue Parianus, siue Sexetanus, à patria  
 Bæthica, Lacertorum minima &c. καλίās e-  
 tiam hic piscis nuncupatur ab Aristotele, a-  
 pud quem Theodorus Gaza uir alioquò erudi-  
 tissimus, malè monedulam uertit. Lacerti pi-  
 scis mentio est apud Athenæum Dipn. lib. 7.  
 cap. 23. legiturq; infrà apud eundem cap. 35.  
 lacerti condimentum non iniucundum ex Ale-  
 xide. De Lacerto Martialis,  
 » Cum Sexitani fertur tibi cauda lacerti.  
 Licet deprauatè apud eum, Saxetani, legatur.  
 Iuuenalis uerò Satyra 14. de eodem sic in-  
 quit,  
 » Alterius conchen æstiu cū parte Lacerti.  
 Vbi partem pro cauda accipe, monente Mar-  
 tiale. sola enim in precio fuisse uidetur. In ho-  
 rum fortasse effigiem, uel magis terrestrium



## Hieronymi Magii

*lacertorum, formatos dulciarios panes, lacer-  
tulos uocat Apuleius libro 10. de Asino au-  
reo, sic inquires, Crustula, iunculos, hamos,  
lacertulos, plura scitamenta mellita &c. Mu-  
ria, cuius meminit Iurecōsultus in relatis uer-  
bis (ex hac uoce discere poterat Accursius,  
ab eo piscium genus, non fauos significari)  
liquamen quoddam salsum erat, quod ex pi-  
scibus sale maceratis effluebat, palato non in-  
gratum, de quo Plinius Natur. hist. lib. 31.  
cap. 8. & lib. 32. cap. 12. Non me latet a-  
pud Columellam pro sale durato, siccatoq; po-  
ni, quod neoterici, ut Aqueus ait, pro sale et  
aqua accipiunt, ac pro liquamento, quod è suil-  
lis carnibus sale aspersis defluit. Veteribus du-  
plex muria fuit, altera, qua in condimentis ui-  
ni utebantur, cuius confectiōem, usumq; edo-  
cet Columella lib. 13. cap. 16. Altera uerò,  
quæ dura dicebatur, cuius usum idem auctor  
demonstrat libro eodem, cap. 6. & 7. de qua  
quibusdam locutus uidetur Plinius libro 14.  
Nat. hist. cap. 19.*

ANTE quàm huic capiti coronidem appin-  
gamus, illud non uidetur silentio inuoluen-  
dum, in relatis Iurecosulti uerbis, corruptè in  
multis exemplaribus etiam uetustioribus, a-  
murcam, pro muria, uel murina legi. Amur-  
cam enim, siue olei fæcem & sedimentum,  
quod

quod Græci ἀμورγὴν uocant, ciborum condimentis nunquam legi adhibitum fuisse (quam obseruauit apud Athenæum lib. 4. *Dipnos. cap. 3.* in Nicandri uerbis ex libro eius *Georgicorum secundo*, aceti facem pro condimentis raparum ad non lautas mensas fuisse usurpatam) Iulius Pollux libro 6. condimenta ciborum enumerans, inter ea non recenset amurcam: & Antiphanes apud Athenæum *Dipn. lib. 2. cap. 3.* in multis, quæ affert condimentis, amurcam non agnoscit.

Amurca tamen propter medicas uires, quibus prædita est, medicamentis admisceri consuevit; præter quæ medicamenta, pluribus rebus usui est, ut ex Catone, Varrone, Columella, Palladio, & alijs cognoscitur. Quod ad murinam attinet, eam inter dulcia numerat Plautus in *Pseudolo* sic inquit,

» Quid si opus sit ut dulce promat indidem,  
ecquid habet?

» Rogas? murinam, passum, defrutum, melinam.

Legere igitur debemus, *muriâ*, uel *murinam*.

Quænam illa fuerit machina, qua Archimedes memorabilem Hieronis nauem in mare deduxit, & quid sit ἐλξ apud Athenæum. CAP. X.

**A**THERNAEI Dipnosophistarum libros à doctissimo uiro Natale Comitio amico meo, quem Mediolano anno salutis 1550. in patriam reuersum, primùm allocutus sum, Latinitate donatos, pomeridianis horis cum legerem, incidi in caput 8. libri quinti, ubi ille ex Moschione de Hieronis celebri naue loquitur: quo loco sic habet Latinus contextus, Sed cùm quo pacto in mare trahenda esset, magno studio quæreretur, solus Archimedes mechanicus ipsam paucis instrumentis deduxit. nam primus Archimedes uitis usum reperit, quam cum fecisset, tantam nauim traxit in mare. Quibus lectis quanquàm cochleæ perpetuæ uocatæ, maximarum inter traëctoria organa uirium haud essem ignarus, ut qui eam etiam libris meis de Militaribus technis appinxeram; tamen quia eius auctorem fuisse Archimedem, me legisse non meminissem, de quæ deductione nauis, Archimedis inuêto, loquentem Plutarchum in Marcelli uita, animaduertentem, machinã, qua ille usus est, Polyplastũ appellare, quasi tu dicas multitrabam; suspicari

*susplicari cæpi lapsum esse eruditissimum in-*  
*terpretem dum fortasse codicis manuscripti*  
*fidem sequeretur. Mox uerò cùm Græcum*  
*Athenai exemplar uulgatum consuluissem,*  
*sic scriptum, quantum ad rem attinet, inueni,*  
*Ἀρχιμήδης ὁ μηχανικὸς μόνος αὐτὸ κατήγαγε*  
*δι' ὀλίγων σωμάτων. κατασκευάσας γὰρ ἑλικά,*  
*τὸ τηλικούτον σκάφος εἰς τὴν θάλασσαν κατή-*  
*γαγε. πρῶτος δὲ Ἀρχιμήδης ἔρε τὴν τῆς ἑλι-*  
*κος κατασκευὴν. Quorum uerborum hæc est*  
*sententia, Archimedes mechanicus solus pau-*  
*corum corporum adiumento ipsam deduxit. is*  
*enim Helicem comparans, tantam nauem in*  
*mare traxit. Primus autem Archimedes He-*  
*licis usum excogitauit. Vt autem Plutarchus*  
*ait, Archimedes nauim ex regijs onerariam*  
*unam mercatus est, in quam ἐμβαλὼν ἀνδρώ-*  
*πους τε πολλοὺς καὶ τὸν σωήθη φόρτον, αὐτὸς*  
*ἔπαθεν καθήμενος, οὐ μετὰ σπουδῆς, ἀλλὰ ἡ-*  
*ρέμα τῇ χειρὶ σείων, ἀρχὴν τινα πολυστάσου μη-*  
*χανήματος προσηγάγετο. λείως καὶ ἀπλᾶίως καὶ*  
*ὡς περ διὰ θαλάσσης ἐπιθέουσαν. idest Impositis*  
*multis hominibus, et solito onere, ipse impel-*  
*lebat assidens, non cum festinatione, sed sen-*  
*sim manu pellens, principium quoddam indu-*  
*cebat machinamenti polyptasti, leuiter, &*  
*sine offensione, tanquam perlabentem per*  
*mare, &c.*

## Hieronymi Magii

**V**IDES pro Helice, Polyspastum dici.  
 Adde quòd Oribasius Græcus auctor in libro  
 De Machinamentis, cap. 6. quod est De Ma-  
 chinamentis ex Galeno, ad Archimedem Po-  
 lyspasti inuentum fuisse relatum demonstrat,  
 dum in hanc loquitur sententiam, Si quis au-  
 tem uelit alijs quoque uti, est Polyspaston, ita  
 appellatum, quoniam multis orbiculorum cir-  
 cuitionibus facilitatem præstat; quod iter fa-  
 cientibus maximè idoneum est. refertur au-  
 tem ad Archimedem auctorem &c. Infrà ue-  
 rò cap. 24. rem melius aperit, eandem machi-  
 nam speciei uoce Trispastum nuncupatam de-  
 scribens, deliniansq; , ac illi non cochleam,  
 quam uitem uulgò dicimus, tribuens, sed or-  
 biculos quatuor siue rotas. Quin & ad dedu-  
 cendas naues ab Archimede siue Apellide Tri-  
 spastum fuisse excogitatum, testatur his uer-  
 bis, Vidio eruditissimo uiro interprete, Illud  
 in primis scire conuenit, quòd neque Apelli-  
 des, neque Archimedes medici fuerunt, sed  
 architecti, qui machinamentum hoc excogi-  
 tarunt (quemadmodum nos accepimus de hi-  
 storia) ad naues deducendas funibus, non per  
 manus, sed per Ergatam attractis, &c. Hu-  
 ius generis machinamētum Vitruuio lib. 10.  
 cap. 5. est artemon, idest trochlea, quam Græ-  
 ci ἐπάγοντα uocant. Diciturq; eodem teste Po-  
 lyspaston,

lyssagon, Hoc, inquit, genus machinæ Polyssaston appellatur, quod multis orbiculorum circuitionibus & facilitatem summam præstat, & celeritatem, &c. Quo in loco obiter adnotandum est, uideri ex Vitruuio petatum fuisse etymon Polyssasti, quod Oribasij prænotato cap. 6. legitur: quanquam in Trissasti notatione Oribasius cap. 4. & 24. discrepat, inquiens, Trissastum à tribus funibus, qui circumuoluunt, aguntque, esse dictum, è quibus unus extra duceretur, duo uerò includerentur. Idem in orbiculorum numero non conuenit, quatuor adscribens, cum Vitruuius loco citato, & cap. 3. tres duntaxat in Trissasto agnoscat. Plutarchi senior interpret Polyssastum malè uertit, machinam multifidam, cum potius multitrahā (si Latine diceretur) uox sonare uideatur. πάλω enim Græcis, nobis est auello, & traho. Vnde & Neurossasta, quorum meminit Gellius lib. 14. cap. 1. & de quibus Cælius Rhodig. lib. 4. cap. 6. ac eruditissimus elegantissimūque uir Muretus in Annot. in Horatium. Quæ tamen ludicra orbiculis carere uidemus. Iam igitur patet, Helicem apud Athenæum non cochleam, uitemue uernaculo sermone dictam significare, sed Polyssastum, peculiari uoce Trissastum nuncupatum. ἑλιξ autem à circumuolutione orbi-

## Hieronymi Magii

orbiculorum quorundam, qui ipsi machinæ,  
 ut suprà cognoscitur, indēbantur, dicta est,  
 uel à uerbo ἔλκω, idest traho. Phauorinus de  
 Helice ab Archimede excogitata, λέγεται, in-  
 quit, δὲ ἑλῖξ καὶ τὴ μηχανῆς εἶδος ὁ παρῶτος δι-  
 ρών Ἀρχιμήδης εὐδοκίμησε φασὶ διὰ αὐτό. idest,  
 Dicitur autem Helix & quoddam machina-  
 menti genus, quod primus inueniens Archi-  
 medes, præclarus habitus est, ut aiunt, propter  
 ipsum. Diligens lector dispiciat, an Helicis uo-  
 ce, significetur cochlea lentis speciem referens,  
 qualis in Nymphodori organo quadrato tra-  
 ctorio, cui Glossocomo nomen est, uisitur (no-  
 stris Mechanicis hæc est perpetua cochlea) de  
 qua idem Oribasius cap. 4. item 5. & 22.  
 Ab hoc enim auctore, cochleæ huiusmodi, &  
 quadratæ, atque etiam fæminæ cochleæ, quod  
 & ab alijs quibusdam Græcis auctoribus, qui  
 de machinis scripserunt, factum uidemus, ἑλ-  
 κες, idest capreoli tribuuntur, qui clauicula-  
 rum uitium, speciem referunt. Quod tamen  
 quantum ad Comitij nostri uersionem astruen-  
 dam faciat, nescio, cū de hac cochlea loquens  
 Oribasius, qui machinamentorum inuentores  
 haudquaquam silentio inuoluit, nihil de Ar-  
 chimede dicat.



De argenteæ urnæ, qua Aemilii Pauli  
Papiniani cineres continebantur, in-  
scriptione, quam Bartholomæus Soc-  
cinus mendosam, quasi leguleis fu-  
cum facere uellet, in suis commenta-  
riis posuit. Et de honore, quo Ro-  
mani Impp. eundē Papinianum pro-  
sequuntur.

CAP. XI.

**E** REVERENDAE uetustatis monumen-  
torum lectione promanātem uoluptatem,  
tota interdum mente contrectare soleo, eamq;  
ob rem non minus anxie antiquas uenor inscri-  
ptiones, quam leguleorum nostrorū ignarum  
& audax uulgus lites & diuitias. Quoties ue-  
rò in doctorem uirorum sepulchra, urnas &  
elogia incido, incredibili uoluptate afficior, et  
tanquam lapides ἐλκυσικὸν quiddam (quod de  
mulieribus Varro apud Nonium inquit) ha-  
beant, mecum præclare agi puto, si à lectione  
obutuq;, à socijs aut à negocijs non abdu-  
car. Videor enim quodam mentis abscessu ui-  
dere priscos illos mortales, eosq; loquentes au-  
dire. Quod mihi pridem usu uenit cum lege-  
rem inscriptionem urnæ argenteæ, in qua Ae-  
milij Pauli Papiniani Iurisprudētis præcla-  
rissimi cineres conditos fuisse multi dicunt. Ea  
est huiusmodi,

. Hieronymi Magii .

AEMILIO PAVLO PAPINIANO PRAE  
FECTO PRAETORIO IVRISCON-  
SVLTO. QVI VIXIT ANNOS XX-  
XVI. DIES X. MEN. III. .

PAPINIANVS HOSTILIVS EVGB-  
NIA GRACILII TVRBATO OR-  
DINE IN SENIO HEV PAREN-  
TES FECERVNT.

*Bartholomæus Soccinus eruditissimus quidem Iuriscōsultus, sed infans et semibarbarus, quasi literarum ignaro, rudiq; lectori fucum facere uellet, quandam aliam confarcinavit inscriptionem, proq; uera genuinaq; obtrusit in Commentarijs suis in. l. Cùm auus. ff. de Conditionibus, & demonstrationibus. sic enim de eiusdem Papiniani urna loquens, scriptum reliquit, Cuius urna tempore genitoris mei, ut ipse referebat, argentea Romæ reperta à quodam rustico fuit, in qua erant uerba infrascripta, AEMILII Papiniani Iuriconsulti, & Præfecti Prætorio requiescunt hîc ossa. Cui infelix pater & mater sacrum fecerunt mortuo anno AET. XXXVIII. Referebat etiam maledictum rusticum dixisse, se tanti uiri reliquias in Tyberim proiecisse. Sic Soccinus. Quàm hæc inscriptio mendosa & adulterina sit, nemo non uidere potest. Sed non est mirum hominē ab elegātia sermonisq; cultu omnino alie-*

alienum, uel ex suo uel ex patris penore talia protulisse. Quod ad Papinianum attinet, eum non uulgari honore prosequitur. Iustinianus Imperator, siquidem in Digestorum Proæmio. §. Vobis autem. eum pulcherrimum, maximum, & subtilissimum uirum appellat, & iuris studiosos, tertio anno à Papiniano Papinianistas uocari uult, & festum diem peragere, quem etiam antea statim atq; Papiniani leges accipiebant, habere, & celebrare consueuissent. Maximum etiam appellat in Auth. de Fideiussoribus. §. 1. In Institutionibus uerò sub titulo de Fideicō. hered. §. Sed quia. excelsi ingenij hominem uocat. sic etiam appellatur C. de Inst. et subst. In. l. Cū acutissimi. C. de Fideic. acutissimi ingenij uir, et meritò ante alios excellēs. In lege uerò priore §. Omnibus. C. de Veteri iure enucleādo, splendidissimus, et summi ingenij uir. In C. Theodosiano sub titulo de Respōsis prudentū ab Impp. Theodosio, et Valentiniano excellentis ingenij uir dicitur, et paribus Iurisprudentū hinc inde numero partibus existentibus, eā auctoritatis nomine præponderare decernitur, in qua Papinianus emineat. De huius uiri nece perlepidè Aelius Spartianus in Ant. Caracalla.

22 Hieronymi Magii  
Cur Horatius, & Cicero Ianum medi-  
um uocent, declaratur, & Chiliadum  
auctoris sententia reiiicitur. CAP. XII.

**A**PVD Horatium Sermonum lib. 2. Saty-  
ra 6. Damasippus factus ex negotiatore  
Philosophus Stoicus, sic loquitur,

— postquam omnis res mea Ianum  
Ad medium fracta est, aliena negotia curo,  
Excussus proprijs, &c.

Cicero quoq; in 6. Anton. Ita'ne, inquit, Ianus  
medius in L. Antonij clientela est? quis unquam  
in illo Iano inuentus est, qui L. Antonio mille  
nummum ferret expensum? Libro uero 2. de Offi-  
cij, Sed toto hoc de genere, de quaerenda, de collo-  
canda pecunia, etiam de utenda, commodius a qui-  
busdam optimis uiris ad medium Ianum seden-  
tibus, quam ab ullis Philosophis in ulla schola  
disputatur. Hæc Cicero. Quæsitum est à doctis  
cur Ianus, medius sit nuncupatus. Quibusdam  
placet Acronis Horatiani interpretis senten-  
tia, scilicet, Ianum dici medium, quod tres  
essent Iani statuæ, ad quarum mediam sole-  
rent fœneratores, & creditores conuenire.  
Porphyrio eos ad Ianum in Basilica stetisse di-  
cit. Chiliadum auctor in suis annotationibus  
in libros Ciceronis de Officijs, tres illas Iani  
statuas, uel etiam, ut Landinus ex quorun-  
dam

dam sententia dicebat, tria Iani in Foro tēpla,  
 commenta esse suspicatur; probabiliusq; esse  
 ait, medium Ianū uocari, quod in medio Foro  
 basilicam haberet, nihilq; ad hanc opinionem  
 astruendam allegat. Ego à Procopio lib. I. de  
 Bello Gotth. scriptum quidem inuenio, Iani sa-  
 cellum æreum, ex quo belli pacisq; argumen-  
 ta peterentur, in Fori medio fuisse, è regione  
 Capitolij, paululum supra eum locum, quem  
 Romani sua ætate, Tres Parcas nuncuparent:  
 tantaq; fuisse amplitudine, quanta ad Iani æ-  
 reum idolum longum pedes quinque, excipien-  
 dum satis esset. Liuius lib. I. Dec. I. ad infi-  
 mum Argiletum locat, sic enim ait loquens de  
 Numa, Ianum ad infimum Argiletum, indi-  
 cem pacis, belliq; fecit: apertus, ut in armis  
 esse ciuitatem, clausus, pacatos circà omnes po-  
 pulos, significaret, &c. M. Varro literis con-  
 signauit, duodecim aras Iano fuisse in Vrbe di-  
 catas, ut singulas singulæ haberent regiones,  
 duas uerò præ cæteris cultas, alteram in foro  
 boario, in Romano foro alteram ad arcum Fa-  
 bianum. Liuius lib. I. Dec. 5. trium meminit  
 Ianorum, Et Forum, inquit, porticibus, taber-  
 nisq; claudendū, et Ianos tris faciendos, &c.  
 Ego in tanta uetustatis caligine, censuerim Ia-  
 num ab Horatio, & Cicerone medium dici,  
 quod inter duo fora sacratus staret, ad quem

## Hieronymi Magii

*tanquam celebriorem, ac loci ratione commo-  
diorem, & fœneratores & mercatores conue-  
nire solerent. Ad quod existimandum me im-  
pellunt subiecti ex libro primo Fastorum Qui  
dij uersus de Iano,*

» *Cum tot sint Iani, cur stas sacratus in uno*

» *Hic ubi iuncta foris templa duobus habes?*

*Est autem credendum circa Iani templum il-  
lud porticus, tabernasq; fuisse, in quibus illi de-  
gerent, locoq; uidetur nomen fuisse, Sub uete-  
ribus, sic dicente Plauto,*

*Sub ueteribus ibi sunt qui dant, quiq; acci-  
piunt fœnore.*

*Alioquē, si Chiliadum auctorem audiamus,  
quo pacto circa paruulam Iani ædiculam in  
medio Fori locatam, maximæ urbis mercato-  
rum fœneratorumq;, & aliorum ciuium uis  
ingens, commodè citraq; cæli iniuriam hye-  
me atque æstate cōuenire, excipiq; sedilibus po-  
tuit? sedilia enim ad medium Ianum in huius  
modi hominum usum fuisse, demonstrat Cice-  
ro inquit, A quibusdam optimis uiris ad  
medium Ianum sedentibus. Ac profectò neu-  
tiquam dicendum uidetur, ædiculam illam bel-  
li pacisq;, portis binis nunc adaperitis, nunc  
clausis indicem, tabernis, porticibusq;, unde  
ciuibz prospectus adimeretur, Forumq; ædi-  
ficijs medium occuparetur, fuisse obseptam.*

*Quin*



*Quin eam paruulam, qualem Procopius delineat, non alia ratione extructam existimo, quàm ut Fori portio minor occuparetur, & si materiæ etiam gratia, talem factam uideri posse, non eo inficias.*

*Iudices qua ratione olim, leuato uelo causas cognoscere dicerentur.*

CRP. XIII.

**H**ONORIVS & Theodosius Imperatores C. lib. XI. sub tit. De Naufragijs, sic loquuntur, De submersis nauibus decernimus ut leuato uelo istæ causæ cognoscantur, &c. Horum uerborum sensum nostri Iureconsulti satis affecuti uidentur, quando ea & in prouerbum traxerunt, ut Alciatus lib. 4. De uerborum significatione adnotauit. Sed qua rōne leuato uelo causæ cognosci dicatur, nemo, quod equidem sciam, ad hanc usq; diem declarauit. Ego arbitror ab eo, quod à Iudicibus in causarum cognitionibus fieri soleret, hunc loquendi morem profluxisse. Vt enim apud Ecclesiasticos scriptores à me fuit obseruatum, cum res altiore indagine, & examine indigeret, Iudices uelut quoddam tribunali prætere solebant, quæ res, non liquere, iustamq; causæ cognitionem adhibendam, quæstionem uel, si iudicium



## Hieronymi Magii

*criminale fuisset, per plures dies exercendam esse, argumentum erat. Ex his scriptoribus, Clementis Romani solius, quem præ manibus habemus, cum alij memoria exciderint, testimonium adduxisse in præsentia sufficiat. Eius lib. 2. Apostolicarum constitutionum Cap. 56. uerba sunt hæc, θεάσαθε δὲ καὶ τὰ κοσμικὰ δικάσιμα. ὧν τῇ ἐξουσίᾳ ὁρῶμεν ἀγομένους φονεῖς. μίχους. φαρμακοὺς. θυμωροὺς. λῃστὰς. καὶ τὰς ἀνακρίσεις αὐτῶν λαβόντες οἱ ἡγούμενοι ὑπὸ τῶν προσταγόντων, λέγοισι τῷ κακούργῳ, εἰ ταῦτα οὕτως ἔχει, καὶ κείνου συγκαταθεμένου, οὐκ ἀθέως ἐπὶ τὴν κόλασιν αὐτὸν ἐκπέμποισιν, ἀλλὰ πλείοσιν ἡμέραις ποιουῶται αὐτοῦ τὴν ἐξέτασιν μετὰ συμβουλίου πολλοῦ, καὶ παραπετάσματος μέσου, &c.*

*Idest, ut Bonius interpretatus est, Aspicite mundana iudicia, quorum potestati uidemus tradi homicidas, adulteros, ueneficos, sepulchrorum perfossores, latrones. De quibus cum quaesierunt præfetti iudicio ab ijs, qui illos in iudicium adduxerunt, demum interrogant reos, An illa ita se habeant? Quibus affirmantibus, non continuò eos ad supplicium mittunt, sed per plures dies quaestiones exercent cum multo consilio, & uelo interiecto. Hactenus Clemens. Verùm cum leuior esset causa, & quæ indagine huiusmodiq; notione minime*

*nimè indigeret, tunc eo amoto uelo negocij notio habebatur, sententiaq; ferebatur. Ex hac igitur consuetudine iam tum tempore Clementis Romani, qui Apostolorum ætate uixit, recepta, Honorius & Theodosius Imperatores, leuiore causas, leuato uelo cognosci scriptum in prænotata lege reliquerunt. Hac de re plura fortasse leges in scholijs ad hunc locum, pij et eruditissimi Theologi Francisci Turriani, qui nullis laboribus, nullis sumptibus parcens, Clementis libros cum blattis luctantes, ab interitu uindicauit, primusq; Græcos Iordano Zileto Bibliopola solerti inuulgandos dedit, mox & Latinos ac cum scholijs multis, ut mihi dixit, editurus.*

An antiqui, & quo tempore stapiis sint  
usi : Galeoti Martii error impostu-  
raq; demonstratur, & Tortellius de-  
fenditur.

CAP. XIII.

**I**OANNES Tortellius Arretinus, uir non  
indoctus, qui Laurentij Vallæ coætanei, a-  
miciq; sui exemplo permotus, pro uiribus  
cum barbarie manus conseruit, remq; litera-  
riarum, cum qua malè agebatur, promouere  
lexico, ac alijs scriptionibus conatus est, sta-  
pias apud antiquos non fuisse in usu, literis pro-

N 3 didit.

didit. Eius sententia eruditorum omnium cal-  
culis, si Galeotum Martium Narniensem ex-  
cipias, comprobata fuit, atq; hodie compro-  
batur. Hic enim in libro de Doctrina promi-  
sua, cap. 28. eum malè eo nomine alijsq; de  
causis accipit, quantum ad rem nostram spe-  
ctat, his uerbis, Sed miser Tortellius merus  
recitator, nihil considerans, quæ non aduertit,  
putauit nusquam extare. digna enim risu sunt,  
quæ ibi recitat. Negat nanque clostrum, quo  
equum ascendimus, Latinos habuisse. Lucre-  
tius quinto.

» Et prius est armatum in equo conscendere  
clostris.

Klosta enim scala est, & id, quod ab ephippijs  
ad uentrem usque equorum pendet, ascensuro  
in equum, ut scala facilitatem præbet. Hæc  
ille. Sed dicat Martius quo'nam Lucretij co-  
dice, clostris, legerit, & apud quem auctorem  
Klostam, scalam significare inuenerit. Tam  
manuscripta enim, quæ uiderim, exemplaria,  
quàm typis representata, costas, habent; &  
Græcis non Klosta, sed κρόστα, ut omnes no-  
runt, scalam significat. Mira est hoc loco) quod  
cū multo eius honore dictū sit) impostura, qui  
ut Tortellium coarguat, nec à contextuum de  
prauatione abstineat, quasi myopibus luscio-  
sisq; fucum facere uelit. Nam quotus quisq;  
uel

uel semidoctus literator fuerit, qui non uideat  
*Lucretium equestris artis incrementa asse-*  
*rentem, & à simplici equorum usu exorsum,*  
*non potuisse statim Stapiarum meminisse?*

Poëtæ uerba, ne quis me Tortellij causam  
*mendacijs agere suspicetur, adscribam,*

» *Et prius est armatum in equi conscendere*  
*costas,*

» *Et moderarier hunc frenis, dextraq; ciere,*

» *Quàm biugo curru belli tentare pericla:*

» *Et biugo prius est, quàm bis coniungere*  
*binos,*

» *Et quàm falciferos inuentum ascendere*  
*currus.*

*Stapiarum usum apud antiquos nullum fuisse,*  
*præter equestres antiquorum Statuas, præter-*  
*que uetusta numismata, & in antiquis mar-*  
*moribus à sculptoribus equites equis uehentes*  
*expressos, hæc etiam manifestè demonstrant.*  
*Xenophon in lib. de Arte equestri, dum quo*  
*pactò equus conscendi debeat, edocere nititur,*  
*Stapiarum usum non agnoscit. Hippocrates*  
*quoque in libro de Aëre, aquis & locis, lo-*  
*quens de Scythis, innuere uidetur, sua ætate*  
*nec Scythis, nec alijs nationibus cognitæ fuis-*  
*se Stapias. in hanc enim loquitur sententiam,*  
*Ab equitatione ipsa diuturni eos corripiunt ar-*  
*ticulorum dolores, nimirum propendentibus*

*semper ex equis eorum cruribus. Deinde claudi fiunt, contrahunturq; coxendices cum inaruerit morbus, &c. Et post multa, Simili autem modo & reliquis hominibus euenit. Vbi enim frequenter, & continuè homines equitant, ibi plurimi à diuturnis doloribus, articulorum coxendicumq; maximè, & pedum corripuntur, ad coitumq; fiunt impotentes, quæ omnia mala Scytharum genti adsunt. Hæc ille. Vt minus idem nobis aduersetur dum Nomades (sunt hi Scythæ) inter equitandū, quomodocunque equis insideant, non adhibere animum dicit, quando & quæ Scythis, equitatio ipsa conciliabat mala, reliquis etiam, equis inuehentibus, eandem ob causam, conciliari consueuisse scribit. Huc accedit Suetonius in Caligulæ uita (ut quæ de alijs nationibus fateari cogimur, de Latinis quoque uera esse, nemini negare sit integrum) qui equitū crura, nulli conquescentibus pedibus, propendēre consueuisse demonstrat, dum Germanicum Caligulæ patrem, ad crurum gracilitatem, quæ formæ minùs congruebat, replendam, assidua ab equi uectatione post cibum, adiumenta petiisse dicit. Nouimus enim statim pransorum crura, si assiduè equis stapijs carentibus illi uehant, quòd propendeant, atque huc et illuc agantur, sanguine plurimo atque humoribus*

in ea decumbentibus, insignem adipisci crassitiam. Præterea Iulius Pollux libro 10. cap. 10. et 12. in quibus agit de uehiculis eorumq; partibus, ac de equestribus instrumentis, & alibi, reliqua omnia executus, stapiæ, aut instrumenti similis nullam habet mentionem. Quanquàm autem uerum est antiquos stapias nullas habuisse, non est tamen negandum, adeò non uetustis, nec etiam nobis uicinis temporibus, harum usum agnosci. Memini enim me in Diui Hieronymi epistolis non stapiæ, sed bistapiæ inuenire mentionem, inquit enim, si memoria non labat, se cùm quasdam accepit literas, iumentum conscensurum, iam pedem habuisse in bistapia. Romæ quoque in uetusto lapide, stapiæ haud dubiè mentio fit, ita enim habet inscriptio,

D. M.

QVISQVIS LECTVRVS ACCEDIS  
CAVE SI AMAS. AT SI NON  
AMAS PENSICVLA MISER QVI  
SINE AMORE VIVIT DVLCI EXIT  
NIHIL. AST EGO TAM DVLCI  
ANHELANS ME INCAVTE PER-  
DIDI ET AMOR FVIT.  
EQVO DVMSPECTVI FORMO-  
SISS. DVRMIONIAE PVELLAE  
VIRGVNCVLAE SVMMA POLVO-  
RIA



RIA PLACERE CVPEREM CASV  
DESILIENS PES HAESIT STA-  
PIAE TRACTVS INTERII.  
IN REM TVAM MATVRE PROPERA  
VALE.

*Inscriptionem autem monumentumque homi-  
nis non fuisse Christiani, ex interpunctis literis  
D. M. cognoscitur, quæ, ut neminem anti-  
quitatum peritum latet, Dijs Manibus defun-  
cti, sepulchrum esse dicatum significant (ta-  
met si multi nostra ac ætate ad inferorum  
Deos, ut ad Plutonium Proserpinamque, non  
sine manifesto errore, in uniuersum refe-  
runt) ut ex his Gellij uerbis lib. 10. cap. 18.  
satis liquet, Id, inquit, monumentum Arte-  
misia cum Dijs Manibus sacris Mausoli dica-  
ret, ἀγῶνα, idest certamen, laudibus eius di-  
cundis facit, &c. Vt alia ad hanc rem spectan-  
tia nunc mittam, quæ in libris de Sepulchris et  
sepeliendi ritu sunt à me collecta argumenta.  
Hanc ego inscriptionem paululum supra Diui  
Hieronymi ætatem, factam esse existimo.*

*Foro Cornelij (si quæ mihi narrantur uera  
sunt) abhinc non multos annos, tumulo quo-  
dam peruetusto collabente, qui ante annos octin-  
gentos fuerat, ut ex epitaphij notis numera-  
libus deprehendebatur, constructus, equitis  
inuenta sunt ossa uetustate exesa, cum equi  
marcido*



*marcido ephippio, cui stapiæ ijs, quibus hodie utimur, non absimiles inessent. Vides ergo stapiæ inuentum nec per uetustum nec recens esse. Sed hæc hætenus, breui enim Robortellum meum, uirum eruditissimum deq; rep. literaria optime meritum, huiusmodi antiquitatem in Com. suis in libros, quos iam de Vita & uet. pop. Romani edidit, illustraturum spero.*

Discrepare auctores in primi diuortii, quod Romæ factum est, anno assignando. Gellii locum non esse ut quidam uolunt emendandum. Plutarchi Tertullianiq; in hac re auctoritas eleuatur, & Gellii sententia comprobatur. à Caio Iurisconsulto diuortii alata etymologia reiicitur. De Viri-  
placæ Deæ sacello, & magistratu, qui de repudiis ius dicebat. Quæ uerba in repudiis diuortiisq; solennia antiqui usurparent.

CAP. XV.

**S**UPER anno, quo primum Romæ diuortium factum est, non consentitur. Aulus Gellius lib. 17. Noctium Atticarum cap. ultimo Sp. Caruilius Rugam, primum Romæ de amicorum sententia diuortium cum uxore fecisse dicit, anno post Romam conditam quingente-

## Hieronymi Magii

gentesimo undeuicesimo. Suprà uerò lib. 4.  
 cap. 3. factum hoc fuisse dicit M. Attilio, &  
 P. Valerio Coss. anno ab urbe condita quin-  
 gentesimo uigesimo tertio. Quo loco cum an-  
 norum numerus notis scribatur, non uerbis,  
 ut prænotato cap. ultimo, contextum deprau-  
 uatum maculosumque; esse, ne sibi ipsi contra-  
 ria prodere auctor uideatur, affirmauerim.  
 Procliuiiores autem esse librarios, scribasque  
 ad errorem, numerorum notis, quam inte-  
 gris uocibus describendis, cum Eusebij alio-  
 rumque Chronica passim mendosa, tum quæ  
 quotidie usu ueniunt, satis demonstrant. Quod  
 etiam ex Galeno cognoscimus, qui libro 1. de  
 Antidotis sic ex interprete loquitur, Quoniã  
 uerò, ut dixi, multa exemplaria, medicina-  
 rum pondus mendosum habent, idcirco ipsum  
 non notis, sed integris uocabulis primum ap-  
 posui, Menecratis iudicium in hac parte se-  
 quutus, &c. Plutarchus in Numæ, & Ly-  
 curgi comparatione, Romanos dicit memoriæ  
 tradidisse, primum Sp. Caruilius extitisse,  
 qui ab urbe condita anno ducentesimo & tri-  
 gesimo, cū uxore diuortium fecerit. Qui men-  
 dosè in Latina uersione pro Caruilio Corui-  
 num habet, sicuti suprà in Romuli uita Serui-  
 lium. Dionysius Halicarnassæus lib. 2. literis  
 prodidit, id factum esse Olympiade 137. M.  
Pompo-

Pomponio, C. Papyrio Coss. idest urbis conditæ anno 523. cuius auctoritatem sequutus est Loritus in sua Temporum supputatione, quam in omnem Romanam historiam edidit. Tertullianus uerò de Monogamia, et in Apologetico, diuertisse ait ab uxore Caruiliū sexcentesimo propè anno ab urbe condita. Auctor librorum, qui De Inuētoribus rerum inscribuntur, Lorito adstipulatur, nullamq; Gellij mentionem facit. Quin ad probandum consulum, & annum, præter Dionysium, Plutarchum duntaxat laudat auctorem in Romuli uita, ubi nihil de Consulibus et anno, quibus Caruilianum diuortium factum est, scriptum inuenias; nec ex Numæ, et Lycurgi collatione petit testimonium. Iacobus Cuiacius uir supra ueri fidem doctus, quiq; ad leges bonasq; literas illustrandas quodam Prouidentiæ dono nostræ ætati datus uidetur, Observationum suarum lib. I. cap. 39. ex his, quæ Tertullianus dicit, & ex annorum ratione, Gellij locum citato cap. nouissimo, mendosum esse existimat, et ideò non quingentesimo undeciesimo. legendum esse, sed sexcentesimo ferè. A quo nec cussorum codicum, nec calamo exaratorum fidē unquam stare uidimus. Quin Valerius Maximus homo Romanus, uno solūm dissidens anno, Gellij lectionem cōfirmat, quod quenquam animad-

animaduertisse non uideo; lib. enim 2. cap. 1. loquitur in hæc uerba, Repudium, inquit, inter uxorem, & uirum, à condita urbe, usq; ad uicesimum, & quingentesimum annum, nullum intercessit. Primus autem Spurius Caruilius uxorem sterilitatis causa dimisit, &c. Quamobrem, si quis me arbitro utatur, dixerim, Gellio magis, quàm Tertulliano, aut Plutarcho fidem esse adhibendam, tum quia concinat illi alter Latinus auctor, et (quod magis est) homo Romanus, et uetustioris grauiorisq; quàm Tertullianus, aut Plutarchus auctoritatis; tum quia Dionysii supputatio, si ei quatuor annos exemeris, Gellianæ maximè congruat. Verùm nec si Dionysius Plutarchusq; cū Tertulliano facerent, Gellij et Valerij quicquam auctoritati demeretur, cū in Latinorum rebus, magis Latinis auctoribus, quàm Græcis fidendum sit, Græcosq; in huiusmodi rebus maximè hallucinatos esse uideamus. E quibus, ut de Plutarcho et alijs minimè in præsentia loquamur, unum profero Epiphanium, Christianum doctumque auctore, qui in libris, quos contra hæreses conscripsit, & ad hæresim ex eius ordine 50. Consules permultos post Octauiani Augusti, & M. Plautij Syluani Consulatum recensens, & nominibus, & annis adeò à nostrorum historijs et Chronologijs

(si modò mendis uacat eius contextus) discrepat, ut nihil minus temporum illorum supputationi, atque historiæ conueniat. Atq; hæc quidem de tempore, quò ab uxore diuertit Caruilius. Quod spectat ad diuortij etymologiam, non minor uidetur esse inter auctores dissensio, existimante Paulo Iuriconsulto in. l. Inter diuortium. ff. de Verborum significatione, dictum ideò, quòd in diuersas partes eant, qui discedunt; Caio in. l. 2. ff. de Diuortijs, à diuersitate mentium; alijs à diuertendo; quibusdam uerò per translationem à diuortio aquarum, rerumq; similium, cùm propria uoce rem hanc exprimente careamus. quæ fuit Ciceronis sententia lib. 3. de Oratore, qui cum sit testis omni exceptione maior, ut alios refellam me maximè cogit, præsertim Caium, cùm diuortio non admodum structura & sono diuersitas affinis sit, & longius quàm par sit etymon petatur. Idem Cicero libro citato, doctrinarum diuortia dixit; in Epistolis uerò ad Atticum, aquarum diuortia. Iul. Frontinus in cap. de Qualitate agrorum, aquarum diuergia. Virgilius similiter aquarum diuortia, & uiarum, Lucanus fluminum, & maris; Gratius uerò Poëta in libello de Venatione, morborum in canibus diuortia. Vnde non immeritò Nonius diuortium, rerum omnium separationem dixisse

dixisse uideri possit. Hebraei, penes quos uetustissima diuortium habet initia, ut Deuteronomij cap. 24. perspicitur, nomen Diuortij à uerbo, quod scindere sonat, deducunt; libellumque abscissionis dicunt (Marcus Euang. cap. 10. βιβλίον ἀποσάσιον, Matthæi uerò interpretes ἀποσάσιον quasi abscissionale, nuncupant) quòd uiri, & uxoris nexum coniugationemque in perpetuum abscindat, ac dirimat. Plato Dialogo XI. de Legibus, diuortium permittit, si Latino ore loquatur, his uerbis, Si uir, inquit, & uxor propter morum acerbitem inuicem non conueniant, decem uiri de legum custodibus, qui mediij sint, & decem mulieres de curatricibus connubiorum, provideant. Quorum sententia, si ita conciliati fuerint, ualida & stabilis habeatur. Sin autem illorum animi uehementius etiam iracundia fluctuent, factò diuortio, illos pro uiribus quærant, qui utrisque conueniant. Hæc Plato. Quantum uerò spectat ad uiri & uxoris conciliationem, haudquaquam est ignorandum, quod Valerius Maximus lib. 2. cap. 1. scriptum reliquit, Romæ olim fuisse sacellum Deæ Viriplacæ, in quod uir, & uxor, quoties aliquid intercesserat iurgij, & similitatis, ueniebant, atque ibi uerbis, quæ uoluerant, ultrò citroq; habitis, animorum contentione



tione hac ratione sedata, depositaq; , domum  
 cōcordes remigrabant . Athenis quoque , ut  
 Plutarchus in Alcibiade testatur , magistra-  
 tus erat , qui de repudijs diuortijsq; huiusmo-  
 di ius diceret , & contentionibus discordijsq;  
 sublatiis , uxorem uiro , publica adhibita auēto-  
 ritate , & uirum uxori conciliaret . Illud quo-  
 que hīc reticendum non uidetur , in diuortijs so-  
 lennia fuisse uerba , quibus antiqui uterentur .  
 Caius . l. 2. ff. de Diuor. In repudijs autem , idest  
 renunciatione , comprobata sunt hęc uerba ,  
 TVAS RES TIBI HABETO . Item hęc ,  
 TVAS RES TIBI AGITO . In sponsali-  
 bus quoque discutiendis , placuit renunciatio-  
 nem interuenire oportere , in qua re hęc uer-  
 ba probata sunt , CONDITIONE TVA  
 NON VTAR . Hęc Caius . Quo in loco scien-  
 dum est priora illa renunciationis uerba , fuis-  
 se magis in usu , cū Cicero , Plautus , Mar-  
 tialis , atque Apuleius in eadem formula uer-  
 bum habendi , non autem agendi ponant . Cice-  
 ro Philip. 2. Mimam illam suam , suas res si-  
 bi habere iussit ex duodecim Tabulis . Apud  
 Plautum matrona à marito diuertens ait , Ti-  
 bi habeto res tuas , Martialis ,  
 » Mense nono Iani ueterem Proculeia mari-  
 tum  
 » Deferis , atq; iubes res sibi habere suas .



Hieronymi Magii

*Apuleius lib. 5. de Asino aureo, Confestim inquit thoro meo diuorte, tibiq; res tuas habeto. &c.*

Claudii Quadrigarii, Taciti, & Liuii loca, quæ pugnare uidebantur, conciliata, Ant. Iulianus reprehensus.

CAP. XVI.

**E**x undeuicesimo Annali Q. Claudij Quadrigarii apud Gellium lib. 9. cap. 1. Notitium Atticarum, hæc uerba referuntur. Sagittarius cum funditore utrinq; summo studio spargunt fortissime. Sed sagittam atq; lapidem deorsum an sursum mittas, hoc interest. Nam neutrum potest deorsum uersum rectè mitti, sed sursum utrunq; optimè. Quare milites Metelli sauciabantur multò minus, & quod maxime opus erat, à pinnis hostes defendebant facillime. Hæc Quadrigarius; Quod autem de sagitta & lapide est ab eo scriptum, hoc de omni ferè missili telo dici posse, Antonius Iulianus Rhetor Gellio olim affirmavit. Sed Cornelius Tacitus lib. 17. loquens de Placentia à Vitellianis oppugnata, ab Othonianis uerò defensa, contrarium usuuenire demonstrauit his uerbis, Ingerunt, inquit, desuper Othoniani pila, librato magis ac certo ictu, aduersus

sus temerè subeuntes, &c. *Liuius quoque aliquo pacto aduersari uidetur inquiring libro 7. Dec. 1. Præter uirtutem, locus quoq; superior adiunxit, ut pila omnia hastæq; , non tanquam ex æquo missa uana , quod plerunq; fit, caderent, sed omnia librata ponderibus figerentur. Et lib. 10. Dec. 3. Pæni uana pleraq; , ut potè supino iactu, tela in locum superiorem mittebant. Grauior, ac pondere libratior superne ex onerarijs ictus erat, &c. Vides inter hos auctores non leuem subseri similitudinem. Verum non adeò incaluerunt, ut sedari ea paruo negotio non possit. Non est igitur ignorandum, quod de sagittæ, & lapidis iactu à Quadrigario dicitur, non ad pila hastasq; , quæ citra arcum aut ballistam fundamq; iaciuntur, esse, ut Iulianus facere uidetur, trahendum; siquidem, ut experimento docemur, si quis ex inferiore loco certum superiorem saxo citra machinæ aut fundæ adiumentum, petere ac ferire, aut in eundem hastam torquere uelit, segnius telum ferri, à scopo multum aberrare, uanumq; decidere animaduertet, quòd humani corporis tormentiq; non eadem sit ratio. Tormenta enim quo magis eleuantur, dummodò lineam quadragesimi quarti, aut quadragesimi quinti gradus Quadrantis non supergrediantur, semper grauiores, longiores, directiores, certio*

## Hieronymi Magii

resq; emissiones atq; iectus habent : quod non fieri animaduertes , si ex supernis in inferna sit eiaculatio , nimirum teli quia in praeceps tendentis , atq; ad centrū sedemq; suam properantis pondus , impedimento sit. Verū cū manu quis lapidem aut hastam ex muro alio'ue edito loco demittit , si scopus , quem ferire uelit , non longē à perpendiculi linea absit , quam moderatio , atq; ratio mittentis , teli pondere aboletur , nihilominus quia brevis est eius procursus , faciliorq; iectus , raro rarius à scopo aberratur. Et de hac iectus specie intellexisse Tacitum existimo ; milites enim temere muris succedentes , non eos , qui longius aberant , pilis , quibus Romanos iaculorum uice usos esse constat , non ballistis aut scorpiionibus arcubus'ue missis telis , librato magis , et certo iectu confixos dicit. Liuius quoque de pilis hastisque duntaxat , ut uides loquitur , in quorum telorum iectu , quod hi dixerunt , usu uenit , & si Liuius non de iectu directiore , sed grauiore librationeque ex supernis locis in ima ; ex imis uerò in superna , aut in aequa , magis irritò citraq; offensam , loquitur. Alioquin minimè inter hos conueniret .

Ioannem Babt. Pium Bononiensem malè interpretari quosdam Tibulli, & Vergilii uersiculos, magnoq; errore tumulos pasfim apio coronari solitos, scriptū reliquisse. De uariis coronarum sepulchralium generibus.

## CAP. XVII.

**I**N Antiquitatibus exquirendis, pernoscentisq; , & bonis auctoribus illustrandis, ne utiquam sua ætate postremus fuit Ioannes Baptista Pius Bononiensis. Is inter cætera ingenij sui monumenta Adnotationes in uarios auctores non planè infrugiferas, posteritati legendas reliquit, quarum cap. 15. ait, se cum olim esset eloquentiæ candidatus, existimasse, ab antiquis omnibus promiscuè floribus, uiolis & lilijs, & huiusmodi alijs, exornari tumulos consueuisse, eamq; ob rem in hoc *Albii Tibulli uersiculo lib. 2.*

» *Annua constructo ferta dabit tumulo.*  
Serta annua pro coronis florum uariorum accepisse. Cæterum cum Plutarchi Timoleonem legisset, sententiam immutasse, quòd ille tumulos apio coronari scribat, et præsertim quia Plinius lib. 20. Nat. hist. cap. XI. testetur, apium defunctorum epulis feralibus esse dictum: atque idcò non solum apud Tibullum lo-

co citato, sed etiam apud Virgilium in Cōpa,  
ubi inquit,

» Quid cineri ingrato seruas malè olentia  
serta

» An'ne coronato uis lapide ista tegi?  
sepulchrorumserta, pro sertis duntaxat ex  
apio textis, esse accipienda. Quæ cū ego le-  
gerem, luculento non carere errore intellexi.  
Primum enim quantum spectat ad Plutarchi  
locū, uidere nescio quo pacto hic auctor Pium  
in huiusmodi deliramentum protraxerit: hæc  
enim est uerborum, quæ ad rem facere un-  
quam potuerunt, sententia, Cæteros milites  
postquam Timoleo persuasionibus exortatio-  
nibusq; firmiter ad præliū induxit, ad Crime-  
sium fluiuium, quo Carthaginenses uenturos  
audiuerat, adduxit. Qui cū castra supera-  
ret, unde inimicorum castra uidendi potestas  
erat; multis apium ferentibus obuiauuit: quod  
infaustum milites augurium putauēre, quo-  
niam apij coronas, sepulchris imponere, usur-  
patum est. Vnde prouerbiū hoc natum est,  
Apio egere, qui periculosè ægrotet. Hæc Plu-  
tarchus. Nunc quis dixerit, modò mentis com-  
posit, quoniam scribat Plutarchus, apud  
Græcos consueuisse coronas ex apio sepulchris  
imponi, idem de Latinis esse affirmādum, quin  
ex alijs floribus textaserta, sepulchris non  
fuisse

fuisse imposita, demonstrari? Polyænus lib. 5. apud Timoleonis milites coronandorum apio sepulchrorum morem fuisse ait. Diodorus in Philippo, ad extruendos thoros, eadem loquens de re, usui fuisse dicit. tametsi Cicero in epistola ad Cælium, inquit, Togam prætextam texi apio.] Latinis etiam feralis fuisse apium, innuere uideatur. Quis unquam contendet Græcorum moribus, institutisq; , Latinorum scriptorum mentes exquirendas introspectiendasq; esse? Quod uerò ad Plinij locum attinet, quotus quisque erit, qui Plinium ex auctoribus non Latinis illud de defunctorum epulis feralibus referentem, sepulchrales coronas ex apio fieri, demonstrasse suspicetur? Atqui tantum abest ut Plinij locus prænotatus Pij fulciat opinionem, ut eam potius demoliri uideatur: quandoquidem si apio ad coronanda sepulchra usi fuissent Latini, Plinius, qui in historia usus rerum non reticet, et qui lib. 21. cap. 3. coronarum sepulchralium meminit, hunc eius herbæ usum silentio non inuoluisset. Verum, si Dijs placet, hæc à Pio stare concedamus: sed quânam ratione huius uiri sententiam tuebimur, qua coronarum reliquarum, & florum usus excluditur atq; ablegatur? In uetustis inscriptionibus, quas supra hoc eodem libro, cap. 2. retulimus, rosis



exornari consueuisse sepulchra apertè liquet.  
nec solum rosis, sed & myrteis coronis, ut in  
ea, quæ Comi uisitur. Torcelli quoque ita in  
uetusto lapide scriptum legitur,

LONGIVS PATROCLVS SECVTVS.  
— PIETATEM COL. CENT. HORTOS.  
— CVM AEDIFICIO HVIC SEPVLTVS.  
— IVNCTO VIVVS DONAVIT. VTEX  
— REDDITV EORVM ROSAE ET E-  
— STAE PATRONO SVO. ET QUAN-  
— DOQ. SIBI PONERENTVR.

Et si Plinius lib. 21. cap. 4. rosæ in coronis  
usum propè minimum esse dicit. Apud Græcos  
quoque sepulchra rosis decorari consueuisse,  
subinnuit Anacreon in Ode Εἰς ῥόδον, idest in  
rosam, his uersiculis,

» Τόδε καὶ νοσοῦσιν ἀρκεῖ,

» Τόδε καὶ νεκροῖς ἀμύνει.

Idest, Quid dicam, & illa multis,

» Medicina certa malis,

» Nec inutilis sepultis.

Quid? non'ne apud Virgilium Aeneid. lib. 5.  
ubi Aeneam purpureis floribus patris tumulū  
aspergentem, & lib. 6. dum Octau. Augusto,  
& eius sorori in Marcello adulatus, liliæ &  
purpureos flores, quibus pueri manes hono-  
ret, poscentem eundem facit, animaduertere  
potuit Pius flores à parentationibus tumulo-  
rumq;



rumq; ornamentis non esse excludendos. Erroris eundem commonefacere potuit Varro libro 6. de Lingua Latina eo loco, ubi sic scriptum legimus, Infulas dictas apparet, quod uelamenta hostijs è lana, quæ adduntur, dicuntur infulæ: intra hostiarum cornua uelamenta erant. Itaque nunc cum ad sepulchrum ferunt frondes, ac flores, addunt lanas. hæc ille. Ad hæc Plinius ipse lib. 10. cap. 43. corui funus, quod innumeris exequijs tanquam mortui hominis, Romæ celebratū fuit, coronis omnium generum honoratum dum dicit, eum labentem subleuasset. Illud hîc non est omittendum, myrteas coronas non solum à Latinis, sed etiam à Græcis, sepulchris imponi solitas, ut apud Euripidem in Electra manifestè perspicitur. Plutarchus quoq; in Aristide, myrtum à Græcis, funeribus olim esse adhibitum, docere nos potest. Theophrastus lib. 6. de Historia plantarum Pothi floris specie altera, quæ de color, subalbidaque est (Plinius lib. 21. cap. x1. florem hunc tumultis ait innasci) sepulchra exornari sua ætate fuisse in more positum, testatur. Philostratus quoq; in eam rem amaranthum usurpatum scribit, orto à Thesalis initio, qui Achillis sepulchrum huiusmodi coronis redimirent. Sed omnibus quotquot sunt floribus etiam coronari consueuisse tumultuos,

# Hieronimi Magii

los, ostendit Sophocles in Eleetra sic scribens,

» χεῦ. καὶ δὴ λέγω σοι πᾶν, ὅσον κατειδόμην.

» ἐπὶ γὰρ ἦλθον πατρὸς ἀρχαῖον τάφον,

» ὁρῶ κολώνης ἐξ ἄκρας νεορρύτους

» πηγὰς γάλακτος. καὶ περισεφῇ κύκλῳ

» πάντων ὅς' ἐστὶν ἀνδρῶν θήκην πατρός.

Idest, si uerbum uerbo reddas,

» Chry. Et iam dico tibi omne, quodcunq; con-  
spexi.

» Postquam enim ueni patris ad anti-  
quum sepulchrum,

» Video iugo ex alto nuper fusos

» Fontes lactis, et circumcoronatum cir-  
culo

» Omnium quotquot sunt florum tumu-  
lum patris.

Sed hac de re plura in libris nostris de Sepul-  
chris, et sepeliendi ritu, quos cum ocium, quod  
ad eos elambendum, satis sit, naeti erimus, su-  
mus cum alijs multis edituri. Ided finem fa-  
cio, si tamen prius dixero, apud Latinosserta  
tenijs olim laneis coloris is adornari consueuis-  
se, quas in sertis urnarum sepulchrorumq; an-  
tiquorum insculptas uidemus. quæ teniæ ob id  
lanisci, ut reor, appellatæ sunt. Festus libro  
10. Lanisci [sic enim apud Festum, & apud  
Plin. lib. 21. cap. 3. ubi teniarum huiusmodi  
mentio habetur, legendum, non Lemnisci] id-  
est

est fasceolæ coloris dependentes ex coronis, propterea dicuntur, quod antiquissimum fuit genus coronarum lanearum. Sic Festus. ut hos laniscos significare Varro loco supra citato, lanarum uoce uoluisse uideatur, & Cæcilius apud eundem Festum lib. 18. tenijs, quibus sepulchrum plenum dixit. Plinius laniscos aureos factos postea dicit, eosq; diu puros fuisse, demum & cælari cæptos. Nos in sepulchrorum sertis striatos uidimus. Idem libro 18. cap. 2. uitta alba antiquitus ab Acca Laurentia spiceam coronam fuisse colligatam auctor est. Plutar. in Philopæmene tenijs, defunctorum urnas redimiri consueuisse demonstrat.

De more Pythagorico in condendis sepulchro cadaueribus seruato. Locus in Plinii Naturali historia emendatur.

CAP. XVIII.

PYTHAGORICVM dogma, superstitionibus multis non solum in his, quæ ad uitam pertinebant, sed & in his, quæ in funere seruanda essent, scatebat; è quibus illam præ cæteris insignem legimus, qua defunctos in myrti, oleæ, & populi nigra folijs sepeliendos esse præcipiebatur. Pythagoricum morem hunc, Marcum Varronem secutum esse, Plinius

nus Naturalis historiae lib. 35. cap. 12. testatur his uerbis, Quin. & defunctos se se multifetilibus dolijs condi maluere, sicut M. Varro Pythagorico modo, in myrti, & olea, atq; populi nigrae folijs, &c. Sic legitur in uulgaris multis Plinij codicibus, atque adeò in eo, quem Gelenius à mendis se repurgasse dicit. Cum mihi absurdum, minimeq; rationi cõsentaneum uideretur, dicere, quosdam dolijs, quæ uino continendo asseruandoq; , et liquidis huiusmodi rebus dicarentur, & in quibus, ut in sepulchris, corpora porrecta iacere non possent, condi uoluisse, manuscripta, & multos ab hinc annos excusa consului exemplaria, & non dolijs, sed folijs scriptum inueni, atq; ita etiam Blondum Forol. atque alios legere, potest animaduerti. Quo fit ut folijs, reponendum esse affirmem. Solium enim pro sepulchro accipi, minimè est apud auctores insolens. unũ atque alterum exemplum in tenuioris literaturæ hominum gratiam, adduxisse sit satis. Florus lib. 4. de Cleopatra, Incautiorem natæ custodem, in Mausoleum se (sepulchra Regum sic uocant) recepit: ubi maximo, ut solebat, induta cultu, in differto odoribus folio, iuxta suum se collocauit Antonium, admotisq; ad uenas serpentibus, sic morte, quasi somno soluta est. Tranquillus in Nerone Claudio,

In eo monumento solium porphyretici mar-  
moris, superstante Lucensi ara, circumseptum  
est lapide Thasio. Quod pertinet ad oliuæ fo-  
lia, Plutarchus in Institutis Laconicis, & in  
Lycurgo auctor est, ex Lycurgi quoque san-  
ctione Spartaë cadauera in oliuæ folijs fuisse  
condita; in hanc enim de Lycurgo loquitur sen-  
tentiam, Sed piacula quoque sustulit, ac ne  
quid unà cum cadaueribus sepelirent, manda-  
uit, præter puniceam uestem, et oliuæ folia, in  
quibus æquè omnes cadauera cõponerent, etc.  
Hinc partim Pythagoricæ sepulturæ morem  
fluxisse siquis dicat, non errabit. constat enim  
Pythagoram Lacedæmonem concessisse ut Ly-  
curgi leges agnosceret.

Laëtantii Firmiani locus quidam in di-  
quisitionem uocatur, eiusque causa  
agitur. De pietate in defunctos, &  
cœmeteriis, quæ inopum funeribus  
destinabantur.

CAP. XIX.

**D**IVINARVM Institutionum lib. 6. cap.  
12. Laëtantius Firmianus pietate, atq;  
eloquentia uir sanè non obscura, ita scriptum  
reliquit, Vltimum illud, et maximum pieta-  
tis officium est, peregrinorum, & pauperum  
sepultura, quod illi uirtutis, iustitiæq; docto-  
res

## Hieronymi Magii

res prorsus non attigerunt. Nec enim poterant id uidere, qui utilitate omnia officia suametiebantur &c. Dum hæc olim legeremus, parum absuit, quin Laſtancio erroris notam inureremus. Nam tametsi Cicero in libris de Officijs alijsq; nonnulli nihil omnino de pauperum peregrinorumq; sepultura præceperunt; tamen quidam apud Ethnicos, qui eam pietatis speciem neutiquam posthabuerint, fuisse uidetur. Seruius enim in explicationibus suis in librum Aeneid. 6. sic ait, Qui enim de pietatis generibus scripserunt, primum locum in sepultura esse uoluerunt. Vnde cum Pontificibus nefas esset cadauer uidere, magis tamen nefas fuerat, si uisum insepultum relinquerent. hæc ille. Plato quoque de iustitiæ generibus agens, quod ad defunctos pertinet non omisit, quin Dialogo 5. de Rep. uirorum, qui præcipua probitate pollere fuerint iudicati, cadauera condi, & honorari præcipit. Ad hæc Aristoteles in libro de Virtutibus (si modo hic Aristotelis est fœtus) postremam iustitiæ speciem in defunctos agnoscit: dicit enim Primam iustitiam esse, qua Deo, proximam, qua demonibus, tertiam deinde, qua patriæ, parentibusque; postremam, qua uita iam functis, debitum, suumq; officium præstamus. Idem problemate 9. Sect. 30. defunctis opitulari,

*lari, magis iustum esse dicit, quàm uiuis hominibus, Cur, inquit, iustius habitum est, hominibus uita functis opem ferre, quàm uiuis? an quia uiui præsidio esse possunt; illi defuncti nihil præterea possunt. Sic Aristoteles. Cicerō in Top. æquitatem, idest pietatem, tripartitam esse dicit, unam ad superos deos, alteram ad manes (in his defunctorum animas comprehendi puto) tertiam ad homines pertinentem. Quia uerò pietate uti erga defunctos, unum etiā Ethnicis erat iustitiæ genus, et, ut ex Seruio, & posteriore Aristotelis loco cognoscitur, præcellens, factum est ut parentalia, sacrificia, & funerandi solennitas, quæ in defunctorum honorem fiebant, iusta dicerentur. Vnde iusta facere, iusta soluere, iusta peragere.*

*Huc accedit, quod Vergilius Aeneam pium uirum appingens, etiam circa sepulturam sordida officia non aspernari facit, quod & Seruius adnotauit. Plutarchus in Numa, apud Romanos cultam dicit Libitinam Deam, quæ inspectrix esset eorum, quæ mortuis iusta præstabantur. Hinc quia in defunctos etiam pauperes, antiqui pietatem colerent, ipsorum funeribus loca destinauerunt, quibus Puticulis nomen erat, de quibus Pompeius lib. 14. & Varro de Lingua Latina lib. 4. Horatius Ser.*  
lib.



lib. 1. Saty. 8.

- » Hic miserae plebi stabat commune sepulchrum.
- » Pantolabo scurrae, Nomentanoq; nepoti.
- » Mille pedes in fronte, trecentos cippus in agrum
- » Hic dabat; hæredes monumentum ne sequerentur.

Loca non absimilia Aggenus Urbicus in Commentario in Iulium Frontinum, Culinas dicta testatur, his uerbis, Sunt, inquit, in suburbanis loca publicè inopum destinata funeribus, quæ loca Culinas appellant. Sic Urbicus.

Quanquàm Festus lib. 3. sub finem ait, Culinam dictum fuisse locum, in quo epulæ in sinere comburerentur. Quæ loca hodiè nos Christiani cæmeteria, idest dormitoria appellamus, quasi mors nostra somnus quidam sit, à quo nouissima simus die excitandi. ut maximè errent Iuris nostri Pontificij interpretes Geminianus, Abbas, & alij, qui inde sic dicta existimant, quòd cinis in eis mortuorum tegatur. Sed redeo ad rem. Adde quòd milites, quibus Lucanus nullam inesse pietatem dicit, & quos Chrysostomus Homil. 19. ad Matthæi cap. 18. pessimos hominum esse testatur, sepulturæ contubernaliùm curâ atq; hoc pietatis genus non abijciebant; quod uerum esse demon-

monstrat Vegetius lib. 2. de Re militari Cap. 20. loquēs de parte dimidia donatiui à militibus apud signa sequestrādi, his uerbis, Addebatur etiam saccus undecimus, in quem tota Legio particulam aliquam conferebat, sepulturæ scilicet causa, ut si quis ex contubernali-  
bus defecisset, de illo undecimo sacco, ad sepulturam ipsius promeretur expensa. Hæc ille.

Præterea apud Athenienses capitis pœna du-  
cibus infligebatur, qui milites in prælio cæsos  
nō humassent: eamq; obrem, ut Valerius Ma-  
ximus lib. 9. Cap. 8. in fine memoriæ prodidit,  
decem olim Imperatores à pulcherrima rede-  
untes uictoria, capitali iudicio exceptos neca-  
uerunt, quòd militum corpora, maris sæuitia  
interpellante, sepulturæ mandare non potuis-  
sent. Quid ergo ait Laetātius? An Plato, Ari-  
stoteles, Cicero, & alij, quorum meminit Ser-  
uius, pietatem in defunctos non attigerunt?  
An cum ab Ethnicis prædicta sint facta, nulla  
apud ipsos iustitiæ erga defunctos pauperes  
præcepta, quæ ad sepulturam etiam pertine-  
rent, extitisse putandum est? An ab ijs, quibus  
Manium iura ad Duodecim etiam Tabularum  
præscriptum, sancta erant, lethoq; dati pro  
Diuis habebantur, de humatione pauperum  
peregrinorumq;, à quibus nihil capi posset uti-  
litatis, nihil præceptum fuisse affirmabimus?

## Hieronymi Magii

Profectò hæc non parùm Laëtantij dictis in-  
fensa esse uidentur. Sed ne indefensum doctissi-  
mum auctorem, qui mortuus, sibi superesse ne-  
quit, relinquamus, ita eû tueri posse uidemur.  
Qui de pietatis generibus scripserûnt, nihil præ-  
ter ea, quæ à Platone, Aristotele, et Cicerone  
primarijs doctoribus scripta legimus, attulisse  
uidentur. At hi tametsi iustitiæ in defunctos  
meminerunt, non tamen pauperes, peregrini-  
nosq; humandos esse præceperunt; quin Cicero  
ipse agens de officijs, hac de re ne uerbû qui-  
dem protulit. De parentibus cognatisq; tumu-  
landis, & extremo honore prosequendis, ma-  
gis quàm de pauperum sepultura sensisse illi ui-  
dentur. Parentum enim, et cognatorû manes  
non pauperum, & peregrinorum, pro deis co-  
luerunt antiqui. Pauperes nullo sunt honore  
prosequuti; nam & si loca eorum funeribus  
necessitate compulsi (amouenda enim erat ex  
urbibus, uijs, & domicilijs cadauerum fædi-  
tas) destinauerunt, non tamen ut in reliquis  
fiebat, exurenda, & iustis honoranda curaue-  
runt. Cuius rei illud est argumentum, quòd in  
communibus illis sepulchris cadauera compu-  
trescerent, unde puticulorum nomen accersi-  
tum esse, non obscuri nominis auctores Pompe-  
ius lib. 14. & Varro de Lingua Latina 4. scri-  
ptum reliquerunt. Plato de Rep. bello bene-  
meritorum

meritorum, eorumq; , qui præcipua probitate pollere fuerint iudicati, cadauera & con-  
di & iustis funebribusq; iubet honorari, ni-  
mirum ut & mortuis gratia à ciuibus refera-  
tur. at non ideò his pauperes peregrinosque  
afficiendos esse præcipit, aut præcepisse potest  
intelligi. Aristoteles defunctis quam uiuis o-  
pem ferre magis iustum habitum esse, at non  
præcepto declaratum dicit. Parentibus igi-  
tur, ac iure sanguinis coniunctis, adde etiam  
& de Rep. bene meritis (his enim & publico  
sumptu funus factum esse, cum pauperes es-  
sent, legimus) proq; ea militantibus, illa tan-  
quam commeritis, & ex beneficij memoria  
præstabantur, non miseræ plebi, non paupe-  
ribus, non peregrinis, quorum nulla extabant  
in Remp. beneficia ac merita, unde iure quo-  
dam suo talia exposcere, atque exigere posse  
uiderentur. Pontificum aliorumque, qui ia-  
cēs cadauer offendissent quænam erat pietas?  
Tobiam'ne illi, qui passim iacentia cadauera,  
furtim etiam, & non sine uitæ suæ discrimine  
sepeliebat, imitabantur? Sepultura nihil aliud  
erat, quam pulueris iniectio, quod & Serui-  
us ipse dicit. sic enim scriptum reliquit loco  
superius citato, Genus autem fuerat sepultu-  
ræ, iniectio pulueris, unde,

Aut tu mihi terram Inijce.

Horat.

» Non est mora longa, licebit,

» Iniecto ter pulvere curras.

*Hæc Seruius. Quæ de re latius in libris nostris de Sepulchris, & sepeliendi ritu. Lenior hæc erat in defunctos pietas, quàm cuius ratio habenda sit. Sed si contrà differenti demus, non sine ingenti pietate cadauera pauperum, et peregrinorum, ab Ethnicis esse tumultata; nota-  
men inde Lactantium lapsum esse iure colligi poterit, nam, non negat huiusmodi hominum cadauera non fuisse ab Ethnicis sepulta, sed duntaxat apud uirtutis, & iustitiæ doctores illos, ulla extare præcepta, aut eos hanc, quæ ex charitate, humanæq; sortis commiseratione profluit, pietatem attigisse. Quibus hæc plausibilia non sunt, aliam illi ineant defendendi Lactantij uiam. Nos, quæ tumultuaria opera potuimus, sedulò præstitimus, et in Christiani ac beneuoli lectoris gratiâ attulimus.*

Capiti non parcere, quid apud eundem Lactantium significet, & quæ sit apud obscœni carminis auctore tertia pœna, declaratur. CAP. XX.

**A**NTEQUA'M Lactantium dimittimus, declarare libet eius locum lib. 6. Diuin. Instit.

*Instit. cap. 23. non difficilem illum quidem ad intelligendum, eiusmodi tamen, qui imperito negotium lectori facessere possit, & quem Augustanum interpretem, hominem doctum inenarratum reliquisse audio. Habet quidem ille hæc uerba, De istis loquor, quorum teterima libido, et execrabilis furor, ne capiti quidem parcat. Quibus hoc uerbis, & qua indignatione tantum nefas prosequar? uicit officium linguæ, sceleris magnitudo, &c. Quod nefas hic Lactantius significare uoluerit, tenuioris literaturæ homines ignorant, quemadmodum et apud obscæni carminis auctorem quæ sit tertia pœna, in hoc uersiculo,*

» *Barbatum furem tertia pœna manet.*  
Sunt hæc quidem relatu turpia, &, ut Plinij uerbo utar, præfanda, id est non sine præfatione honoris aurium lectoris proferenda; sed, si à lectore non intelligantur, turpitudinē etiam afferunt. Est igitur sciendum utrobique turpitudinem, quæ per os peragitur, significari, quod Galenus in exordio libri x i. *Simplicium medicamentorum*, Lesbiari dixit, nimirum à Lesbijis, apud quas primū obscœnitas illa exorta traditur. Quia uerò in ore hæc exercetur immanitas, meritò, capiti non parci dixit Lactantius. At, inquiens, cur non magis ori? Respondeo receptam antiquiorum auctorum



loquendi consuetudinem eum eleganter esse sequutum, qui scelus hoc significare uolentes, capitis non oris meminerunt. Suetonius in Tiberio Cæsare, Fæminarum quoque, et quidem illustrium capitibus quantopere solitus sit illudere, euidentissime apparuit, Malloniæ cuiusdam exitu, &c. Auctor obscæni carminis prænotatus,

» Præbeat hic nates, præbeat ille caput.  
Idest os ad irrumationem, non autem caput, falce, aut securi amputandum, ut quendam olim litteratorem interpretari audiui. Epigrammatum non tam elegans quàm inhonestus scriptor,

» Corue saluator, quare fellator haberis,  
» Cum caput intrarit mentula nulla tuum?  
Coruos enim ore coire, non sine errore, cuius nos & Aristoteles, & Plinius admonent, fuit olim existimatum. Qui irrumanti parent, eamq; ferunt obscænitatem, ore morigerari dicuntur. Suetonius de eodem Tiberio, Pueros, inquit, instituit, quos quasi infantes firmiores, nec dum tamen lacte depulsos, inguini, ceu papillæ admoueret: pronior sanè ad id genus libidinis & natura, et ætate. Quare Parrhasij quoque tabulam, in qua Meleagro Atlantæ morigerabatur, in cubiculo dedicansit. Hæc ille.

Videri



Videri scriptores aliquot, Tragicos Poëtas imitari, dum morituros, ut honestè caderent, curauisse dicunt. De proprii corporis post mortem, etiā ubi nullus sit sensus, hominibus infito pudore atque amore. CAP. XXI.

**T**RAGICOS Poëtas imitati uidentur scriptores, qui & mulieres & uiros insignes, cum moriendum esset, ut honestè caderent studuisse, literarum monumentis prodiderunt. Trogius Pompeius, ut ex Iustini lib. 14. cognoscitur, Olympiadem Alexandri matrem cum Cassandri iussu interficeretur, moriētem, ne quid posset in corpore eius indecorum uideri; capillis & ueste crura contexisse retulit. Plutarchus in Cleomenē, uxore Páthei, iuuenis Cleomeni gratissimi, nō solum se ipsam quo mori uolebat habitu composuisse, sed etiam ne quædam mulieres trucidatæ, turpiter iacerēt compositis circa corpus uestibus, curasse ait. Idem in libro de Claris mulieribus cap. 15. Niciam Aristodemi Eleorum Tyranni filiam laudat, quæ moritura, Megasthenem orauit, ut se mortuam, proijci nudam, non ferret. Et in Lysandro Philoclem refert Atheniensem, lotum, & splendida sumpta læna se iugulandum præbuisse. Florus lib. 4. auctor est Cleo-

## Hieronymi Magii

patram, cum sibi mortem conscire uellet, maximo, ut solebat, indutam cultu, in differto odoribus folio se iuxta Antonium collocasse, mox uerò serpentibus uenis admotis, sic morte quasi somno solutam. Galenus uerò in libro de Theriaca ad Pisonem, de eiusdem Cleopatræ morte, Etenim aiunt, ipsam manu dextra capiti admota, & diadema sicut est consentaneum tenente, fuisse inuentam, ut uel eo usq; spectatoribus regina esse uideretur: quemadmodum & Thragicus Poëta describit nobis Polyxenam & ipsam morientem, quæ tamen accuratè operam dedit ut cum decoro caderet. Hæc Galenus. Suetonius quoque Iulium Cæsarem, dum iam occisores imminerent, ut honestè caderet quæsiuisse, his uerbis testatur, Vtq; animaduertit undique se strictis pugionibus petiti, toga caput obuoluit; simul sinistra manu sinum ad ima crura deduxit, quo honestius caderet, etiam inferiore corporis parte uelata. Ouidius lib. 2. Fastorum de Lucretia loquens,  
» Tunc quoque iam moriens, ne non procumbat honestè  
» Respicit, hæc etiam cura cadentis erat.  
Cum hæc de morientibus audire, ad ciendam commiserationem maximè spectet, Tragici Poëtæ, quibus lectorum animos permouere, adq; misericordiam deflectere consilium studium-

diumq; est, à morientibus fœminis facta esse dixerunt. Euripides in Hecuba loquens de Polyxena,

» Ἡ δὲ καὶ θνήσκουσ' ἴμως

» Πολλὴν ὀρόνοιαν εἶχεν εὐσχήμως πεσεῖν.

Idest. Ast illa iam moriens tamen

» Solicita multum est condecenter ut cadat.

Quem locum Ovidius libro 13. Metamor. de eadem loquens, sic expressit,

» Tunc quoque cura fuit partes uelare pudendas

» Cum caderet, castique decus seruare pudoris.

Cuius Tragicæ sententiæ mentionem habent Plinius lib. 4. epistolarum, in epistola ad Minutianum, Lucianus in Demosthenis encom. et Clemens Alexan. lib. secundo Strom. Tragicos igitur Poëtas hac in re æmulari uidentur scriptores; aut fortasse facta esse à morientibus, quæ illi produnt, est existimandum, cum corporis nostri amore, etiam tum cum illud sensu destitutum iri intelligimus, amore te neamur. hinc illa multis amplissimi funeris, sepulchriq; cura nimis anxia, & in cadauere futuræ dilacerationis timor, quem Lucretius ille impius, qui nihil hominis à morte superesse putaret, sic libro tertio irridet,

Proinde

## Hieronymi Magii

- » Proinde ubi se uideas hominem indigna-  
rier ipsum.
- » Post mortem fore ut, aut putrescat corpo-  
re posito
- » Aut flammis intersiat, malis'ue ferarum:
- » Scire licet non sincerum sonare, atque sub-  
esse
- » Cæcum aliquem cordi stimulum quanuis  
neget ipse
- » Credere se quenquam sibi sensum in morte  
futurum.
- » Non ut opinor enim dat, quod promittit  
abundè,
- » Nec radicitus è uita se tollit, & icit,
- » Sed facit esse sui quiddam super inscius ipse.
- » Viuus enim sibi cum proponit quisque fu-  
turum
- » Corpus uti uolucres lacerent in morte fe-  
reque,
- » Ipse sui miseret, neque enim se diuidit hi-  
lum,
- » Nec remouet satis à proiecto corpore &  
illum
- » Se fingit, sensuq; suo contaminat astans.
- » Hinc indignatur se mortalem esse creatum,
- » Nec uidet in uera nullum fore morte a-  
lium se,
- » Qui possit uiuus sibi se lugere peremptum,

Et

Et quæ sequuntur. Hoc corporis sui amore impulsus Nero Claudius, ut est à Suetonio scriptum, cum mortem sibi instare animaduertet, nihil prius ac magis à comitibus exegit, quam ne potestas cuiquam capitis sui fieret. Othonē etiam Tacitus lib. 17. ambitiosis precibus petiuisse dicit, ne caput sibi mortuo amputaretur, ludibrio futurum. Vnde sapienter, ut multa, Homerus Hectorem ab Achille prostratum atque confodiendum, inducit precibus maximis contēdentem, ne ille se mortuum, canibus Achiuorum deuorandum relinquat, sed ut corpus parentibus auro atque ære redemptum det. Ajax quoque Sophoclis gladio incubiturus, Iouem deprecatur, ne corpus suum canibus auibusque lacerandum exponi patiatur. Plinius Naturalis hist. lib. 36. cap. 15. literis consignauit, Romanam plebem sub Tarquinio Prisco tedium laboris cloacarum ut deuicaret, sibi passim necem consciscentem, fuisse nouo & antea, posteaq; inexcogitato remedio seruata, cum omniū ita defunctorum corpora crucibus, spectanda ciuibus, simul & feris uolucrisque laceranda figerentur. Quamobrem, inquit, pudor Romani nominis proprius, qui sæpe res perditas seruauit in prælijs, tunc quoque subuenit: sed illo tempore imposuit, tum erubescens cum puderet

## Hieronymi Magii

deret uiuos, tanquàm puditurum esset extin-  
ctos. Hæc ille. Sed non solum pudore, ue-  
rùm etiam proprij corporis amore coërciti ui-  
dentur. Plutarchus libro περὶ Ἰουχῆς primo  
(ut Gellius refert lib. 15. Noct. Attic. cap.  
10.) et in libro de Claris mulieribus cap. 11.  
Milesias uirgines, quæ uesania quadam cor-  
reptæ, seu magis à dæmone malo impulsæ, re-  
pentinæ mortis libidine mira per strangula-  
tionem incescebantur, nec ulla ratione ab ea  
sæuitia poterant abstrahi; pudore identidem  
seruatas ait incolumes. Spectatæ nanque pru-  
dentia uiri cuiusdam ad Populum rogatione  
perlata, decretum fuisse, ut uirginum, quæ si-  
bi ipsis mortem conscissent, per medium fo-  
rum nuda cadauera efferrentur. Quo turpitu-  
dinis atque ignominia metu illas deterritas,  
à uesania abstinuisse dicit. Sed quantum ad ho-  
nestum morientium habitum pertinet, nec  
quæ memoria nostra facta sunt, uidentur trans-  
mittenda silentio. Romæ cùm Curtius Pa-  
lonus securi esset percutiendus, quia carce-  
ris situ obsideretur, tonsorem accersiri iussit,  
caputq; & barbam totumque corpus abluen-  
dum curauit, sericeisq; se uestibus splendidis  
induit, non quidem ut moriturus, sed quasi ad  
nuptias aut ad triumphum deducendus. quod  
non alia, quàm ut honestius caderet, ratione,  
factum

factum est. Florentiæ post Montemurlensem  
 uictoriam, cum capitali pœna in captiuos pa-  
 tricios uiros animaduerneretur, ferunt quen-  
 dam promissa ac pulcherrima barba prædi-  
 tum, cum ceruicem intrepidus ferro suppose-  
 ret, carnificem orasse ut barbam à gula abdu-  
 ceret, ne ea abscissa, uultus à ciuibus spectandus  
 deformaretur. Nouissimè Carolus Caraffus  
 Cardinalis Pauli 1111. Pontificis summi ne-  
 pos, cum sibi intra horæ curriculū, Pio 1111.  
 Pontifice Max. iubente, à satellitum urbis  
 Præfecto moriendum esse nunciaretur, purpu-  
 reum capitiū, cardinei q; ordinis insignia po-  
 poscit, quæ tamen, quòd iam exauguratum  
 Præfectus diceret, non impetrauit.

## Miscellaneorum libri secundi

FINIS.





HIERONYMI

MAGII

MISCELLANEORVM,  
SEV VARIARVM  
LECTIONVM,

LIBER TERTIVS.

M. Varronis epigramma obscurissimū,  
Homeri imagini ab eo appositum,  
quod apud Gellium depravatè legi-  
tur, à mendo purgatur, & genuina ex-  
plicatione illustratur. CAP. I.



VLTI<sup>s</sup> obduētum tene-  
bris, longēque diffici-  
lum illud est epigram-  
ma, quod M. Varro li-  
bro de Imaginibus primo  
Homeri imagini appo-  
suit. Hoc Gellius lib. 3.

Noēt. Attic. cap. XI. dum super Homerī pa-  
tria dissensum esse demonstrat, retulit. sic enim  
ille habet, De patria quoque Homerī multò  
maximè

maximè dissensum est: alij Colophonium, alij Smirnaeum, sunt qui Atheniensem, sunt qui Aegyptium dicant fuisse. Aristoteles tradit ex insula Io natum. M. Varro libro de Imaginibus primo Homeri imagini hoc epigramma apposuit,

» Capella Homeri candida, hoc tumulum indicat,

» Quòd ariete mortuo faciunt sacra.

» Ἐπὶ τὰ πόλεις διερίζουσιν περὶ ρίζαν ὁμήρου,

» Σμύρνα, ῥόδος, κολοφῶν, σαλαμῖν, χίος, ἄργος, ἀθῆναι.

Hæc Gellius. Diu multumq; insudavi, meq; ipsum torsi quærendo, quònam pacto ad Homeri patriam indicandam, Varronis disticon faceret. non enim temere à Gellio loco ubi de ea agitur, adscriptum uidebatur. Demum in magna Cymmeriarum tenebrarum obscuritate suspicari cæpi, ideò dictum esse, mortuo ariete fieri Homeri manibus sacrum, utu aga Homeri natura, & patriæ ipsius obscuritas ac incertitudo indicaretur, quòd hoc animal rei plurimum congruere uideretur. Siquidem Aries, seu stellæ in Zodiaco Arietem constituentes atque efformantes, ut Mathematicorum, Astrologorumq; sententia est, et Galeotus Martius in libro de Doctrina promiscua, cap. 35. scriptum reliquit, inter cætera, quæ efficere creduntur,

## Hieronymi Magii

duntur, reddunt hominem uagum, mobilem,  
& nunquam diutius aliquo in loco per-  
manentem, pro ut fert Arietis natura. est e-  
nim uagum animal & errans. Argumento  
sit, quod Hermippus tradit, legiturq; apud  
Higinum, olim enim, cum Liber Afri-  
cam oppugnaret, in eum peruénit locum, qui  
Hammodes à puluere est nuncupatus. Et cum  
aquarum penuria exercitus laboraret, atque  
ideò defectionem moliretur, aries quidam er-  
rans ad milites deuénit; quos statim atque ui-  
dit, ad fugam conuersus est: quem illi prædæ  
gratia insequuti, aquam ex insperato naçti  
sunt. Hæc seu non absimilia apud Higinum le-  
guntur. Cum aries hac sit præditus natura, op-  
tima ratione Poëta finxisse uidentur, Phri-  
xum & Hellem in exilium eieçtos, ut uaga-  
rentur, à Nephele eorum matre fuisse arieti  
impositos. Ouidius lib. 3. Fastorum,

» Utque fugam capiant, aries nitidissimus  
auro.

» Traditur, ille uehit per freta longa duos.  
Adhæc Arietis signum obscurum esse tradi-  
tur, ex qua ratione Aratus inquit, Cicerone  
interprete,

» Quis comes est Aries obscuro lumine la-  
bens.

Eamq; ob rem, ut Higinus refert, dicitur  
Mercurius

*Mercurius Deltotum sidus deltæ literæ trian-*  
*guliq; forma præditum, supra caput Arie-*  
*tis posuisse, ut huius splendore quo loco esset.*  
*Aries non admodum conspicuus, significaretur.*  
*Vagum autem & peregrinum fuisse Ho-*  
*merum, ex uitæ eius lectione, satis est mani-*  
*festum. Pausanias quoque in Atticis talem*  
*fuisse Homeri naturam demonstrat, dum in*  
*hanc sententiam loquitur, Homerum uerò, He-*  
*siodumq; uideo, uel Regum consuetudinem na-*  
*ctos non esse, uel certo consilio eam contempsis-*  
*se; alterum ingenij rusticitate, ac erroris tæ-*  
*dio; alterum quoniam quàm longissimè pere-*  
*grinari uoluit, plurisq; fecit nominis sui apud*  
*multos existimationem, quàm potentum pecu-*  
*niam. Hæc Pausanias. Hac autem de causa*  
*enatam esse patriæ Homeri incertitudinem,*  
*testatur Epiphanius Episcopus Constantiæ*  
*lib. 1. contra hæreses To. 3. his uerbis ex in-*  
*terprete, de Homeri uarijs patrijs loquutus,*  
*Verum, inquit, propterea quòd in multis fue-*  
*rat urbibus, & patrijs, ideò multos ad diuer-*  
*sam narrationem impulit. Sic Epiphanius. Præ-*  
*ter autem patriam, eius quoque parentes, ut*  
*testatur Lucianus in Demosthenis encomio,*  
*ignorauit antiquitas, cuius rei causam præ-*  
*buisse paupertatem crediderim, iuxta illud Te-*  
*rentianum,*

## Hieronymi Magii

» Quia egens relicta est misera, ignoratur  
parens,

» Negligitur ipsa.

Tanta autem fuit rei obscuritas, ut Apion Grammaticus Manes euocauerit, ad percontandum Homerum, qua patria, quibusq; parentibus genitus esset. Qui nihilominus, ut Plinius Natur. hist. lib. 30. cap. 2. scriptum reliquit, non est ausus profiteri quid sibi respondisse diceret. Quanquam enim uiuens Homerus & patriam & parentes ignorauit, unde Apollinis Oraculum ea de re consuluisse dicitur; mortui tamen manes diuinitatem, ut antiqui censebant, adepti (pro dijs enim defunctorum manes habiti sunt) nullo pacto ignorasse credebantur. Illudq; accedit, quod Homerus pro Deo est habitus, cui & templa dicata sunt à quibusdā, ut apud Strabonem legitur libro 14. Non solum autem & erroris, & obscuritatis ratione sacro, quod Homero fiebat, quadrare aries uidebatur, sed etiam principis loci, quem inter signa reliqua obtinet cælestis Aries, uel terrestris in grege. quamobrem Columella in libro de Hortis, de Ariete,

» Signorum, et pecorum princeps caput effe-  
ret undis.

Princeps enim Poëtarum habitus semper est Homerus, quæ res ariete fortasse à Varrone

non

non de patria loquente, significari, dici potest. Quod si affirmet quis, Varronis disticon post Græcos uersiculos nouissimo loco apud Gellium adscribendum uidetur. Principatus autem apud Romanos ariete significabatur Varro eodem attestante, qui libro 5. de Lingua Latina loquitur in hæc uerba, Dies Agonales, per quos Rex in regia arietem immolat; dicti ab Agon, eo quod interrogatur à Principe ciuitatis, & princeps gregis immolatur. Hæc ille. Ex qua fortasse ratione Virgilius in Bucolicis sibi placens, se cùm Arii uim euasit, sub ariete significauit, inquires,

» Aries sua uellera siccet.

Plutarchus in decem Rhetorum uitis, supremum locum ariete significari innuit, inquires, Isocratis sepulchro insculptum fuisse arietem cubitorum triginta, in quo esset Siren cubitorum septem, ratione symbolica. Non solum autem apud Latinos Græcosq; hoc significatu aries accipitur, sed et apud Hebræos. Hilarius enim in explicationibus suis in Psalmum 64. & 65. apud Dauidem, Arietes exponit & intelligit pro Sacerdotibus, Martyribus, Patriarchis, Prophetis, & Apostolis, qui tanquàm gregis sancti principes, & duces sint.

Quod uerò spectat ad Capellam, candidam appellari existimabam quia marmorea singa-

# Hieronymi Magii

tur; & tumulo insculptam tanquam rei occul-  
tæ indicem. Quod autem pro indice capra ac-  
ciperetur, fidem facit Ovidius, dum animalia,  
quæ in Iunonis festo in pompam ducerentur e-  
numerans, de capra sic canit,

» Duxq; gregis cornu per tempora dura re-  
curuo,

» Inuisa est dominæ sola capella Deæ:

» Illius indicio syluis inuenta sub altis...

» Dicitur incæptam continuisse fugam.

» Nunc quoque per pueros iaculis incessitur  
index,

» Et precium auctoris uulneris ipsa datur.  
Vt etiam Diodorus scriptum reliquit, capra  
Delphici oraculi locum, cui tripos mox fuit im-  
positus, inuenit. Caranus etiam, siue, ut Eu-  
sebius habet, Cranaus, iussus Oraculi respon-  
so, ducibus capris, imperium quærere, gregem  
caprarum imbrem fugientium magna Græco-  
rum manu sequutus, urbem Edyssam, ut Iusti-  
nus lib. 7. testatur, occupauit, quam Aegæam  
ἀπὸ τῶν αἰγῶν, idest à capris, appellauit. Sunt  
capræ solertes, ut eo exemplo, quod ex Mu-  
tiano Plinius Nat. hist. lib. 8. cap. 50. refert,  
satis docemur. Aliquando in eam sum addu-  
ctus sententiam, ut capra, Homeri patriam  
optime demonstrari censerem. Homerum è-  
nim Syrum à quibusdam creditum esse re-  
fert



fert *Athenæus Dipn. lib. 4. cap. 18.* & *Syrias capras præcellentes*, ac in precio habitas, apud eundem *lib. 1. cap. 25.* & *lib. 12. cap. 9. legimus.* *Syrium autem fuisse, illud esse argumento, Meleagrum Gadaræum, idem auctor scripsisse refert*, quod pro patriæ suæ consuetudine, omnes antiquos à piscibus abstinere fecerit, cum eorum uis ingens esset circa *Hellepontum.* *Syrios ob patrias leges à piscibus abstinuisse, idem testatur lib. 4. cap. 6. cui Porphyrius Philosophus in libris De abstinentia ab animantibus, adstipulatur.* Quod spectat ad relatum *Meleagri argumentum, illud obiter est obseruandum, aliam longeq; plausibiliorem à nonnullis afferri rationem.* *Dio enim Chrysostomus Oratione 2. quæ de Regno inscribitur, ait hoc esse ab Homero factum fortitudinis causa, quæ ex bubularum carniū, quibus uescentes Heroas inducit, conciliari soleat, quam rem & à Platone adnotatam commemorat.* *L. Christophorus Bæthicus, Antonij Nebrissensis non indoctus auditor, idem Varro nis epigramma longa commætatione, quæ cum eiusdem Nebrissensis libris excusa legitur, quamq; Franciscus Luisinus uir eruditissimus lib. 2. Parergon cap. 17. magni facit, explicare apertumq; reddere conatur.* Ea est huiusmodi, à me quibus oportuit locis, partim con-

## Hieronymi Magii

tracta, partim uerò aucta, & roborata, ut ex collatione depræhendes. Vt Firmicus in Mathes. & Cleonides in signorum momentis auctores sunt, Aries inter signa cæcus est, tamen si signorum omnium sit directissimus dux. Vnde Aratus,

» Quis comes est Aries obscuro lumine labens.

Et Auienus in Phænomenē de Ariete loquēs, Semper, inquit, proprijs caret ignibus. Germanicus etiam in Fragmentis,

» Clara'ue non illi est facies, &c.

Cui Arieti similimus fuit Homerus cæcus et ipse, ut Plutarchus, Martianus, & prius Halicarnasseus, literarum monumentis prodiderunt. Vnde nomen adstructum illi fuit. nam Cumani, & Iones etiam, ut Plutarchus uult, τοὺς τυφλοὺς (inquit Halicarn.) ὁμήρου λέγουσιν. CAPELLA.] Cleonides, & Firmicus locant Capellam in trigésimo Arietis gradu, mortalibus influentem mentis concussionem, animiq; uertiginem. Quo fit ut quos horoscopo inuadit, rerum ij facillè satagant, & machinando sollicitentur, uexenturque. Id quod Homero usuuenit, nam proposito sibi à piscatoribus, uel piscatorum ministris ænigmate, quod in hæc uerba fuit, ἄσ' ἔλομεν λιπόμεθα, ἄδ' οὐχ' ἔλομεν φερόμεθα. cogitando exani-

exanimatus est. Et si Halicarnassens de Homeri morte aliter sentit. sic enim inquit, Ἐκ δὲ τῆς ἀδυναμίας ταύτης σωθήσθαι τὸν ἄνθρωπον τελευτῆσαι ἐν ἴῳ, οὐ παρὰ τὸ μὴ γινῶναι τὸ παρὰ τῶν παίδων ῥηθὲν, ὡς οἰονταί τινες, ἀλλὰ τῇ μαλακίᾳ. Metasthene præterea auctore et Pædiano, suum quemq; Deum sacrificium oblectabat, uel consentaneum uel infestum. Hinc Baccho caprum, et Dianæ canem immolabant antiqui. Faciunt igitur Homero sacra apud tumulum siue re congrua, & simili, ut Ariete cæco, siue re infesta, ut Capella, cuius uertigine, ut plerisque placet, periit Homerus. Construe ergo, Hoc indicat tumulū Homeri, quod faciunt sacra capella candida, ariete mortuo, idest maculato. Est autem dialecton figura, & oratio coniunctione destituta. Sed quorsum hi uersus, & quo modo ad rerū seriem spectant, quæ de Homeri solo natali aliquid ut afferatur requirit? Berosus lib. 8. Antiquitatum, uni cadaueri, uno holocausto sacrificasse antiquos testatur. modò uerò rei dubiæ, hoc est Homero, cuius stirps dubia est, uel natale solum ignoratur, Varro dicit fieri sacrificium re dubia, idest capella & ariete, & sic particula Quòd, pro Quia, accipitur, ut sensus sit, Hoc indicat tumulum esse Homeri, cuius est stirps dubia, quia faciunt ei sacra sacrificio ancipi-

# Hieronimi Magii

ti. Atq; hæc quidem ex Christophoro illo Bæthico. Cum de huius epigrammatis interpretatione pridem differerem cum eruditissimo viro Quinctino Acanthio, cæpit ille contendere, corruptum esse posteriorem uersiculum, ac pro ariete, legendum esse Ietæ. satis enim constare, in Io insula obijisse Homerum, Iensesq; illi tumulum construxisse. Qua ille emendatione, maximè loco illuxit, meq; in suam facile sententiam protraxit. Sed corruptum esse uersiculum, illud me paululum suspicari faciebat, quòd uerbum Faciunt, sibi aliquos, qui facerent sacra, deprecare uideretur, nec essent, aut intelligi possent in epigrammate qui nam id, quod fieri diceretur, efficerent. In Io autem obijisse Homerum, & sepultum esse, Halicarnassei, Strabonis, Plutarchi, & Suidæ testimonio cognoscitur. Quin Suidas ipse epigramma etiam, quod tumulo inscriptum fuit, apposuit: sic enim inquit, ἐπιγέγραπται δὲ ἐν τῷ τάφῳ αὐτοῦ τόδε τὸ ἐλεγεῖον, ὃ ὑπὸ τῶν Ἰητῶν ἐποιήθη χεῖρον.

» ἐνθάδε τὴν ἱερὰν κεφαλὴν κατὰ γαῖα καλύπτει,

» ἀνδρῶν ἡρώων κοσμήτορα θεῖον ὄμηρον.

Idest, Inscripsum est autem eius sepulchro huiusmodi elegium, quod postea ab Iensibus factum est,

» Hic terra sacrum caput abscondit,  
 » Homerum diuinum laudatorem uirorum  
 Heroum.

Si ratio carminis constet, possemus sic legere in Varronis inscriptione, *Aræ Ietæ*. ut declinior fuerit librarijs lapsus ad errorem extrita diphthongo priore, æ, et posteriore in, e, mutata. *Aras* autem prope sepulchra, et in ipsis aliquando sepulchris construi consueuisse, in quibus sacra fierent, res non est inuentu apud auctores difficilis, & nos, cum antiquis inscriptionibus, tum ueterum testimonijs satis probauimus in libris nostris de Sepulchris & sepeliendi ritu. Hac recepta uera lectione, ad *Homeri tumulum* capella alba fieri sacrum ab *Ietis* uel *Iensibus*, quantum coniectura assequor, dixit Varro, tanquam Poëtæ *Apollini Musisq;* gratissimo. etenim *Apollini* capris albis auratis sacrum fieri Græco ritu consueuisse, demonstrat *Liuius* libro 5. Dec. 3. Quanquam capræ etiam *Ioui* immolabantur, ut *Aristoteles* libro 5. *Ethicorum*, & *Herodotus* in *Euterpe* testantur. Aut fortassè capra, sacra fieri dicit Varro, tanquam animante manibus *Homeri* pergrata, cum *Syrius* esset, & *Syrios*, præcellentes capræ, quibus abundabant, nobiles reddidissent. Licet & ortus ratione *Ienses* sibi *Homerum* uendicent,

atte-

## Hieronymi Magii

attestantibus Aristotele, & Antipatro in Epigrammate, quod legitur in quarto libro Epigrammatum Græcorum. Quæ res pri- dem à Christophoro Rufo, iuvene supra æta- tis captum Græcarum, Latinarumq; litera- rum, & honestarum disciplinarum cognitio- ne absolutissima prædito, in Antexegematis suis fuit adnotata. ut erret Iacobus Cruceus Bononiensis, qui in Annot. suis, in Græco E- pigrammate apud Gellium non 10s, ut uetu- sta habent exemplaria, & Gaza in sua uer- sione, sed 110s legendum esse contendit, quan- quàm Lucianus in Demosthenis encomio, & alij, Chium quoque dictum fuisse Homerum retulerunt. Videtur uerò Varronis hoc Epi- gramma à Gellio loco huic adscriptum, ad a- struendum Aristotelis testimonium, qui ex in- sula Io natum Homerum tradidit, ut Ienses Homero tanquàm uati, & ciui suo parentas- se, & iusta fecisse, Varronis testimonio de- monstret.

Obseruatum quibus in locis hastas re-  
conderent antiqui. Vergilii locus de-  
claratur. Milites in armis dormiētes,  
terræ hastas infixas, non iacentes, ha-  
bere consueuisse, atq; eā consuetudi-  
nem nō solum apud Illyrios, sed etiā  
apud Hebræos esse seruatam. In uo-  
cis σαρωτήρ, explicatione discrepasse  
ab Eustathio Pollucem. CAP. II.

**C**UM Homerum aliquando animi gratia  
legerem, obseruauī antiquos, hastas non  
ut nunc sit iacentes, aut pendulas, sed intra  
ligneam columnam reconditas, asseruare con-  
sueuisse. sic enim inquit Homerus Odys. libro  
primo,

» Ως ἀπὸν ἠγεῖθ', ἦ δ' ἔσπετο παλλὰς ἀθήνη.

» οἱ δ' ὅτε δὴ ῥ' ἐντοδεν ἔταν δόμῳ ὑψηλοῖο.

» ἔγχοι μὲν ῥ' ἔσῃσε φέρων πρὸς κίονα μακρὴν

» δεροδόκης ἐντοδεν εὐξόκ, ἐντά περ ἄλλα

» ἐγχε' ὀδυσηὺς θαλασίφρονος ἴσατω πολλά.

Idest, Sic locutus præibat, & sequebatur Pal-  
las Minerva.

» Hi autem cum iam intra erant domum al-  
tam,

» Hastam quidem ferens posuit ad colum-  
nam longam

» Intra thecam hastarum, ubi alie

» Hasta



## Hieronymi Magii

» *Ἡστία Ὀδυσσεύς ἐν θαλάσσῃ ἐν κλισίῃσιν ἔστη*  
*multa.*

*Idem Homerus infra libro decimo septimo.*

» *αὐτὰρ ἐπεὶ ῥ' ἴκανε δόμους δ' ἑταίρους*

» *ἔγχος μὲν ῥ' ἔστησε φέρων πρὸς κλισίαν μακρὴν*

» *αὐτὸς δ' εἶπεν ἰέναι, καὶ ὑπέρβη λαΐνον οὐδ' ὄν.*

*Hoc est. Sic postquam peruénit domos bene habitatas,*

» *Lanceam quidem posuit portans ad columnam longam:*

» *Ipse autem introiuit, & transiuit lapideum limen.*

*Ad quam fortasse consuetudinem allusit Vergilius lib. Aeneidos 12. dum inquit,*

» *Exin quæ medijs ingenti adnixa columnæ*

» *Aedibus astant, ualidam ui corripit hastam,*

» *Actoris Arunci spoliū, quassatq; trementem.*

*Quem locum Enarratores, ex Homericorum uersuum ignoratione, non rectè exponunt, & profectò mihi non arridet, quod de columnæ adminiculis dicit Donatus. Non tamen me præterit, antiquos talem seruasse in ædificando rationem, ut in medio columnam ædes haberent, quod indicat Iulius Pol. lib. 7. cap. 27. loquens in hanc sententiam, Contineatur & hæc columna domus media. Idem Homerus*

*merus Iliad. lib. 20. in bello à militibus in ar-*  
*mis dormituris, hastas terræ infigi consue-*  
*uisse demonstrat. dum enim describit Diome-*  
*dem cum socijs in armis dormientes, dicit eos*  
*hastas ita habuisse collocatas, ut rectæ starēt.*  
*ἐν σαρπητῇ. Ut autem Eustathius Homeri*  
*interpreter auctor est, σαρπητῇ à Græcis dici-*  
*tur, ferramentum quoddam, in quo humi de-*  
*fixo, collocabantur hastarum calces. In qua re*  
*tamen discrepat à Polluce, qui lib. 1. Cap. 10.*  
*numero 6. sic loquitur ex interprete, Theca*  
*uerò hastæ δουροθήκη. Partes uerò, extremum*  
*quidem σαρπητῇ, iaculi manubrium, mediū*  
*uerò ἀγκύλη. etc. Et lib. 10. cap. 31. Hastæq;*  
*pars inferior σαρπητῇ, styraç, styracium: re-*  
*ceptaculum uerò, hastæ theca. hæc Pollux.*  
*Σαῦρος lacertam Græcis significat, cuius for-*  
*tasse formam ferramentum illud σαρπητῇ re-*  
*ferebat, ut ori, hastæ extremitas indere-*  
*tur, cauda terræ infixæ. aut uox est depraua-*  
*ta, & non σαρπητῇ, sed σαρπητῇ est scriben-*  
*dum, quòd hoc ferramentum σαρπὼν, idest li-*  
*gnum illud duplex, quod currui subijcieba-*  
*tur, & Latini furcam appellant, forma refer-*  
*ret, ut binas hastas humi defixum, non absi-*  
*mile candelabris binarum capacium candela-*  
*rum, contineret. Lignum autem illud σαρπὼν à*  
*Græcis dici, commemorat. Plutarchus pro-*  
blemate

blemate 69. Cur autem hastæ ita haberi consueuissent, declarat, Dio Chrys. Orat. 2. de Regno, loquens in hanc sententiam, Diomedem uerò ualde durè reclinauit super tergore bouis agrestis, figens in circuitu hastas, non ornatus gratia, sed ut paratæ ad accipiendum essent. Hæc Dio. Hanc desigendarum hastarum consuetudinem obseruauit Aristoteles, qui in Poët. inquit, sua etiam ætate apud Illyrios fuisse seruata. Illyrijs autem imperauit Diomedes, & Diomedæ insulæ è regione sunt Illyriorum. Quidam eruditissimi uiri hanc consuetudinem apud Illyrios duntaxat fuisse, scriptum reliquerunt: uerùm ego & apud Hebræos eandem fuisse, demonstrari arbitror Samuelis lib. 1. cap. 26. Sic enim in eo legitur, Venerunt ergo Dauid & Abisai ad populum nocte, & inuenerunt Saul iacentem, & dormientem in tentorio, & hastam fixam in terram ad caput eius, etc.

Quæ fuerint apud antiquos fasciæ crurales, & pedules; quibusq; illi usi sint calceis. Crepidæ unde dictæ. Feminalia tibialiaq; priscis nulla fuisse.

## CAP. III.

QVAEREBAT à me Bartholomæus Magius frater meus, bonarum literarum studiosissi-

studiosissimus, quænam essent fasciæ crinales & pedules, quarum *Vlpianus*. l. *Argumento*. ff. de *Auro & argento*, & c. legatis, meminit. Respondi minimè sinceram esse in ea lege uerborum *Vlpiani* lectionem, tametsi *Beroaldus* in *Commentarijs* suis in *Apuleij Asinum* sinceram putauerit, & *Marinus Becichemus* cap. 78. *Quæstionum Epistolicarum* legat, *Crinales pedule*q; , cùm legendum sit *Crurules*, uel, ut habet *Florentinum* exemplar reuerendæ uetustatis, *Crurales*, nullo discrimine.

Quam lectionem *Alciato* lib. 1. *Præter*. probatam, præter antiquorum codicum fidem, ratio subiectæ materiæ etiam tuetur, quia *Iureconsultus* subdat pedulium mentionem, & eo loci de muliebribus ornamentis non loquatur, ad quæ fasciæ crinales spectant. Hac in re cùm ille mihi assentiretur, hæc ferè tunc in medium adduxi. *Crinales* quidem fasciæ siue uitæ, usui erat ut hodie, mulieribus ad capillos colligandos cōpescendosq; . *Varro* lib. 4. de *Lingua Latina*, loquens de muliebribus ornamentis, sic inquit, *Testa fasciola*, qua capillum in capite colligarent, & c. *Mulieres* autem capillos ita colligantes, eos in orbem uoluebant: quamobrem *Iuuenalis Satyra* 6.

2)

— altera læuum

2) Extendit, pectitq; comas, et uoluit in orbē.

Quam

Quam rem etiam num antiquæ nobis statuæ ostendunt. Non solum autem crinales fascias mulieres usurpabant, sed & mammillares. Pollux lib. 7. cap. 14. Porro mammillarum muliebrum cingulum, fasciam, uel fasciolam uocarunt, &c. Nunc quod attinet ad fascias crurales, dico has fuisse longas quasdam uittas laneas aut etiam lineas, quibus antiqui ad contegenda conuestiendaque crura utebantur, eas complicando uolumine rotundo et simplici intextoq; nonnunquam, & alterno, quod expressum cōspexi in statua quanquam non admodum uetusta, in quodam angulo Palatii Diui Marci Venetijs: uel etiam quibus tibialia laxiora socculosque comprimerent, retinerentq; ne diffuerent ac dilaberentur. qua figura uisuntur in antiquis statuis, leoninis quibusdam capitibus ad cruris medium ferè quousq; pertinebant tibialia, insignita. Huiusmodi fasciarum mentionem non solum apud Vlpianū, sed apud Valerium Maximū, Quintilianum, Ciceronem, & alios auctores reperies. Cicerone de Aruspicum responsis, Muliebres inquit soleæ, purpureæq; fasceolæ. Et ad Atticum, Etenim mihi eius caligæ, ut fasceæ cretatæ, uon placebant. Fascias non absimiles auro redimitas usurpasse sponas, demonstrat Seneca in Hippolyto, de sponsa loquens his uerbis,

Crura

» Crura distincto religauit auro,

» Luteo plantas cohibente focco.

Quo loco illud ἐν παρόδῳ est adnotandum, luteum colorem nouis nuptis fuisse in usu. quam obrem Plinius lib. 21. Nat. hist. cap. 8. inquit, Lutei uideo honorem antiquissimum in nuptialibus flammeis, totum sæminis concessum &c. Fascias in calceatu usurpasse priscos, scribit Varro. Plinius lib. 8. cap. 57. mures ait Carboni Imperatori fascias, quibus in calceatu utebatur, arrosisse, quæ res exitium portenderit. Apuleius linteorum calceorum meminit: hos pedulia appellatos esse, docet Cornelius Fronto his uerbis, Pedale, inquit, mensura est pedis, pedule uerò sub pedibus præstat utilitatem. Quo fit ut suspicer apud Vlpianum legendum esse Pedulia, pro eo quod habet Pedules: & si pedales etiam fascias habuerunt antiqui, quarum etiam meminit Iulius Pollux lib. 7. cap. 22. loquens de calceorum speciebus. Tibialibus & femoralibus nullis prisci utebantur, ut apud Homerum, Virgilium, & Ouidium fuit à me obseruatum. Homerus enim Iliad. lib. 2. sic ait loquens de Agamemnone.

» ἔζετο δ' ὀρθωθείς. μαλακὸν δ' ἔνδυσε χιτῶνα

» καλὸν, νηγάτεον περὶ δ' αὖ μέγα βάλλετο

R φα-

# Hieronymi Magii

φᾶρος .

» ποσὶδ' ὑπαὶ λιπαροῖσιν ἐδήσατο καλὰ πέ-  
διλα.

» ἀμφὶ δ' ἄρ ὤμοισιν βάλετο ξίφος ἀργυρόηλον.  
Idest ,

» *Sedit autem arrectus . mollem autem in-*  
*duit tunicam ,*

» *Pulchram, nouam , circa autem magnūm*  
*iecit pallium :*

» *Pedibus autem sub teneris ligauit pulchra*  
*calceamenta ,*

» *Circum autem posuit ensē argenteis cla-*  
*uis .*

*Et Odys. lib. 2. in principio .*

» ἄρνυτ' ἄρ ἐξ Ἀντήφιν Ὀδυσῆος φίλος υἱός ,

» εἶματα ἐσάμενος . περὶ δὲ ξίφος ὃξ' ὃ δ' ἔτ' ὤμῳ ,

» ποσὶ δ' ὑπὸ λιπαροῖσιν ἐδήσατο καλὰ πέ-  
διλα.

*Hoc est ,*

» *Surrexit ex lecto Vlyssis dilectus filius*

» *Vestem indutus , ensē autem acutum cir-*  
*cumposuit humero ,*

» *Sub pedibus uerò robustis ligauit pulchra*  
*calceamenta .*

*Vides nullam femoralium , tibialiumque fie-*  
*ri mentionem . Virgilius quoque Homerum ,*  
*ut opinor , imitatus , Aeneidos libro 8. sic ce-*  
*cinit ,*

*Euan-*



» Euandrum interea lecto lux suscitât alma,  
 » Et maturini uolucrum sub culmine cantus,  
 » Consurgit senior, tunicaq; induitur artus,  
 » Et Tyrrhena pedum circundat uincula  
 plantis :

» Tum lateri, atque humeris &c.

Nihil Virgilius etiam, ut uides, de femoralibus, siue caligis & tibialibus. Erant tamen apud antiquos in usu tibialia siue ocreæ ad munimen. Homerus libro 18. Iliad. loquens de Achillis armis,

» τῶξέ δέ οἱ κνημίδας ἑανοῦ κασιτέραιο.

Idest,

» Fecit ei ocreas tenui stanno.

Obseruare hîc libet ἐν παρόδῳ, quòd licet hæc vox κασιτέραιο, stannum propriè significet, Aristoteles tamen in Poët. pro ferro accipit. sed malè, ut mihi uidetur. arma enim antiquitus non fiebant ferrea, sed ærea, aut etiam stannea propter ferri penuriam. Vt maximè erret Ioannes Tzetzæ Commentarijs in Hesiodi librum, qui inscribitur ἔργα καὶ ἡμέραι, existimans ferrum priscis fuisse in usu, χαλκρον autem dictum adiectiuè παρὰ τὸ χεῖν τὴν ἀλκὴν, idest à fundenda fortitudine, eorum scilicet, qui eo fuerint confossi: quanquàm Hesiodo & alijs reclamantibus credendum esse non negat. Alcæus Poëta æreorum ti-

# Hieronymi Magi

bialium & ensium meminit in illis uersibus, qui apud Athenæum leguntur lib. 14. Dipn. cap. xi. & Hesiodus libro citato sic ait loquēs de hominibus æreæ ætatis,

» Τοῖς δ' ἦν χάλκεα μὲν τάχ'εα χάλκεοι δέ τ' οἴκοι.

» Χαλκῷ δ' ἐργάζοντο. μέλας δ' οὐκ ἔσκε σίδηρος,

Idest,

» Iis autem erāt ærea quidem arma, æρεῶς δὲ domus.

» Aere operabantur. nigrum enim non erat ferrum.

Verum nemo miretur ex molli metallo præ ipso ferro, rustica instrumenta, et arma facta esse, siquidem temperatura quadam (ut Proclus et post Proclum Zetzes Hesiodi interpretes testantur) æs ipsum désabant, quia per fabrorum ferrariorum incuriam amissa, ad usum ferri deuentum sit. καὶ τῷ χαλκῷ (inquit Proclus) πρὸς τοῦτ' ἐχρῶντο, ὥς τῷ σιδήρῳ πρὸς γεωργίαν διὰ τίνος βαφῆς τὸν χαλκὸν σερρόποι-  
οῦντες ὄντα φύσει μαλακὸν, ἐκ λιπούσης δὲ τῆς βαφῆς ἐπὶ τὴν τοῦ σιδήρου καὶ ἐν τοῖς πολέμοις χρῆσιν ἐλθεῖν. Idest, Et ad hoc [ idest ad arma ] ære utebantur, tanquam ferro ad cultum terræ, quadam temperatura æs durantes, quod alioqui naturā molle est. Amissa autem tempe-

temperatura illa, ad usum ferri etiam in bellis uenerunt. Hæc ille. Antiquorum armorum consuetudinem & Virgilius indicauit, Pyrrhum lucē ahenā corruscantem appingens. At id uerum esse non solum ex Ethnicorum libris cognoscimus, sed etiam ex sacris literis. legimus enim Regum lib. I. cap. 17. Goliath hæc ærea arma habuisse, cassidem, ocreas, & clypeum. Nunc ad rem. Idem Homerus supra libro primo Achiuos bene ocreatos uocat,

» Ἀτρεΐδαι τε, καὶ ἄλλοι εὐκνήμιδες ἄχαιοί.  
Idest,

» Atridæque, & alij bene ocreati Achij. Sed non nimis uetustis temporibus, inuenio, Romanos usos esse caligis. Iulius Pollux libro 7. cap. 13. tibialium & subligaculorum meminit. Cicero quoq; in libris de Officijs, in scenam sine subligaculo neminem ait prodijisse. Suetonius auctor est Augustum hyeme usum esse fœminalibus & tibialibus; idemq; ait eundem solitum esse sibi crura ardenti nuce suburere, quo mollior pilus exurgeret. qua re subindica tur alijs temporibus, nudis hunc prodire cruribus consueuisse, nullisq; usum tibialibus. Fœminalia non fuisse in usu idem demonstrat in Iulio Cæsare, inquiens Cæsarem ut animaduertit undiq; se strictis pugionibus peti, toga caput obkoluisse, simulq; sinistra manu sinum ad ima

## Hieronymi Magii

crura deduxisse, quo honestius caderet. Hæc autem usurpabant Scythæ, ob magnam uim frigoris ingruentem. Dio Chrysostomus Oratione 36. Callistratum Borysthenitem sceminalia habuisse dicit, reliquumq; uestitum Scythicum. Virgilij ætate rustici ocreis, siue tibialibus & peronibus utebantur, quod ille in Moreto demonstrat dum de Similo rustico sic ait,

» Ambit crura ocreis paribus, tectusque galero

» Sub iuga patentes cogit lorata iuuenços.  
Persius Satyra 7. aratorem peronatum appellat. M. Cato, antiquitus perones à ciuibus Romanis usurpatos testatur, his uerbis lib. 7. Originum, Qui magistratum curulem cæpissent, calceos mulleos alutatos, cæteri perones. Quod pertinet ad calceos, Seruius ad eum Vergilij uersum,

» Et Tyrrhena pedum circumdat uincula plantis

Sic ait, Tyrrhena uincula, Tusca calceamenta. & dicit crepidas, quas primò habuere Senatores, post Equites Romani, nunc milites. Ioannes Sarius Zamoscius, iuuenis eruditissimus, & amicus meus, in lib. De Senatu Romano, quos pridem edidit, nugari hinc Seruium dicit. Mihi quidem non fit uerisimile Seruium,

quæ

quæ de calceis dixit, commentum esse, & sci-  
mus diuersis temporibus diuersa in usu fuisse.  
Sanè Pollux inter Græcanicos calceos crepi-  
das refert, dicitq; esse militare gestamen. Ro-  
mæ etiam statuae aliquæ, quæ Senatoriæ, &  
antiquæ creduntur, crepidas habent, quales  
apud Gellium lib. 13. cap. 20. depictas uide-  
mus, licet Gellij ætate Senatoribus essent inde-  
coræ. Gellij autē uerba hæc sunt, Omnia enim  
fermè inde genus, quibus plantarū calces tan-  
tū infimè teguntur, cætera propè nuda, &  
teretibus habenis uincta sunt, soleas dixerunt;  
nonnunquam uoce Græca crepidulas. sed, ut  
dixi, crepidas, & crepidulas prima syllaba  
correpta, id genus calceamētum appellarunt,  
quod Græci *κρηπίδας* uocant, &c. Suprà uerò  
Pop. Romani Senatores soleatos per urbis  
uias ingredi, nequaquam sua ætate decorum  
fuisse refert. Quales ergo essent crepidæ, satis  
apparet. Hoc uerò calceorum genus uinculo-  
rum nomine significatur, quòd multis habenis  
& corrigijs inflexis uinciretur, adeò ut plan-  
tarum calcibus tantū infimè tectis, uincula  
solum loraq; apparerent. Ouidius Faſtorum  
lib. 2. muliebres calceos uincula appellat, lo-  
quens de Hercule,

» Fregerat armillas non illa ad brachia fa-  
ctas.

## Hieronymi Magii

» Scindebant magni uincula parua pedes .  
» Viriles etiam infra libro 5. uincula appellat ,  
inquiens,

» Ille memor ueteris ritus, timidusque Deo-  
rum,

» Surgit, habent gemini uincula nulla pe-  
des .

Vnde apud Dionē Chrysostomum Oratione 6.  
quæ Diogenes, uel de Tyranno, inscribitur, pe-  
des obligati, pro calceatis, dicuntur. Huc for-  
tasse spectat, quod Zonaras Græcus auctor,  
quanquam non admodum antiquus, ait Pa-  
tricios in urbe gestasse calceos adornatos cor-  
rigiarum inflexione, & forma litere C. uide-  
tur enim ea corrigiarum inflexio ad uincula  
prænotata pertinere. Præsertim cum Plutar-  
chus Problemate 75. de lunatis his calceis a-  
gens eos patricijs in usu fuisse dicat, Arca-  
dibus id genus calceorum lunatorum præci-  
puum fuisse affirmas. Sed de calceis hæc dixisse  
sufficiat. qui plura legere auet, hic Pollucē ad-  
eat, & Volaterranum in Philologia lib. 27.  
Ad crepidæ etymon quod attinet, errant, ut  
etiam Aldus olim adnotauit, in Horat. qui cre-  
pidam à crepitu dictam censent, cum, ut est  
manifestum, & Gellius testatur, uox sit Græ-  
ca, & ex uoce κρηπίς, quæ Oribasio in libro de  
Machinamentis cap. 25. basis est, quasi cre-  
pida

peda basis sit pedis. Inquit autem Oribasius ex interprete, Fabri organum ad hunc modum fit. Super basim, quæ χρητὶς nominatur, pro organo dimensam, statuuntur crura duo &c. Magis enim emendatè legi posse uidetur χρητὶς, quæ uox basim & calceamenti genus significat teste Phauorino & alijs, quàm χρητὶς, ut in uulgatis habetur exemplaribus.

De quibusdam, qui prima concubitus noctæ, ædium lapsu perierunt, & de Dæmonum amoribus. CAP. IIII.

MEMORIAE proditum est Eupolim Nicæ Atheniensis filium, prima nuptiarum nocte, thalami ruina, unà cum uxore oppressum, extinctumq; fuisse: qua de re extat Græcum epigramma, & Ovidius in opusculo Dirarum, & imprecationum in Ibin sic ait,

» Sit tibi coniugij nox prima nouissima uitæ  
 » Eupolis ut periit, & noua nupta modo.  
 Olim etiam Romæ Q. Sertullius prima nuptiarum nocte ἐν ἐργῳ, domus maritalis lapsu unà cum uxore suffocatus est: uisiturq; adhuc horum sepulchro insculptum epitaphiū, quod in lectoris gratiam referre libuit. est autem huiusmodi,...



# Hieronymi Magii

ASPICE VIATOR Q. SERTVLLII  
ET DVLICVLAE SPON. ME. D.  
RANCILIAE VIRG. AC POST INDE  
QVID FACIAT LICENTIOSA SORS  
LEGITO. IN IPSA FLORIDA AE-  
TATE CVM ACRIOR VIS AMORIS  
INGRVER. MVTVO CAPT. TAND.  
SOCERO ET M. SOCR. ANNVEN-  
TIE. SOLENN. HYMEN. NVPT. CO-  
PVLAMVR. SED O FATVM INFELIX  
NOCTE PRIMA CVM IMPORT. VO-  
LVPTATIS EX LI. FAC. EXTIN-  
GVERE ET D. M. V. VOTA COGE-  
REMVR. REDDITIS HEV IPSO IN  
ACTV DOM. MARITALIS CORRV-  
ENS AMBOS IAM EXTRE. CVM DVL  
CITVDINE LETISS. COMPLICATOS  
OPPRESSIT FVNESTAS. SOROR  
NEC NOVI QVID FECISS. PVTA.  
NON ERAT IN FATIS TVM NO-  
STRA LONGIOR HORA. CARI PA-  
RENTES LVCTV NEC LACHRYMIS  
MISERA AC LARVATA NOSTRA  
DEELEATIS FVNERA NE REDDATIS  
INFELICIORA AT VOS NOSTROS  
DIVTVRNIORES VIVITE ANNOS.  
OPTIME LECTOR AC VIVE TVOS.

D.

M.

*Ab*

Abhinc tres annos mulio quidam Subianensis, Cornix nomine, qui literas etiam, quas ad me Bononia dederat Paulus Ligijs meus, per ferebat, cum in agrum Oppidi Diui Ioannis, Vallis Arni aduenisset, subito coortum imbrē fugiens, diuertit ad mulierculam quandam, quam cum noctu cognosceret, domus lapsu cū ea est exanimatus. Superioribus annis Neapoli, sponsus quidam cū uirginē sponsam, mulierem reddere conaretur, ligneo orbe, à quo conopeum pendeat, in caput eius delapso, occubuit. Dum olim Patauium obsideretur, cū tormento, quod mortarium uocant, saxæ pilæ tricenarum librarum è Maximiliani exercitu in altum proijcerentur, ita tormenti commodata inclinatione, ut in propugnatorum domicilia deciderent, miles quidam Marci Manini Anglarensis, qui rem mihi narrauit, contubernalis, unā cum scorto sibi substrato, pila impetu incredibili eò prolabente, extritus est. In libro Tobiae legimus, Dæmonem nomine Asmodeum, septem uiros Sarrae Raguelis filiae sponso, simulatq; ipsi se miscere uoluissent, enecasse. Hæc nonnulli non tam casu, quàm ex Dæmonum Zelotyporum ira, euenire contendunt. eos enim esse animalia aërea, animo passiuā, unde & etiam amare. Quin apud Philostratum lib. 3. de Vita Apollonij

## Hieronymi Magii

lonij Tyanei, literis proditum esse, Dæmonem  
pueri cuiusdam amore captum fuisse. Novi  
Anglare Amerinum cucullatum ex Eremitarum  
Diui Augustini familia, qui se ante  
quàm ad sacros ordines promoueretur, à Dæ-  
mone adamatum diceret, & sæpe osculis peti-  
tum, & ab eodem zelotypo aliquandò male  
habitum. Statim uerò atque sacris donatus est  
ordinibus, ait nullas eius se expertum amplius  
molestias. Simphorianus Camperius Praxis  
lib. 2. cap. 7. de concubitu Dæmonum cum  
mulieribus, aut etiam cum uiris sub mulie-  
rum imagine, multa refert. Qua de re &  
Theologi, quos Scholasticos appellamus, et au-  
ctor Fortilitij fidei lib. 5. nō pauca scripserunt,  
quæ hīc referre non uidetur operæ precium.  
Ego & si Dæmones, qui, ut Augustinus ait,  
lib. 15. de Ciuitate Dei, improbi sæpe mulie-  
ribus extitisse feruntur, Succubosq; etiam, qui  
uirorum libidinem passi sint, reperiri non ne-  
gauim (multis enim antiquus hostis ut ho-  
mines decipiat, trahatq; in ruuinam, technis  
uafrauentisq; utitur) ut aliàs testatus sum,  
ita cum Diuo Thoma in Quæst. de Malo Ma-  
teria 17. quæ est, de Dæmonibus, existimo  
nullum aëreum posse esse animatum, eamque  
ob rem Dæmones non habere corpora natura-  
liter sibi unita, eo quòd corpus organi formam  
non

non queat adipisci, nisi ea sit prædium natura, ut termini figuræq; limitibus possit circumscribi, quod, ut in confesso est, aëri non conuenit: & ut Arist. ait libro 2. de Animal. nullum corpus animalis simplex esse potest. Dæmones uerò non amare, licet aliquando amasii Zelotypi; uideri uelint, sed uerè *μισανθρώπους*, hominibus semper infensos esse, atque eorundem animabus insidiari arbitror.

Sanguinem, qui in occiso homine refrixit, planeq; fluere desit, si intra aliquot horas occisor accedat, è uulneribus dimanare. Qui huius rei causas perquisiuerunt, uel rei meminerrunt, auctores omnes demonstrantur, & Galeoti Martii ac aliorum quorundam sententia exploditur.

## CAP. V.

**M**ULTORVM non modò ex Iureconsultis nostris, sed Philosophorum, Medicorum, aliorumq; scriptis posteritati proditum est, occisi hominis corpus, in quo sanguis refrixit planeq; fluere desiit, si mox confector adsit, iterum sanguine manare: quæ res in multa hominum memoria obseruata, expertaq; in cadaueribus plerisque, maximo miraculo sit. Quorsum

# Hieronymi Magii

sum pertinere nonnulli censent hæc Lucretij  
carmina lib. 4.

» ————— libido

» Incitat irritās loca turgida semine multo ,

» Idq̄ue petit corpus, mens unde est saucia a-  
more .

» Nanq; homines plerunque cadunt in uul-  
nus, & illam

» Emicat in partem sanguis, unde icimur  
ictu ,

» Et si cominus est, hostem ruber occupat hu-  
mor .

Eodem quoque pertinere uolunt quod lib. 17.

Iliad. dicit Homerus de Euphorbi cadauere ,  
homicida Menelao præsente ,

» ἔκτορα δ' αἰνὸν ἄχος πύκασε φρένας ἀμφὶ με-  
λαίνας .

» πάπληνεν δ' ἀρ' ἔπειτα κατὰ σίχας . αὐτίκα δ'  
ἔγνω

» τὸν μὲν ἀπαινύμενον κλυτὰ τά' ῥεα , τὸν δ'  
ἐπὶ γαίῃ .

» κείμενον . ἔρρει δ' αἷμα , κατ' οὐταμένην ὠ-  
τειλήν .

Idest ,

» Hectorem autem grauis dolor cepit men-  
tes circa nigras .

» Circumspexit autem postea , statim autem  
cognouit ,

Hunc

- » *Hunc quidem auferentem inclyta arma,*  
*hunc autem in terra*  
 » *Iacentem. fluebat autem sanguis in percus-*  
*so uulnere.*

*Quo in loco loquitur de Menelao, qui Euphor-*  
*bum trucidauerat, eiq; iacenti arma adimere*  
*uolebat, quod, Hectore Apollinis monitu, in-*  
*tercedente, quo minus faceret, impeditus est.*  
*Miraculi huius causam perquirat Thadaeus*  
*Florentinus in Explicationibus suis in Isagog.*  
*Ioannitij. Eandem pertractant Henricus Can-*  
*dauensis in suis appellatis Quodlibetis, Aegi-*  
*dus Romanus Quæst. 25. quinti Quodlibeti: Io-*  
*annes Maioris in lib. 4. Sententiarum. Dist.*  
*15. Quæst. 14. Auctor libri Peregrinarum*  
*Quæst. Decade 3. Quæst. 6. Ficinus lib. 16. de*  
*Immortalitate animorum cap. 5. Galeotus*  
*Martius in libro De Doctrina promiscua cap.*  
*22. Auctor innominatus Problematum quo-*  
*rundam, quæ falsò Aristoteli adscribuntur:*  
*Ioannes Langius in uolumine suo Epistolar-*  
*um medicinalium Epistola 40. & Levinus*  
*Lemnius lib. 2. de Occultis naturæ miraculis,*  
*cap. 7. qui duo, postremi hac de re scripserunt.*  
*Eiusdem rei meminerunt Gaudentius Merula*  
*Rerum memorabilium lib. 4. cap. 18. qui præ-*  
*sente occifore, sanguinem ex occisi hominis uul-*  
*nere, intra curriculum duntaxat horarum se-*  
*ptem,*

ptem, ab occisi nece, effundi testatur. Petrus Pomponatius in lib. de Animorum mortalitate ad mentem Arist. Paris Puteus in tractatu De Syndicatu, in uerbo Tortura: dicens hoc fuisse Romæ obseruatum eo tempore, quo occisus fuit Cardinalis Sancti Marci: Hippolytus Marsilius, qui hoc pacto se homicidam aliquando depræhendisse affirmat, in sua Praxi. §. Diligenter. numero 81. Marcus Antonius Blancus in Comment. in l. finalem numero 408. ff. de Quæstionibus: Lodouicus Carerius in principio suæ Praxis numero 140. & Franciscus Casonus Opiterginus in Tract. de Indicijs et tortura. In quibus auctoribus perquirendis penitusq; excutiendis, partim usus sum opera clarissimi Iureconsulti Ioannis Galii Tifernatis, amici mei, in quo incredibilem honestarum omnium disciplinarum cognitionem suspicio, & non uulgarem erga me amorem magnifacio. Quæ ab his afferuntur, referre omnia, et in disquisitionem uocare, quòd huius loci spatijs iniquis excludar (iustum enim res ipsa sibi uolumen deposceret) non est consilium. Dicam tamen nonnulla quàm potero breuissimè, quorundam opiniones elidendo. Martius miraculi huius causas adducere sategens, sic inquit, Nonnulli ex occisoris, et quidam ex occisi spiritibus hoc accidere arbitran-

tur;



tur; quod absonum est. nam ad sanguinis iam  
 frigesacti motum, nō una pars spirituum satis  
 est, sed utraque concurrit. Cum enim occisor  
 furore ductus hominem aggreditur, cuncti spi-  
 ritus, qui sui sunt, opus iuuantes, in occiden-  
 dum conuolant, sicuti de more eorum est; iti-  
 demq; hominis trucidandi in occisorem ten-  
 dunt, quo ira corporis sui profilit, ita ut in oc-  
 cisorem uolent, ibiq; uiuant. Cū ille occisus  
 est, sanguis iam frigesactus fluere desiit: sed  
 comparente occisore spiritus utriusque diuer-  
 so motu agitantur; quilibet suum corpus repe-  
 tens, motum facit, unde & hominis occisi spi-  
 ritus redeuntes, sedemq; suam repetentes, &  
 occisoris recedentes ut ad corpus redeant, fa-  
 ciunt motum eius rei, quam habitant, habi-  
 tant autem sanguinem. Et hoc pacto sanguis  
 iam frigidior, & ad fluxum ineptus, ab occi-  
 soris, & occisi spiritibus, ui multiplicata agi-  
 tatus, rursus fluitat. Estq; illis tantus proprij  
 corporis affectus, ut plerunq; latitantem ho-  
 minem, sed proximè existentem, intra tem-  
 pus, quod assignauimus (tot enim horis ui-  
 uunt) recognouerint, ac repetierint. Hoc au-  
 tem non in omnibus occisis, sed in plerisque e-  
 uenit: quoniam quorundam natura, ita debi-  
 lis est, ut eorum spiritus uno momento conflac-  
 cescant. Neesse ergo est corpora ubi hæc fieri  
 S debent,

debent, sint calidiora, quoniam calore, spiritus conseruantur. Hactenus Martius, qui hæc se plerunque oculis uidisse, & Græciam de Patroclo hoc idem affirmare ait, Hectore homicida comparente: uolens (ut opinor) significare prænotatum Homeri locum. in qua re memoriæ uitio laborauit, nam Homerus non de Patrocli, sed Euphorbi corpore loquitur. Sed dicat Martius, quando aliquis inermis ex insidijs subitò confossus, trucidatur, qui non tam ferro, quàm timore prosternitur, quo hic patet spiritus suos in trucidantem, in quo uiui asseruentur, possit eiaculari; idemq; illi usuuenire queat, qui auersus, uel etiam somno demersus, gladio transfoditur; quos tamen præsentem homicida, sanguine manare compertum est. Præterea, si Martium audiamus, esset dicendum, eum, qui graue uulnus noctu uel etiam interdium ab ignoto hoste accepit, nec occubuit, cum fluere desijt sanguis, mox præsentem eo, qui uulnus intulit, & si dormiat uulneratus, unde mortuo quodammodo exæquatur, spiritibus hinc inde proprias in sedes commigrantibus, sanguinem uulnere emissurum. quod tamen non uidemus usu uenire. Adde quòd tauri in harena, & publicis spectaculis sæpe inter iras ab ijs, qui sua funera uendere solent, petiti, et tandem trucidati, postquam sanguis refri-

refrixit, propius accedente confectore, sanguine manarent, cum & bruta, pro eiusdem Martij in citato capite sententia, spiritus suos habeant. Mihi certè hæc spirituum hinc inde, uel ut Thadæus aliq; sentiunt, ex occisore solum in occisum conuolutio, nullo pacto sit uerisimilis. Verùm si eorum fluxum demus, statim è corpore egressi euanescent, uel aëris aut etiã cadaueris frigore abolebuntur; siquidem calore, ut etiam Martius fassus est, conseruantur. Huc accedat, quòd Physicorum plerique, spiritus hos naturales, qui ab epate ortum ducentes, uenas pulsu carentes, & sanguinem incolant, minimè agnoscunt. Duplicem nanq; spiritum esse dicunt, alterum uitalem, qui à corde per arterias fertur, animale alterum, qui à cerebro per neruos commeat. Tametsi seniores Galeni, Hippocratis, & Auicennæ interpretes, triplicem spiritum ponant. Atqui si & naturalibus spiritibus locum concedamus, erunt hi segniores (nò enim ut uitales mouentur) crassioresq; , quàm qui munia, quæ Martius, atque aliq; comminiscuntur, obire possint. Aliorum sententia, cuius Pomponatius meminit, habet, hunc sanguinis fluxum inde prouenire, quòd anima occisi interfectori indignetur infensaq; sit. Sanè Plato Dialogo 9. de Legibus, in hanc loquitur sententiam, Fertur enim

## Hieronymi Magii

*interfectum ui hominem, qui liberè uixit, interfectori proximo statim post mortem tempore irasci, ac propter uiolentam mortem, terrore, turbationeque plenum, maximè si uiderit interfectorem inter suos more solito uiuere, interfectorem ipsum, eiusque actiones, uim ad hoc suppeditante memoria, cunctis uiribus terrere atque turbare, &c. Hinc Ouidius lib. 5. Fastorum, Remi à Celere occisi, umbram sic dicentem inducit,*

» *Sæue Celer crudelem animam per uulnera reddas,*

» *Vtque ego sub terras sanguinolentus eas. Et Virgilius Deiphobum apud inferos, necis suæ uindictam precantem facit,*

» ————— *Dij talia Graijs*

» *Instaurate, pio si pœnas ore reposco.*

*Suetonius, Neronem sæpe confessum ait, exagitari se matris suæ, quam occidendam curauerat, specie, & uerberibus furiarum ac tedis ardentibus, eamque ob rem factò per magos sacro, euocare maternos manes, eosque exorare tentasse. Liuius lib. 3. Dec. 1. Virginiae manes per domos ad petendas pœnas uagatos scribit. Marianorum animas Syllam sollicitasse legimus. Tragœdiæ Orestem à matris umbra & furijs agitaturn agunt. Plutarchus in libro de Sera numinis uindicta, & in Cimone,*

*Cleo-*

Cleonices à Pausania trucidatæ phasma, Pausaniam assiduis terroribus perturbasse, ac vexasse, memoriæ consignauit. Adnotat eruditione summa ac probitate inclytus præceptor meus Franciscus Robortellus, lib. 8. de Vita & uictu Populi Rom. sub Imperatoribus Cæsaribus Aug. creditos olim manes cæsorum, pauorem iniungere noctu peremptoribus, si per uim, & insidias perempti essent; ideò piacula ad placandos manes adhiberi solita; qua de re nos nonnulla in libris de Sepulchris & sepe liendi ritu. Hæc autem sunt ab antiquis credita, quia corporeis affectibus animas à corpore seiunctas, penitus destitui non putabant, quamobrem Vergil. lib. 6. *Æneid.* inquit,

» Quin et supremo cùm lumine uita reliquit,

» Non tamen omne malum miseris, nec funditus omnes

» Corporeæ excedunt pestes, penitusq; necesse est

» Multa diu concreta modis inolescere miris.

Et quæ sequuntur. Sed hæc quoque sententia est improbanda. nam, Theologi prodiderunt, & Scholasticorum antesignanus Thomas, Quæst. 19. de Anima. & mat. 2. de Virtutibus, Quæst. 4. atque alibi, existimat, post mortem anima à corpore seiuncta, potestates sensitivas aboleri, superesse, uerò in anima

duntaxat tanquàm in principio, aut radice  
(essentiam nanque animæ, potentiarum esse  
radicem) ideoq; eam irasci, & concupisci  
posse si iterum corpori indatur. Si ergo iam à  
corpore anima sit secreta, interfectori non  
succensēbit, nec irascetur, quòd corpore ca-  
reat, corde, & sanguine, in quibus iræ est offici-  
na, cùm ira, teste Aristotele, sit accensio,  
uel feruor sanguinis circa cor. Nisi uelimus  
animam postliminij quodam iure in corpus re-  
dire, ut de Harmotini Clazomenij anima Pli-  
nius Nat. hist. lib. 7. cap. 52. se inter exem-  
pla reperisse dicit, quæ relicto corpore erraret,  
mox uerò in corpus relaberetur. quæ res solo  
diuino miraculo fieri potest. Homerus quoq;  
Iliad. lib. 9. animam postquàm efflata est, re-  
dire non posse testatur, inquit,

» ἀνδρὸς δὲ ψυχὴν, πάλιν ἐλθεῖν οὔτε ληισή,  
» οὔθ' ἐλετή, ἐπεὶ ἄρκεν ἀμείψεται ἔρκος ὀδόν-  
των.

Idest,

» Viri autem anima, rursus uenire neq; præ-  
dabilis,

» Neque acceptabilis, postquàm transiuit se-  
ptum dentium.

Huc accedat quòd idem Thomas Quæst. 18.  
& 20. de Anima, animam postquàm à corpo-  
re semel digressa sit, in uniuersali (ut eius utar  
uer-



uerbis) omnia naturalia cognoscere posse censet, specialiter uerò unumquodq; , non item. Cui Augustinus adstipulatur in lib. de Spiritu et anima, et de Cura pro mortuis agenda, dum inquit, mortuorū spiritus eo loci esse, ubi quæ in hac uita aguntur, eueniuntq; mortalibus, conspiciere uel audire non possunt. Quo fit, ut perempti anima peremptorem præsentem cadaveri, uidere, aut cognoscere nequeat. At dicēs sanguine scatere uulnera, quòd anima, quæ abesse creditur, penitus in præcordijs, quò sanguis se recepit, delitescat. Sed si abdita eo latitat loco, qua ratione corporis sensibus iam abolitis, præsentem esse homicidam intelligere potest? Cùm hominem, qui bene habet, somnus complexus est, cur anima, hostium rerumque noxiarum in corpus ingruentium præsentiam non sentit? Cur etiam, eo uigilante, nisi sensuum corporis adminicula præstò sint, hostes, & quæ sint nocitura non uidet? Profectò ea de anima asserere, non est rationi consentaneum. Arbitrabar aliquando, miraculum quo de agimus, accidere ex motrice quadam uirtute ex occisoris anima uel corpore prodeunte, quæ sympathiæ cæca ui sanguinem elicere possit: huius enim causa multa etiam inanima trahi afficiq; , auctores grauissimi affirmant. Quin non pauca, quæ à corpo-



## Hieronymi Magii

re nostro absunt, in nobis mutationes parere uideamus, oscitationem alterius, nos ad oscitandum impellere, fascinantium oculos pueris, quin pecori (ut quidam censent) etiam obesse; luporum aspectum uel præsentiam, raucos nos reddere, stridorem limæ ferrum terentis, acrimoniam caparum, quas sodalis comedat, dentibus molestiæ non modicum conciliare, rubrum colorem conspectum, seuocare è naribus sanguinem; uulnerum ingentium aspectum, oculis tenebras offundere, animique deliquium quoddam quibusdam parere, huiusq; generis alia multa, quæ breuitatis gratia missa facio.

Auicenna Can. 1. cap. de Animæ accidentibus, & lib. 6. de Naturalib. part. 4. pro robore imaginatiuæ uirtutis, multa, quæ supra ueri fidem sint, cōtingere ait, ideoq; animam unius, alterius corpus transmutare aliquando, quòd anima (ut etiam Algazel scriptum reliquit) constans ex nobilibus principijs, ditioni suæ subiectam habeat materiã. Sed hæc Auicennæ eiusq; asseclarum opinio, à Peripateticis exploditur, quòd anima unius nullam cum alieno corpore habeat communionem, ex communionem autem materiæ actionem passionemq; admitti. Lege quæ scripta reliquit infans uir, at bene doctus Thomas Garbus lib. 2. Summæ med. scientiæ, Tract. 4. Quæst. xi.

&

& lib. 1. Tract. 5. Quæst. 31. quæ enim & nobis in mentem uenerunt, parum ad rem facere intelliges. Quamobrem nisi ad miracula confugiamus, certi quicquam quod asseram, me non habere ingenuè fateor.

Aristoteleni super Austri, qui ad nos peruenit, origine, discrepare à cæteris omnibus auctoribus, quin etiam sibi ipsi parum constare. CAP. VI.

**A**RISTOTELES libro 2. Metèor. Austrum, qui nostras perflat regiones, à locis Antartico polo subiectis flare negat; uentos enim, qui à regionibus illis oriuntur, nostra in loca penetrare non posse contendit. Contrarium tamen, quasi sibi ipsi parum constans, eodem libro (ut alij etiam animaduertunt) demonstrat, & Problemate decimo, undecimo, duodecimo 17. & 21. Sectionis 26. idem manifestius ostendit. Auctor quoque libri, qui de Mundo ad Alexandrum, inscribitur, Austrum ex occulto nobis uertice illatum, cum Septentrionario quasi colluctari ait. Indidem Austrum oriri uetustissima fuit Hippocratis sententia in libro de Aëre, aquis & locis, & lib. 2. de Dieta, siue uictus ratione; quem Macrobius lib. 2. in Somnium Scipionis

# Hieronymi Magii

nis cap. 5. & Gellius lib. 2. Noët. Atticarum cap. 30. et alij sequuti sunt. Ab ea etiam non abest Ouidius lib. 4. de Ponto. Eleg. 10. sic inquiens,

» Hinc oritur Boreas, oræq; domesticus huic  
est,

» Et sumit vires à propiore loco.

» At Notus aduerso, tepidus qui spirat ab  
axe

» Est procul, & rarus, languidiorq; uenit.  
Quo nouissimo uersiculo maximè Hippocrati  
astipulatur, qui uentos à calidis adspirantes re  
gionibus, ad Riphæos montes, ualde penetra  
re negat, nisi parumper, et debiles. Quamob  
rem uidere nescio, quæ Aristotelem causa im  
pulerit, ut iam tum Hippocratis ætate rece  
ptam de primordijs Austri, qui aërem nostrū  
perflat, sententiam, abiiciendam putaret: nisi  
fortasse à montibus altissimis, qui mediam aë  
ris regionem, ex qua uenti spirare incipiunt,  
superare dicuntur, impediri existimauit. Li  
bro nanque primo Meteor. uentos non super  
gredi altos montes affirmat. Quod argumen  
tum tanto Philosopho mihi indignum uidetur,  
cū & si ipse, alijq; auctores prodant, mon  
tes aliquot tam altè uertices exeruisse, nō ideò  
quominus uenti quā pergebant, impetu ma  
gno procurrere possint, illi sint impedimento.

Sunt

*Sunt enim montium illorum uertices instar arborum, aut scopulorum, qui fluminibus interiecti sint, qui tametsi aquas dum immoti persistunt, parumper abscindant, nullo tamen pacto earum defluxum sistunt. Veterum opinionem maximè fulcit Solomon, qui Ecclesiastis cap. I. uentos à diuersis mundi plagis surgentes meare, & in suos circulos reuerti dicit.*

*Pellium, quibus frigora propulsari solent, quis usus, & quo tempore fuerit apud antiquos.* CAP. VII.

**P**ELLICEARVM uestium, quibus frigora arcentur, si sæculum aureum excipiamus, plerique nullum fuisse usum existimant, eo quòd Plinius diligens homo, & doctus qui, ut Raphaël Volaterranus inquit, omnia exequitur, atque alij, nullam prorsus de his mentionem faciant. Accedit eo quòd Suetonius literis prodidit, Augustum se præmunire solitum aduersus uim frigoris, tunicis quaternis, cum pingui toga, & subucula, thorace laneo, fœminalibus & tibialibus. quod hic Imperator neutiquam secisset, si indumenta expellibus, quæ & melius, & commodius nos à frigore tuentur, fuissent in usu apud nobiliores ac principes uiros. Concinit quoque

## Hieronymi Magii

quoque Martialis, his uersiculis, loquens de  
diuite bene uestito,

» Optat & obscuras luces, uentosq; niuemq;

» Propter sexcentas Baccara gausapinas.  
Et alibi,

» Mense uel Augusto sumere gausapinas.

Lucretius lib. 5. de priscis hominibus,

» Tunc igitur pelles, nunc aurum & purpu-  
ra curis

» Exercēt hominum uitam belloq; sat igan.

Quamquam Liuius lib. 5. Dec. 1. Romanos in

Veiorum obsidione, pellibus tectos, hyemare  
cœpisse ait. hi enim pellibus quibusdam rudio-

ribus, priscorum, uel Getarū Sarmatarumq;  
more usi uidentur, quas nulli in urbe usurpa-

rent. Vsum tamen pellium, in uestitum postea  
irrepisse, satis liquet: siquidem Seneca in E-

pistolis, pellicularum uulpium, muriumq;  
(has Zibellinos atque Armellinos uulgò num-

cupatos, Volaterranus fuisse putat, & si Zi-  
bellini maiores sunt, quàm quibus murium no-

men conuenire potuisse uideatur) quæ ad fri-

gus arcendum compararentur, mentionem fa-  
cit, Pelliculas, inquit, uulpium ac murium,

frigoris causa, etc. Vlpianus quoq;, & Paulus  
Iureconsulti, pellicearum uestium usum agno-

scunt. Vlpianus enim. l. Vestis. ff. de Auro, &  
argento leg. de uestimentis agens, sic loqui-

tur

tur, Familiaria sunt, quæ ad familiam uestiendam parata sunt, sicuti saga, tunica, penula, lintea uestimenta, stragula, & cætera similia: uestis ex pellibus constabit. Item pelles caprinæ, & agninæ uestis erunt. Paulus, uerò in lege subiecta, Cum, inquit, & tunicam & stragulam, & pelliceam nonnulli habeant. hæc ille. Iulius pollux lib. 7. cap. 15. pellicearum uestium usum demonstrat dum loquitur in hanc sententiam, Erant, inquit, & uestes coriaceæ, & tunica ex pelle — Sysira autem tunica coriacea pilosa, manicata, & habitus Scythicus. hæc ille. Pellicearum autem uestium usum non admodum frequentem fuisse arbitror, magisq; ad tenuis fortunæ homines, ad seruos, & agricolas, quàm ad patricos pertinuisse. Nullæ enim statuæ, quas ego unquam uiderim huiusmodi uestitum præseferunt, raraq; eius apud auctores mentio uisitur, præter quàm cum de priscis mortalibus, aut Scythis, reliquisq; Septentrionalibus hominibus agunt, qui maximè frigoribus urgentur: aut de his, qui agrestes mores penitus non abdicauerant. Talibus enim uestibus primi homines uti cæperunt, quòd cuique essent obuiæ, & nulla arte nulloq; labore pararentur. Scriptum Moses reliquit Gen. cap. 3. Deum fecisse Adam, & uxori tunicas pelliceas. Quanquàm Origenes,

## Hieronymi Magii

nes, ut Epiphanius in libro *Ancyroto* testatur, allegoricòs & non sine errore, has tunicas pro Adam & Euæ carne accepit. Priscos, huiusmodi usos uestibus, aiunt Lucretius lib. citato, & Iuuenalis Saty. 6. Pellitos fuisse Aquilonares, non semel testatur Ovidius. Vlpianus quoque in. l. *Argumento*. ff. de *Auro* & argento leg. Varro lib. 2. de *Re rustica* cap. xi. Virg. *Georg.* lib. 3. Iustinus hist. lib. 2. adstipulantur. Iustinus quidem sic inquit de Scythis, Et quanquàm continuis frigoribus uruntur, pellibus tamen felinis, aut murinis uestiuntur, etc. Cæsar lib. 6. de *Bel. Gal.* Germanos pellibus, aut paruis rhenonum tegumentis usos, fidem facit. Varro Sardos quoque, & Græcos antiquos, caprarum pellibus, Dio Chrysostomus in fabula *Lybica*, *Lybyssas* rhenonibus integi consueuisse, demonstrant. Miron Prieneus apud Athenæum lib. 14. *Dipnos*. cap. 29. Helotas Lacedæmoniorum seruos, pileos ex canina pelle gestare, & rhenonibus indui, per contumeliam fuisse coactos, prodidit. Clio & Beroë Nymphæ, pellibus incinctæ inducuntur à Virgilio *Georg.* lib. 4. *Aeneidos* lib. 1. Romulus lupæ pelle, lib. 5. Acestes pelle *Lybistidis* ursæ uestiuntur. Idem lib. 8. *Aeneam* strato locauit effultum pelle *Lybistidis* ursæ; & antea in Herculis



lis sacris, mensæ super leonis pelle (Hercules nanq; ex Leonina pelle usus indumeto dicitur, talisq; fingitur, inquit Fest. lib. 14. ut homines cultus antiqui admoneantur) accubantem fecit. Pellem caprinam, Iunonis amiculum dicit Festus lib. 6. Plutarchus in Problem. Lares, canum pellibus apud Romanos indutos testatur. Produunt Mauros Leonum Elephantum, ursorumq; pellibus se in bello præmunire solitos. Est quoque à me in antiquorum monumentis marmoreis, æreisq; obseruatum, quod nonnulli nostræ ætatis scriptores, de rebus bellicis agētes non omiserunt, quosdam in Romanorum exercitu milites, ferarum capitibus detractas pelles, pro galeis ad terrorem hostibus incutiendum gestasse.

Pellium usum in capitijis pileisq; inuenio. Plato in Symposio agninas pelles pileis tribuit, cuius rei meminit Pollux lib. 7. ubi de pileifico agit. Athenæus quoque lib. 6. Dipnos. cap. 8. mentionem facit pileorum uillosorum ex ouium pellibus. Festus lib. 14. retulit capitia ex pellibus agninis facta, pescia in Saliari carmine ab Ælio Stilone dicta esse, affirmari, quod Græci uocent pelles pesce neutro genere plurali. Vegetius lib. 1. de Remilitari cap. 20. usque ad suam propè ætatem consuetudinem permansisse ait, ut omnes milites

# Hieronymi Magii

*lites pileis, quos Pannonicos uocabant, ex pel-  
libus uterentur: idq; fuisse seruatum, ne gra-  
uis galea uideretur homini in praelio, qui ge-  
stabat aliquid semper in capite. Fuerunt pel-  
les & antiquis lugentibus in usu, Festus libro  
prænotato, lugentes, diebus luctus in pellibus  
esse consueuisse scriptum reliquit. Pelles etiam  
sponsis, quas introducebant, sternere solebant  
Romani, ut ait Plutar. Problemate 29. Pelliæ  
usum in rusticorum stratis, ut Odys. lib. 14.  
non uno in loco, atque etiam in lectis ditiorum  
Homerus agnoscit, sic enim de Telemacho lo-  
quitur Odys. lib. 1.*

» ἐνδ' ὅγε παννύχιος κεκαλυμμένος ὁ ἰὸς ἀ-  
ώτῳ,

» βούλῃ φρεσὶν ἥσιν ὁδὸν, τὴν πέφραδ' ἀθῆναι.  
Id est,

» Tunc hic per totam noctem coopertus ouis  
pelle,

» Voluebat animo iter, quod dixit Minerva.  
Infrà quoque lib. 4. & 7. et Iliad: lib. ultimo,  
quauis non modicum lectorum luxum ap-  
pingat, pilosas tamen uestes iniici consueuis-  
se lecto cubantibus demonstrat. Sedes etiam  
pellibus sterni solitas ostendit Odys. 17. his  
uerbis,

» κῶεα κασορνύσα θρόνοις ἐνὶ δαιδαλέοισι.

» Pelles sternens sedibus in uarijs.

Et

Et lib. 19.

« ——— καὶ ὑπὸ θρήνων ποσὶν ἦκε,  
» ποροφύε' ἐξ αὐτῆς ὅθ' ἐπὶ μέγα βάλλετο  
κῶας,

» ἐνθα καθέζετ' ἔπειτα περίφρων πηνελόπεια.

Hoc est,

» ——— & sub scabellum pedibus misit

» Aptum ex ipsa, ubi magnam iniecit pel-  
lem.

» Illhic sedit postea prudens Penelope.

Et infra,

» Ἀρυνόμην, φέρε δὴ δίδρον, καὶ κῶας ἐπ' αὐτῆς

» ὄφρα καθεζόμενος εἴπῃ ἔπος, ἡδ' ἐπακούσῃ

» ὁ ξεῖνος ἐμέθεν.

Idest,

» Eurynome porta iam sedem, & pellem in  
ipsa,

» Vt sedens dicat uerbum, & audiat

» Hospes me.

Quamquam & tapetes iniici sedibus consue-  
uisse, idem satis demonstrat infra lib. 20. dum  
procorum aduentui domus Penelopes para-  
tur, & instruitur.

Emaculata Constitutio in tribus posterioribus Codicis Iustiniani libris.

Azonis error demonstratur. Declaratur quæ sint in eadem constitutione Deliciæ, & apud Catonem tegulæ Deliciares.

CAP. VIII.

**L**IBRO undecimo Codicis Iustiniani Imperatoris sub titulo de Aquæductu, legitur Constitutio Imperatorum Archadij & Honorij, his uerbis, *Usus aquæ ueterem, longoque dominio constitutum, singulis ciuibus manere censemus, nec ulla nouatione turbari: ita tamen, ut quantitatem singuli, quam ueteri licentia percipiunt, more usque in præsentem diem perdurante, percipiant: mansura pœna in eos, qui ad irrigationes agrorum, uel hortorum delicias, furtiuis aquarû meatibus abutuntur. Huius constitutionis nouissimæ partimendum insêdit, scribarum incuria, deliciæ enim hortis maximè quadrare cùm uideantur, uocem ad hortorum irrigationes retulerunt, ac locum deprauarunt, quod ante Azonis ætatem factum esse constat, Ita enim ille non sine errore, mendosum sequutus codicem inquit in Summa, Et sic habeant aquæ quantitatem, ut consuetudo fuit; non contra cõsuetudinem furtiuis aquæ meatibus abutendo.*

do. Sic quidem *Azo*. *Alciatus*, qui alias Constitutiones sub eodem titulo in suis Annotationibus repurgat, atque non parum illustrat, de hac tanquam uitij exorte ne uerbum quidem. *Iacobus* quoque *Cuiacius* omnium concessu Iurisconsultus maximus, cuius ego suspicio multa cum elegantia, honestarumq; disciplinarum scientia coniunctam iurisprudentiam, eandem etiam corruptè habet in *Com. suis* ad tres posteriores libros *C.* nisi si typographi mendum sit. sic & *L. Russardus* homo doctus et diligens in *C.* quem admodum emendatè ab hinc biennium edidit. Ego ullo absque dubio, errore expuncto, ita legendum existimo, *Mansura* pœna in eos, qui ad irrigationes agrorum, uel hortorum, delicijs furtiuis, aquarum meatibus abutuntur. Innitor uerò *Theodosiani Codicis* fide lib. 15. ubi sub titulo de *Aquæductu*, eadem constitutio hanc habet lectionem, & ratione non leui. siquidem, qui deducunt à publicis tubis aquam, non abutuntur furtiuis meatibus, cum *Aquæductus*, furtiui meatus à nemine appellentur, sed bene clandestinis, furtiuisq; delicijs, hoc est derivationibus, uel sulcis aquarijs, malè & contra legum præscriptum utuntur publicis aquarum meatibus. *Iulius Frontinus* in lib. de *Aquædutilibus*, senatusconsulto, quod *Q. Aelio Tube*

## Hieronymi Magii

rone, et Q. Fabio Maximo Coss. editum fuit, aquam non nisi ex castello ducere licuisse scribit, ea ratione, ne aut riui, aut fistulæ publicæ, frequenter perfoderentur. Idē ait lege cautum fuisse, ne quis priuatus aliam duceret aquam, quā quæ ex lacu humum accederet, idest quæ ex lacu abundaret, quam, inquit, nos caducam uocamus. Agros uerò, qui aqua publica fuissent contra legem irrigati, publicatos esse. Quod attinet ad uocem, Delicijs, eam, quanquā insolēs sit auctoribus, à uerbo Delicio ductam arbitror, etymo tam hominum delicijs, quā huiusmodi deriuationibus congruente, à quo uerbo & Deliciares tegulas dictas puto, quarum sic meminit Cato in lib. de Re rustica cap. 14. Id tectum sic numerabitur, tegula, integra quæ erit : quæ non erit, unde quarta pars abierit, duæ pro una. Deliciares quæ erunt, pro binis putabuntur, &c. Deliciares enim tegulæ à Catone uidentur appellari, tegulæ quædam maiores in canaliculorum formam (has enim pro binis, ob magnitudinem æstimat) quæ in tectis, influentem aquam excipiunt, deorsumq; liciunt, & perdunt, eumq; præstant deducendis pluuijs in tectis usu, quem in agro elices, quos Columella lib. 2. Collicias, uel, ut alij legunt, Colliquias uocat; & maiores esse sulcos dicit, in quibus  
aqua,

aqua, si redundat, excolatur. Has tegulas Collicias etiam dictas Festus testatur, & canaliculorum formam habuisse, demonstrare uideatur his uerbis, Collicia, inquit, tegulae, per quas aqua in uas defluere potest. Et si non melatet eundem Festum testari, tegulas Deliciares, pro ut etiam tectum deliciatum, dici à delicia tigno, quod à culmine ad tegulas angulares infimas uersus fastigiatum collocatur, unde coniecturae locus detur, tegulas illas Deliciares Catonis, ideò maiores fuisse, atque ampliores duplo ceteris, quòd ipsis Delicia tignū esset tegendum. In qua tamen re suum cuique iudicium liberum esto.

Tertium'ne Cōsul, an Tertiò dici oporteat. M. Varronis sententia impro-  
bata.

CAP. IX.

**T**ERTIVM'NE Consul, an tertiò dici oporteat, quærit Gellius lib. 10. Noct. Attic. cap. 1. sed fluctuat, & si M. Varronis sententiam approbare uidetur. Varronis uerba ex libro Disciplinarum quinto hæc sunt, Aliud est Quartò Prætorem fieri, & Quartum: quòd Quartò, locum adsignificat, ac tres ante factos: Quartum tempus adsignificat, & ter ante factum. Igitur Ennius rectè conscripsit,



## Hieronymi Magii

» Quintus pater, quartum fit Consul.  
Et Pompeius timide, quod in Theatro ne ad-  
scriberet, Consul tertium, aut tertio. extre-  
mas literas non conscripsit. Hæc Varro. Qua  
de re memini me aliquid legere apud Vallam  
lib. 3. Elegan. cap. 58. Sed mihi Varronis, e-  
iusq; asseclarum sententia non usquequaq; ue-  
ra uidetur, quandoquidem antiquissima lapi-  
dis inscriptio, quæ Romæ uisitur, illi maxime  
obstat, est enim in hæc uerba,

P. DECIVS DECII F. PRIMO COS.  
DE SAMNITIBVS TRIVMPHANS  
SPOLIA EX HIS CAERERI CON-  
SECRAVIT ITERVM ET TERTIO  
COS.

Quem loquendi morem Romæ doctum quen-  
dam uirum Cælium, et Q. Claudium, Gellius  
sequutus refert. Hos uerò leuibus ductos con-  
iecturis, mihi non fit uerisimile. Adde quod  
tertium & tertio indifferenter, quemadmo-  
dum primum & primo, dici uidentur. Teren-  
tius in Adel.

» Næ ego sum infelix, primum fratrem nus-  
quam inuenio gentium.

In Phor. uerò. Cæpi aduersari primo, &c.

Veteris fuisse instituti apud Romanos, cremare hominum cadauera: Plinius, qui hoc negat, reprehensus.

## CAP. X.

EST à Plinio scriptum in septimo librorum, quos de Naturali historia posteris legendos reliquit, cap. 54. ipsum cremari non fuisse apud Romanos uetustiores in usu, Ipsum, inquit, cremari, apud Romanos non fuit ueteris instituti: terra condebantur. At postquam longinquis bellis obrutos erui cognouere, tunc institutum; & tamen multæ familiæ priscos seruauere ritus: sicut in Cornelia nemo ante Syllam Dictatorem traditur crematus; idque uoluisse, ueritum talionem, eruto C. Marij cadauere. Hæc Plinius. Idem de Sylla scriptum Cicero in lib. 2. de Legibus reliquit. Plinij sententiam nullus hodie ferè est, qui non approbet. Ego lapsum esse Plinium existimo, primum quia Duodecim tabulæ cadauerum con cremationis faciunt mentionem. Cicero libro prænotato, Hominem mortuum, inquit lex in Duodecim tabulis, in urbe ne sepelito, ne'ue urito. Credo uel propter ignis periculum. Quod autem addit, Ne'ue urito. indicat non qui uratur sepeliri, sed qui humetur. Hæc Cicero. Constat autem Gellio attestante lib. 20.

## Hieronymi Magii

Noct. Attic. cap. 1. trecentesimo anno post Romam conditam, Duodecim tabulas compositas, scriptasq; esse. Quamobrem meritò, comburendorum cadauerum consuetudinem, quæ ante Decemuirale ius extiterit, Plinio uetustam non uideri, miratur eruditissimus pariter atque elegantissimus uir Paulus Manutius in libro de Legibus Romanis. Præterea quia Plutarchus in Numæ uita demonstrat, antiquissimis temporibus Romæ fuisse in more positum ut corpora flammis absumerentur. ait enim cauissse Numam, ne corpus suum exureretur, Atqui, inquit, cadauer igni haud dedere, quoniam is cauisset, ut dicitur: sed duabus arcis lapideis factis, eum sub Ianiculo condiderunt, quarum altera habebat corpus, altera libros sacros, quos ipse scripserat, &c. Fuit nanque Numa secundus Romanorum Rex, et cum ab urbe condita anno trigesimonono regnare cœpisset, regni sui anno 43. obiit. Quamquam non me latet Ciceronem libro citato, ad priscum sepeliendi morem demonstrandum (quæ me res in admirationem abducit) Numæ sepulturam allegare. Huc accedat quòd suo se Plinius gladio iugulat, Posthumiam nanque Numæ legem, uino rogi aspergi uetuisse dicit. eius libro 14. cap. 12. hæc sunt uerba, Numæ Regis posthumia lex est, VINO RO-

GVM NE ASPERGITO. quod sanxisse illum propter inopiam rei nemo dubitet, &c. ut credi etiam fortasse possit, Romuli quoque temporibus, aut etiam uetustioribus, cremandorum cadauerum ritum in Italia fuisse, quem Virgilius lib. XI. *Aeneidos*, & Ouidius *Fastorum* lib. 4. agnoscant. Sic enim cecinit Ouidius de Remi nece, & funere loquens,

» Dat tamen exequias, nec iam suspendere fletum,

» Sustinet, & pietas dissimulata patet.

» Osculaque applicuit posito suprema feretro,

» Atque ait, Inuito frater adempte uale.

» Arsurosque artus unxit; secere quod ille

» Faustus, et mæstas Acca soluta comas.

» Tunc iuuenes nondum facti fleuere Quirites,

» Ultima plorato subdita flamma rogo est.

Nisi fortasse quis dicat, hoc κατὰ πρόληψιν moris ab Ouidio, & ea etiam, quæ de concrematione Virgilius dixit, esse prolata, cuius rei illud sit argumentum, quod Ouidius dicat unctum fuisse Remi cadauer, cum tamen nullus tunc penes homines postea Romanos nuncupatos, unguentorum usus fuerit cognitus, præsertim ad ungenda cadauera. Quandoquidem Plinius lib. 13. cap. 1. sic scribit, Primum, quod equidem inueniam, castris Darij

Regis

Regis expugnatis, in reliquo eius apparatu  
Alexander cepit scrinium unguentorum. Po-  
stea uoluptas eius à nostris quoque inter lau-  
datissima, atque etiam honestissima uitæ bona  
admissa est. Honosq; is & ad defunctos per-  
tinere cæpit, &c. Vnde & illud Ennianum  
κατὰ πόλιν in moris dictum uidetur existi-  
mandum, cum inquit,

» Tarquiniij corpus bona fœmina lauit, &  
unxit.

Blondus Forol. lib. 2. Romæ triumph. ex Ver-  
gilij auctoritate libro citato, & Terentij in  
Andria, consuetudinem concremandi cadaue-  
ra adstruit, nec anticipationis aut regionum di-  
uersitatis habet rationem. Idemq; quod est à  
Plinio de hac re scriptum, uerum fuisse in Pa-  
tricijs contendit.

Dissidium, quod inter Tacitum, & sa-  
cras literas esse uidebatur, sublatum.

CAP. XI.

SVPERIORA me admonent, ut pugnan-  
tiam quandam, quæ inter Tacitum, & sa-  
cras literas super cadauerum concrematione  
esse uidetur, componam. Inquit Tacitus lib.  
21. de Iudæis loquens, Corpora condere, quàm  
cremare, more Aegyptio, etc. Sed uideo apud

He-

*Hebræos quoq; cadauera fuisse combusta, hæc enim uerba leguntur Ieremiæ cap. 34. Attamen audi uerbum Domini, Sedecia Rex Iuda, Non morieris in gladio, sed in pace morieris, & secundum cōbustiones patrum tuorum Regum priorum, qui fuerunt ante te, sic comburent te, & Væ domine, plangent te, quia uerbum hoc ego locutus sum, dicit Dominus. Regum uerò lib. 1. cap. 31. proditum est, Saul, & filiorum eius cadauera exusta fuisse. Surrexerunt omnes uiri fortissimi, et ambulauerunt tota nocte, & tulerunt cadauer Saul, & cadauera filiorum eius de muro Bethsan, ueneruntq; uiri Iabesgalaad, & combusserunt ea ibi igni, & tulerunt ossa eorum, & sepelierunt in nemore Iabes, et ieiunauerunt septem diebus. Hæc ibi. Vides sacras literas Tacito aduersari. Cùm hæc aliquid mihi negcij facesserent, consului cap. 16. libri 2. Paralip. in quo nescio quid hac de re me legisse memineram, si fortè ex locorum, ut sit collatione, quid esset existimandum, intelligerem. sic autem in capitis calce de Asa Rege scriptum inueni, Et sepelierunt eum in sepulchro suo, quod soderat sibi in ciuitate David: posueruntq; eum super lectum suum plenum aromatibus, & unguentis meretricijs, quæ erant pigmentariorum arte confecta, et combusserunt super eum  
ambi-*

## Hieronymi Magii

ambitione nimia. Quibus ego uerbis in eam  
 statim sum adductus sententiam, ut existima-  
 rem, exustionem Sedecia, cuius meminit Iere-  
 mias, non huic absimilem fuisse, scilicet citra  
 cadaueris concremationem, Hebræorumque  
 Rabinos consentire animaduerti. Siquidem Ra-  
 bi David Chimchi ad prænotatum cap. 31. re-  
 tulit Rabinus prodere, cōsueuisse exuri lectos,  
 uestes, aliaq; utensilia Regum. quo suspicatur  
 respexisse Rabinum Ionadan; dum ait, super  
 Saulis cadauere eam factam esse exustionem,  
 quæ super alijs regibus fieri consueuerat.  
 Idemq; Chimchi ad citatum cap. 34. Ieremiæ  
 in hanc loquitur sententiam, Comburent te, sci-  
 licet ut comburebantur super lectis Regum ip-  
 sorum aromata, & unguenta aromatibus mi-  
 sta, ut dictum est in Rege Asa: nostriq; Rabini  
 declarant, has res super ipsis fuisse exustas,  
 scilicet lectos, uestimenta, aliaque utensilia.  
 Hæc ille. Idem interpres ad cap. 16. lib. 2. Pa-  
 ralip. suprà citatum, sic ait, Combusserunt su-  
 per ipso aromata in cinere bona, eumq; cine-  
 rem super ipsum sparserunt. Ibidem ait, præ-  
 ter aromata, comburi etiam solita super Re-  
 gibus supellectilia. Id ea de causa, quantum  
 ad lectos supellectiliaq; attinet, fieri consue-  
 nit, ut ait Isaac Abaruanellus in Com. in cap.  
 15. libri 1. Regum, ne in usum cuiusquam,  
 qui



qui ex regia prosapia non esset, adsumerentur; atq; hanc exustionem in omnium Regum funere factam esse. Sed mihi præter quàm in Regibus, qui ex stirpe erant Dauidica, id factum esse, non constat. Vides de cadauerum exustione nihil omnino dici. Quod autem spectat ad Saulis eiusq; filiorum cadauera, idem Rabi Dauid Chimchi in Com. in idem cap. 31. lib. I. Regum, literis consignauit, cadauera illa fuisse cremata quòd iam computruissent, uermibusq; scaterent, essetque indecorum ea ita uisu et odore sœda, sepulchro inferre; ideò ossa carnibus exuta, fuisse condita sepulchro. Iam igitur patet nullum inter sacras literas & Tacitum hac in re esse dissidium.

Cauisse scriptores, ne Gallos, frugum uinique dulcedine captos, alpes superasse, seq; Italiæ superfudisse affirmarent. Valerius Probus reprehenditur, & constitutio quædam Valent. & Grat. Imp. illustratur. CAP. XII.

**G**ALLOS gentem fuisse olim, esseq; etiam hodie bellicosissimam honorisq; appetentissimam, tum grauissimorum auctorum testimonia, tum eorum res gestæ præclarissimæ declarant. Hos uini frugumq; delitijs, & dulcedine

dine pellectos, alpium impedita asperaq; iuga  
 superasse, seq; in Italiam effudisse, fama olim  
 increbuerat. Verum cum hæc belli illati causa  
 indignior esse uideretur, quæ ad eam suscipien-  
 dam provinciam populos nobilissimos ac belli  
 ca uirtute florentes impelleret, religiosè scrip-  
 tores uitauerunt, ne id affirmarent: eamq; ob  
 rem infamam, quæ mendacio carere non so-  
 let, historiam retulerunt. Liuius lib. 5. Deca-  
 dis 1. Eam, inquit, gentem traditur fama dul-  
 cedine frugum, maximeq; uini noua tunc uo-  
 luptate captam, alpes transisse, agrosq; ab He-  
 thruscis ante cultos possedisse: & inuexisse in  
 Galliam uinum illiciendæ gentis causa, A-  
 runtem Clusinum, etc. Vt mirer doctissimos  
 uiros Liuius, nihil præterea affirmanti, hoc  
 nomine iniqui, & exulcerati animi notam  
 inurere. Plutarchus in Camilli uita de Gallis  
 loquens ita ex interprete inquit, Tunc, ut fa-  
 ma est, primum gustantes uinum ex Ita-  
 lia delatum, sic illius admiratione ac noui-  
 tate suauitatis amentes facti sunt omnes, ut  
 collectis armis, sumptisque filiis, ad alpes  
 concefferint, quæsierintque eam terram, in  
 qua huiusmodi fructus oriretur: aliam autem  
 infructuosam, atque immitem arbitrabantur.  
 Primum, qui ad illos uinum detulit, ac in Ita-  
 liam eos accersiu, Aruntem Tyrrhenum  
 fuisse

fuisse ferunt, uirum & splendore, & natura præstantem. Hæc Plutarchus. Plinius Natur. hist. lib. 12. cap. 1. Produunt, inquit, alpi-  
bus coërcitas & tum inexuperabili munimen-  
to Gallias, hanc primum habuisse causam su-  
perfundendi se Italiae, quod Eliquo ex Helue-  
tius ciuis earum, fabrilem ob artem Romæ  
commoratus, ficum siccam, & uuam, olei-  
q; ac uini præmissa, remeans secum tulisset. Qua  
propter hæc uel bello quæsisse uenia sit. Hæc  
Plinius. Vides nullum affirmare quicquam,  
sed duntaxat quæ ferebantur retulisse. Ludo-  
uicus quoque Ariostus, qui inter uernaculos  
Poëtas, seu potius Cantores meritò primas  
obtinet, in Rholando suo furenti, de uino lo-  
quens, hos imitatus sic cecinit,

» L'almo liquor che à' meditori suoi.  
» Fece Icaro gustar con suo gran danno,  
» Et che si dice che già Celti, e Boi  
» Fe passar l'alpi, & non sentir l'affanno. etc.  
Nisi fortè exemplo planè Poëtico, quod incre-  
dibile uidebatur, fama comprobare uoluerunt.  
Aristoteles enim in libro de Poëtica, quod fie-  
ri non posse uidetur, apud Poëtas tribus mo-  
dis, quorum unus fama est, defendi dicit, ὅλας  
δὲ ( inquit ) τὸ ἀδύνατον μὲν ἢ πρὸς τὴν ποιή-  
σιν, ἢ πρὸς τὸ ἐέλτιον, ἢ πρὸς τὴν δόξαν δεῖ ἀνά-  
γειν . hoc est, In summa, quod fieri nequit, uel  
ad

ad ipsam poësim, uel ad meliorem eius modum, siue etiam ad famam referendum est. Quamobrem Virgilius, quæ magna admirabiliaq; sunt, & fidem excedere uidentur, famæ adscribit. Vnde illud,

» Quam Iuno fertur, terris magis omnibus unam.

» Item, Fama est Enceladi, etc.

» Præterea, Dedalus ut fama est.

Ahæc,

» Nanque ferunt fama Hippolytum.

Vt erret Valerius Probus antiquus, & non indoctus Virgilij explanator, qui in Com. in Aeclogam 6. id proprium, et peculiare in Virgilio esse affirmauerit, cum omnibus Poëtis sit cōmune. Quia prædicta de Gallis, quam ex famæ solum auctoritate, tradebantur, uideri possunt Imperatores Valentinianus, & Gratianus (quod & Alciatus existimat Dispunctionum lib. 4. cap. x i.) constitutionem infrascriptam promulgasse, ne Barbari, gustu uini, olei, & liquaminis admoniti, Romani Imperij regiones, hostiliter inuaderent. Hæc legitur C. sub titulo, Quæ res exportari non debeant. estq; in hæc uerba, Ad Barbaricum transferendi uini, olei, & liquaminis nullam quisquam habeat facultatem, nec gustus quidem causa, aut commerciorum.

Etsi

*Et si hac etiam constitutionis causa fuisse uideri potest ( Alciato licet reclamante ) ne gustus aut commerciorum prætectu , uel quantitate etiam non magna admodum , sæpius ad Barbaros conuectanda , fraus legi fieret , aut illi gustu admoniti , uitibus oleisq; agros , si regio ferre posset , conferrent , atq; his liquoribus , qui plurimum usui atque adiuumento sunt mortalibus , aucti ac robustiores redditi , uel ardentius in limitaneos milites , idest in eos , qui in Imperij limitibus iugiter excubabant , irruerent ; uel dum Romani eorum se regionibus superfunderent , eosq; debellare niterentur , acrius resisterent . Vox autem Barbaricum , in hac constitutione pro Barbarorum regione uel loco ponitur , ex Græcorum imitatione ; Βαρβαρικόν , enim , ut Ammonius ait , locum uel rem Barbarorum significat . Aut fortasse dicitur Barbaricum , quemadmodum , & hosticum . Liuius lib. 6. Decadis 1. Romano contra in hostico commorandi causa erat ut hostem ad certamen eliceret , etc. Vox eadem in Florentinis Pandectis legitur , quanquam corruptè , pro hostico enim , codex ille uetustissimus , hosticolo habet .*

## Hieronymi Magii

De Urbis à Romulo ædificatæ forma,  
M. Varronis contextus corruptissi-  
mus emendatur, & declaratur. De  
Pomœrio multa, in quibus complu-  
rium auctorum errores demonstnan-  
tur.

CAP. XIII.

**R**OMVLVM urbem Romam quadratam  
designasse, atque ædificasse, grauiſſimi au-  
ctores testantur. Fabius Piſtor scriptor anti-  
quiſſimus, lib. 2. de Romulo loquens, Adſcito  
enim ex Hethruria uate atq; sacerdote, olym-  
pum fecit, pomœriumq; ſacravit, & aratro  
ab olympo in uico Tuſcò, per Palatium cir-  
cunducens, ab imo collis ad uerticem, quadra-  
tam urbem ſignauit. Sic Piſtor. De quo futu-  
ræ urbis quaſi lineamento hæc habet Tacitus  
lib. 12. Igitur, inquit, à foro Boario, ubi æ-  
reum tauri ſimulachrum aſpicimus, quia id ge-  
nus animalium aratro ſubditur, ſulcus deſi-  
gnandi oppidi cœptus, ut magnam Herculis  
aram amplecteretur. Inde certis ſpacijs inter-  
iecti lapides per ima montis Palatini, ad a-  
ram Conſi; mox curias ueteres: tum ad ſacel-  
lum Larium, forumq; Romanum. & Capito-  
lium non à Romulo, ſed à T. Tatio additum ur-  
bi credidere. Mox pro fortuna pomœrium au-  
ctum, &c. Cato in fragmentis Originum, Ro-  
mulus,

mulus, ait, cum Palatio, in quo quadratam Romam condidit, &c. Pompeius lib. 15. Quadrata, inquit, Roma in Palatio ante templum Apollinis, dicitur locus, ubi reposita sunt quæ solent boni ominis gratia in urbe condenda adhiberi, quod saxo munitus est initio in specie quadratam. Eius loci Ennius meminit cū ait,  
 » Et quis extiterat Romæ regnare quadra-  
 tæ?

Romæ in Palatio conditæ ex Antigono Itali-  
 cæ historiæ scriptore, idem Pompeius infrà li-  
 bro 16. meminit: sic etiam Varro libro 5. de  
 Lingua Latina. Plutarchus in Romulo. *ῥόμῳν  
 τετραγώνον* uocauit, idest quadrangulam, qua-  
 lem Crinitus lib. 4. de Honestâ disciplina cap.  
 9. à Iulio Solino significatam existimat, dum  
 ille ad æquilibrium eam factam fuisse scriptum  
 reliquit. Cum ex his meridiana luce clarius  
 constet, Romam fuisse à Romulo quadrata for-  
 ma designatam, & constructam, & cognosca-  
 mus prædictorum auctorum testimonijs Ro-  
 mulum Hethrusco ritu condidisse Romam, di-  
 gnum maxima est admiratione quod apud Var-  
 ronem libro 4. de Lingua Latina legitur sci-  
 licet oppida Hethruscorum ritu in orbem de-  
 scribi consueuisse ante quàm conderentur, &  
 ab orbe illo urbes dicta fuisse. Quare existi-  
 mauim aut corruptum esse Varronis conte-



## Hieronymi Magii

*xtum, aut eum esse (quod creditu difficile est) hallucinatum, & in cognoscenda antiquitate cæcutire. Eius uerba qualia leguntur in uulgatis exēplaribus, et in manuscriptis, quæ mihi legere contigit, apponam. Oppida, inquit, in Latio condebant Hethrusco ritu multa, idest, iunctis bobus, tauro & uacca interiore, aratro circumagebant sulcum. Hoc faciebant religionis causa, die auspicato, ut fossa & muro essent munita. Terram unde excluderant, fossam uocabant, & introrsum factum murum. Quodq; postea fiebat orbis, & urbis principium. Quod erat post murum Pomærium dictum, eiusq; auspicia urbana finiuntur. Cippi Pomærij stant, & circum aræ quædam, et circum Romam. Quare & oppida, quæ prius erant circumducta aratro, ab orbe & uruo, Urbes. Et ideò coloniæ nostræ omnes in literis antiquis scribuntur urbes, quòd item conditæ ut Roma. Et ideò coloniæ, & urbes conduntur, quòd intra Pomærium ponuntur. Hæc Varro. His uerbis plures insidere labes uideo, quas Michaël Bentinus, & alij, qui post eum Varronis corruptissimos libros à mendis repurgare nixi sunt, haudquaquam animaduertunt. Eas, uetustorum ac spectatæ fidei exemplarium ope destitutus, omnes me eluere non posse doleo, quod tamen cōiectura possum præstabo.*

Flabo. Inquit Varro, Quodq; postea fiebat orbis, & urbis principium. } Afferret auctor eorum, quæ fiebant, nomina, quæ sunt, Fossa, Murus, Urbs, Pomærium. Hic sine dubio, urbis nomen cum suo etymo. Sic ergo est legendum, Quodq; propterea fiebat orbis principium, est urbs. Orbis autem, de quo loquitur Varro, est fossa illa in girum excavata, quæ Olympus dicebatur, & ante omnia fiebat, et à qua sulci initium ducebatur, ideò hic orbis, appellatur ab eo principium. Pictor citato lib. 2. Itē, inquit, Herculis ara, ubi Olympus, et initium sacri aratri. Ab hac fossa sulcū duci consuevisse, testatur etiam Ovidius Fastorum libro 4. qui ritum condendarum urbium optimè appingit, inquiens,

- » Apta dies legitur, qua mœnia signet aratro,
- » Sacra Palis suberant, inde mouetur opus.
- » Fossa fit ad solidum, fruges iaciuntur in ima,
- » Et de uicino terra petita solo.
- » Fossa repletur humo, plenæque imponitur ara,
- » Et nouus accenso funditur igne focus.
- » Inde premēs stiuam designat mœnia sulco,
- » Alba iugum niueo cum boue uacca tulit.

De eadem fossa Plutarchus quoque in Romulo sic ait ex interprete, Accersitis ex Hethruria uiris, qui sacris quibusdam ritibus, & literis singula edocerent, atque exponerent quemadmodum in mysterijs, fossam rotundam effodit in loco, cui nunc Comitio nomen est, primitiasque omnium, quibus lege quidem ut honestis, natura autem ut necessarijs utebantur, in eam deposuerunt. Et ad postremum ex qua quisque profectus erat terra, particulam quandam ferens, eodem coniicientes, commiscuerunt. Vocant autem fossam ipsam eodem, quo Olympum nomine, Mundum. Deinde &c. De eadem fossa Xenophon Græcus auctor in libro Aequiuocorum, A' Barbaris uerò, inquit, omne spatium circulare ultimū,lympus dictus est, & cum interiori area Olympus, à quo Astrolabium Olympus, & sacrum pomærium Olympus est. Hæc ille. Ioannes Annius Viterbiensis, fossam illam rotundam Hethrusos Mundum appellasse dicit, Græcos uerò Olympum, scilicet ueteri uocabulo Barbaro, Græcis usitato. Verum ego apud Varronem lib. 6. de Lingua Latina, inuenio, Olympum Græcam esse uocem, Cælum, inquit, dicunt Græci Olympum: montem in Macedonia omnes, à quo potius putato dictas Musas Olympiadas. Sic Varro. Cælum autem ab Hethruscis nostris nō Mundum.

anti-

antiquitus dictum inuenio, sed Phalandum, Pompeius lib. 6. Phalæ, inquit, dictæ sunt ab altitudine, à Phalandò, quod apud Hethruscos significat cælum. Cum ergo Barbaros dicit Xenophon, Latinos in uniuersum significat, qui lympi uoce & olympi in ea significatione utebantur. Siquidem Varro in Doliò Satyra, ut ex eius uersibus à Valerio Probo in Commen. in Virgilium relatis, est manifestum, Zodiacum lymbum appellat, qua de re Crinitus lib. 3. de Honestà disciplina cap. 11. Eademq; uoce usus est Plinius. Apud eundem Varronem Cossinius sic ait, Capellarum dentes inimici sationis, quas etiam Astrologi ita receperunt in cælum, ut extra lymbum duodecim signorum excluderint. Hæc ille. Barbaros autem Latinos appellat Xenophon Græcorum more, qui omnes nationes præter Græcas, Barbaras uocant, Ammonius in de Simil. et differētibus diētionibus, βάρβαρον μὲν γὰρ ἐστὶν ὄνομα τὸ οὐκ ἑλληνικόν. De qua uoce nos ex Strabonis auctoritate lib. 14. Geog. et aliorum, multa in Annot. nostris in Proëm. Instit. Iustiniani. Sed redeo ad rem. Fossam prænotatæ persimilem Olympum quoq; dictam, facere & sacrare etiam in templorum dedicatione consueuerant, quod uerum esse demonstrat Cato in Originum frāgmētis, inquit de Iano, Ἀΰγικανό pro-

## Hieronymi Magii

gressum in tractum Umbriae, fundasse regiam,  
& fani olympum, fossamq; sacrasse, & Au-  
gustalem Thurrenam non longè à regia dedi-  
casse, &c. Iam igitur quis sit orbis, cuius me-  
minit Varro, & quomodo locus sit restituen-  
dus, intelligis. Eundem intelligit orbem infra  
cum inquit, Ab orbe, aut uruo urbes.] Est e-  
nim Aut, non Et, legendum, eo quòd duas po-  
nat Varro etymologias, quarum posteriorem  
elègit Pomponius Iuriscòsultus, ut cernere est  
in. l. Pupillus. ff. de Verborum significatione.

NUNC ad Pomærium ueniamus. Quod  
erat post murum, Pomærium dictum, ut ui-  
des, testatur Varro. Iulius Pollux lib. 9. in-  
tra muros solum Pomærium locat, inquiring  
ex interprete, Ingressis uerò omne illud dici-  
tur Pomærium, intra muros, intra mœnia.  
Interius autem plateæ, &c. Plutarchus e-  
tiam in Romulo, quod intra lineam murum dis-  
finientem relinquitur, Pomærium esse dictum  
ait detractis per syncopam è medio literis,  
quasi pone murum. Aggenus Urbicus in  
Com. in Iulium Frontinum, in uniuersum Po-  
mærium extra muros urbes habuisse dicit, ali-  
quas uerò intra. Pomærium autem, inquit, ur-  
bis est, quod ante muros spaciū sub certa men-  
sura dimissum est. Sed et aliquibus urbibus et  
intra muros simili modo est statutum, propter  
custo-

custodiam fundamentorum, quod à priuatis operibus obtineri non oportebit. Hic locus est, qui à publico nullo iure poterit amoueri, &c. *Liuius lib. 1. Dec. 1.* & intra & extra urbes *Pomærium* agnoscit, deq; ipso ita commemorat, *Pomærium*, inquit, uerbi uim solam intuentes, post *mænium* interpretantur esse. Est autem magis circa murum locus, quem in condendis urbibus, quondam *Hethrusci*, quæ murum ducturi erant, certis circa terminis inauguratò consecrabant, ut neque interiore parte ædificia *mænibus* continuarentur, quæ nunc uulgò etiam coniunguntur; et extrinsecus puri aliquid ab humano cultu patêret soli. Hoc spacium, quod neque habitari, neque arari fas erat, non magis quodd post murum esset, quàm quodd murus post id, *Pomærium* *Romani* appellarunt: et in urbis incremento, semper quantum *mœnia* processura erant, tantum termini hi consecrati proferebantur. Hæ *Liuius*. *Gellius autem lib. 13. cap. 14.* ex libris *Augurum Populi Ro.* *Pomærium* esse dicit, locum intra agrum effatum per totius urbis circuitum pone muros, regionibus certis determinatum, qui faciebat finem urbani auspicij. Antiquum autem *Pomærium*, quod à *Romulo* institutum fuit, *Palatini montis* radices terminum habuisse. Cui adstipulatur *Tacitus* in-

quiens,



## Hieronymi Magii

quiens certis spatijs à Romulo interiectos fuisse lapides per ima montis Palatini, &c. scilicet ad significandos Pomærij terminos, quos Varro cippos appellat, aras quasdam etiam his terminis addens. Terminorum intra muros nulla fit mentio, ea, ut opinor de causa, quod non sit relictum intra muros Pomærium.

Quamquam apud eundem Gellium lib. 15. cap. 27. ex uerbis Lælij Felicis infrascriptis, contrarium suspicari quis possit. Centuriata autem comitia, inquit Lælius, intra Pomærium fieri nefas esse, quia exercitum extra urbem imperari oporteat, intra urbem imperari ius non sit, etc. Quæ tamen nihil me mouent, cum Pomærium urbis appellatione, tametsi extra urbem sit, comprehendatur. Equidem Libris Augurum, Varroni, & Tacito (ut de Urbico Christiano homine nec adeò antiquo auctore nihil loquar) magis quam Liuius, Plutarcho, & Polluci crediderim; ideoque arbitror unum duntaxat apud priscos fuisse Pomærium, idque post muros, idest extra muros, eamque ob rem Plutar. qui de antiquo Pomærio loquatur, errare, item Pollucem, qui exterius Pomærium non agnoscat: postea uerò & intra muros relinqui consueuisse. Quod spectat ad Pomærij etymologiam Varro quasi post murum dictum significare uidetur, inquiens, Quod erat post murum Pomærium dictum

Etum



Etum, eiusque [terminis] auspicia urbana finiuntur, &c. Cuius loci lacunam expleo uoce, terminis, ut pro uiribus opem auctori feram. Liuius quosdam quasi post mœnium (significat autem, ut opinor, Varronem) interpretari testatur, quasi post mœnia, idest post murum sit Pomœrium, ipse non magis quod post murum esset, quàm quod murus post id. Sed malè ut mihi uidetur: siquidem cùm primum hæc uox exorta inditaq; loco est, unum duntaxat, idq; extra muros erat in usu Pomœrium. Verùm nec Varronem primi nominis in etymologiarum indagine auctorem, Pomœrium, quasi postmœnium, dictum sensisse reor, sed magis quasi postmœrium. muri enim antiqua uoce Latina, qua Lucretius usus est, mœri dicebantur, ita nanque hîc inquit lib. 7.

» Frigus ut à fluuijs, calor à Sole, æstus ab undis

» Aequoris exesor mœrorum litora propter. Ut etiam refellenda mihi uideatur & quæ à Pompeio assertur etymologia lib. 14. in his uerbis, Prosmurium, pontificale Pomœrium, ubi Pontifices auspicabantur. Dictum autem Pomœrium, quasi promurum, idest proximum muro. Hæc ille. Primus autem, qui Pomœria docuerit, Ianus fuit, si Fabio Pictori credimus, qui libro priore sic habet, de Iano loquens

## Hieronymi Magii

*quens, Primus enim aras, & pomæria, & sacra docuit, & ad pudorem & sanctimoniam domorum, primus ualuas, & sacras clauas excogitauit, & inuénit, & ab eo dictæ ianuæ. hæctenus Pictor. De pomærij productione Tacitus lib. 12. & Gellius lib. 13. cap. 14. Ex quibus à Ser. Tullio, à Sylla, Augusto, & D. Claudio eam factam discimus. Sanè productionis à Claudio factæ, testis præterea extat etiam num Romæ in peruetusto lapide inscriptio huiusmodi,*

T. CLAVDIVS DRVSI F. CAISAR  
AVG. GERMANICVS PONT.  
MAX. TRIB. POT. VIIII. IMP.  
XVI. COS. IIII. CENSOR. PP.  
AVCTIS POPVLI ROMANI FINI-  
BVS POMOERIVM AMPLIAÏT  
TERMINAÏTQ.

*De Pomærio illud quoque, antequàm finem facio, non est prætermittendum, Theodosium Imperatorem, ut Zonaras memoriæ consignauit, cura Cyri Præfecti Prætorio Oriëtis, Constantinopoleos protulisse pomærium. Ad hæc ut testatur Pompeius lib. 16. fuisse olim Hethruscorum libros Rituales dictos, in quibus perscriptum esset, quo ritu conderentur urbes, aræ, ædesq; sacrarentur, qua sanctitate muri, quo iure portæ, quomodo tribus, curiæ,*

ria, centuriæ distribuendæ essent, exercitus constituerentur, ordinarentur, cæteraq; eiusmodi ab bellum, & pacem pertinentia.

Quibus olim uestibus in luctu mulieres uterentur: Blondi Foroliuiensis, Vrbinitis uiri non indocti, & aliorum sententia improbatur. CAP. XIII.

**Q**UÆRIT in problematibus Plutarchus quid causæ esset, ut mulieres in luctu albis uestibus induerentur; & huius instituti non unam affert causam. Quo, ut arbitror, loco permoti, Blondus Foroliuiensis, lib. 2. Romæ triumphantis, Urbinas ille, qui libros de Inuentoribus rerû conscripsit, & alij non indocti uiri, nulla temporum distinctione adhibita, in luctu antiquas mulieres, albas semper uestes usurpasse existimant. Quibus Herodianus adstipulari uidetur, qui in Romanorum Imperatorum apotheosi, funere magnifico, matronas albis indutas adfuisse commemorat. Sed errant hi, ut non una auctoritate ueterum demonstro. Varro de Vita patrum, ut apud Noniû legitur, de muliere, Amiculo, inquit, nigello, capillo dimisso sequeretur luctum. Idê, Vt dum suprà terram essent, ricinis lugerent, funere ipso pullis pallis amictæ, Erat autem  
ricinum

vicinum, ut Nonius ait, quod sua etate mafurtium dicebatur, palliolum fæmineum breue. cuius formam appingit ipse met. Varro lib. 4. de lingua Latina. Apuleius lib. 2. de Afino aureo, Umbrosum, inquit, demonstrat cubiculum, matronam flebilem, fusca ueste contectam. Hæc ille. Eadem quoque apud Græcos consuetudo fuisse uidetur, siquidem Iphigenia Euripidis, Clytemnestræ matri iniungit, ne suam ob mortem comam laniet, idemq; ut suis renunciet sororibus, scilicet ne quando nigris uestibus membra contegant. Vnde & Homerus Iliad. lib. 24. Thetim, futuram filij necem deflentem, uelo nigro tectam Iouem adire facit. Niger enim color mortalis est, ut inquit Hippocrates, in libro de Morbo sacro, siue quisquis ille fuit, qui librum eum conscripsit, nam Galenus Hippocratis esse negat. Theocritus in Epitaphio Adonidis, Venerem cyanea stola indutam, ad lugendum Adonidis mortem inuitat, sic enim ait,

αἰάζω τὸν Ἀδωνιν. ἀπώλετο καλὸς Ἀδωνίς.

ᾧλετο καλὸς Ἀδωνίς. ἐταῖράζουσιν ἔρωτες  
μηκέτι πορφυρέοις ἐνὶ φάρεσι κύπρι καθάδε.  
ἔγρεο δειλαῖα κυανόσολε, καὶ πλατάγησον  
σῆθεα, καὶ λέγε πᾶσιν, ἀπώλετο καλὸς  
Ἀδωνίς.

Idest.

Idest.

» Defleo Adonem, perijt pulcher Adonis

» Perijt pulcher adonis. plorant insuper Amores.

» Non ampliùs purpureis in uestimentis ò  
» Venus dormi.

» Excitare misera cyanea ueste induta, &  
» plange

» Pectora, & dic omnibus, Perijt pulcher  
» Adonis.

Cianeus enim color & cæruleus puerorum adolescentiumq; funeribus conueniebat. Quàobrem & Virgilius lib. 3. Aeneid. in funere, quod Polydoro instaurabatur, tenias cæruleas aris apposuit,

» ——— stant manibus aræ

» Cæruleis mæstæ uittis, atraq; cupresso.

Nigrarum uestium mos apud mulieres Romanas mox obsoleuit, ut Plutarchi testimonio intelligitur. Demù moribus deprauatis & uiros albas uestes in luctu usurpassè, suspicari possumus ex his Iulij Pauli uerbis lib. 1. Sententiarum, sub titulo de Sepulchris, & lugendis. Qui luget, inquit, abstinere debet à conuiujs, ornamentis, et alba ueste. Hæc ille. Floruit uerò Iulius Paulus lógo annorù spacio post Plutarchum: nam ex Lampridio constat, eum Papiniani, L. Septimij Seueri affinis, ac amici,

— præ-

**Hieronymi Magii**  
*discipulum fuisse: Plutarchum uerò Traiani  
præceptorem extitisse. Traianus autem anno  
à CHRISTO nato 100. Septimius uerò Se-  
uerus 196. regnare cœpere.*

*Quæ fuerit antiquorum de aquarum or-  
tu sententia. Aristotelem contradi-  
cendi studio immodico, Platonis di-  
cta quædam luxare, atque in absurda  
sensu detorquere.* CAP. XV.

**C**ONSTANS priscorum sententia habet,  
aquarum omniū è penitissimis terræ par-  
tibus originem esse, quas *Abyssum* Sacræ lite-  
ræ, *Socrates* uerò *Tartarum*, appellant. *Ad-  
eas Mosem Geneseos cap. 8. Isaiam 44. Au-  
torem Iob. 38. Dauidem Hymno 33. & 77.  
Ezechielem 31. Esdram lib. 4. cap. 4. Abyf-  
sum hâc uasto hiatu compræhensam aquarum  
salsarum cumulatis æquoribus, dicit Clemens  
Romanus lib. 8. Constitutionum Apo. cap. 16.  
Eandem significauit Dauid Hymno 17. cum  
inquit, Et apparuerunt fontes aquarum, &  
reuelata sunt fundament orbis terrarum. ut  
non immeritò idem infra Hymno 23. et 136.  
terram fundatam super aquis dixerit, quan-  
quàm & alijs sensibus peruia sunt utrobique  
Prophetæ uerba. Ex loco autem profundissi-*

mo ortum aquis sacras literas tribuere, manifestius demonstrat Esdras, qui eas diligenter scrutatur. sic enim ait cap. ciato, Et dixit ad me, Si essem interrogans te dicens, Quantæ habitationes sunt in corde maris, aut quantæ uenæ sunt in principio Abyssi, aut quantæ uenæ sunt super Firmamentum, aut qui sint exitus paradisi? diceres mihi fortassis, In Abyssum non descendi, neque in infernum adhuc, neq; in cælum unquam ascendi. Strabus Theologus eruditissimus, exponens uerba illa, Fiat firmamentum in medio aquarum. scriptum reliquit, partem aquarum, quæ firmamento subiecta sit, in matricem aquarum esse redactam, idest in cauata antrofaq; terræ loca, ubi est aquarum matrix, à qua ultro citroque commeent aquæ. Licet Basilius in Hexam. Homilia 4. iuxta Solomonis, Ecclesiastis cap. 1. sermonem, contendat, fontem omnis humoris circa terram esse mare, à quo profluant, et in quod relabantur aquæ, quæ & Lucretij lib. 6. sententia fuit. Sic enim ait Solomon, Omnia flumina intrant in mare, & mare non redundat: ad locum unde exeunt flumina, reuertuntur ut iterum fluant. Hæc enim uerba ita accipienda uidentur ut reliquis sacræ Scripturæ locis non aduersentur, scilicet, ut ille senserit, Abyssum, unde aquæ ortum habeant, mari, ut Clemens.



## Hieronimi Magii

capite prænotato demonstrat, esse subiectam. Sacra Scriptura auctorum sententiam secutus Socrates ( Ethnicis enim hos fuisse antiquiores, cum alij, tum Iosephus contra Apionem, & Lactantius Firmianus lib. 4. Diuin. instit. cap. 5. demonstrant ) apud Platonem in Phædone testatur, Tartarum circa centrū, aquarum fluuiorumque omnium esse principium. Cuius sententiam tanquā præceptoris sui, elidit Aristoteles Meteorol. lib. 2. scribens in hanc sententiā, Quod uerò apud Phædonem de fluminibus, & de mari scriptum reperitur, nullo certè modo esse potest : siquidem affirmatur aquas omnes subterraneis foraminibus inter se concurrere, & coire. Tartarum uerò fontem, originemque aquarum esse omnium, quæ eadem uis est aquarum medio circumfusarum, à quo omnes, quæ fluunt, quæque stabiles sunt, emanent. Singulis autem riuus affluentem parere copiam, quod primaria aqua, & origo semper agitetur. Nam stabili certaqué sede non utitur, sed perpetua circum terram uolubilitate fertur. Per motum etiam ultrò citroque actum, riuus affluentem parere copiam, multisque locis restagnare ; cuiusmodi apud nos mare est : omnesque aquas in orbem initium repetere unde emanare cæperint, multasque etiam esse, quæ per eundem ferantur locum.

cum. Alias item haberi, quæ per aduersum, quasi alueum dimanent, ut superiore de loco influant, si ex inferiore affluxerint: & usque ad medium delapsam hubertatem exæstuarè: atque posthac aquis omnibus concedi ad editiora perlabi, &c. Hæc ex Platone Aristoteles. Postea hæc improbat pluribus rationibus; quarum prima & secunda calumniam olent. Inquit nanque, secundum rationem Platoniam usu uenire, ut amnes non ad eundem semper locum fluant; & futurum, quia ad medium, hoc est centrum, labuntur, à quo mox effluunt, ut quocunque tenderit fluctuans Tartarus, eò & illi per cuniculos meatusq; impellantur, & nihil magis subtus quàm desuper elabantur, unde quiddam ex eorum, quæ fieri non possunt, colligatur, scilicet quod adagio usurpatur, Fontes in supremâ fluminum partem profundi. Secundo loco oppugnat Aristoteles Socratis Platonisq; sententiâ, inquiens, Quin etiam aqua, quæ tum oritur, tum iterum tollitur, unde prodierit? Illorum enim ratio hoc totum necessariò frangit, & debilitat: cum præsertim cõtendant, eandem incolumen semper circumlabi, quòd quantum effluat, tantundem ad originem principemque locum affluat. Quod attinet ad prius obiectum, respondeo Platonem non negare quæ sub principium

## Hieronymi Magii

*obijcit Aristoteles, quandoquidem de fluuijs ait, Alij per contrariam partem elabuntur, quàm elapsi fuerint, alijs uerò per partem eandem, &c. Sed licèt hoc dicat, Tartarumq; affirmet eleuari, sursumq; ac deorsum redundare, eaq; ad loca, ad quæ redundat, aquas elidere, unde per terræ cuniculos in lucem prodeant; tamen non ideò sensit Tartari motum ultra medium rectà progredi (probè enim nouit diuinus Philosophus, terram esse sphaericam, et quaq; uersum aquis scatère) sed sursum, & deorsum dicit, ratione loci, in quo consistebat. Intelligit autem Tartarum in orbem cieri ac ferri, quod ipsum & Aristoteles fatetur inquiring, Nam stabili certa q; sede non utitur, sed perpetua circum terram uolubilitate fertur, &c. Nam alioquì sibi ipsi non constaret Plato, si Tartarum rectà ultra medium ferri diceret, cum sic loquatur de fluuijs, Licèt autem utrinq; ad medium usque defluere; ultra uerò nequaquam. ulterior enim prolapsus, utrinque ascensus foret, &c. Quid apertius dici potuit? Nun quidquam ἀδύνατον protulit Plato? Nun flumina sursum procurrere, aut Tartarum, medium pertransire uult? Inquit igitur aquarum principium esse Tartarum, & aquas per terræ superficiem aliquandiu prolapsas, per cuniculos ad locum unde effluxe-*

fluxerant relabi, ad mediumq; deferri, à Tartaro uerò circumfluente rapi, cæteris admisceri aquis, & mox circum ætas per meatus superis restitui. Quod ad posterius obiectum pertinet, Non'ne & hæc altera, & longè maxima calumnia est? nam quando unquam dixit Plato æqualem aquæ adseruari portionem, dum aquæ ad Tartarum remeant? Tantum uerò abest ut id senserit, ut contrarium potius testatus uideatur. dum enim in Timæo de elementorum mitione ageret, hæc protulit, Principiò id corpus, quod modò aquam nominauimus, quando in solidam concreuit materiam, lapis & terra fieri uidetur: quando uerò liquecit, & diffluit, spiritus atq; aër. Item aër exustus, ignis efficitur: ignis extinctus, et corpus lentior factus aërem creat. Rursus crassior factus aër, in nebulas, nubesq; concreuit. His etiam magis compressis, pluuiæ defluunt. Ex aqua rursus terra, lapidesq; gignuntur. Hætenus Plato. Qui ortum et mitionem elementorum quo ad partes docet, quo pacto, aquarum, quæ per terram labuntur æqualem semper adseruari portionem cõsueuisse, dici potest? Aquas enim tam labentes quàm stagnantes euaporare, & modò imminui squaloribus, modò pluuijs augeri nouerat Plato, qui hæc sensu deprehendebat oculorum, et quæ sub ob-

# Hieronymi Magii

tutum non cadunt, multa, ingenij acumine  
peruadebat. De reliquis Aristotelis contra  
Platonem argumentis, hîc loqui non est con-  
siliu, cûm hanc de Tartaro opinionem mul-  
tæ circumueniant difficultates, & susceptæ  
prouinciæ ratio longas non ferat dissertatio-  
nes. Aquarum penitus intra terram, con-  
ditam esse originem, Aegyptij quoque opi-  
nabantur, è quorum monumentis hæc Vir-  
giliij Georg. libro 4. expressa esse, Seruius cen-  
suit,

- » Iamq; domum mirans genitricis, & humi  
da regna,
- » Speluncisque lacus clausos, lucosque so-  
nantes
- » Ibat, & ingenti motu stupefactus aqua-  
rum,
- » Omnia sub magna labentia flumina terra
- » Spectabat diuersa locis, Phasimque Ly-  
cumque.

Seruius, Nili, inquit, pueri, de sacris paren-  
tibus nati, à sacerdotibus Nymphis dabantur,  
qui cum adoleuissent, reddit, narrabant, lu-  
cos esse sub terris, & immensam aquam om-  
nia continentem, ex qua cuncta procreantur,  
&c. De eadem fluuiorum origine & in 6.  
Aeneid. Plutarchus in Paulo Aemylîo ijs,  
quæ ab Aristotele de fluuiorum ortu tradun-  
tur,

Miscellaneorum lib. III. 164

*tur, aduersari uidetur, dum aquarum uenas,  
animalium uenis comparat, testimoniumque  
adfert fluminum, quæ altius actis metallorum  
gratia cuniculis, sub terra reperiuntur, non  
paulatim collecta, sed pleno gurgite fluentia.  
Seneca quoque non pœnitendus inter Latinos  
Philosophus, lib. 6. Quæstionum naturalium,  
amniuum principium intra terras esse ex colle-  
ctione aquarum maxima, existimat.*

Miscellaneorum libri tertii

FINIS.

# HIERONYMI MAGII

## MISCELLANEORVM, SEV VARIARVM LECTIONVM,

### LIBER QVARTVS.

Iuris quæ sit uera etymologia demon-  
stratur, & quæ ab Vlpiano allata est,  
abiicitur.

CAP. I.



VM adhuc adolescens elo-  
quentiæ candidatus, in  
scholis essem, præcepto-  
rem habebá Petrum An-  
tonium Ghetium Lateri-  
nensem, hominem mihi  
propter doctrinam mini-  
mè uulgarem, eximiamq; probitatem longè  
chàrissimum. Is cùm aliquando iurispruden-  
tiæ non pœnitendam operam nauasset, mihi  
alijsq; complusculis commilitonibus, Iustinia-  
ni Institutiones festis diebus interpretari cœ-  
perat,



perat, iamq; eò progressus erat, ut de iustitia,  
 & iure non morosa, ut sit à Iureconsultis no-  
 stris perplexa; dissertatione, sed leui, & ut  
 hominem humanitatis addictum studijs de-  
 cuit, florida ageret. Iuris autem ueriloquium  
 cum afferret, Vlpiani Iurisconsulti sententiam,  
 quæ legitur in l. 1. ff. de Iustitia & iure, cal-  
 culo suo approbat. Vlpiani autem uerba  
 hæc sunt, Iuri operam daturum, prius noscere  
 oportet unde nomen iuris descendat. Est autem  
 ius à iustitia appellatum. nam, ut eleganter  
 Celsus diffinit, ius est ars boni & æqui, cuius  
 meritò quis nos sacerdotes appellet. Iustitiam  
 nanque colimus, boni & æqui notitiam profi-  
 temur. Hactenus Vlpianus. Ego quia addiscen-  
 tem credere oportet, et Vlpianum maximè su-  
 spicerem, ac postea omnes iuris interpretes in  
 Vlpiani discedere sententiam uiderem, eam  
 semper retinui etymologiam. Nunc autem  
 rem permolens, facile à sententia Vlpiani re-  
 cedo, & ius non à iustitia, quæ uox non sim-  
 plicior sit, sed denominatiua, sed à iubendo, di-  
 ctum existimo. Ius enim siue pro iure naturæ,  
 à quo tanquàm fonte, iura alia promanarunt,  
 accipiamus, siue pro iurisprudencia, & arte,  
 iubet ac præcipit. Ut meritò antiqui iura,  
 quod Pompeius lib. 9. testatur, iussa appella-  
 uerint. Quanquàm & Galectus Martius in li  
 bro

bro de Doctrina promiscua cap. 28. audiendus uidetur, qui ius à iuuando dictum testatur: sic enim loquitur, Ius, Iurisconsulti, à iustitia dici autumant: quod mihi risum mouet, nam quod Grammatici est, lex usurpat. Ius enim, si tantum iustitiæ opus indicaret, hæc deriuatio posset tolerari; sed cum ius tam ad pulmentaria, quam ad leges referatur, unde Iuuenalis,

— & eodem iure natantes  
 Mergere ficedulas didicit nebulone parète.  
 et Cornelius Celsus iurulentam carnem nominet: necesse est hoc uocabulum ab alio, quam à iustitia deriuari. Et licet quædam sint, de quibus ratio reddi non potest; tamen hoc habet deriuationis certam figuram; à iuuando enim dicitur. Nam sicut corpus nostrum iure iuuatur, & nutritur, ita & ciuitates, quæ ut corpus coaluerunt, legibus tanquam iure quodam aluntur, & iuantur: ita ut ius, corporis, cum de pulmentarijs, & ciuitatum legibus dicitur, nutrimentum, iuumentumq; esse noscatur. Hactenus Martius. Non est ergo ius dictum à Iustitia, quin è diuerso iustitia à iure potius, uel à iusto (Chrysippus enim, ut Plutarchus in lib. de Virtute morum retulit, à iusto iustitiam, ut à mansueto mansuetudinem, &c. esse dixit) est appellata. productio  
 enim

enim illa, titia, uocem esse ab alia, nempe à iure aut iusto, inflexam ac deductam, arguit. Eadem ratione Cicero in Tusculanis, de Natura Deorum, & in Lælio, amicitiam ab amando, seu amore, dictam censet: & in Catone maiore, occasionem à uerbo, occo: & similiter in lib. de Natura Deorum, uenustatem à Venere. Huic, nobisque adstipulatur Grammaticorum princeps Priscianus, qui lib. 4. sub finem loquitur in hæc uerba, In *stvs*, à nominibus, uel à uerbis nascuntur, extremam partem conuertentibus in *stvs*, e, uel, u, antecedentibus, ut Honor Honestus, Mæror Mæstus, Modus Modestus, Scelus Scelestus, Robur, Robustus, Ango Angustus, Augur Augustus. Præterea Venus Venustus, Ius Iustus, &c. Institia igitur à iure dicta est, sicut amicitia ab amore aut amando, occasio ab occando, & relata cætera; & ut etiam à malo malitia, à nequam nequitia, à commento commentitium, à milite militia, & eiusmodi complura. Vt maximè fallatur idem Vlpianus in .l. i. §. Miles. ff. de Militari testamento, existimans militem dictum esse à militia, idest duritia, cum potius à numero millenario milites sint dicti, ut Varro scriptum reliquit libro 4. de Lingua Latina, & productio illa, tia, refragetur, qua denominatio & ab alia simpliciore

cioe deductio demonstratur. Ut non temere posthac & Vlpiano, & cæteris Iureconsultis in eiusmodi etymologijs credendum sit, cum aliud agentes has attulisse uideantur, ac passim cæspitent. Possem multa huc asserere, quæ de iuris & iustitiæ etymo literis prodiderunt Alciatus lib. 1. Parerg. cap. 29. & 30. Franciscus Connanus Commentariorum iuris ciuilis lib. 1. cap. 2. & Antonius Vacca in Com. ad l. 1. ff. de Iustitia, & iure. sed cum illa eiusmodi sint, quæ Vlpianum tueri, & nos de prædicta deicere sententia nequeant, eorum commemoratione studio breuitatis, supersedere uolui. Illud neutiquam fuerit silentio inuoluendum, censuisse Isidorum libro 5. Etymologiarum (hunc non sine errore sequuntur Iuris Pontificij auctores Distinctione 1. cap. Ius.) dictum esse ius, quia iustum sit, & iustitiam, quòd in ea ius stet, quo nihil potest esse insalsius.

Bartholum iuris interpretum coryphæū, in opusculis tribus, quæ sunt Tyberias, de Insula, & de Alueo fluminis, falsa, & legibus rationiq; minimè consentanea scripsisse. Flumina cur taurinis prædita uultibus, & cornuta fingerentur. Festus reprehensus.

CAP. II.

**Q**UEM AD MODUM probi parentes nescio quo cæco uitio malos aliquando, ac degeneres filios gignunt, ut de Cicerone, Chabria, multisq; alijs legimus; ita nonnunquam nobilissimi scriptores, leues quasdam, ac indignas scriptiones, tanquàm ab aliud agentibus confectas, emittunt. Quod Bartholo, quem inter iuris interpretes maximè suspicimus, usque uenit, dum ipsi Tyberias, de Insula, & Alueo fluminis libelli exciderunt. Nisi si (quod aliqui suspicantur) hi non ex Bartholi, sed alterius Iureconsulti officina prodierunt, Bartholoque, ut uendibiliores essent (quæ bibliopolarum quorundam impostura esse solet) adscripti sunt. Nos uulgatas editiones sequuti, tanquàm Bartholi fæctus legimus, & modò improbamus.

Diuisionis alluionum, insularum in fluminibus enascentium, & alucorum, quos flumina,

na, ex altero latere prorumpentia & aliorum diuertentia, siccos destituunt, Bartholus hanc existimat ineundā esse rationem, ut ab agrorum, qui ripis adiacent, modo, hoc est mensura, et longitudine (ita dicam) frontali, binæ lineæ sint hoc pacto instruendæ, ut super ea, si recta existat, ita decumbant, ut hinc inde angulos inuicem æquales & rectos, qui catheti nuncupantur, efforment; & in rem diuidendam recta procurrant. Ac tunc quæ lineis hisce terræ portio comprehensa fuerit, domino fundi, à quo lineæ protrahebantur, debeat assignari. Si uerò non recta fundi sit frons, sed sinuosa, ac semicirculum introrsum tendentem efficiat, ouali, ut uocant, figura, alijs'ue modis huius semicirculi centrum est perquirendum. Quo ad inuento, quicquid lineis à semicirculo ductis, & in centro concurrentibus conumq; referentibus, intercipietur, fundi illius sinuosi domino accedet. Varias uerò pro uario riparum lineari termino, insularumq;, alueorum, & alluuiorum natura, figuras, ut certas regiones constituat, deliniat, quæ nihil faciunt ad rem. Sed priora sunt prosequenda. Verum ante omnia, quibus fundamētis suam Bartholus superstruxerit sententiam, dispiciamus. Et nulla alia esse constat quàm quæ subiunguntur. Inquit Iureconsultus in .l. Adeo. ff.

de *Acquirendo rerum dominio*. loquens de *insula alluvionum adaggeratione in medio flumine enata*, *Communis fit eorum*, qui ab *utraque parte fluminis*, prope *ripam prædia possident*, pro modo *latitudinis cuiusque prædij*, quæ *latitudo prope ripam sit*, etc. Quod de *Alueo à flumine derelicto* etiam dicitur, scilicet ut inter *ripæ vicinos*, pro *latitudinibus*, quas *agrorum frontes sortitæ sunt*, sit *diuidendus*. Eadem quoque leguntur *Institutionibus Iustiniani*, sub *rubrica*, de *Rerum diuis.* §. *Insula*, & sequenti. Præterea *Iurisconsultus. ff. sub eodem titulo de Acquirendo rerum dominio. l. Inter eos.* loquitur in hæc uerba, *Inter eos, qui secundum unam ripam prædia habent, insula in flumine nata, nõ pro indiuiso cõmunis fit, sed regionibus quoq; diuisis. Quantum enim ante cuiusque eorum iuxta ripam est, tantum ueluti linea in directum per insulam transducta, quisque eorum in ea habebit certis regionibus.* Hactenus *Iurisconsultus*. Modò si quis *relata uerba diligentius perpendat*, atque *introspiciat*, profectò *Bartholi infirma esse fundamenta intelliget*; immo ipsum absque *legis rationisq; adminiculis*, quod neuiquam est *faciendum, esse loquutum*. Quandoquidem *Iurisprudentes*, ut in *confecto est*, loquuntur de *fluuiorum ripis mini-*  
me



## Hieronymi Magii

mè sinuosis, & de prædijs non attritis, sed integris frontibus ripas pertingentibus. Quamquam ea est fluuiorum natura ut angues lapsu imitentur, obliquasque reddant ripas. Quamobrem egregiè, ut planè omnia, Ovidius lib. 1. *Metamor.* inquit,

- » Fluminaq; obliquis cinxit decliua ripis.  
 Vnde qui præesse fluminibus existimati sunt dii, cornuti fingebatur, propter riparum alueorumq; curuitates, flexusq; ad cornuum taurorum boumque similitudinem. Eamque ob rem Eridano Virgilius lib. 4. *Georgicorum* cornua, & taurinum uultum tribuit,
- » Et gemina auratus taurino cornua uultu  
 » Eridanus, quo non alius per pingua culta  
 » In mare purpureum uiolentior influit undis.

Ad què locū Probus inquit, Padus] Et ideò taurino uultu, quòd eius sonus ut tauri mugitus, et ripæ flexuosæ sunt ut cornu. Sic ille. Vnde figmentum de Acheloi cornu ab Hercule auulso. Et Horatius lib. 2. *Carminum* in Ode ad Augustum, Aufidum fluuium tauriformem uocat, inquiens,

- » Sic tauriformis uoluitur Aufidus,  
 » Qui regna Dauni præfluit Appuli  
 » Cum sæuit.

Vt maximè hallucinatus sit Festus, qui lib. 18  
 scriptum

scriptum reliquit, taurorum specie simulachra  
 fluminum formari, quòd sint flumina ut tauri  
 atrocía. Aut si Iureconsultos dicimus intelli-  
 gere ripas pro earum natura esse exesas, pa-  
 rumq; ad rigorem accedere, non tamen cen-  
 sendum est eos existimasse eadem forma præ-  
 diorum esse frontes: siquidem ripa à prædio  
 separatur, quod ex his Pauli uerbis. l. penulti-  
 ma. ff. de Fluminibus, cognoscitur, Ripa, in-  
 quit, ea putatur esse, quæ plenissimum flumen  
 continet. Secundum ripas fluminum, loca non  
 omnia publica sunt, cum ripæ cedant, ex quo  
 primum à plano uergere incipiunt, usq; ad a-  
 quam. Hæc Paulus. Vlpianus quoque eodem  
 titulo. l. prima. §. Ripa, de ripa sic inquit, Ri-  
 pa autem eius ita rectè definitur, id, quod flu-  
 men continet, naturalem rigorem cursus sui  
 tenens, &c. Adde, quòd multis locis secus  
 ripas fiebant aggeres ad coërcendum flumen,  
 cum imbris immodicis intumuisset, & uia  
 etiam relinquebantur in publicos & priuatos  
 usus, quibus à ripa discriminantur agri. Et si  
 non me latet quibusdam locis flumina præru-  
 ptis compesci ripis, quas non facile illa licèt  
 imbris hybernis adaucta, supergrediantur  
 (de quibus ripis minimè locutus est Paulus)  
 ut passim propè Tyberim uidemus. Quod fuit  
 in causa ut Bartholus huiusmodi riparum, non

## Hieronymi Magii

etiam quarum meminit Paulus, habens rationem, laberetur. Quas tamen culturis adiacentium agrorum pertingi consueuisse, non putauerim, cum in publicos priuatosque usus iter agentium, piscatorum, uicinorumque inculti aliquid, ut etiam hodie fit, relinqueretur soli. Quo fit ut quanuis sinuosas esse ripas intellexerint Iurisperdentes, ac Nomothetæ, non tamen tales prædiorum esse frontes censuerint, aut si à consimili forma non abesse putauerunt, tamen, rectis tensis lineis in frontibus illis, ad rigorem esse reducendas senserint. Nam alioqui lineæ ab his frontibus in insulas locaq; diuidenda, in directum, ut Paulus uult, non transducerentur, sed sæpius in obliquum, ut à Bartholo non sine errore passim fit. Si enim ripæ agrorumque frontes semicirculum, aut semicirculo figurâ minorem, maioremue imitentur (ut de angulosis nihil dicamus) non transducuntur Bartholo lineæ, sed ad sinus centrum protrahuntur, eoque loci terminum accipiunt, ut ex decima octaua, & decima nona ab ipso in Tyberiade delineatis figuris, & alijs eorum opusculorum locis facile cognoscitur. Quæ res longè est absurdissima, & rationi naturali, ipsique legi minimè consentanea. Cui nanque decessio obsuit, accessio debet prodesse, & lineas directas ac parallelas in insulam

lam diuidendam lex duci iubet : nam inquit Iurisconsultus, Quantum enim ante cuiusque eorum iuxta ripam est, tantum ueluti linea in directum per insulam transducta, quisque eorum in ea habebit certis regionibus. Habetur autem ratio latitudinis, quæ in fronte iuxta ripam sit, non quæ in agro, quia flumen quod abstulerat, reddidisse uidetur, ac ne, si pro modo latitudinis fortasse in agro maioris aut minoris, diuisio fiat, uicinis maior, aut minor quam par sit, portio accedat. Adhæc, si ad Bartholi præscriptum diuisio fiat, illud usu ueniet, ut eam aluei, alluionis, aut insulæ portione, quæ è regione, & ante fundi mei frontem fuerit, quamque mihi Iureconsultus in prænotata. l. Inter eos. adiudicat, non omnino consequar.

Quod enim extra conum linearum, à sinu in rem dispartendam ductarum, reliquum erit (siquidem conum quendam efformant lineæ à sinu, et circuli portione in centrum productæ) licet ante fundum meum existat, exclusum, uicinis hinc inde accedet: aut si uicinarum agrorum frontes, mei agri fronti persimiles erunt, unde ex obliquis lineis coni alij fiant, nulli adscribetur. Adde quod is aliquando erit frontis flexus, ut si super eo ad circinum designato lineæ, quæ in centrum concurrant, instruantur, nihil insulæ quanuis uicinæ intercipiatur.

## Hieronymi Magii

Præterea cum ripæ frontesq; agrorum ripis  
 adiacentium, nunquam ad circinum sinuosæ  
 sint, quid causæ est, ut magis ad circinum ea-  
 rum flexus, aut ad angulum alicubi, unde quæ  
 demonstrata sunt absurda sequantur, quàm  
 ad rigorem rectamq; lineam, ut naturalis ra-  
 tio, & lex iubent, redigere uelit? Huc accedat  
 postremò, quòd si ea diuisionis ratio & uia,  
 quam Bartholus tam artificiosè, ut multis ui-  
 detur, edocuit, tanquàm ex legis mente ineun-  
 da esset, geometricaq; schemata, linearũq; du-  
 ctus res tã uarios requireret, Iulius Frótinus,  
 maximus Geometra, quiq; sub Diuo Nerua  
 Imperatore, mensurarum rationem (ut ipse  
 met in præfatione operis sui ad Celsum Pene-  
 stum demonstrat) ac opera exercebat, in libel-  
 lo de Iure, & controuersijs limitum, quæ ad  
 hanc rem pertinebant, non omnino omisisset;  
 præsertim cum de alluione dicat fieri contro-  
 uersiam, & de Alueo fluminis ueteri, ac insu-  
 la fluuiali aliquid scripserit. Quin Aggenus  
 Urbicus in Commentario in Iulij Frontini li-  
 brum, cum agat pluribus de Alluione, eorũ,  
 quæ Bartholus comminiscitur, saltem particu-  
 lam (nam ad huiusmodi res cuius etiam pau-  
 lulum geometriæ initiato facilis datur adi-  
 tus) attigisset, aut ad hæc dirimendas con-  
 trouersias, Agrimenforis diligētiam accersen-  
 dam

dam esse cēseret, quòd aliquando in rebus alijs Frontini sententiam sequutus, faciendum esse testatur. Hæc eadem planè, quæ anno à CHRISTO nato 1552, literis consignaueram editurus, in mentem etiam uenerunt eruditissimo, & multis nominibus clarissimo uiro Ioanni Buteoni Delphinatico, qui libro De Fluiaticis insulis secundum ius ciuile diuidendis, à Bertello 1554. primùm Lugduni edito, in quo diligentissimè hac de re agit, anteuertit. Mea autem hæc Miscellanea, in quibus hoc idem caput contineretur, legerunt Bononiæ anno 1553. quos aduoco testes omni exceptione maiores, præter Illustrissimum Principem Iulium Vitellium, Sebastianus Regulus, qui adhuc in eius urbis Gymnasio leniores literas docet, Albertus Floralius, Franciscus Spatarius, & Petrus Baccius, Iurisconsulti optimi, magnæque Arretinorum ornamenta: ut Pompeium Nutum, Ioannemque Nicolaum Iustum eruditissimos iuuenes mittam, quorum hortatu hæc scripsi, quiq; hos libros sæpius ante quàm Bononiam profisciscerer, uersarunt.

## Hieronymi Magii

Quas res emendis uendendisq; pecore,  
& iumentis stipularentur antiqui, &  
quas uerborum formulas usurparēt.  
Varronis uerba quædam declarata.

### CAP. III.

**A**NIMALIUM quoque uenditor cauere  
debet, ea sana præstari. Et qui iumenta  
uendit, solet ita promittere, ESSE, BIBE-  
RE UT OPORTET. Sunt hæc Domitij Vl-  
piani uerba, quæ leguntur in .l. Ex empto. §.  
Redhibitionem. ff. De Actionibus empti. Quæ  
cùm olim obseruasset Nicolaus Antonius Gra-  
uatius, doctissimus Iurisconsultus, quo cum Ve-  
netijs aliquandiu coniunctissimè, atque aman-  
tissimè uixi, ex me percontabatur, an ego, qui  
non sine rei familiaris detrimento scriptores  
multos excussissem, præter hanc loquendi for-  
mulam, qua uenditor dum emptori caueret,  
uteretur, in huiusmodi contractibus alia uer-  
ba consueuisse usurpari animaduertissem.  
Quem ego monui, ut Varronem lib. 2. Rei ru-  
sticæ cap. 2. consuleret, apud quem de re quæ-  
dam legerentur, quæ cùm à me in hypomne-  
matis essent adnotata, memoriæ tunc minimè  
adessent. Varronis autem uerba, ad rem per-  
tinentia sunt infra scripta, quæ in lectoris gra-  
tiam referre libuit, In emptionibus iure uti-  
mur



mur eo, quod lex præscripsit. In ea enim alij plura, alij pauciora excipiunt. Quidam enim precio facto, in singulas oves, ut agni chordi duo pro una oве adnumerentur, & si qui uetustate dentes absunt, item binæ pro singulis ut procedant. De reliquo antiqua ferè formula utuntur cum emptor dixit, TANTI SVNT MILI EMPTAE. & ille respondet, SVNT. & prompsit nummos. Emptor stipulatur pristina formula sic, ILLASQUE OVES, QVA de re agitur, sanas rectè esse, uti pecus ouillum, quod rectè sanum est: extra luscā, surdam, minam, idest uentre glabro: neque de pecore morboſo: etiam habereq; rectè licere? HAEC SIC RECTE FIERI SPONDES? Nec cum id factum est, tamen grex dominum mutauit, nisi si est adnumeratum. Et eodem libro cap. 5. Eos cum emimus domitos sic stipulamur, ILLOSCE BOVES SANOS ESSE, NOXISQUE. PRAESTARI? Cum emimus indomitos sic, ILLOSCE IUVENCOS SANOS RECTE, DEQUE. SANO PECORE ESSE, NOXISQUE. PRAESTARI SPONDESNE? Paulò uerbosius hoc qui Manilij actiones sequuntur. Lanij, qui ad cultrum boues emunt, & qui ad altaria, hostiæ sanitatem non solent stipulari. Idem ab eodem Varrone cap. 6. 7. et 8. statuitur in em-

ptionibus uenditionibusque asinorum, equorum, & hinnulorum. Verum ne omnino illibata uerba hæc relinquamus, sciant semidocti, quantum adtinet ad uerba illa, In emptionibus iure utimur eo, quod lex præscripsit. ] legem accipi non pro ciuili lege, sed pro mancipio, aut mancipij lege, quæ dici in uenditionibus consueuerat. Horatius lib. 2. Epistolarum in Epistola ad Iulium Florum,

» Prudens emisisti uitiosum, dicta tibi est lex.  
 » Insequeris tamen, & lite moraris iniqua. Cicero lib. 1. de Oratore, Cum enim Marius Graditanus ædes Auratæ uendidisset, neque seruire quandam earum ædium partem, in mancipij lege dixisset, defendebamus, quicquid fuisset incommodi in mancipio, id si uenditor scisset, &c. Idem lib. 3. de Officijs, de earundem ædium uenditione, Hæ Sergio seruebant, sed hoc in mancipio Marius non dixerat, &c. Sequitur mox in contextu Varronis, Et si qui uetustate dentes absunt, item binæ pro singulis ut procedant. ] Adnotandum est uerbum Procedant, ualere, In utilitatem cedant. Idem namque quod prodesse, significare uidetur. Cato in lib. De Re rustica cap. 148. Quot, inquit, dies per dominum mora fuerit, quominus uinum degustet, totidem dies emptori procedet, &c. P. Scipio in Oratione, quam Censor de moribus

moribus ad populum habuit, ita apud Gellium Noct. Attic. lib. 5. cap. 19. inquit, In alia tribu patrem, in alia filium suffragium ferre. Filium adoptiuum tam procedere, quam si senatum habeat. Atque ita interpretari uideatur idem Gellius sic de eiusdem Seipionis relatis uerbis loquens, Id etiam eum culpauisse, quod filius adoptiuus, patri adoptatori, inter præmia patrum prodesset. Ad ea uerò uerba, Nec cum id factum est, tamen grex dominum mutauit, nisi si est adnumeratum. ] spectant quæ ex Caio Iuriconsulto leguntur in. l. Quod sæpe. §. Si pro numero. ff. De Cōtrahenda empt. sunt autem subiecta, Si, inquit, pro numero corporum precium fuerit statutum, Sabinus, & Cassius tūc perfici emptionem existimant, cum adnumerata, admēsa, appensa uel sint: quia uenditio quasi sub hac conditione uidetur fieri, ut in singulas metretas, aut in singulos modios, quos quas uel admensus eris, aut in singulas libras, quas appenderis, aut in singula corpora, quæ adnumeraueris. Ergo & si grex uenierit, siquidem uniuersaliter uno precio, perfecta uidetur, postquam de precio conuenierit. Si uerò in singula corpora certo precio, eadem erunt, quæ proximè tractauimus. Hæc Caius.

# Hieronimi Magii

Locus in eiusdem Varronis uerbis perplexus declaratur, atq; agitur de animalibus sacrificio ineptis. Cur homines corpore uitiati, à sacerdotio arceantur.

CAP. IIII.

**N**ON parum mihi negocij facessunt uerba illa Varronis suprà relata, Lanij, qui ad cultrum boues emunt, & qui ad altaria, hostiæ sanitatem non solent stipulari. Satis enim constat, animalium, quæ sana non sint, carnes corporibus humanis morbos perniciemq; conciliare; & Dijs, mutilis & morbosis animalibus, fieri sacra non consueuisse. Vnde illud apud Aristophanem,

» Ἀλλ' οὐδὲ θύσιμός ἐστιν, αὐτὴν κέρκον οὐκ ἔχων.

Idest,

» Sed neque sacrificio conuenit, ipsam caudam non habens.

Sanum enim, & perfectum esse debet quod Dijs offertur. Suidas, Κόλυρα. τὰ μὴ ἔχοντα κέρκον ἢ τὰ κολοβὴν ἔχοντα οὐράν. ἅπερ ἐν ταῖς ἱεροουργίαις ὀθύεται. καθόλου γὰρ εἰ ἢν τέλειον καὶ ὑγιὲς ἐκ ἐθύετο τοῖς θεοῖς. Idest, Colura, Non habentia caudam, uel habentia mutilam caudam, quæ in sacrificijs non maculantur. Vniuersaliter. n. nisi esset perfectum & sa-

nium

num, non sacrificabatur Deis. Hæc ille.

Quo pertinent illa Aristotelis apud Athenæum lib. 15. Dipnos. Cap. 5. Aristoteles (inquit ex interprete Athenæus) in Symposio narrat, quòd nihil mutilatum Deis offerre, sed omnia perfectà ac integra donare consueuimus. Plenum uerò, & perfectum esse uidetur corona. Hæc ille. Iulius Pollux lib. 1. Cap. 1. de adductis uictimis; ostendit deligi oportere uictimas sanas, et rectis membris, ac nõ mutilis prædita. Plinius quoque Natur. hist. lib. 8. Cap. 45. demonstrat, in sacrificijs non quoduis animal citra delectum offerri altaribus, fuisse in more positum. sic nanque ait de bobus, Huic tantum animali omnium, quibus procerior cauda, non statim nato consummatæ, ut cæteris mensuræ. Crescit uni donec ad uestigia ima perueniat. Quamobrem uictimarum probatio in uitulo, ut articulum suffraginis contingat. breuiore non litant. Hoc quoque notatum, uitulo ad aras humeris hominis allato non ferè litare, sicut nec claudicante, etc. Plutarchus Problemate 72. uictimis non sanis. sacrum fieri non consueuisse, nec a uibus ulceratis auspicari solitum dicit: Hermippus uerba faciens ad Dionysium Athenæi Dipn. lib. 12. Cap. 29. ad rem quòd attinet in hanc loquitur sententiam, Nunc pauperes iam tibi boues

## Hieronymi Magii

boues mutilos sacrificant, Leotrepheide, ac Thumantide graciliores. Hæc ille, rem indignam, & sacrificandi legi minimè consentaneâ demonstrare uolens. Non solum apud Ethnicos, sed etiam apud Hebræos hostiarum delectus habebatur, & mutila, ægrota, maculisq; deturpata offerre non licebat, ut Leuitici cap. 9. & 22. Deuteronomij 15. & 17. & Malachiæ 1. aperte cognoscitur. Cum igitur animalia, quæ non erant sana, item mutila, & indecora, sacrificijs essent inepta, & morbosa perniciem comedentibus afferant, quid causæ est ut qui hostias ad altaria, & qui ad cultrum boues emebant, sanitatē non stipularentur? Quātū spectat ad hostias, stipulationem huiusmodi adhiberi non consueuisse arbitror, quia maximus haberi consueuisset delectus hostiarum, atq; hæ prius diligentissime probari solerent, quod paululum indicat Plinius uerbis suprà relatis dum inquit, Quamobrem uictimarum probatio in uitulo ut articulum suffraginis contingat, breuiore non litant. Hoc quoq; notatum, uitulo ad aras bumeris hominis allato, non ferè litare. sicut nec claudicante, etc. Vnde hostiæ eximiæ dictæ. Macrobius Saturn. lib. 3. Cap. 5. Eximij quoq; inquit, in sacrificijs uocabulum, non Poëticum *ἐξίμετον*, sed sacerdotale nomen est. Veratius enim

enim in Pontificalibus quaestionibus docet, eximias dictas hostias, quæ ad sacrificium destinatae eximantur e grege; uel quod eximia specie, quasi efferenda numinibus eligantur. Hinc ait,

» Quatuor eximios præstati corpore tauros. Vbi quod eximuntur, Eximios. quod eliguntur, Præstanti corpore monstrauit. Hactenus Macrobius. Estq; existimandum libris sacerdotalibus, iureq; pontificio cautum fuisse, quales hostias eligere oporteret, & quas reijcere. Linius namq; lib. 5. Decad. 3. librorum, in quibus apud Romanos sacrificandi ars conscripta esset, facit mentionem. Est etiam à Cælio Rhodigino relatum Lætionum antiquarum lib. 7. Cap. 1. Græci moris fuisse, tauros quidem explorare farina apposita, capras uero ciceribus. nam si gustare abnuissent, ea re haud ualere satis concipiebant. Capras autem etiam frigida aqua.

Quod pertinet ad lanios, qui ad cultrum boues citra sanitatis stipulationem emebant, quantum coniectura assequor, id factum dixerim, quia statim emptum animal essent occisuri, aut quia nullus bobus pecorique morbus in esse potest, ex quo carnes esu perniciosæ aut pestilentes sint, qui oculis, aut manibus non deprehendatur, quandoquidem laniorum soler-



## Hieronymi Magii

solertiam tantam esse quotidie uidemus, ut etiā morbos intestinos, et penitioribus pecoris partibus insidentes pluribus argumentis ex longa obseruatione cognoscant. Quanquā hac de re amplius quærendum esse uidetur.

Verū nedū hostias Dijs offerēdas, sed etiā sacerdotes sanos, non mutilos, minimèq; deformes esse, antiqui uoluerunt. Nam, ut missa faciam, quæ leguntur Leuitici Cap. 21. multisq; locis in iure nostro Pontificio, Seneca lib. 4. Declam. lege fuisse cautum demonstrat, ut sacerdos corpore uitiato nec integro, à sacris remoueretur; quòd tanquā res mali ominis homo huiusmodi esset deuotandus. Est etiam ab Aulo Gellio relatum lib. 1. Cap. 12. fas non fuisse capi uirginem Vestalem, quæ lingua debili, sensu ue aurium diminuta, alia ue quauis corporis labe insignita esset. Plutarchus Problemate 72. testatur, Augures si ulcus habuissent, augurandi causa sedere prohibitos. Cuius rei causam ille ita explicat, An & hoc signum est non oportere qui \* morsum aliquem, aut ulcus, aut perturbationem in animo haberent, res diuinas tractare, sed tum Deorum mentem hominibus prodere, cum et liquido, & integro animo essent? An illud rationem habet, si neque uictimam sanandi ulceris causa quisquam adhiberet, nec quibus ulcera-

tis

tis ad auspiciandum uteretur, ea multò magis  
 in se ipsis seruanda existimasse, ut ad ea, quæ  
 à Dijs significarentur, puri, & integri accede-  
 rent? Vlcus enim diminutio quædam, & cor-  
 poris pollutio uidetur. Hæc ille. Adstipulan-  
 tur Plutarcho nò parùm sacrarum literarum  
 uetustate, & pietate in Deum insignes inter-  
 pretes. Hieronymus siquidem Ad Fabiolam  
 De ueste sacerdotali, corporis uitia ad ani-  
 mum referri ait, ideoq; talibus præditos cor-  
 poribus, ad rem diuinam faciendam, esse ine-  
 ptos. Gregorius, ut etiam legitur in Decr. cap.  
 Hinc etenim. Dist. 49. uitia, maculasq; cor-  
 poris, animi uitij sociari scriptum reliquit.  
 At optimè Theodoritus Quæst. 30. in Leuiti-  
 cum, qui corpore uitiatos à sacris arceri testa-  
 tur, ut per affectiones non spontè susceptas, ea,  
 quæ à uoluntate proficisci solent, prohiberen-  
 tur, Verbi gratia, inquit, oculorum occæca-  
 tio, inopiam cognoscendi significat; auris am-  
 putatio, inobedientiam; naris autem ablatio,  
 facultatis discernēdi priuationem; manus ab-  
 scissio, in agendo socordiam; hocq; modo reli-  
 qua sunt intelligenda. Idcirco uictimas om-  
 nibus membris integras offerre, per ea, quæ of-  
 feruntur, instruens offerentes, ut habeant ani-  
 mæ sinceræ operationes, &c. Idem Quæst.  
 14. ad cap. 15. Deuteron, ait ideò præcipi ne  
 Deo

*Deo offerantur primogenita ex armentis gregibusq; maculosa, & uel claudicantia, uel cæca, aut aliqua corporis parte deformia infirmaque; ut admoneantur homines, debere nos ad omne opus bonum consummatæ esse sapientiæ.*

**R**oma cur communis patria à Modestino sit appellata, alio pacto quàm Alciatus fecerit declaratum. Romanum imperium, Orbem ex ea causa, quam Hegesippus attulit, non esse dictum.

C A P. V.

**R**OMAM communem esse patriam, dixit Modestinus Iurisconsultus. l. Rem. ff. *Ad municipales.* id ei nominis tribuit etiam Cicero Orat. I. contra Rullum, quanquàm fortasse, ut à Modestino factum suspicari licet, non omnium nationum ratione, cùm uterque uoce Nostra, utatur. Cur autem hoc nomen Romæ tributum sit, admodum eruditè explicat Alciatus *Dispunctionum* libro 2. cap. 21. nimirum quòd omnes, qui imperio Romano subditi essent, ciuitatis Romanæ ius haberent, iuxta illud Pauli sub titulo *De statu hominum.* ff. *In Orbe Romano qui sunt, ciues Romani ex constitutione diui Antonini effecti sunt.* Verùm  
et si

etsi germana hæc uidetur sententia, nihilominus cum ante constitutionem Antonini sic Roma sit nuncupata, ea etiam de causa communis patria dicta uidetur, quòd totius quasi habitata esset terræ compendium, in qua omnes planè habitaret nationes. Quod uerum esse, ex Athenæo cognoscere licet, qui Dipnos. lib. 1. cap. 15. sic loquitur, Comitio interprete, Non longè, inquit, aberraret fortasse à scopo, quisquis totius habitatae terræ compedium Romānorum ciuitatem appellauerit, in qua omnes ciuitates commorantes facile intueri licet, & particulatim & quàmplurimas; ut Alexandrinorum auream, Antiochenorū pulchram, Nicomediorum ornatissimam, omnium præterea splendidissimam quotquot Iupiter detegit Athenas. Deficeret, non unum dicam diē, ad connumerandas ciuitates, quæ in Orbe Romano continentur, sed omnes uix per anni spatium ob multitudinem connumerarentur. Omnes nanque ibi nationes habitant, Cappadoces, Scythæ, Pontici, & alij complures. Hi sunt enim totius habitatae terræ compendium. Hæc ille. Quia ergo totius habitatae terræ compendium Roma uideretur, quòd eam omnes ferè nationes incolebant, communis patria potuit etiam appellari. Imperium autem Romanum, cur Orbis diceretur, scriptum Hegesippus reli-

Orbis nuncuparetur, non satis esse assequutum. Nam etsi ditionis Romanæ amplitudo id nominis exigere uidetur, nihilominus cum & Cretam insulam præ Romano imperio exiguam, Minois orbem dici conspiciamus, uox huiusmodi ad imperium uidetur aliquo pacto pertinuisse, quòd ditio quatenus progredere-  
tur, limitibus quasi in orbem circumscribi so-  
leret. Sed intercedant eruditi; hæc nanq; non tam iudicandi gratia, quàm admonèdi excitandiq; ingenij lectorum, à nobis in medium adducuntur.

Auli Gellii locus expenditur, & Alcia-  
ti, Ferrarii aliorumque Iureconsul-  
torum error demonstratur. CAP. VI.

**A**VLVS Gellius lib. 5. Noct. Attic. cap.  
19. dum de Adoptione atque arrogatio-  
ne ageret, arrogationem sua ætate per popu-  
lum fieri consueuisse testatur, & arrogatio-  
nis, quæ per Principem fieret, non memini-  
Quæ res magna admiratione digna uidetu-  
siquidem antiqua lege Regia (hæc & lex Im-  
perij appellatur in. l. Ex imperfecto. C. de Ter  
stam.) omne ius, omnisq; potestas Populi Ro-  
mani, in Imperatorem migravit, ut testatur  
Iustinianus. l. 1. §. Cum enim. C. de Veteri iu-  
re enucleando. & §. Sed & quod Principi.  
Inst. de Iure nat. gent. & civili. ac legitur in

# Hieronymi Magii

l. 2. ff. de Orig. iuris. l. 1. de Constit. Principum. & l. unica de Offic. Præf. præf. Præerea quia Caius. l. 2. ff. de Adoptionibus. & idem Iustinianus in Instit. sub eodem titulo. §. 1. arrogationem sub Imperatoribus per Principis rescriptum fieri consueuisse demonstrant. Quamquam Caius in suis Institutionibus (nisi hic alter sit Caius ab illo diuersus) ex quibus legem illam in Pandectas translata esse affirmatur, arrogationis, quæ Principis auctoritate fieret, non facit mentionem, uideturque eius contextus locupletatus additamentis eorum, qui Pandectarum libros composuerunt, ut ab eis alijs in locis esse factum, fuit à me obseruatum. Quin Imperatores Diocletianus, & Maximianus in. l. Impuberem. C. de Adoptionibus, arrogationem, quæ per populum fiebat, iuris esse antiqui aperte affirmant, his uerbis, Arrogatio etiam ex indulgentia principali facta, perinde ualeat apud Prætorem, uel Præsidentem intimata, ac si per populum iure antiquo facta esset. Vnde doctissimus uir Andreas Alciatus in Com. ad. l. Derogatur. ff. de Verb. Signif. quæ à Gellio de arrogatione afferuntur, iuris esse antiqui existimat. ac postquam Po. Rom. omne imperium in Augustum transtulit, rescripto Principis opus fuisse dicit. Atque eadem fuit sententia

Ioannis

Misc  
Ioannis  
alios etia  
qui in ea  
de ab us  
lum mo  
Sed bi l  
tione, q  
uerba, e  
Acced  
fieret, i  
toribu  
39. &  
pianu  
toris  
fieri  
ter li  
bus  
lib. v  
priu  
ris e  
diti  
Ar  
pop  
pa  
sti  
m  
ce  
a

Ioannis Ferrarij in Annot. in Institutiones, ut alios etiam ex nostris Iureconsultis omittam, qui in eandem iuerunt sententiam, uel iam inde ab usque Tiberij Imp. tempore ueterem illum morem rogationum exoleuisse affirmant. Sed hi lapsi uidentur; nam Gellij de Arrogatione, quæ sua ætate in usu esset, clariora sunt uerba, quàm ut dubitationi locus relinquatur. Accedit eò quòd curiata legis, quæ in comitijs fieret, in arrogationibus usum etiã sub Imperatoribus perdurasse cognoscitur ex Dione libro 39. & 45. & Domitius Vlpianus, ac Appianus Alexandrinus, quos Adriani Imperatoris ætate floruisse constat, per populum Ro. fieri arrogationem scriptum reliquerunt, alter lib. 3. Bel. ciu. alter uerò in suis Instit. Quibus ad stipulatur Galba Imp. apud Tacitum lib. 17. his uerbis ad Pisonem, Si te, inquit, priuatus lege curiata apud Pontifices, ut moris est adoptarem. Quare facile assentior eruditissimo uiro Francisco Hotomano, qui in Annot. in Instit. consuetudinem arrogandi per populum, Diocl. & Max. Imp. aut alterius paulò superioris Cæsaris ætate obsoleuisse existimat. Gellius aut horum imperij annum primum (fuit hic ab urbe condita 1038.) quo constitutio illa edita est, non multum præcessit. anno siquidem millesimo ab urbe condita, caput



officij ergò, ac hominis comitate incredibili, et doctissimorum sermonum suauitate pellectus, inuisere solebam. Cùm autē uires adhuc illi imbecilliores essent, ijs de rebus colloquebamur, quæ mentem exhilarare, mirumq; immodum oblectare solerent. Verùm morbo sensim remittente, eoq; iam ualentiore reddito, nec à dissertationibus, leuioribus illis quidem, sed quæ fructu minimè carerent, abstinebamus. Inter cæteras autem dissertationes aliquando quæstio incidit, De dominio fructibusq; arboris in agrorum confinio uel propè confinium enatæ. In qua multis ultro citroq; intortis argumentis, eò tandem deuēnimus, ut receptam Iuris interpretum sententiam, amplecteremur. Sed cùm eo sim ingenio, ut dum; aliquid ocij suppetit, controuersias huiusmodi, atq; etiam grauiores iam planè obliuione sopitas, in animum reuocē, libuit modò ea de re, de qua quidam recentiores postea scripserunt, differere.

CAIVS Iurisconsultus in. l. Adeo. ff. De acquirendo rerum dom. sic habet. Si alienam plantam in meo solo posuero, mea erit. Ex diuerso, si meam plantam in alieno solo posuero, illius erit; si modò utroque casu radices egerit. Antequàm enim radices ageret, illius permanet cuius et fuit. His conueniens est, quòd si uicini arbor ita terram presserit, ut in meum sun-

## Hieronymi Magii

*dum radices egerit, meam effici arborem. Rationem enim non permittere, ut alterius arbor intelligatur, quàm cuius in fundum radices egisset. Et ideò prope consinium arbor posita, si etiam in uicini fundū radices egerit, communis est. Hæc Caius: quæ in Iustiniani Institutiones, ab ijs, qui eas composuerunt, in titulum De Rerū diuisione translata sunt. Additq; Marcianus statim his Caij uerbis nouissimis, Pro regione cuiusque prædij. His ad stipulatur Paulus in. l. Arbor. ff. De Communi diuidendo, & in. l. Illud. ff. Pro socio. inquit, arborem in consinio natam, quandiu cohæret fundo, ex regione cuiusque finium, pro qua parte in fundo fuerit, utriusq; uicini communem finitis partibus esse, ita ut in communi diuidendo iudicium non ueniat. Sed his maximè aduersari uidetur Pomponius in. l. Si plures. ff. Arborum furtim cæsarum. eo loci, ubi in hæc uerba loquitur, Si arbor in uicini fundum radices porrexerit, recidere eas uicino non licebit, agere autem licebit, Non esse ei ius sicuti tignum aut proiectum, immissum habere. Si radicibus uicini arbor aletur, tamen eius est, in cuius fundo origo eius fuerit. Hactenus Pomponius. Cuius uerbis permotus Iacobus Cuiacius nobilis nostræ ætatis Iurisconsultus, in Notis suis in Iustiniani Institutiones, ad locum*

*cum*

cum prænotatum sic inquit, Est igitur uel de radice controuersia, uel de glande legenda.

Controuersia radicis ita iure nostro definitur, si ex utraq; parte arbor in fine posita radices egerit, communis est. Quæ non est posita in fine, & si utrinque radices egerit, communis non est. l. Si plures. ff. Arborum furtim cæsarum. l. ultima. ff. Quod ui aut clam. &c. Sed miror perspicacis ingenij interpretæ hæc protulisse, cum in uerbis, quæ ipse interpretabatur, et in prænotata. l. Adeo manifestè habeamus, arborem propè confinium positam, si in utrunque fundum radices egerit, communem esse. Idem nanq; est iudicium (quod & eruditissimus Ioannes Buteo in tractatu De diuisione fructus arboris in confinio natæ monuit) si uel in confinio, uel prope confinium arbor existat, dummodò utroque fundo radicibus cohareat. Sanè ipse Buteo, in diuisione fructus arboris in confinio uel prope confinium natæ, rationem habendam esse dicit aëris fundo superflui, non radicum, quòd hoc in iure habeatur pro regula, eius esse cælum, cuius est solum, & radicum progressus subterraneus semper in occulto sit, & ad regiones finiendas prorsus incertus: eamq; ob rem apud Paulum in prænotata. l. Illud. ff. Pro socio. ubi habet, Proque ea parte singulorum esse debeat, pro qua par-

te IN FUNDO FVERAT. intelligit fundum, aërem fundo superfusum; unde necessario deducit, partes fructuum in solo singulorum vicinorum de cælo esse limitandas, perpendiculo demisso, secundum expansiones ramorum extremas. Sed & hic labitur, iuriq; nostro aduersa præscribit. Nam primum quantum attinet ad aërem solo superfusum, quod ille dicit, legibusque ultima, & penultima. ff. Quod ui aut clam. probat, uerum est in solo, in quo sit ædificium constructum, cui impendeat arbor; non autem in agris culturis destinatis. Sic enim inquit Vlpianus in. l. priore. ff. De arboribus cædendis, Differentia duorum capitum interdicti hæc est, Siquidem arbor ædibus impendeat, succidi eam præcipitur: si uero agro impendeat, tamen usque ad quindecim pedes à terra coerceri. Hæc Vlpianus. Quamquam Iulius Paulus Sententiarum lib. 5. Tit. 7. agris ædificia æquat his uerbis, Arbor, quæ in alienas aedes, uel uicini agrum imminet, nisi à domino sublucari non potest, isq; conueniens est ut eam sublucet. Quod si conuentus dominus id facere noluerit, à uicino luxuries ramorum compescatur, &c. Deinde quod spectat ad radicem subterraneos progressus cæcos & incertos; respondeo Iureconsultos ac nothetas apertè rationem habuisse radicem, eamq;

Misc  
eamq; in  
stet arbor  
ablaque  
moneri  
dum esse  
tur, &  
monian  
quàm  
arboris  
dico de  
afficia  
frugib  
rint,  
incom  
utilit  
boris  
quod  
puls  
ped  
ut  
ex  
su  
d  
P  
t

eamque incertitudinem nihil morari; modò constet arborem utrinque radices egisse, cuius rei ablaqueatione citra arboris interitum admoneri possumus. siquidem, terra non admodum effossa, crassiores radices statim produntur, & quibus ex locis arbor sibi attrahat alimoniam, intelligitur. Maior autem radicum quàm aëris habenda fuit ratio: cum ab his arboris uita, & feracitas pendeat, nec modico detrimento arbores, radicum sucu agros afficiant, eos nanque ita exhaustos reddunt, ut frugibus, nisi stercorationis adiumenta accesserint, non sint idonei. Quamobrem æquum est, incommodum damnumque vicini, commodo ac utilitate sarciri ac pensari. Et si ramorum arboris proiectus, umbra aliquid damni infert, quod tamen cum parui sit momenti, satis depulsum uidetur, si à terra ad quindecim usque pedes arbor sublucetur, altiusque coercetur, ut Vlpiani uerbis constat loco pridem citato, ex quo satis intelligitur, aërem fundo superfusum, quantum ad rem attinet, ad quindecim duntaxat pedum altitudinem domino fundi procedere. Accedat eo, quòd si huius sententia uera sit, frustra Prætoris editum esset interdictum in. l. i. ff. De glande legenda, quo arboris domino cõceditur, fructus, qui in vicini fundum deciderint (nimirum ex ramis in eum proie-

# Hieronymi Magii

proiectis) tertio quoque die legere atq; auferre. Vnde etiam satis liquet, uerba illa Pauli, Proque ea parte singulorum esse debeat, pro qua parte IN FUNDO FVERAT. non esse, ut ipse uoluit, accipienda. Quod uel inde cognoscere licet, quia illud, In fundo fuisse, nō solum ad arborem, sed etiam ad lapidem, qui per utrunq; fundum extendebatur, à Paulo refertur. Ac nemini obscurum est, lapides intra terram oriri, ut sensit Marcellus in. l. Pro regione. ff. de Acq. rer. dom. (licet quibusdam locis & in terræ superficie, et in aquis ipsis fiant,) & alicubi etiam crescere, ut testatur Iureconsultus in. l. nouissima. ff. De fundo dotali. & in l. Diuortio. ff. Solutio matrim. ut Alberti cognomento Magni in libris de Mineral. Plinij lib. 36. cap. 15. & aliorum hinc testimonia consulto omittam. Præterea nullus ueterum Iureconsultorum, quod equidem meminerim, huiusmodi uerbis, patulæ arboris ramorum, aut meniani, tigniue proiectum significat: uerbisque omnino uim asferre uidemur, si fundum, pro aëre fundo superfuso, accipiamus. Sanè Prætor, & Ulpianus. l. priore. ff. De arboribus cædendis, arborem uicini agro uel ædibus impendēre, non in agro, aut ædibus esse dicunt. Sisenna uerò de arbore, projicere dixit, ut legitur apud Macrobiū libro 4. Saturn.

Vetus,

Misc  
Vetus,  
ilex, q  
tem lo  
lenus.  
id, qu  
scat, q  
Igi  
moriu  
ad ant  
Mart  
decer  
prop  
dum  
Pomp  
ces p  
cere,  
proie  
xtu  
recon  
seru  
tum  
let,  
loc  
que  
bus  
do  
mu  
hib



*Vetus, inquit Sifenna, atque ingens erat arbor ilex, quæ circum proiectis ramis, maiorem partem loci summi tegebat. Vt enim inquit Iabolenus. l. Malum. ff. De uerb. sign. projectum est id, quod ita prouehitur, ut nusquam conquiescat, qualia meniana, & subgrundia essent.*

*Igitur satis constat, radicem, non autem ramorum habendam esse rationem. VERVM ad antinomiam præmonstratam redeo. Caius, Martianus, Paulus, Iustinianusq; manifestè decernunt, arborem in confinio natam, uel propè confinium positam, si etiam in uicini fundum radices egerit, communem esse. Contra Pomponius, si arbor in uicini fundum radices porrexerit, ait recidere eas uicino non licere, agere autem licere, Non esse ei ius sicuti projectum aut tignum habere. Hanc contextuum litem dirimere uolens eruditissimus Iureconsultus Franciscus Hotomanus lib. I. Observationum cap. 10. ait Pomponium id sequutum, quod in alijs similibus causis spectari solet, scilicet ut id, quod partis accessionisque loco est, ex eo, quod principale est, censeatur, quemadmodum in purpura, cæterisq; omnibus traditur in. l. Sed si meis. ff. De acquirendo rerum dom. l. Cum aurum. §. Perueniamus. ff. De auro & arg. leg. l. Tigni. ff. De exhib. l. In rem actio. §. 2. & 4. ff. De rei uind.*  
dic.



dic. Cum igitur non modò longè maxima pars arboris, sed etiam potissima pars radicum, in meo fundo sit, quanuis in uicini fundum reliqua pars prorepserit radicum, arbor mea nihilominus manere debet, cum & si uicini fundo arbor partim alatur, ex potiore sui parte, ut in cæteris sit, extimanda sit. Vt hac ratione Caij Iustlinianiq; argumentum neutiquam obsit, quo dicitur, rationem non permittere, ut alterius arbor esse intelligatur, quàm cuius in fundum radices egerit. Cuius uiri sententia non uidetur reijcienda. In eo tamen lapsus uidetur, quòd putat radices non esse excindendas, ne arbori interitus afferatur, sed si quid uicini intersit, negatoria eum actione uti debere, Ius mihi non esse immissum illud in suum fundum habere, ut ei suum damnum uel in pecunia, uel in aliqua fructuum parte resarciam. Est enim sanè quàm manifestum, si radices non multæ admodum, ut potè quarum ratio non habeatur, arbori, quæ magna radicum copia suffulta sit, abscendantur, interitum ipsi non afferri: nec uideri Pomponium demonstrare, non esse radices abscindendas, & si dicat, uicino eas recidere non licere. Siquidem uetat, illas propria auctoritate abscindere, cum uelit ut agat, Non esse mihi ius in suo fundo radices habere, sicuti proiectum, aut ipsum

sum in eius ædificium immissum habere. Hanc autem actionē his uerbis dari ad rē, quam ita habere non conceditur, amouendā, demonstrat idem Póponius in .l. posteriore, De arboribus cædendis, dum inquit, Ex lege. 12. Tabulariū de adimenda ea rectē agere potes, Ius ei nō esse ita arborē habere. Sic Póponius. Traditq; Vlpianus in .l. pen. ff. Vti possidetis, interdictum, Vti possidetis, efficax esse ad uicinum compellendum ut proiecta (his autem Pomponius comparat radices illas) & tectoria tollat. Licet obflare uideatur quod de aquæductu dicitur in .l. Quemadmodum. §. 1. ff. Ad legem Aquiliam. Significat ergo Pomponius propria auctoritate, & ut dicitur, de facto, radices arboris meæ, quanuis fundo suo hærentes, uicino abscindere non licere, quemadmodum nec ei permittitur arborem, quam in confinio plantauerim succidere (nam eo casu contra me actio datur, ut arbor iudicis præcepto cædenda sit, ut in .l. Sed & loci. ff. Finium regundorum. præscribitur) agere autem licere negatoria actione, Vt radices iudicis præcepto recidantur, ne quid detrimenti sibi afferatur: arborum enim radicibus, agrorum fecunditas exhauritur.

ILLVD non leuem continet difficultatem, quod Caius, & Iustinianus inquirunt de uicini

# Hieronymi Magii

uicini arbore, quæ in meum fundum radices egerit: eam nanque meam effici dicunt, mox uerò subdunt, arborem, quæ in uicini fundum radices egerit, communem esse. Arbor uicini, quæ ita terram meam presserit ut in meum fundum radices egerit, non mea sed communis fore uidetur, siquidem & in uicini fundo, ex quo in meum radices produxit, radices eam habere, negari minimè potest. Cur ergo mea erit arbor, & non etiam prioris domini? An fortasse quòd potiores maioresq; radices, quibus illa semper nixa est, inaruerint, maiorq; radicum uis in meum fundum prorepserit, unde ex potiore parte in meum ius ac dominium migrauerit? An hæc à confinio abest, cum statim de alia, uerba illa subiiciantur? Et ideò prope confinium arbor posita, si etiam in uicini fundum radices egerit, communis est.] Vtraque arbor in uicini fundum radices agit, at non utraque communis fit. Cur una de re tot uerbis agitur, et diuersa statuuntur? Equidem Caij, & Iustiniani contextum ex Caio desumptum, deprauatum esse arbitror, non enim diuersa sunt hæc, quòd arbor ita terram presserit, ut in uicini fundum radices egerit, & quòd prope confinium arbor posita, etiam in uicini fundum radices produxerit: Et hîc hos nugamenta huiusmodi nobis obtrusisse, mihi

*hi non fit uerisimile. De triplici nanque hominis facto, unico uerò naturæ loquuti sunt. Scilicet Cùm alienam plantam alteri subreptam, in meo solo posuero: Cùm meam in alienum transtulero: Cùm alienam arborem non radicitus auulsam, sed adhuc terræ hærentem, quæ prope confinium sit, ita in fundum meum inclinauero depressoq; , ut in eo coaluerit: Et demum, Cùm aliena arbor confinio adplantata, sponte, & solius naturæ opera in meum fundum radices produxerit. Hunc autem germanum esse utriusque sensum, deprauataque utrobique esse uerba, Pandectæ Florentinæ, aliaq; uetusta exemplaria nos admonēt, in quibus sic legitur, HIS CONVENIENS EST QVOD SI VICINI ARBOREM ITA TERRA PRESSERIM, VT IN MEVM FVNDVM RADICES EGERIT, &c. Hac recepta lectione, omnia rectè habere, nihilq; absurdi obtrudi, manifestè perspicis. Verbum autem Premere, huiusmodi rei congruere Virgilius demonstrat, sic inquit in Georgicis,*

» Quod superest, quæcunq; premes uirgulta  
per agros

» Sparge fimo pingui, &c.

*Homines enim dum hac agunt, terra premere arbores dicuntur, non autem arbores terram.*

## Hieronymi Magii

*Hæ nanq; cum coalescunt, terram'uc subeunt,  
 radices in terram agere, uel terram compre-  
 hendere, ut in. l. 3. ff. Arborum furtim casa-  
 rum, dicuntur. Huc accedit Venuleius l. fi-  
 nali. ff. Quod ui aut clā. eandē ferē facti speciē  
 proponens his uerbis, Si uitem meam ex fun-  
 do meo in fundum tuum deprehenderis [ de-  
 presseris castigatius legi arbitror ] eaq; in fun-  
 do tuo coaluerit, utile est interdictum Quod ui  
 aut clam. intra annum; sed si annus præte-  
 rierit, nullam remanere actionem. Radices,  
 quæ in fundo meo sint, tuas fieri, quia his ac-  
 cessiones sint. Hæc ille. Arboris autem appel-  
 latione, uites etiam contineri, satis liquet ex  
 .l. priore. ff. de Arboribus cadendis. & .l. 3.  
 ff. Arb. furtim cas. suprā relatis. Depresse-  
 ris autem legendum esse existimo, monētibus,  
 Glossula his uerbis, Depresseris, idest propaga-  
 ris. quam Ludonicus Russardus in codice ma-  
 nuscripto haberi dicit, & prænotata Floren-  
 tina lectione in uerbis Caij, TERRA PRES-  
 SERIM, Vt minus admittenda uideatur eiusdē  
 Russardi, uiri alioquē perspicacis, acerrimi que  
 iudicij, explicatio, in qua ita legitur, Et fortē  
 deprehendere, ea formula hīc dictum est, qua  
 defringere, et deplantare, ut sensus sit, Si sum-  
 pseris uitem ex fundo meo in fundum tuum,  
 idest in usum fundi tui, ut scilicet in fundo tuo  
 plan-*

plantares. Ac præpositionis IN, hanc esse uim apud Latinos auctores, nemini ignotum est. Hactenus ille. Non enim Venuleius id significare uoluit, sed uitis propagationem ex meo in fundum suum à uicino clam factam. Cuius rei illud est argumentum, quòd uite in fundum, eius depressa, aut propagata, uel si magis placet, deprehensa, hoc est deprehendendo inclinata, & suppressa, adhuc radices in fundo meo illam habere dicat; quæ tamen, cum alias radices intra anni spatium in fundum, eius egerit, tanquam accessiones sint, mihi non prosint. Quanquam nec uitis, nec ulla alia arbor, ita depressa, nouas radices tot, tantasque tæbre ui temporis curriculo producere posse uidetur, ut earum instar, ueteres, & quæ adhuc fundo meo hærent, tanquam minores paucioresque, pro accessionibus habendæ sint. Iam igitur intelligis quæ sit Caij, Iustiniani, ac ipsius Venuleij sententia. Quamobrem etiam est restituendus locus ille in Institutionibus de Rerum diuisione. §. Si Titius, hoc pacto, UT SI VICINI ARBOREM ITA TERRA TITIVS PRESSERIT, UT IN EIVS FUNDUM, &c. His rectè satis constitutis, uidendum est, cur Paulus in citata. l. Arbor. ff. de Comuni diuidundo, & in. l. Illud. ff. Pro socio. loquens de arbore, sic dicat, Arbor, quæ



## Hieronymi Magii

*in confinio nata est; cum Caius in. l. Adeò. ff. De acquir. rerum dom. idem quod & ille discernens, arborem prope confinium nō natam, sed positam dicat. Et ego cēsuerim id esse ideò factum, quòd in confinio arbores plantari non consueuissent, & si à uicino plantatæ essent, ille eas amouere compellebatur, ut cernere est in. l. 2. et. l. Sed et loci. ff. Finium regundorum. Liberum enim oportebat esse spaciū quinque pedum à lege Manilia præfinitum, quod inter uicinorum agros relinquebatur, cum per illud iter esset ad culturas, uel in eo circumageretur aratrum, quæ de re sic habet Aggenus Vrbi-  
cus in Com. in Iulium Frontinum, De fine, inquit, lex Manilia quinque aut sex pedum latitudinem præscribit, quoniã hanc latitudinem uel iter ad culturas accedens occupat, uel circumactus aratri, quod usucapi non potest. Iter enim non quã ad culturas peruenitur, capitur usu, sed id, quod in usu biennio fuit. Hæc ille. A quo spacio Romani Imperatores præscriptionem summonerunt, ut patet apud Iulium Frontinum in libro de Iure limitum, & in. l. Quinque pedum. C. Finium regundorum: cui primi illuxerunt Petrus Crinitus lib. 25. de Honesta disciplina cap. 4. (hic tamen memorie lapsu, Iustinianum Imperatorem præscriptionem quinque pedum in Digestis eliminasse dicit,*



dicit, cum in. C. potius esset dicendum) et Marinus Becichemus Scodrésis Epistolicarū quaestionum cap. 78. quas edidit à CHRISTI Seruatoris ortu anno millesimo quingentesimo sexto. E quibus Alciatus quæ primum de Quinque pedum præscriptione protulit in Annot. in tres posteriores libros Codicis, ad. l. Quidam. de Decurionibus, hausit, horum tamen nominibus suppressis. Sed, redeo ad rem.

Quanquàm autem relinqui multis in locis solebat huiusmodi spaciū quinque pedum, cuius præscriptio à lege Solonis, quæ à Caio refertur in. l. Finali. ff. Finium regundorum, & à Plutarcho in Solone commemoratur, defluxit, inq; XII. Tabulas migravit: & de qua mentionem facit Cicero lib. 1. De legibus: nihilominus alicubi obsolescente consuetudine, minime uidentur fuisse relictī quinque pedes. cuius rei argumentum præbet illa uitis arborisquæ uicini in agrum alterius deprehensio, uel depressio, & traductio; ac radicum arboris prope confinium posita productio maxima, ex qua arbor communis efficiatur. Quandoquidem si quinque pedum spaciū intercessisset, non admodum fuisset cuiquam integrum, uicini arborem in fundum suum quadam quasi propagationis specie deducere, nec arbor quauis termino adplantata, tot tantasq; radices in alie-

## Hieronymi Magii

num agrum effundere potuisset, ut tanquàm ex æquo hinc inde radicum partitione facta, arbor efficeretur communis. Illud hîc non uidetur omittendum, fuisse inter uicinorum fundos arbores, quibus fines præmonstrarentur, quas Iulius Paulus Sententiarum lib. 5. Titulo. 24. terminales appellat. Has notari cõsueuisse testatur Urbicus loco præallegato, cuius uerba quoniam ad rem nostram maximè conducunt, in lectoris gratiam referre libuit, Finis enim, inquit, multis documentis seruabitur, terminis, & arboribus notatis, & fossis, & uijs, & riujs, & uepribus, & sæpe normalibus: & ut comperi aliquibus locis, inter arua marginibus quibusdam tanquàm puluinis, sæpe etiam limitibus. Item petras notatas, quæ in finibus sunt, pro terminis habebitis. Si arboribus notatis fines obseruabuntur, uidendum quæ partes arborum notatæ sint. Nõtæ enim in proprijs arboribus à foras ponuntur, ut arbores liberas in parte à nota derelinquant. Si communes sunt arbores, mediæ notantur & ad utrunque pertinent. Hæc ille. Termini lapidei termino Deo dicabantur, & à uicinis, fertis coronabantur. Ouid. Fastorum lib. 2.

- » Termine siue lapis, siue es defossus in agris
- » Stipes, ab antiquis tu quoque nomen habes.

bes.

Te duo diuersa domini de parte coronant,

Binaq; ferta tibi, binaq; dona ferunt.

Tibullus uerò de eodem Terminò,

Nam ueneror seu stipes habet desertus in agris

Seu uetus in triuio florida ferta lapis.

Limites agrorum angustos fuisse et Varro demonstrat lib. 4. De Lingua Latina his uerbis, Sæpe enim ad limitem, arboris radices, sub uicini prodierunt segetem. Idem et limitarium uiarum usum arguit eodem libro sic inquiring, Hinc fines agrorum termini, quòd hæ partes propter limitare iter maximè teruntur. Itaq; hoc cum his in Latio aliquot locis dicitur (ut apud Accium) non terminus, sed termen — Etiam ambitus iter, quòd circumeundo teritur. nam ambitus, circuitus. Ab eo XII. Tabularum interpretes, ambitum, parietis circuitum esse describunt. Et multò inferius, Huic origini magis concinunt luci uicini, quòd ibi Lucus Fagutalis, & Larium, Querquetulanum sacellum, & lucus Martis, & Iunonis Lucinæ: quòrum angustii fines, nò mirum, iam diu. n. latè auaritia nunc est. Hactenus Varro.

Controuersiarum; quæ super fructibus arborum affinium oriuntur, meminit quidem Iulius Frontinus, sed nihil quod iudicem instrue-

**Hieronymi Magni**  
re possit est ab eo allatum, sic enim inquit, Est  
et controuersia genus, quod ad solum non per-  
tinet, sed de arboribus, fructibusq; earum, quæ  
in fine sunt, siue intra, nec ullam ad radicem  
habent controuersiam; quoties inclinatæ in al-  
terutram partem fructum iactauerint, inter  
affines mouent disputationem. Hæc ille. Quod  
attinet ad parietis circuitum, XII. Tab. pe-  
des duos præscribunt. Festus autem lib. I. se-  
mipedem addit his uerbis, Ambitus, inquit,  
propriè dicitur, inter uicinorum ædificia lo-  
cus duorum pedum, et semipedis, ad circum-  
eundi facultatem relictus, &c.

De parricidio, & pœnis, quibus antiqui  
parricidas afficiebant. Ouidii locus  
declaratur, & Constantini Imp. Lex  
illustratur. Modestini uerba quædam  
lectionem à nonnullis allatam nō fer-  
re. Quo uirgarum genere, & qua ra-  
tione parricidæ cæderentur.

CAP. VIII.

**P**ARENTIBVS ubi à Deo Opt. Max. di-  
scesserimus, maximè nos debere, nisi quis  
humanitatem omnem exuat, nemo ignorat.  
Itaque non homines modò sensu quodam arca-  
no, pietatis in parentes, sed etiam nonnullæ,  
quæ

*quæ ratione carent, animantes, admonentur. Siquidem grauissimi auctores posteritati prodiderunt, ciconiam, ut infantia suæ uices re-  
 pendat, uetulos parentes alere. unde et pro iu-  
 stitiæ symbolo auis hæc meritò usurpata est. Verùm & si natura, et moribus erga paren-  
 tes, omnes planè sic afficimur, nonnullos ta-  
 men reperiās, qui ita se humanis cupiditati-  
 bus dediderunt, uel in iram exarserunt, ut pa-  
 rentes è medio sustulerint. Nam ut Principes  
 uiros præteream, qui regnandi causa paren-  
 tes confoderunt, uidit nostra ætas Dynastas  
 quosdam, leuissimis de causis scelere hoc im-  
 mani pollutos, è quibus ego de facie noui Clau-  
 dium Vbaldinum è Montis Vicini Comitibus,  
 manu promptum ac strenuum hominem, qui  
 mox à suis, diuino ita iubente uindice, est tru-  
 cidatus. Ipse quidem Socrates legislator sa-  
 pientissimus cum, ut Cicero in Orat. pro Ro-  
 scio, & alij testantur, interrogatus esset, cur  
 nullum supplicium constituisset in eum, qui pa-  
 rentem necasset, respondit, Id se neminem fa-  
 cturum putasse. quod ipsum & Romulum ali-  
 quando respondisse, Plutarchus scriptum reli-  
 quit. Verùm illud dicit Cicero fuisse in causa,  
 ut parentum interfectores nullam priuatim  
 pœnam maiores olim statuerint, quòd non sa-  
 na mente hominibus id accidere existimarent:*

*Alcmeon*

## Hieronymi Magii

*Alcmeon enim, & Orestes matricidæ in furorem uersi traduntur. Platonis autem ætate cum iam in nonnullos, ut credere par est, sæculus huiusmodi grassaretur, hac sanctione homines, quos natura in officio minimè contine-  
ret, Dialogo x i . de Legibus, à parricidio pa-  
trando detertere ipse nixus est. Et qui cædis  
(inquit de parricidio loquens) huiusmodi con-  
demnatus fuerit, tã à iudicum ministris, quàm  
à magistratibus occidatur, trahaturq; extra  
urbem in statutum triuium nudus, ubi singuli  
magistratus pro uniuersa ciuitate, in mortui  
caput lapidem mittant, atq; ita ciuitatem o-  
mnem purificent. Demum ultra regionis fines  
portatum, secundum leges insepultum eijciat.  
Hæc ille Ficino interprete. Minos apud Oui-  
dium Scyllam, quæ patrem Nyssum prodide-  
rat, monstrum appellat, inquit,*

» Certè ego non patiar Iouis incunabula Cre-  
ten,

» Qui meus est Orbis, tantum contingere  
monstrum.

*Idemq; precatur, ut illa terra, & mari sub-  
moueatur,*

» Dii te submoueant, ò nostri infamia sæ-  
cli,

» Orbe suo, tellusque tibi pontusque nege-  
tur.

Quo

Quo loco ad parricidarum pœnam antiquæ legis Cornelia etiam antiquioris alludere videtur, cuius meminerit Valerius Maximus lib. I. cap. I. his uerbis loquens de pœna, quæ Tarquinius Rex quendam ob communicatum librum sacrorum mysteriorum affecerat, Culeo, inquit, insutum, in mare abiecti iussit: idq; supplicij genus non multò post parricidis lege irrogatum est. Sic Valerius. Et si non me latet Iacobi Cuiacij plausibiliorem esse sententiam, qui legem pro more hîc accipit, & amouendam esse negationem, monentibus, ut ille ait, uetustis libris, existimat. Cui præter Liuium, & alios, Cicero etiam ad stipulatur inquiring, ut suprâ relatum fuit, maiores nullam priuatim pœnâ statuissè in eos, qui parentes interfecissent. Vnde probabilius dicendum sit, Ouidium ad Corneliam legem allussisse, quæ Pompeia prior sit. l. 2. §. Deinde Corn. ff. de Orig. iuris. & quam Imppp. Valent. Grat. & Valens in C. Theodosiano lib. 9. sub Titulo 15. antiquam fuisse dicunt: uel etiam ad ipsam Pompeiam. Primus autem, qui parricidium apud Romanos perpetravit, culeoq; insutus in mare præcipitatus est, Publicius Malleolus fuit: de quo Liuius, Auctor ad Herennium, & Orosius. Culeus autem, quo parricidæ clauderantur, bubulo corio fieri solebat, unde inquit



## Hieronymi Magii

quit Satyricus ille,

» Et deducendum corio bouis in mare, cum  
quo

» Clauditur aduersis innoxia simia fatis.

Præter autem simiam, ut satis notum est, cum parricida eodē culeo includebantur, uipera, gallus gallinaceus, & canis. ut. l. unica. C. Qui parentes uel lib. occid. & in C. Theod. lib. 9. Tit. 12. ac Instit. De publ. iud. §. Alia deinde. cuius rei symbolicam rationem afferunt Cælius Rhodig. in Antiq. lect. Stephanus Forcatulus in Necyomantia iuris, et post eos in Annot. in Instit. Franciscus Balduinus elegantissimus ac doctissimus Iurisconsultus. quibus nos in Annotationibus ad prænotatum Iustiniani locum non omnino assentimur. Constant. Imperator non unam uiperam sed plures sociari parricidis consueuisse demonstrat inquiring, Serpentum contubernijs misceatur. quod ipsum & antiquus interpres C. Theodosiani existimat, dum sic scribit, Cum ipso etiam serpentes claudantur, &c.

Cum alioquē unus duntaxat includi serpens so-  
leret, iuxta illud eiusdem Satyrici Poëtæ,

» Cuius exitio non debuit una parari

» Simia, nec serpens unus nec culeus unus.

Nisi fortē Constantinus ipse, qui pœnam illam iam tum tempore Iulij Pauli in desuetudi-

nem

nem dilapsam ( quod ipse testatur lib. 5. Sent. Tit. 26. ) reuocauit , plures addiderit pro uiperis serpentes , aut plurali uoce , pro singulari , ut aliquando fit à Latinis , usus sit. Quod fecisse uidetur Quintilianus in declamationibus his uerbis loquens de parricidio , Culeo , inquit , & serpentibus expianda feritas . Franciscus Balduinus , parricidas uase quodam , cui culeo nomen sit , includi solitos dicit . Iuuenalis bubulo corio dicit . cui cōcinit idem uetustus interpretes his uerbis , Facto de coreis sacco , qui culeus nominatur , in quo cū missus fuerit , etc. Ad serpentes quod attinet Cicero ipse in lib. de Orat. & in Orat. Pro Roscio , ex qua in citata. l. unica sunt quædam à Constantina Imp. expressa , omnia prosecutus , quæ ad parricidij pœnam spectabant , nihil omnino de prænotatis animalibus . Quare sit mihi uerisimile , nihil cum parricida intra culeum ab initio fuisse conditum . Et si non me latet Plutarchum scriptum reliquisse C. Villium post Tyberij Gracchi necem , tanquàm seditiosum ciuem , culeo cum anguibz fuisse insutum .

Modestinus in l. penultima. ff. Ad legem Póp. de parric. ante quàm sacco parricidæ inderetur , fuisse ostendit in more positū , ut uirgis sanguineis cæderentur . In qua lege M. Mátua Benauidius Clarissimus Iureconsultus contendit

dit legendum esse non Sanguineis, sed Sagmineis, atque ita quosdam legere refert Balduinus in Annot. in Institut. ad §. prænotatum, quorum minimè reprobatur sententiam. Mihi nunquàm fieri potest probabile, lectionem huiusmodi genuinam esse, cum sagmina, quæ, ut ex Plinio cognoscitur lib. 22. cap. 2. graminen significant, tam ad uirgas conficiendas apta atque utilia sint, quàm ad lanceas saturæ: ac sit absurdum putare, herba, quæ in remedijs publicis, & sacris legationibus usurparetur, ierè βοτάνη dicta, sceleratos, & impios homines fuisse cæsos. Quamobrem, uetere lectione retenta, arbitror Modestinum significare nobis uoluisse uirgas ex sanguineis fruticibus, quorum Plinius meminit lib. 16. cap. 37. non autem uirgas ex percussu sanguine rorantes rubentesque, ut Accursius, aliique accipiunt. Hoc autem ligni genere cæsos esse parricidas, tanquàm omnium in felicissimo, nocentissimo, ac maximè infami, coniungere licet, ex eodem Plinio lib. 14. cap. 10. in hac uerba loquente, Nec uirga sanguinea felicior habetur. cortex eius interior, cicatrices, quæ præsanauere, aperit. Sic Plinius. Cuius quidè noxæ, exprimèto admoniti pastores, muliones, agasonesque, etiam num per Italiam uirgas huiusmodi & si ad cædendum ap-  
tissimas,

tissimas, nocuas tamen auersantur, nec ijs iumenta aut pectora agunt.

Pestilentiis, quæ urbes regionesq; uastasse dicuntur, an & bruta absumpta esse credendum sit. Hippocratis locus, qui multis auctoribus aduersari uidebatur, quo modo sit accipendus.

CAP. IX.

MAGNAS pestilentiae uastitates, quæ exercitus, ciuitates, atque adeò prouincias ipsas internecino genere morbi aliquando depopulantur, optimè descripserunt Homerus, Lucretius, Virgilius, Ouidius, Silius, Lucanus, Seneca, Thucydides, Boccacius, atque alij. Hi ferè bruta etiam cladi obnoxia, ut neminem latet, fecerunt. Nam ut ex his & uetustatis & elegantiae nomine plausible testimonium proferam, sic inquit Lucretius libro ultimo, pestem, qua Athenienses miserè correpti sunt, et de qua latè Thucyd. lib. 2. describens,

» Multaq; humi cum inhumata iacerent  
corpora supra

» Corporibus, tamen alituum genus atque  
ferarum

» Aut procul assiliebat, ne acrem exciret  
odorem

# Hieronymi Magii

odorem

- » Aut ubi gustarat languebat morte pro-  
pinqua.  
» Nec tamen omnino temerè illis sedibus  
ulla  
» Comparebat auis, nec fortia sæcla fera-  
rum  
» Exhibant syluis, languebant pleraque  
morbo,  
» Et moriebantur, cùm primis fida canum  
uis  
» Strata uis animam ponebat in omnibus  
ægram:  
» Extorquebat enim uitam uis morbida  
membris.

Liuius quoque lib. 3. Dec. 1. pestilentiarum,  
quæ homini pecoriq; fædæ essent, mentionem  
facit. sic & infra lib. 5. & Dec. 5. lib. 1.

Sed quotquot affirmant existimantq; peste,  
quæ mortales inuadat, bruta etiam esse corre-  
pta, aut corripi posse, errare uidentur: siqui-  
dem non omnibus animantibus, ut Hippocra-  
tes ait, omnia æquè aut salubria aut lethalia  
sunt. Tunc enim homines aduersa ualetudine  
laborare ait, cùm aër hic, quem inspiramus et  
expiramus, ea cōtraxerit inquinamenta, quæ  
humanam lædant naturam: hoc uerò, aut il-  
lud animantium genus, cùm insensum perni-  
ciosumq;

ciosumq; suæ naturæ aërem hauserit. Hippocratis uerba ex libro de Flatibus, si Latine loquatur, sunt infrascripta, Communis ergo febris, propterea omnibus accidit, quod eundem spiritum omnes attrahunt: fitq; ut simili corpori, similes spiritus similiter permisti, similes gignant febres. Sed est fortasse qui dicat, Ut quid ergo non omnibus animantibus, sed alicui eorū generi incidunt hi morbi? Cui ego sic responderim, Differt corpus à corpore, natura à natura, & nutrimentum à nutrimento. Non enim omni animantium generi eadem aut non conferunt, aut commoda sunt; sed sunt alia alijs magis conuenientia. Quando igitur aër eiusmodi inquinamenti plenus est, quibus humana natura offenditur, homines ægrotāt. Quando uerò alteri cuiuspiam animantium generi aër inconueniens est, tum morbus illud genus corripit. Hactenus Hippocrates. Adde quod cū, Hippocrate eodem libro, Galeno lib. 1. de Sanitate tuenda, & Cicerone lib. 2. de Natura Deorum attestantibus, præter spiritum uel aërem ipsum, cibo etiā & potu tum hominum tum reliquorū ferè animalium uita sustineatur, uictusq; in uniuersum non sit omnibus idem, sed diuersus, atq; ex alimonijs corruptis pernicies corporibus concilietur, non uidetur fore ut eodem populari morbo uno eo-

## Hieronymi Magii

demq; tempore aliæ cum mortalibus animantes languescant. Vt errauerint cum Democrito antiqui, quibus persuasum erat, ex pecoris habitudine ualetudineq;, regionis hominibus salubris uel insalubris arcana cæcæq; et cõmoda & uitia posse deprehendi. quanquàm idem, ut opinor, Democritus pestes hominibus solis exitiales esse alioquì demonstrat libri à se editi inscriptione, quæ legitur apud Gellium lib. 4. cap. 13. ἐστὶν; in hæc uerba, περὶ λοιμῶν ἢ λογικῶν κακῶν. hoc est, De pestibus, aut rationalium malis. Præterea cùm nostra et parentum memoria pestes per Italiam non leues grassatæ sint, quarum nouissima, quæ Thusciam Anglarensesq; nostros inuasit, & ego infans correptus sum, Diuini tamen numinis benignitate ab interitu uindicatus, nullibi auditum est pecudes feras'ue eo morbo laborasse. Equidem in re nonnihil ancipiti dixerim, quod est ab Hippocrate scriptum, tunc usu uenire cùm nō maxima aërem corruptio peruagatur. Verùm aëre planè uitiato, ac tetrīs lethalibusq; expirationibus quasi putrescente, non homines modò, sed & animantes, quæ spiritu minimè caruerint, abolitum iri. Iam enim non quæ his aut illis duntaxat temperamentis hæerere ualeat, noxa proserpet, sed eiusmodi exitium corpora illabetur, quod ægrè à cuiusuis



uis animantis natura possit repelli. Eam ob rem locis quibusdam halitum mortiferum expirantibus, superuolantes aues interire, bruta speluncas spiritu exitiali refertas subeuntia, aërem pestiferum cum hauserint, interire animaduertimus. Qua re intelligimus eò posse corruptionis aërem aliquando deuenire, ut hominibus brutisq; passim mortem inferat. Qui ergo admirandas quasdam pestes descripserunt, præsertim Poëtæ, quos in rebus eiusmodi non una ratione solemus tueri, non ideò sunt reprehendendi, si et in bruta, præsertim in quadã præ cæteris morbo obnoxia, uim lethalem clade non leui dimanare affirmauerunt.

Consuetudinem, qua ingredientiæ templa, lustrali aqua respergimur, etiam apud Ethnicos fuisse. CAP. X.

**A**QUAE, purgationis uim non modicã inesse, non solum Latini, sed et Græci olim censuerunt. Vnde illud apud Virgilium,

„ ——— donec me flumine uiuo

„ Abluero.

Item illud,

„ Spargens rore leui.

Qua de re Festus sic inquit, Itaq; funus prosecuti, ignem supergrediebantur aqua aspersi,

## Hieronymi Magii

quod purgationis genus appellabant suffitionē. Verūm hæc satis cognita, & Sarracenis, Iudæis, Thurcisq; hodie qui toti abluuntur, usu recepta. Illud certè obseruatione dignum uidetur, Ethnicos illos licèt rectæ fidei luminis exortes, tanquàm essent Christianis dogmatibus addiçti, quod est piè sancteq; apud nos in more positum, ut templum ingressuri, uel statim ingressi sacra aqua purificationis ergò respergamur, seruasse. Et si illi non sacram, sed simplicem aquam, puram tamen usurpasse uidentur. Huius rei testem habeo antiquum auctorem Ethnicum in libro de Morbo sacro, qui Hippocrati uulgò adscribitur, cum tamen Galenus ex Hippocratis familia eximendum dixerit. Cuius uerba Latinitate donata, quòd Christianam pietatem planè præferant, referre, uisum est operæ precium, Deus itaq; inquit, est qui maxima, ac sceleratissima peccata purgat, ac purificat, et liberatio nostra exiit: ipsiq; terminos templorum ac delubrorum Dijs designamus, ut nullus, qui non purus sit, eos transcendat: Et ingressi respergimur, non uelut qui inquinemur, sed si quod etiam prius scelus habemus, purificemur. Hæc ille. Marinam aquam ad lustrationes usurpatam, obseruari apud Dionem Ro. hist. lib. 48. ubi ille de Virtutis statua, & apud Euripid. in Tauris.

Animas

Animas nostras corporibus egressas,  
deductoribus egere. Quis eas dedu-  
cat. Ethnicos Mercurio id muneris  
tribuere.

CAP. XI.

**S**ACRARVM scripturarum interpres, pie  
statis atq; eruditionis nomine inclytus Ioan-  
nes Chrysostomus, quo meritò Græcia cense-  
tur, Concione 2. De Lazaro, ad Lucæ Aposto-  
li Euang. cap. 16. ubi Lazari mendici ani-  
mam ab Angelis in sinu Abrahæ conuectam,  
ex Sanctissimi Seruatoris nostri sermonibus re-  
fertur, animas nostras cum à corpore solutæ  
ad alia loca migraturæ sunt, deductoribus  
egere affirmat, quod ipsum & Homilia 29. in  
cap. 8. Matthæi Euang. literis prodidit. Prio-  
re loco in hanc sententiam loquitur, Nam si  
ciuitatem ciuitate uertentes egemus deducto-  
ribus, multò magis anima à carne diuulsa, &  
ad summam trāsiciens uitam, opus habebit ui-  
ducibus. Quapropter frequenter nunc emicat,  
nunc in profundum demergitur, metuitq; &  
horret cum est à corpore discissura. Nam cum  
semper nos stimulat peccatorum conscientia,  
tum uerò maximè illa hora cum hinc sumus  
abducendi ad illa tribunalia metuendumq; iu-  
dicium, etc. Quamobrem rectè quidem in Mis-  
sa pro defunctis Sanctus Michaël Archange-

## Hieronymi Magii

lus, qui Danieli cap. X. unus est de primis principibus, & Ecclesiæ etiam, ut olim Synagoga princeps uocatur, piorum animas in æternum æuum perducere dicitur. hæc enim uerba à sacerdote proferuntur, Domine I E S U C H R I S T E Rex gloriæ, libera animas omnium fidelium defunctorum de manu inferni, & de profundo lacu. Libera eas de ore leonis, ne absorbeat eas Tartarus, ne cadant in obscurum: Sed signifer Sanctus Michaël repræsentet eas in lucem sanctam, quam olim Abraham promisisti, & semini eius. Verum Ethnicis, qui non ueritatem, sed ueritatis umbras aliquando sunt affecuti, & inanum deorum religione obstringebantur, id muneris Mercurio χθονίῳ (sic enim à Tragico Poëta in Aiace, et in Electra appellatur) idest terrestri tribuebāt. (Cicero lib. 3. de Natura Deorum Mercurium, qui sub terris habeatur, Valentis, et Phoronidis filium dixit) quem ideò πομπᾶιον hoc est deductorem, uel emissorem dixere. Quare Ajax sibi necem inferre dum pararet, inquit,

- α) το σαυτάτ' ὦ Ζεῦ προτρέπω. καλῶ δ' ἄμα
- α) πομπᾶιον Ἑρμῆν χθόνιον δ' μεν κοιμίσαι,
- α) ξὺν ἀσφαδάσῳ καὶ ταχεῖ πηδήματι,
- α) πλάρᾱν διαρρήξαντα τῷ δε φασγάνῳ.

Idest,

» *Hæc te ò Iupiter deprecor . uoco autem simul*

» *Emissorem Mercurium terrestrem , bene me soporare ,*

» *Cum immobili, & celeri saltu*

» *Latus aperientem hoc gladio.*

*Plutarchus Problemate 136. ut à terra mortuorum cadauera, sic à Mercurio animas suscipi, creditū esse testatur. Vnde apud Valerium Maximum quædam illa haustu epoto ueneni moritura , suscipis Mercurio libamētis, eiusq; inuocato nomine , orauit ut se placido itinere in meliorem sedis infernæ partem deduceret. Horatius Carminum lib. I. Ode 10. ad Mercurium ,*

» *Tu pias lætis animas reponis*

» *Sedibus, uirgaq; leuem coërces*

» *Aurea turbam, superis deorum*

» *Gratus, & imis.*

*Vmbrarum ductorem creditum fuisse Mercurium , perspicere etiam licet apud Lucianum in Mort. dialogis , & in Mercurio . Seruius in explicatione eius uersiculi lib. 6. Aeneid.*

» *Lethæum ad fluiuium deus euocat agmine magno .*

*Sic scriptum reliquit, Non dicit quis: sicut supra ,*

» *Dij , quibus imperium est animarum .*

*Sed alij uolunt Mercurium propter hoc,*

» ——— animas ille euocat Orco

» *Pallètes, alias sub tristia Tartara mittit.*  
*Et est ratio, nam uoûs dicitur, idest sensus, quo*  
*Philosophiam, quæ hæc indicat, intelligimus,*  
*quia ipse etiam inuénit literas. Hæc ille, quæ*  
*mibi non admodum probantur. Equidem uan-*  
*nam hanc persuasionem inde apud antiquos or-*  
*tum duxisse arbitror, quòd ille tã superiorum,*  
*quàm inferorum legatus et præco sit creditus,*  
*ut apud Lucianum nò uno in loco apudq; alios*  
*est manifestum: Dijs uerò inferis obtempera-*  
*re uideretur, dum animas siue umbras, quæ*  
*ipsis deberentur, ad eos perduceret. Aut for-*  
*tasse quòd Mercurius tanquàm interpres qui-*  
*dam diceretur, quare nomen ἐρμῆς. unde illi*  
*linguas ob interpretationem attributas, & à*  
*discedentibus ex cænis sacrificatas esse, testa-*  
*tur Athenæus Dipn. lib. 1. cap. 9. interprete*  
*autem maximè uiderentur indigere, qui in in-*  
*gnota loca illa et formidolosa ituri essent. Qua*  
*tamen in re certi nihil statuo.*

An hominum umbræ sint, quæ circa sepulchra nonnunquam uisuntur. Ethnicorum Theologorumque nostrorum hac de re sententiæ relatæ. De uocatis Dæmoniacis, & à Lycanthropia correptis, qui in sepulchris degunt, & sepulchra noctu oberrant.

## CAP. XII.

**D**AEMONES, seu etiam defunctorum hominum umbras sepulchra incolere, et circum loca, quibus humana ossa continentur uagari, iâ inde à priscis Ethnicis orta opinio, uulgo insêdit. Multiq; sunt, qui & in agris, quibus defossa sint hominum cadauera, præsertim punitorum, uiq; interfectorum, & circa cæmeteria se non semel defunctorum umbras uidisse, ac ex similitudine eorum, qui sepulti sint, agnouisse dicunt. Nec solum humana sub forma, sed etiam brutorum. Pausanias in Atticis, in Marathone, circa Miltiadis sepulchrū, uirorum pugnas equorumq; hinnitus noctu auditos dicit. sic enim inquit, Calderino interprete, Seorsum tumulus Miltiadis Cimonis F. qui demum mortuus est, cū prius Paron non tenuisset, eoq; nomine uenisset in iudicium. Ibi per singulas noctes equorum hinnitus uirorumq; pugnas audire licet. Sed nemo de industria



## Hieronymi Magii

*Stria adhuc spectare uoluit, cui id fuerit utile. Si uerò quispiam nec de industria audiat; aut cum alioquì contigerit audire, dissimulet, nihil huic dæmonum ira incommodi accidit. Hæc ille. Non absimile est quod ab Aristotele in lib. de Mirabilibus auscult. refertur, In Lypara Aeolica (inquit ex interprete) sepulchrum aiunt esse, circa quod cum alia prodigiosa eueniant, tum id, quòd ea loca securè tutoq; nemini accedere liceat, uno ore perhibent. Sonitum enim tympanorum, cymbalorumque, & risum cum strepitu, plausumque manuum audiri manifestò, &c. Plinius quoque Cæcilius lib. 7. Epistolarum, epistola ad Suram, domum quandam Athenis fuisse scribit, in qua senis cuiusdam horrida imago, catenis perstrepsens conspiceretur, quæ maximum incolentibus terrorem, ex quo & mors sequeretur, incuteret; usque adeò ut infamis monstroq; illi uacua relicta esset: inuentumq; postea ibi sepultum hominē, cuius ossa cum catenis superessent. Quia uerò non longa est historia, & lectu non inuicunda, Pliniij ipsius uerba apponere libuit. Illud, inquit, non ne & magis terribile, et non minus mirum est, quod exponam ut accepi. Erat Athenis spaciōsa, & capax domus, sed infamis, & pestilens: per silentium noctis sonus ferri, & si attenderes acrius, strepitus uinculorum*

culorum longius primò, deinde proximè red-  
 debatur: mox apparebat senex, idólon macie,  
 et squalore confectus, promissa barba, horren-  
 ti capillo, cruribus compedes, manibus cate-  
 nas gerebat, quatiebatq; . Inde inhabitanti-  
 bus tristes diræq; noctes per metum uigilaban-  
 tur; morbus, & crescente formidine mors se-  
 quebatur. Nam interdum quoq; quanquàm ab-  
 scesserat imago, memoria imaginis oculis in-  
 hærebat, & longioris causa timoris, timor e-  
 rat. Deserta deinde, & damnata solitudine do-  
 mus, totaq; illi monstro relicta, proscribaba-  
 tur tamen, seu quis emere, seu quis conduce-  
 re ignarus tanti mali uellet. Venit Athenas  
 Philosophus Athenodorus, legit titulum, au-  
 ditoq; precio, quia suspecta uilitas, percuncta-  
 tus, omnia docetur, ac nihilominus immo tan-  
 tò magis conducit. Vbi cæpit aduersperascere,  
 iubet sterni sibi in prima domus parte: poscit  
 pugillares, stylum, lumen, suos omnes in inte-  
 riora dimittit: ipse ad scribendum animum, o-  
 culos, manum intendit, ne uacua mens audita  
 simulachra, & inanes sibi metus fingeret. Ini-  
 tiò quale ubique silentium noctis: deinde con-  
 cuti ferrum, uincula moueri: ille non tollere  
 oculos, non remittere stylum, sed obfirmare a-  
 nimum, auribusq; prætereundum. Tum crebre-  
 scere fragor, aduentare etiam, ac iam ut in li-  
 mine,

## Hieronymi Magii

mine, iam ut intra limen audiri: respicit, uidet, agnoscitq; narratam sibi effigiem. Stabat, innuebatq; digito similis uocanti. Hic contra, ut paululum expectaret, manu significat, rursusque ceris, & stylo incumbit. Illa sribentis capiti catenis insonabat. Respicit rursus idem, quod prius innuentem: nec moratus, tollit lumen & sequitur. Ibat illa lento gradu quasi grauis uinculis. postquam deflexit in aream domus, repetè dilapsa deserit comitem. Desertus herbas, & folia concerpta signum loco ponit. Postero die adit magistratus, monet ut illum locum effodi iubeant. Inueniuntur ossa inserta catenis, & implicita, quæ corpus æuo terraq; putrefactum, nuda, & exesa reliquerat uinculis. Collecta publicè sepeliuntur: domus postea, ritè conditis manibus caruit. Et hæc quidem affirmantibus credo. Hactenus Plinius. Scriptum Plutarchus reliquit in Apophteg. Laconicis, Laconem quendam noctu cum iuxta sepulchrum transiret, demonem uisum esse sibi uidere. Suetonius in Caligula, literis prodidit, cum Caligulae cadauer clam in hortos Lamianos asportatum, & tumultuario rogo semiambustum leui cespite obrutum esset, hortorum custodes umbris fuisse inquietatos, donec postea per sorores ab exilio reuersas, erutum, crematum, sepultumque sit.

*fit. In ea quoque domo, in qua occubuit, nul-*  
*lam noctem ab incolentibus, sine aliquo terro-*  
*re transactam fuisse, donec ipsa domus incen-*  
*dio consumpta sit. Multa possem huc afferre*  
*huiusmodi, quæ mea memoria contigerunt,*  
*suntq; etiam à me audita, & à uiris fidei neu-*  
*tiquam suspectæ uisa, sed breuitatis gratia il-*  
*lis supersedeo. Plato in Phædone auctor est,*  
*animas malorû hominû, et eorum, qui corpori*  
*obnoxij, corporearum rerû curis semper im-*  
*pliciti fuerunt, contagione corporea infectas,*  
*ponderosum quiddam, & graue terrenumq;*  
*contrahere, quod eas continuò comitetur, &*  
*degrauet: eamq; ob rem ad uisibilem locum*  
*metu inuisibilis atque occulti protrahi: &*  
*quemadmodum & tunc ferebatur, circa mo-*  
*numenta sepulchraq; uersari, & apparere, et*  
*circa hæc loca oberrare compelli, ut pœnas*  
*dent uitæ improbæ actæ. Itaq; tandiu circum-*  
*uagari, quo ad cupiditate naturæ corporeæ co-*  
*mitante, rursus induant corpus. Idem in Cra-*  
*tylo ait mortuorum animas [ut opinor, purio-*  
*res] suauissimis Plutonis orationibus demul-*  
*ceri, quòd hic Deus sit sophista proculdubio di-*  
*fertissimus, qui etiam ingentibus beneficijs*  
*eos, qui penès ipsum habitant, prosequatur, et*  
*uirtutis auiditate detineat, ideoq; illos ad nos*  
*reuerti nolle. Macrobius lib. I. in Somn. Scipio-*  
nis

*nis Cap. 9. ad rem quod attinet hæc ex Platone deriuauit, Hinc anima, inquit, quam in se pronam corporis usus effecit, atque in pecudem quodammodo reformauit ex homine, & absolutionem corporis perhorrescit, et cum necesse est, non nisi cum gemitu fugit indignata sub umbras. Sed nec post mortem facile corpus relinquit, quia non facile corporeæ excedunt pestes: Sed aut suum oberrat cadauer, aut noui corporis ambit habitaculum, non humani tantummodo, sed ferini quoque, electo genere moribus congruo, quos in homine libenter exercuit. mauultq; omnia perpeti, ut cælum, quod uel ignorando, uel dissimulando, uel potius prodendo deseruit, euadat. Hæc Macrobius. Non solum autem malorum, sed bonorum etiam animas, seu potius umbras se pulchra corporum suorum incolere, credebant antiqui: quamobrem Ouidius lib. 2. Fastorum,*

» *Vix equidem credo, bustis exisse feruntur,*  
 » *Et tacitæ questi tempore noctis aui;*  
 » *Perq; uias urbis, latosq; ululasse per agros*  
 » *Deformes animas, uulgus inane ferunt.*  
*Vnde umbras, seu manes tumulo condere, cuius rei supra mentionem uidisti in Plinij uerbis. Ouidius infra lib. 5.*

» *Romulus ut tumulo fraternas condidit umbras,*

» *Et*

- » Et malè ueloci iusta soluta Remo.  
*Virgilius quoque lib. 3. Aeneid. ubi de Polydoro,*  
 » Inferimus tepido spumantia cymbia lacte,  
 » Sanguinis & sacripateras, animamq; sepulchro  
 » Condimus, & magna supremum uoce cimus.

*Impp. Theod. & Valent. in libro Legum nouellarum Tit. 5. dicunt, animas amare sedem corporum relictorum, & nescio qua sorte rationis occultæ, sepulchri honore latari. Lactantius Firmianus lib. 2. Diuin. instit. cap. 2. sua quoque ætate uulgò creditum fuisse dicit, mortuorum animas circa tumulos, & corporum suorum reliquias errare. Verum non animæ defunctorum fuerunt, aut sunt, spectra, & phantasmata, quæ circa sepulchra aut cœmeteria se noctu conspicienda præbebant, aut præbent, sed Demones. Iamblichus in lib. De Aegyptiorum mysterijs, segmento. 3. cap. 32. ex Porphyrio refert, subdolum quoddam genus Dæmonum simulare animas defunctorum, Deos, & Genios, quos ipse Iamblichus Cacodæmones, non bonos Dæmones esse contendit. Philostratus quoque lib. 3. De Vita Apollonij Tyanei commemorat, Dæmonem quendam, qui in pueri corpus illapsus esset, afferuisse*

## Hieronymi Magii

asseruisse idolum se esse hominis in bello interfecti. Chrysostomus Concione 2. De Lazaro, ad cap. 16. Lucae, & Homil. 29. in cap. 8. Matthæi, interfectorum animas, Dæmones fieri, quosdam sua ætate existimasse ait, quod tamen ipse uerum esse negat. Dæmonem uerò rem hanc persuadere studuisse, ut Martyrum, qui uiolenta morte decesserunt, gloriam confoderet, obrueretq; , ac ut maleficos ad tenera multorum adolescentium corpora trucidanda impelleret, ea quidem spe ut in Dæmones illi euaderent, quibus tanquam famulis, & administris mox uterentur. Idem interfectorum animas uel etiam eorum, qui salute donantur, hîc oberrare negat. Ego quoque Dæmoniacos non paucos uidi, in quibus immundi spiritus dum à sacerdote adiurarentur, se interfectorum quorundam animas esse mentirentur, eorumq; ueras uoces, & arcanas quasdam res proferrent, ac sibi iusta fieri orarent. Scriptum Hebræorum Theologi reliquerunt, defunctorum hominum cadauera, in Dæmonis Zazelis potestate relinqui, de quo dictum sit in scriptura, Terram comedes omnibus diebus. & alibi, Puluis terræ panis eius. Meminiq; me olim in recentiorum quorundam libris legere, eatenus censerî cadauera Dæmoni huic subesse, quatenus adhuc non fuerint iustis



*iustis exequijs expiata & sanctificata: eamq;*  
*ob rem non sine causa antiquos patres cadaue-*  
*rum expiationes excogitasse, ut quod ualde im-*  
*mundum esset, lustrali aqua aspergeretur, sus-*  
*firetur thure, sacris orationibus exorcizaren-*  
*tur, & funalibus dum super terram esset illu-*  
*straretur, ac demum sacro in loco sepeliretur.*  
*Sed harum rerum plausibiliores ab orthodo-*  
*xæ fidei auctõribus rationes afferuntur. Pau-*  
*sanias ex Delphorum interpretibus acceptum*  
*refert, Dæmonem esse quendam infernum,*  
*quem Eurynomum dixerunt, qui mortuorum*  
*carnes absumat exedatq;ue, ita ut uix nuda su-*  
*persint ossa. Sed hæc anilibus fabulis uix di-*  
*gna sunt. Dæmones ad sepulchra concurrere*  
*uideri, testatur Chrysostomus Homilia 35. ad*  
*Matthæi cap. 10. Theophilactus in explicat.*  
*in Matthæum, alijq; Theologi, affirmant ideò*  
*Dæmones circa sepulchra uersari consueuisse,*  
*ut uana illa hominum persuasio astrueretur,*  
*qua mortuorum animas in Dæmones uerti cre-*  
*ditum est. quamobrem & homines à Dæmo-*  
*nibus obsessos, quos Dæmoniacos uocamus, se-*  
*pulchra incolere coactos. Matthæi nanq; cap.*  
*8. Marci 5. et Lucæ 8. huiusmodi homines do-*  
*micilia in monumētis habuisse legimus. Non*  
*solum aut qui à Dæmonibus aguntur, sepul-*  
*chris obuersantur, sed etiã qui Lycanthropia,*  
Cc seu Cynan-

seu Cycāthropia laborāt, ut minùs fabulosum  
 esse uideatur quod est à Plinio scriptum Natu-  
 ralis hìstoriæ lib. 8. cap. 22. scilicet homines  
 aliquando in lupos uerti. De quo morbo Pau-  
 lus Aegineta libro 3. cap. 16. in hanc sen-  
 tentiam loquitur, Qui, inquit, Lycanthro-  
 pia detinentur, noctu domo egressi, lupos in  
 omnibus imitantur; & donec dies illucescat,  
 circa defunctorum monumenta plerunque ua-  
 gantur. Hæ comites ipsorum nōtæ sunt, Fa-  
 cies pallida, oculi ad uidendum imbecilles, &  
 sicci, lingua aridissima, nulla in ore salua, si-  
 tis immodica, tibiæ quòd frequenter impin-  
 gant, exulceratæ, adeò ut sanari nequeant.  
 Tales quidem sunt nōtæ. Speciem uerò melan-  
 choliæ Lycanthropiam esse, existimare conue-  
 nit, & c. Auicenna libro 3. Fen 1. Tract. 5.  
 cap. 20. morbum uocat Cutubut, & à bile adu-  
 sta, & melancholia prouenire scribit, ac in-  
 ter cætera hæc habet, Species, inquit, melan-  
 choliæ plurimùm eueniens in Februario, quæ  
 facit ut homo diligat fugere ab hominibus ui-  
 uis, & cupiat appropinquare mortuis, & se-  
 pultis, etc. Hoc ego morbo correptum uidi An-  
 glare Antonium Doncbium, qui sæpe ab Au-  
 gustinianis alijsq; Aedituis, in sepulchris dor-  
 miens est inuentus, & qui mortuorum ossibus  
 domum suam planè compleuerat. Verùm ad  
 demones

dæmones redeo. Hos Peripatetici esse inficiantur (his adstipulati sunt Sadducei, qui teste Luca cap. 23. Act. Apost. spiritus atque Angelos esse negabant) non enim alias concedunt esse substantias separatas (ut Philosophorum nostrorum uerbis cum Ciceroniani lectoris uenia utar) præter quàm Deum, Intelligentias, cælestes orbes mouentes, animamq; intellectiuam humanam, ut satis constat apud Aristotelem lib. 12. Metaphys. et 3. de Anima. Phantasmata uerò, & uita functorum simulacra, quæ noctu conspiciuntur, non uerè uideri, sed sensuum potius esse illusiones, quæ accidunt, uel quòd species intrà reuertantur usq; ad particulares sensus, qua ratione nonnunquam aliquid nigrum uel album, uel animal esse uidetur, quod uerè non est, ut patet apud Auerroëm 3. Collect. Gentilis Fulginas nobilis suæ ætatis Philosophus ac Medicus, Quæstione 55. commemorat, quendam amicum suum interdum cum famulo è uilla reuertentem, semper conspexisse militem nigrum præcedentem, nullumque præcessisse, ut famulus dixit. Mox uerò eum, qui phantasma illud sibi uidere uisus est, in melancholicam incidisse uertiginem. Aristoteles autem lib. 3. Meteor. & alibi, posteritati prodidit, nescio quem debili præditum uisu, eo quòd uisus ob remissionem, ac de-

## Hieronymi Magii

*tem in aëre tanquàm conslipato & solido corpore obluētante, ueluti in speculo reflecteretur, semper uisum esse sibi uidere idolum aduersum præcedere, nempe sui ipsius imaginem. Epicurus, & ex Epicuro Lucretius atque alij, non omnia nos uerè pati affirmant, sed sensus sæpè decipi. Cuius Epicuri rationibus innixus olim Cassius, ut Plutarchus in M. Bruto scriptum reliquit, in hanc sententiam allocutus est Brutum, qui monstrosam corporis feri imaginem noctu ad se ingressam conspexerat, & uoce etiam se infensam fore prænunciantem audiuerat. Noster, inquit, ò Brute, hic sermo est, quòd non omnia uerè patimur, neque uerè uidemus, sed mutabile, ac deceptibile quiddam noster sensus est. Præterea intellectus est perspicax ad mouendum sensum, illumque è subiecto nullo mutare ad omnem formam. Imaginatio enim ceræ similis est. Animæ uerò hominis, quæ fingens, & ficta pariter habeat, facillimum est per se ipsam idem uariare componereque. Hoc ostendunt somniorum mutationes, quas breui momento phantasia uertit in multiformes passionem, & imaginum species. Moueri semper, naturale hoc est. motus autem uel phantasia est, uel quædam intelligentia. Tibi, ò Brute, corpus naturà triste eleuat intellectum*  
atque

atque diuertit. Dæmones nullo pacto esse, credibile. neque Dæmones si sunt, hominum habent formam, aut uocem, siue potetiam, quæ ad nos pertranseat. Hæc ille. Verùm cum admiratione digna multa in his uideatur, qui uulgò Dæmoniacy seu fanatici uocantur; Aristoteles in Probl. ea melancholico succo ascribit. Andreas Cattanius Imolensis in Tractatu de Causis mirabilium effectuum, cum atrabilis ad tot tantaque mirabilia, quæ quotidie in laborantibus, eo affectu animaduertimus, patranda satis non sit, ea reijcit in uocatum Intellectum agentem abstractorum infimum, in Intelligentias abstractasque mentes cælestes, quæ homini iungantur, & succum corporis, cælesti (ut eius uerbis utar) dispositioni, ac stellis quibusdam respondentem. Nos uerò cum sacris literis doceamur, Dæmones esse, qui in hominum corpora illabantur, sanctique Patres, & Orthodoxæ fidei Theologi, Dæmones ad antiquorum adstruendos errores, hominesque decipiendos, ac affligendos circa sepulchra uersari, corporibusque humanis se insinuare affirmet, Philosophorum Ethnicorumque ablegatis nugis, rectæ fidei inhaeremus, & quæ sanctæ Ecclesiæ scitis prodita sunt, sequimur.

## Hieronymi Magii

Musicae in humanos animos inque corpora ipsa uim esse maximam, ex his, quae literis prodita sunt, quaeque indies usuueniunt, demonstratur.

### CAP. XIII.

**H**UMANIS animis musicos cōcentus mirū Himmodū imperare, usq; adeò ut quorsum nobis libuerit eos permoueant, ac quasi habenis desleant, ex his, quae ab auctoribus literis sunt consignata, quaeque usuueniunt quotidie, satis intelligimus. Plutarchus lib. posteriore de Fortuna, et uirtute Alexandri, musicam ait uiros nos reddere, & eos, qui in earitè educati sint, insinētū lymphatico, impetuque replere. Olimque Alexandrum ipsum, Antigenide tibicine Harmation nomon modulante, usque adeò mente captū modulamenti incitatu exarsisse, ut concussis armis propriens sese, manus in astantes intenderet, testimonium Spartiatis præbens illud canere solitis, *Urget enim in ferrum scitè fidibus canere*. Idem planè nostra memoria Hippolyto Medici, Cardinali amplissimo usu uenit in Pannonia in exercitu Legato. Cum enim aliquando classes procinētæ essent, ac tubicines tympanistæque bellicum canerent perstreperentq;, eò alacritatis generosi que furoris processit,

ut bellicum nescio quid inclamans, stricto gladio, equum ante principia, quasi cum hoste congressurus, ad cursum concitasse dicatur. Et tanta est huiusmodi signorum uocalium uis, ut milites itineris tedium his fallant, laboremque solentur, & in prælio alacriores reddantur, magnaque ad pericula impellantur: Ac nullo mortis terrore, quasi alienæ uitæ discrimine res agatur, per eadem & uulnera, socijs hinc inde procumbentibus moueantur. E' diuerso, musicam animos quoque sedare compertum est. siquidem Regum lib. I. cap. 16. legimus Dauidē cithara personante, Saulis à spiritu malo uexati emollitum esse furorem, adeò ut leuius haberet, spiritusque ille ab eo recederet. Plutarchus in libro de Cohibenda iracundia, Lacedæmonios pugnaturis, concentu tiliarum, iram adimere consueuisse, testatur. quod antea Thucydides scriptum reliquerat: qua de re & Gellius ex Thucydide libro I. cap. XI. qui Cretenses quoque prælia ingredi solitos refert, præcinente ac præmoderante cithara gressibus; Halyattemque Regem terræ Lydiæ, bellum Milesiis inferentem concinentes habuisse fistulatores, & fidicines, scæminasque; etiam tibicinas in exercitu, atque in procinctu.

Quibus de rebus etiam Athenæus Dipnos. libro 12. cap. 4. & libro 14. cap. XI. Idemque;



## Hieronymi Magii

*hoc eodem cap. x i. complures ex Barbaris legationes de pace cum tibijs, ac citharis ad hostium animos emolliendos obire ac gerere commemorat, quod & Getæ, testimonio Theopompi Historiarum libro 46. factitarint. Aitque musicam, animi mæroré amoliri ac depellere, & facilitatem, liberalemque hilaritatem operari. quare Homerum in principio Iliadis Deos induxisse musica utentes post de Achille contentionem, cum contentiones seditiones que placari oporteret. Idem supra cap. 10. ad rem quod attinet, de musica in hanc loquitur sententiam, Comitio interprete, Mores enim instituit, iracundiam mitigat, minusque reëctis mentibus moderatur. Idcirco Clinias Pythagoricus, ut testatur Chamæleon Ponticus, cum & uiuendi ratione, & moribus paulò esset difficilior; si quando ob iracundiam se grauem esse contingeret, lyram accipiens, eam pulsabat. Ad percunctantes autem causam, respondit, Mitigor. Achilles etiam Homericus cithara leniebatur, quam solam ex Heetionis silijs Homerus illi permisit, quæ illius iracundiam posset cohibere. Sic Athenæus. Eandem rem ex Homero adnotauit Plutarchus in libro De musica; qui & illud ait, Terpandrum seditionem, quæ Lacedæmonios uexabat, musica sustulisse. Tanta autem prorsus est affinitas*

tas corporibus hominum mentibusq; , et propterea quoque uitijs, aut medelis animorum, & corporum, ut non solum animi, uerum etiam corporis morbos musicam aut sedare aut profligare, memoriæ datum sit. Athenæus citato cap. 10. Theophrastum refert scriptum reliquisse, in libro de Afflacione numinis, ischiadicos sanos fieri, si more Phrygio harmoniam aliquis indigena illis accinerit. Gellius libro 4. cap. 13. creditum esse à plerisque, et memoriæ proditum dicit, lenibus tibicinum modulis, ischiadicorum minui dolores. Mox uerò ait, se in Theophrasti libris legisse, tibicinem scite modulateque adhibitum, uiperarum morsibus mederi. Quem miror ad fidem confirmandam eius, quod de ischiadicis retulit, eiusdem Theophrasti recens, si credere dignum est, ab eo lecti, testimonium minimè aduocasse. Idem ex libro Democriti, qui inscriptus erat περὶ λοιμῶν ἢ λογικῶν κακῶν, idest De pestibus, aut rationalium malis, plurimis hominum morbis tibiæ tantum medicinam fuisse, refert. Plutarchus etiam ex Pratina commemorat, Thaletem Cretensem, sorte quadam à Pythio edita, adiisse Lacedæmonios, & utentem ope musica, eos à pestilentia liberasse. Huc accedit Galenus, qui libro 1. de Sanitate tuenda cap. x1. se quotannis ægros non pau-

## Hieronymi Magii

*cos persanasse testatur solis animi motibus ad debitum modum reuocatis . Atque huiusmodi sententiæ testem minimè contemnendum esse dicit Aesculapium, qui multas scribi cantilenas, mimosque ridicularum rerum fieri, et melodias quasdam instituerit ijs, quibus uehementiores animosæ partis motus, corporis temperamentum iusto calidius efficerent.*

Manes, seu potius Dæmones, olim etiam, æris tinnitu fugari, creditū esse, huius rei cum apud nos tum apud Ethnicos quæ ratio adduci possit.

### CAP. XIII.

**A**ERIS tinnitu Manes, seu potius Dæmones domo alijsque ex locis exigi, existimasse antiquos, nemini, qui paululum in humanioribus literis fuerit uersatus, obscurum esse arbitror. Ouidius *Fastorum* lib. 5.

» Rursus aquam tangit Temesea; concrepat æra,

» Et rogat ut tectis exeat umbra suis.

» Cum dixit nouies, Manes exite paterni,

» Respicit, & purè sacra peracta putat.

Idem manifestius demonstrat Alexander Aphrodis. *Problemate* 43. lib. 2. dum loquitur in hanc sententiam, Mouere, inquit, æs ferumq;

rumque multitudo, quoties Luna, aut Sol deficit, consuevit, quasi spiritus quosdam uitiosos uelint depellere. Haud enim per id tempus lumina benignè terram aspiciunt, neque benefica delibatio inde manat, qua mali, infestique spiritus repelli possint & coërceri. Hæc Alexander. Huius autem rei illam fuisse rationem puto, quòd Manes silentium amare crederentur, unde & silentes à Poëtis dicerentur. Ouidius lib. citato,

» Mox etiam Lemures animas dixere silentium.

Vnde quoties umbræ huiusmodi loquerentur, exiguo potius murmure quàm clara uoce uti dicebantur. Ouidius eodem libro,

» Umbra cruenta Remi uisa est assistere lecto

» Atque hæc exiguo murmure uerba loqui.

Quamquam suprà lib. 2. manes per urbis uias, & per agros, quòd ipsis non fuisset parentatû, ululasse dicit. Præterea Macrobius Saturn. lib. 5. cap. 19. Græcorum uetustissimos credidisse refert, æris sonos, rem esse ualidissimam. Inibi etiam ait pleraque ænea ad rem diuinam adhiberi solita, præsertim in his sacris, quibus delinire aliquos, aut deuouere, aut denique exigere morbos aliquis uoluisset. Pro-

dunt

## Hieronymi Magii

dunt Christiani etiam scriptores, Dæmones sacri aris, seu campanarum nolarum'ue tintitu & sono depelli. Id Paulus Ghirlandus in Tractatu de Sortilegijs, maleficarum mulierum, quas alij Lamias, nonnulli Striges, quidam Bruxas uocant, historijs recensendis, uerum esse docet. commemorat nanque Dæmones, quibus illæ inuehant, cāpanæ ante diluculum sonitu audito, fugam arripientes, eas statim deseruisse. Huius autem rei illa ratio est, quòd campanæ sacratæ sint, & diuinis destinatæ usibus, adeò ut eo nomine Dæmonibus earum sonus sit inuidiosus, & formidolosus. Quamobrem cum à grandine tempestatibusque, quæ Dæmonum nonnunquam sæuitia cieri aduehi que creduntur, frugibus, uineisque periculum imminet, campanæ non tam ad aërem scindendum & comminuendam tempestatis uim, quàm ad abigendos propulsandosque Demones eius auctores, pulsari solent.

Aemylî Probi locus in disquisitionem uocatus.

CAP. XV.

IOANNES Michaël Brutus nobilis nostræ ætatis Historicus, in quo præter antiquitatis cognitionem, multam elegantiam, egregiumque animi candorem admiror, mensibus  
supe-

superioribus cum apud Iordanum Ziletum Bibliopolam essemus, me percunctabatur, an adhuc Basileæ cusus esset Aemylij Probi liber de Vita excellētium imperatorū, quem ego ex uetustorum exemplarium collatione à mendis nō paucis repurgaui annotationibusq; auxi, ac pro uiribus illustraui. Aderat Arnoldus Arlenius uir de Græcis Latinisq; literis bene meritus, ac communis amicus; Probiq; audita mentione, se eius libri calamo exaratum exemplar, quod Ferrariæ emisset, habere dixit. Huius legendi cūm incredibilis me cupido incesset, precibus ab eo contendere, ut libri saltem ad tridui tempus, quo percurrendi facultas esset, mihi copiam faceret. Hunc cūm ille (quæ uiri est humanitas) ad me misisset, auidē legere cœpi. Titulus erat huiusmodi, AEMYLI PROBI DE IMPERATORIBVS EXTERARVM GENTIVM LIBER. Finis libri, si epigramma Probi eiusdem, quod nos ex uetustis exemplaribus in epistola ad Gregorium Angelerium, & Paulum Ligium posuimus, excipias, qualis in uulgatioribus codicibus. E' scribæ uero penore subiecta uerba, Completum est opus Aemylij Probi Cornelij nepotis. Post prænotatum titulum hæc se mihi statim uerba obtulerunt, Non dubito fore plerosque, qui Attica

## Hieronymi Magii

*tica hoc genus scripturæ leue, &c. Quæ letitio probabilior ea, quæ in omnibus reliquis codicibus, quos ego legerim, uideri potest, cum illi sic habeant, Non dubito fore plerosq; Attice, qui hoc genus scripturæ leue, &c. Quandoquidem neutiquam friuolis argumentis iam fuit in citata epistola à nobis demonstratum, Aemylum Probum, Pomponij Attici coætaneum non fuisse: quin opus hoc Theodosio Imperatori esse dicatum; cuius rei epigramma illud ad Theodosium, præbeat testimonium. A' principe autem Græciæ ciuitate suam scriptionem appellat Atticâ, quòd Græcorum Imperatorum uitas complexurâ esset; licet id non admodum propriè dictum uideatur, cum sermone utatur Latino non Græco. Sed dices, cum duos ille libros scripserit, quorum posterior, ut ipse met testatur, uitas Romanorum Imperatorum contineret, ac præfatio ambobus communis fuisse credi possit, quos libri uoce appellauerit inquiring, Et in hoc exponemus libro de uita excellentium Imperatorum, ut etiam titulus Aldinorum exemplarium demonstrat; rationi haud quaquam est consentaneum, Atticam dici scripturam, quæ æquè & Græcos & Latinos Imperatores contineat. Respondeo præfationem hanc ad priorem duntaxat librum pertinere,*

*cum*



cum in ea nulla Latinorum facta sit mentio, de quibus altera priuatim præfatione, quæ posteriori libro præfixa de more sit, loqueretur. Quod uerò spectat ad illa uerba, Et in hoc exponemus libro de uita excellentium imperatorum. librum ego accipi puto non pro uniuerso opere (quod aliàs fortasse non sine errore feci) sed pro libro uno. Græcorum autem non addi mentionem, quia iam de Græcis agendum esse, sit dictum, nulla tamen muneris Imperatorij facta mentione, quæ modò apponatur, ne de omnium promiscuè insignium Græciæ uirorum uita hîc lector agendum esse crederet. Vides quantum sit collocationis uoculæ unius momentum. Relatiuo ergo uoci, Atticæ, præposito, omnia rectè habere uidentur, & quædam difficultates facessunt, quæ olim nos circumueniebant, dum Probum Theodosii ætate uixisse affirmaremus. Verum candidi lectoris esto iudicium, non enim hæc iudicandi, sed iudicis admonendi instruendi quæ consilio attulimus.

## Hieronymi Magii

Carnifices antiquis ominosos, ac magis  
quàm nostra ætate inuisos fuisse. Di-  
uum Cyprianum, erga carnificem, à  
quo erat ferendus, munificum fuis-  
se. Caroli V. Imp. constitutione car-  
nifices esse inuiolabiles. CAP. XVI.

**C**V'M homo hominem, iniuria laceffit, *iraq; incensus interficit, & si pœnam ad legum præscriptum meretur; nihilominus, quòd iram, uindictæq; amorem nobis natura conciliauerit, delicto, inuidiæ nonnihil de- cedit. Verùm cum quis minimè læsus, hominem quamlibet nocentem pœnæq; addictum, mer- cedis gratia carnificinæ supplicio excruciat, aut necat, et si iustitiæ, cuius Deus Opt. Max. auctor sit, iudicisq; minister est, necessariaq; eius opera homines iure sociati indigent; ta- men quia excarnificandos, supplicioq; deditos misericordia uulgus prosequitur, carnifices ipsi in hominum odia incurrunt, nefastiq; ac omi- nosi omnibus sunt. Itaque Romani quanuis iu- stitiam seuerè colentes, lictores ipsos magi- stratibus multis concesserint, qui fasces secu- resque, quibus fontes cæderent ac ferirent, præferre solerent; Censorijs tamen legibus, carnifices ipsos, his, ut opinor, magis odiosos nefastosq;, foro et urbis domicilio priuari si- uerunt.*

uerunt. Cuius rei testis sit Cicero, qui in Rabiriana Orat. sic loquitur, Sed moreretur prius acerbissima morte milies Gracchus, quam in eius concione carnifex consisteret; quem non modò foro, sed etiam cælo hoc, ac spiritu Censoriæ leges, ac urbis domicilio carere uoluerunt. Hæc ille. Est etiam à Dione Chrysostomo scriptum in Oratione 31. Rhodiorum lege cautum fuisse, ne carnifex urbem ingrederetur. Adeò autem carnifex infamis inuisusq; erat, ut probri non uulgaris loco homines carnificis nomine ut nunc fit (quod apud Terentium & alios adnotauimus) peterentur. At qui pietatis Christianæ affectu ducuntur, si munus suum carnifex citra iram, et cum sortis humanæ commiseratione obeat, ne utiquam odio dignum censent. Quin non nullæ sunt nationes, quæ carnifices nullo pacto auersentur, nihilque eorum consuetudine dedecoris, maliq; ominis inuehi existiment. Ipse quidem Cyprianus Martyr insignis de rep. Christiana lucubrationibus multis benemeritus, carnifices à quibus etiam cædendus esset, tantum abest ut propriæ uitæ amoræ ductus, odio prosequeretur, ut in eos munificus extiterit. Sic. n. inquit Possidonius eiusdè Cypriani Diaconus in eius Mart. Et cum peruenisset in locum, qui dicitur Sextus, quarto ab urbe miliario, expoliavit se bir

ro, & tradidit carnificibus. Dalmaticam uerò tradidit Diaconis, & stetit in linteis expectans Spiculatorem: & dum ille appropinquasset, iussit suis illi dare uiginti aureos. Hæc Possidonius.

Quod pertinet ad locum, cui Possidonius Sexto, nomen fuisse dicit ( ut hoc obiter adnotetur ), Plutarchus in Galba, locum in quo sub Cæsaribus animaduерteretur in Sontes, Sestertium appellat. Galbæ autem, inquit, caput, Patrobij Vitellijq; seruis dono dederunt. Quod illi accipientes, ubi multifariam pulsassent, & omni contumelia affecissent, abiecerunt quo solent eos, quos Cæsares supplicio dedunt. is uerò locus Sestertium uocatur, &c. Suetonius de eodem capite, Ab his Patrobij Neroniani libertus, centum aureis redemptum, eo loco ubi iussu Galbæ animaduersum in patronum fuerat, abiecit. Hæc ille. Nunc ad rem. Deos Dæmonibus quibusdam quasi carnificibus uti, Ethnici credebant. Plutar. in Probl. agens de Laribus, An, inquit, illud uerius est, quod à quibusdam Romanis dicitur, & Chrysippus opinatur, Dæmonia quædam mala circum ire, quibus dii quasi carnificibus, & scelerum ultoribus aduersum iniustos, & impios utuntur? &c. Quæ opinio è sacris literis dimanasse uidetur. Sic enim inquit Iesus filius Sirach,

Eccle-

*Ecclesiastici Cap. 39. Sunt spiritus ad uindictam creati, qui furiosè uibrant flagella sua. Hi tempore perimendi, uim effundunt, & consummant iram creatoris sui, &c. Quàm sint hominum societati carnifices necessarij, optimè intelligens Carolus V. Imp. Augustus, cùm eos uulgi iniurijs ob officij uilitatem inuidiamq; maximè expositos cognosceret, ausum eorum, qui ipsos cædunt, aut uim ipsis inferunt, capitis pœna prosequendum decreuit, ut patet in Constit. De Capit. Iudicijs. Artic. 97.*

**Locus Aristotelis, sapientis Lyrici, Xenophontisq; testimonio restitutus, atque illustratus.**

CAP. XVII.

**A**RISTOTELIS librum de Arte dicendi primum cùm aliquando Pisis feriatuſ legerem, in eum incidi locum, quo ille rationem demonstrandi cum absolueret, addebat, χρησέον δὲ καὶ τῶν αὐξητικῶν πολλοῖς οἷον, εἰ μόνως, ἢ πρῶτος, ἢ μετ' ὀλίγων, ἢ ὁ μάλιστα πεποίηκεν. i. Utendum est & multis augmentatiuis, ut puta si solus, aut primus, aut cū paucis, aut quod maximè fecit. Et paulò post, καὶ εἰς ὃν πρῶτον ἐγκώμιον ἐποιήθη. οἷον εἰς Ἰππόλοχον, καὶ Ἀρμόδιον, καὶ Ἀριστογείτονα, τὸ ἐν ἀγορᾷ στατῆναι. i. Et in quæ prima commendatio facta fuit, ut ad Hip-

Dd 2 polochum,

# Hieronimi Magii

polochum, & Harmodium, et Aristogitonem, in foro statui. Quo loco quantum attinet ad Hippolochi nomen & historiam, statim hæsitare cæpi, ac ideò Petri Victorij summæ eruditionis uiri commentaria consului. Sed me spes omnino scellit, ille enim ut est ingenio candidissimo, fatetur ingenuè se Hippolochi historiam nunquam incidisse, & quis fuerit hic Hippolochus, aut quid laude dignum publica, & tanto honore gesserit, ignorare. Quare Cyriaci Strozæ de Græcis, si quis alius hodie Italarum est, Latinisq; literis, deq; Philosophia optimè meriti mihi sententiam duxi esse exquirendam. Hic igitur consultus, locum esse deprauatum affirmavit, proq; Hippolochō reponendum esse Antilochum, monentibus Pindaro, & Xenophonte, quorum prior sexta Pythiorum sic scriptum reliquisset,

» Εγένετο καὶ πρότερον Ἀντίλοχος βιατὰς

» Νόημα τῷτο φέρων. ὃς ὑπερέφθιτο

» Πατρὸς ἐναρίμβροτον ἀνα-

» μείνας ἀρχὸν αἰθιόπων μέμνονα. νεσό-

» ρειον γὰρ ἵππος ἄρμ' ἐπέδα.

» Πάριος ἐκβέλεων δαΐχθεις. ὃδ' ἔφειπεν

» Κραταὶὸν ἔγχος.

» Μεσσανίης δὲ γέροντος

» Δοναθείσα φρὴν βόασε παῖδα ὄν.

» Χαμαιπετὲς δ' αἶρ' ἔπος οὐκ ἀπέριψεν αὐτοῦ

» Μένων

- » Μένων δὲ ὁ θεῖος ἀνὴρ πρίατο μὲν θανά-
  - » τοιο κομιδὰν πατρὸς . ἐδό-
  - » κησε τῶν πάλαι γενεᾷ ὁπλοῖροισιν
  - » Ἔργον πελώριον ἑλέσας
  - » Ὑπατος ἀμφὶ τοκᾷσιν ἔμμεν πρὸς ἀρετάν.
- Idest ,

- » Stephano Leono iuvene eruditissimo inter-
- prete
- » Fuit & prius Antilochus generosus
- » Intellectum hunc ferens , qui occubuit pro
- » Patre, homines spoliante ex-
- » pectans ducem Aethiopum Memnona .

Nesto-

- » reum enim equus currum detinebat
- » Paridis ex telis sauciatus . hic governa-
- bat
- » Fortem hastam.
- » Messenij autem senis
- » Agitata mens clamauit filium suum :
- » In terram decidens autem uerbum nō pro-
- iecit ipsius ,
- » Manens uerò diuinus uir emit quidē mor-
- » te curam patris . ui-
- » sus est ueterum generatione iunioribus
- » Opus ingens perficiens
- » Summus circa parentes fuisse ad uirtu-
- tem .

Xenophon uerò eo in opere, quod de Venatio-



## Hieronymi Magii

ne posteris legendum reliquit, de eodem Antilocho sic habet, Ἀντίλοχος δὲ καὶ πατρός ὑπεραποθανόντος αὐτῆς ἔτυχεν ἀκλείας. ὥστε μόνος φιλοπάτωρ παρὰ τοῖς Ἕλλησιν ἀναγορεύειναι. Idest, Antilochus pro patre moriens, tantum gloria cōsecutus est, ut apud Græcos solus prædicetur patris amator. Quamquàm in Latina Omniboni Leonicensi uersione, nō Antilochus, sed Antiochus, uitio, ut opinor, typographi, corruptè legitur. Vides quid gesserit Antilochus; unde tantum honorem meruerit. Quamobrem Cyriaco faciliè assentior, ut pro Hippolochum, Antilochum, apud Aristotelem scribendum sit.

An iure apud Ciceronem in libro de Amicitia à Biante remoueatursententia de amicitia cum futuræ inimicitiae suspitione colenda. CAP. XVIII.

**L**AELIVS apud Ciceronem in libro de Amicitia, Scipionem Africanum posteriorem negasse dicit, ullam uocem inimiciorem amicitiae potuisse reperiri, quàm eius, qui dixisset, Ita amare oportere, ut aliquando esset osurus. Nec uerò illum adduci potuisse, ut hoc (quemadmodum putaretur) à Biante esse dictum crederet, qui sapiens habitus esset unus  
è se-

è septem, sed impuri cuiusdam & ambitiosi,  
 aut omnia ad suam potentiam reuocantis, fuis-  
 se sententiam. Hæc quidem apud Laërtium,  
 qui uitas, mores, et sententiæ complurium Phi-  
 losophorum satis accurate posteritati prodi-  
 dit, non legitur. Quanquàm autem in præsen-  
 tia summi sapientissimiq; Imperatoris aucto-  
 ritate frangor, illud tamen non censeo omit-  
 tendum, quod Cyriacus Stroza eruditissimus  
 uir aliquando se animaduertisse narrabat, eius  
 sententiæ auctorem hac ratione nixum uideri,  
 quòd cum summa non in rebus modò, sed in  
 humanis mentibus inconstantia atque instabi-  
 litas quotidie deprehendatur, et mutari homi-  
 num mores, quod & Scipio dicebat, soleant,  
 usque adeò ut qui naturæ arctissimo iure deuin-  
 cti sunt, seuißima inter se odia exerceant, ut  
 non mirum sit si amici quandoque mutuas su-  
 scipiant inimicitias, consultius facturi uidea-  
 mur si mediocritatem seruemus, nos in amo-  
 rem minimè effundamus: ac præterea arcanas  
 res, quæ cognitæ, ac in uulgus editæ, nobis sint  
 damnum allaturæ, non temerè amicis credere  
 debeamus, ne si illi aliquando nos odio prose-  
 qui cæperint, nostrorum quasi auctores malo-  
 rum simus, qui reticenda, fideliq; silentio  
 committenda protulerimus. Hanc autem sen-  
 tentiam patrocínio dignam, præsertim nostra

*hac etate, qua, ut inquit Ieremias, omnis proximus mercator incedit, & fraudes intestina-  
que odia omnium ferè hominum animos inua-  
serunt, usus ipse uitæ optimus magister, ample-  
xandam demonstrat. Quòd si auctoritatibus  
res firmanda sit, uidetur etiam Homerus  
Odys. lib. 15. hac de re differens, huic senten-  
tiæ adhæsisse, cum ait ad eiusmodi propositum  
confirmandum,*

- » ——— νεμεσῶμαι δὲ καὶ ἄλλω  
» ἀνδρὶ ξεινοδόκῳ, ὅς κ' ἔξοχα μὲν φιλέησιν,  
» ἔξοχα δ' ἐχθαίρῃσιν, ἀμείνω δ' αἶσιμα πάν-  
τα.

*Idest,*

- » ——— irascor autem & alij  
» Viro hospitali, qui eximiè quidem diligit  
» Eximiè autem odit: meliora autem medio-  
cria omnia.

*Ceterum Euripides & si alia ratione, alioq;  
argumento permoueri Phædræ nutricem in  
Hippolyto fecerit, eandem tamen eum secu-  
tum esse sententiam, eaq; delectatum, uersibus  
liquet infra scriptis,*

- » χεῖν γὰρ μετρίας εἰς ἀλλήλους  
» φιλίας θνητοὺς ἀνακίρνασθαι  
» καὶ μὴ πρὸς ἄκρον μυελὸν ψυχῆς.  
» εὐλυτὰ δ' εἶναι σέργηδρα φρενῶν  
» ἀπότ' ὠσασθαι, καὶ ξυλῆναι.

*Idest,*

Idest,

- » Oportebat enim parcius, & mediocres
- » Mortales inter se iungere amicitias,
- » Nec intima animæ medullatenus.
- » Ipsosq; mentis amores faciles conueniebat  
esse,

» Vt & minui, et augeri, ac intendi quirent.  
Verum ad Bianti dictum quod attinet, Gellius lib. 1. cap. 3. sententiam eandem calculo suo approbans, non Bianti, sed Chiloni tribuit, sic enim ait, Chilonis, à quo disputatiunculæ huius initium fecimus, cum alia quedam sunt monitu utilia, atque prudentia, tum id maxime exploratæ utilitatis est, quod duas ferocissimas affectiones amoris atque odij intra modum tantum coërcuit. Hac, inquit, fini ames, tanquam fortè fortuna osurus: hac itidem tenus oderis, tanquam fortasse post amaturus. Hac Gellius. Quem, dum uerba illa suprà, His igitur finibus, &c. desumeret, miror non animaduertisse rem, quam præ oculis habebat, scilicet non Chiloni, sed Bianti dictum illud esse tributum: nullumq; ea de re uerbum proferre. Nisi fortè Scipionis ille secutus sit sententiam, aut Ciceronis locum esse deprauatum existimandum uideatur.

## Hieronymi Magii

Ethnicorum mos obseruatus, qui sepulchris iam conditos defunctos, funeralibus accensis honorare solebant.

### CAP. XIX.

**D**EFUNCTOS, qui iam sepulchris conditi essent, in anniuersarijs & parentalibus, luminum funeraliumq; frequentia honorari consueuisse, fuit olim à me apud Suetonium in Augusto obseruatum. sic enim ille habet de eodem Augusto loquens, Huius Masgabæ ante annum defuncti tumulum cum ex triclinio animaduertisset magna turba, multisq; luminibus frequentari, uersum compositum ex tempore clarè pronunciauit,

» Κτίσου δὲ τύμβον εἰς ὅρῳ πυρούμενον.

Idest,

» Conditoris tumulum uideo flagrantem.

Conuersusq; ad Thrasyllum Tiberij comitem contra accubantem, & ignarum rei, interrogauit, cuius nam Poëtæ putaret esse. quo hæsitante, subiecit alium,

» Ὅρᾶς φάεσι μάσγαβαν τιμώμενον.

Idest,

» Vides luminibus Masgabam honoratum?

Hæc cum subnotassem, incidi postea in Hieronymi pij, & eruditissimi Theologi scripta contra Vigilantium Gallum, in quibus Vigilantium

lantij illius hæretici impia hæc contra Martyrum reliquias uerba referuntur, Prope, inquit Vigilantius, ritum Gentilium uidemus sub prætextu religionis introductum in ecclesiis: sole adhuc fulgente moles cereorum accendi, et ubicunq; puluisculum nescio quod in modico uasculo precioso est circumdatum, osculantes adorant. Magnum honorem præbent huiusmodi homines beatissimis Martyribus, quos putant de uilissimis cereolis illustrandos, quos Agnus, qui est in medio throni, cum omni fulgore maiestatis suæ illustrat. Hæc ille. Vides quæ piè fiebant fiunt quæ etiam hodie circa Sanctorum Martyrum tumulos, ex Gentilium prope, quem ipse obseruasset, ritu fieri, uesania ac hæresi correptum hominem dixisse. De facibus funalibus quæ, quæ in exequijs olim usurpabantur, nos alibi multa, quæ huc modò transferre non est operæ precium.

Locus in commentariis Iulii Cæsaris, quo ille pontis lignei in Rheno constructionem describit, declaratur.

## CAP. XX.

**S**UBLICIVM Iulij Cæsaris pontem, non tam artis, formæquæ nomine, quàm descriptionis obscuritate famosum, quo ille Rhenum iunxit, quæ exercitum traduceret, multi illustrare

## Hiero nymi Magii

strare nostra, et parentum ætate contenderunt. Qui suas ad hanc usque diem inuulgauerunt sententias, sunt infra scripti, scilicet, Ioannes Iucundus, Leo Bapt. Albertus, Hieronymus Cardanus, Iul. Cæsar Scaliger, & Ioannes Buteo nulli eruditione, aut ingenij acumine secundus. Atque ij quidem ut in rempublicam literariam utilitatis non parum inueherent, summa ope contenderunt, sunt q; ea de causa bonorum omnium laudibus prosequendi, qui quod potuerunt sedulo præstiterunt, & si multorū iudicio rem non satis affecti uidentur. Horum exemplo & nos ducti, in hanc militiam nomen dedimus, eosq; labentes si fieri possit subleuare, pontisq; huius structuram breuibus declarare conabimur. Cæsar's uerba sunt hæc, Rationem igitur pontis hanc instituit. Tigna bina sesquipedalia, paululum ab imo præacuta, dimensa ad altitudinem fluminis interuallo pedum duorum inter se iungebat. Hæc cum machinationibus immissa in flumine defixerat, fistucisq; adegerat, non sublicæ modo directæ ad perpendicularum, sed prona ac fastigiata, ut secundum naturam fluminis procumberent: his item contraria duo ad eundem modum iuncta, interuallo pedum quadragenūm, ab inferiore parte contra uim, atque impetum fluminis conuersa statuebat. Hæc utraque, insuper bipedalibus trabi-



trabibus immixtis, quantum eorum tignorum  
 iunctura distabat, binis utrinque fibulis ab  
 extrema parte distinebantur. Quibus disclu-  
 sis, atque in contrariam partem reuinctis, tan-  
 ta erat operis firmitudo, atque ea rerum natu-  
 ra, ut quo maior uis aquæ se incitauisset, hoc  
 arctius illigata tenerentur. Hæc directæ inie-  
 ctæ materia contexebantur, ac longurijs crati-  
 busq; consternebantur. Ac nihilo secius publi-  
 cæ ad inferiorem partem fluminis oblique ad-  
 igebantur, quæ pro ariete subiectæ, & cum  
 omni opere coniunctæ, uim fluminis excipe-  
 rent. Et aliæ item supra pontem mediocri spa-  
 tio, ut si arborum trunci, siue naues deijci-  
 endi operis causa essent à Barbaris missæ, his de-  
 fensoribus earum rerum uis minueretur neu  
 ponti nocerent. Hæc ille. quæ ita explicanda  
 atque accipienda esse censemus. Sesquipeda-  
 lia. ] idest sesquipedali crassitudine, ut omnes  
 putant. Paululum ab imo præacuta. ]  
 Non admodum præacuta, eo quòd, ut est ue-  
 risimile, alueus fluminis facillè cederet, ac ti-  
 gna illa admissurus uideretur. Dimensa ad  
 altitudinem fluminis. ] Ut tamen habere  
 tur ratio partis tigni cuiusque, quæ in alueum  
 adigeretur, & auctus fluminis, si pluuijs for-  
 tè excreuisset. Interuallo pedum duorum  
 inter se iungebat. ] Transuersariis scilicet,

aut

## Hieronymi Magii

*aut etiam fibulis è duriore materia , ut diuelli  
nequirent , in scalarum morem copulabat :  
tanto intervallo relicto , quantum ad bipedales  
trabes excipiendas satis esset . Machinationi-  
bus immissa . ] nam propter magnitudi-  
nem ac pondus , sine machinis tigna illa bipe-  
dalia iuncta , in flumen immitti non poterant ,  
ut qua oportebat alvei parte locarentur , &  
consisterent . Fistucisque adegerat . ] idest  
instrumentis ad defigenda altius tigna illa a-  
ptis , quæcunque ea fuerint , siue quæ machi-  
nis in capita tignorum dmitterentur ( quas  
nunc uulgo Mazzaca stellos uocamus ) siue  
multis ansis à quaternis aut pluribus homini-  
bus sustollerentur ac illiderentur , ut malleis  
fieri solet . Cum enim alueus Rheni propter li-  
mum solidior non esset , ut in multis fluminibus  
usuuenit , huius etiam organi ui tigna licèt ses-  
quipedalia , Buteone quannus reclamante , adi-  
gi potuisse existimamus . Quòd autem alueus  
ad tigna admittenda minimè esset contumax ,  
ipse met Cæsar innuit , ut diximus , qui tigna il-  
la non admodum , ut alioquì oportebat , sed pau-  
lulum præacuta fuisse dicit . Sanè uerbi Ade-  
gerat , sensus à Buteone , & alijs quibusdam al-  
latus , mihi non uidetur germanus , si apud La-  
tinos auctores eius usum spectemus . nanq; eo  
significatu usurpant , ut intus agere atque infi-  
gere*

gere demonstret. Plinius libro 16. cap. 10. in arborem clauus ferreus adigatur. &c. Quæ res satis est manifesta. ut minimè hoc loco audiendus uideatur Buteo, qui putat fistucas, id est palis quibusdam, circa tignorum calces defixis, tigna illa ui ac necessitate adaëta dici, hoc est in sua sede coaëta, et obfirmata. Quòd nescio quàm facile fieri posset, ubi flumen altius esset, adeò ut pali supra aquam non extarent, atque ideò tundi, ac in alueum satis agi non quirent. Præterea non uideo cur tigna, quæ sublicis ex inferiore fluminis parte tanquam antis confirmabantur, his palis indigerent; aut cur infrà opere ferè absoluto, sublicas obliquas (si ut Buteo facit, & locum illum accipiamus) circa tignorum calces, non Buteonis prænotatas fistucas, siue palos Cæsar defigat. Adde quòd uerbum Adegerat, und cum uerbo Defixerat, respicit has uoces, Prona, ac fastigata, siue fastigiata; ut Cæsar tigna non ad perpendiculum, ut fieri consueuisset in sublicis, sed prona ac paululum inclinata, defixa ac in alueum adaëta dixerit. Pedum quadragenum.] quadragenum dicit, non quadraginta, ratione multorum iugorum, quibus pons constare debebat, in quorum singulis, paria tignorum inuicem pedibus quadraginta distarent capitibus, non calcibus. ut

trabium

trabium bipedalium, quæ immittendæ essent, & pontis latitudinem intelligamus. Ab inferiore parte.] hoc est in aquæ superficie, inquit Buteo non sine errore, ut mihi uidetur, cum Cæsar fluminis partem intelligat post priora tigna, ut post uocem Quadragenum, comma ponatur. Bipedalibus trabibus immis- sis.] crassitudine bipedali, quanta posset interuallo prædicto pedum duorum congruè excipi. quod Cæsar met explicat inquiring, Quantum eorum tignorum iunctura distabat. Dixit autem trabibus, in plurali, respiciens ad plura iuga, non autem quòd binæ trabes immitterentur. ne nimis superflua firmitas quæsita uideatur. Nullus enim Mechanicus aut Architectus negaturus est, trabes bipedales in quadraginta pedum spacio, transeuntis exercitus oneri ferendo esse. & si alibi contrarium affirmamus. Binis utrinque fibulis.] Buteo autem non binas fibulas utrinque, sed unicas ponit, quod miror ab eo esse factum, cum res satis sit aperta. Forma etiam fibularum magis operosa est, et infirma, quàm quæ loco huic conuenire uideatur, licèt fibulæ in alios usus ad subnectendas uestes, ad baltheos, cæteraq; huiusmodi, ea forma ac etiam circulari ferè, fieri consueuerint. Ego fibulas pro clavis è ligno duriore accipio, quibus adactis tigna illa

una cum trabibus immixtis, prius perforata configerentur, atque unita continerentur. Fibulas autem, à figendo dictas suspicor (fixulam namq; pro fibula ueteres dixerunt) uel quòd à xiculum fibulæ, qui balthæo, aut rei huiusmodi per fibulam ductæ infigitur, referrent. Quod aut clauī non absimiles ab Architectis Mechanicisq; fibulæ appellantur, satis demonstrat Vitruuius lib. 10. cap. 2. dum de tignorum iunctura loquitur, quam infra cap. 3. fibulationem uocat (licet Buteo & alij loca hæc aliter accipiant) & Oribasius in libro de Machinamentis, cap. 4. dum ait, fibulam in organo Fabri spatham distingere ad testudinem, & fibulam continendi causa in spatham atque radicem pertusam inseri. & infra scribit, fibulas infixas clauorū usum præstare. Idē quoque inferius cap. 8. fibulæ meminit, quæ infingeretur lateribus organi cuiusdam, ad continendos dentes tympanorum uersatiliū: eodemq; capite fibula utitur tanquam clauo ad continendum plinthium in scamno, eadem ferè ratione, qua fibulis suis Cæsar usus est ad continendas intra tignorum binorum interval la trabes bipedales. Capite demum 25. loquēs de Fabri prænotati organo, sic inquit ex interprete, Proposita pars radicis per uio foramine pertunditur, per quod fibula demittitur, ne

radix euellatur, sed manens in foramine torqueatur. Hæc ille. Vides fibulas Architectis Mechanicisq; ipsis clauorum usum præbere. Quæ testimonia cum sint satis, reliquis, quæ afferre possem, supersedeo. Sanè Scaliger à nostra sententia non multum secessit, fibulas ipsas trabi ita infigans, ut non ipsas tignorum binorum summas partes cū trabe inserta perfoderent, sed hinc inde trabis duntaxat capita, ut intra fibulas binas utraq; tignorum paria media distinerentur. Quæ fibularum affixio ab hinc annos sexdecim ab Andrea Brugnio Mechanico præcellenti excogitata, licet Cæsaris sententiæ non nihil quadrare uideatur, mihi non arridet, cū non multum præstet firmitudinis, nec ita arctè ut oportuit, tigna trabemque deuinciat. siquidem in Scaligeri fibulatione, si maior uis aquæ se incitauisset, in duas duntaxat fibulas uis omnis incubitura esset, scilicet utrinq; in interiores, exterioribus nihil adiumenti præstantibus: et una solū defracta fibula, iugo pontis multum roboris decessurum uideretur. Quæ prospexisse pontis huius Architectos uerisimile est. Minus etiam constructionis rationi, & Cæsaris sententiæ quadrant Iucundi fibulæ, quæ omnino à fibularum quarumcunq; forma aut imitatione absunt, & magis trabem suffulciunt,

fulciunt, quàm bina tignorum paria reuinci-  
ant & detineant. Igitur, ut ego sentio, dicen-  
dum uidetur, utrinque, idest in utroque tigno-  
rum pari circa extremas, idest summas par-  
tes, prope capita scilicet, ita fuisse fibulas,  
quæ clauorum usum præberent, defixas, ut  
per tigna ac insertam trabem procederent, &  
arctius tignorum trabisq; capita iungerent,  
religarent, ac distinerent. Qua defixione ac iun-  
ctura, nulla in opere huiusmodi, meo iudicio,  
firmior, expeditorq; excogitari potest. Cuius  
etiam hic est usus, ut trabem quauis tigno-  
rum transuersarijs utrinque insidentem, ne su-  
perinducto ponderi cedat, ac deorsum prola-  
batur, contineat. Ab extrema parte.] id-  
est suprema, siue summa; nam capita tigno-  
rum significat, ut patet. Distinebantur.]  
idest iuncta ac illigata utrinque detinebantur.  
Quibus disclusis.] Quibus tignis utrinque  
separatim clausis, idest iunctis, ac fibulis illis  
defixis, arctius detentis. Claudere enim pro  
iungere & Vlpianus noster aliquando dixit.  
Quauquàm non me latet & Scàligeri, ac Bu-  
teonis fibulis tigna claudi, sed tamen non ita  
ualidè ac ex usu ut nostris. Sublicæ ad in-  
feriorem partem fluminis.] Iucundus, et  
Buteo, perperam locant sublicas. alter enim  
eas forma literæ X. intra bina tignorum pa-



# Hieronymi Magii

ria pronas, alter circa tignorum calces directas ad perpendiculum defigit, Cæsare quantuis reclamante, qui ad inferiorem partem fluminis adactas scribit, idest post inferiorem partem pontis, ad differentiam subiectorum uerborum, Et alia item supra pontem, &c.

Obliquè.] non recta post tigna, sed imis hinc inde partibus diuariatæ, supremis autem tua inclinatione in tigna conuenientibus, ut non solum uim fluminis nixu exciperent, sed ne tigna ad latera possent deflecti, efficerent. Nihil etiam prohibet quominus dicamus, sublicas inferiori parte fluminis contra tigna defixas fuisse, ita ut inclinatæ singulæ singulis tignis posterioribus hærent affixæq; essent supremis partibus. Pro ariete subiectæ.] idest ut quasi arietis ferire uolentis, et in frontem maxima ui incumbentis, uicem, aut potius similitudinem singulæ exhiberent, perinde atque (ut Plauti uerbo utar) contra uim fluminis arietarent. Buteo malè, ut mihi uidetur, exponit Pro ariete, idest ante arietem, ut sit aries machina, quæ robusteum cylindrum ualide ferratum, è sublimi præcitem demittit in capita sublicarum, quam Mazzaca stellum nostri Itali appellant. perperam etiam accipit pro quolibet arboris trunco seu rate, uel naui, quæ fluminis impetu ferrentur

tur in sublicas. Cum toto opere coniunctæ.] ut differrent ab ijs, quæ supra pontem mediocri spatio desigebantur, et cum opere non iungebantur. Vides igitur quæ sint pontis huius fibulæ, & sublicæ ad inferiorem partem fluminis pro ariete subiectæ: quæ duo, in hac pontis constructione difficultatem cõtinebant. Potuisssem ichnographia ac scenographia quæ dicta sunt, lectorum oculis subijcere, sed allat à nobis apertiora videntur, nisi hebes quis omnino sit, quàm quæ delineationes schemataque requirant.

Apud Clementem Romanum, & Epiphanium per *παλμῶν* interpretem, & observationes, quod hominum genus, & quæ res significantur.

## CAP. XXI.

CLEMENS Romanus Constitutionū Apostolicarum lib. 8. cap. 28. scriptum reliquit *παλμῶν* interpretem, probandum esse tempore, & nisi pareat reiijciendum esse, ut de alijs multis hominum generibus ibi constituitur. Cuius uocis eo loco significationem interpretes, uir alioquin eruditissimus, non satis affectus, palmorum, uertit, nulla planè nisi absurda sententia.

## Hieronymi Magii

*Eadem uoce utitur Epiphanius in fragmento libri, quem Panarion appellauit. sic enim ait, ἀποκηρύξει πορνείαν, καὶ μοιχείαν, καὶ ἀσέλγειαν, καὶ εἰδωλολατρείαν, καὶ φόνον, καὶ πᾶσαν παρανομίαν, καὶ μαγείαν, καὶ φαρμακείαν, ἀστρονομίαν, κληδονισμούς, παλμῶν παρατηρήσεις, ἐπαοιδίας, περίπληα, τὰ δὴ καλούμενα φυλακτήρια. Quæ uerba sic interpretatur Io. Hentenius, Scortationem detestatur, & adulterium, ac impudicitiam, & idololatriam; homicidium quoque, & omnem iniquitatem, ac præstigiaturam, & ueneficium, ἀστρονομίαν, diuinationes, concussionum obseruationes, incantationes, appensa amuleta, quæ & phylacteria dicuntur. Idemq; sic habet in uersionis margine, παλμῶν, fortasse chiromantiam significat. Cornarius uerò loco concussionum, tremorum habet. Sed omnes malè uerterunt, cum quid significaretur, non satis essent assecuti. Tu dicas significari extispices seu extispicium. nanq; Aruspices olim, ut ex Ethnicis, ac etià Augustino patet, inspectione extorum & eorum palpitatione, futura prædicebant. quæ res satis nota est. unde, apud Clementem ac Epiphanium, uertendum erat, palpitationum, quæ uox extorum motui, quem antiqui obseruabant, maximè congruit. Et si non me latet uocem græcam alias etiam habere significationes,*

tiones, quæ locis his minimè quadrent. Palpitatio  
 nanq; extorum est, præsertim cordis, ac uenarum  
 seu potius arteriarum. Plinius lib. 32. cap. 5. Im-  
 ponat supra cordis palpitationem mulieri dor-  
 mienti. Gellius lib. 18. cap. 10. uerba hæc ex an-  
 tiquis medicis refert, Σφυγμὸς ἐστὶ παλμὸς, ἢ ζέ-  
 σις φλεβὸς, ἢ ἀρτηρίας. Idest, ut Gaza interpreta-  
 tur, Pulsus est subsultatio & palpitatio, uel ebul-  
 litio uenæ, aut arteriæ. Vides παλμὸν uenæ aut  
 arteriæ tribui. Alijs possem exemplis rem com-  
 probare, quibus supersedeo, cum illa faciliè lecto-  
 ribus in Græcis Latinisq; auctoribus occurrant.

Libri Quarti, & vltimi Miscellaneo-  
 rum, seu variarum lectio-  
 num

FINIS.

*Quædam, quæ in margine ab auctore immutata,  
 non satis animaduertimus, ut infrà scribes.*

Honoratum habere. folio. 96. a. linea. 10. Illud, & etiam circa  
 forum. 97. b. 9. etiã & tabernas ad. 97. b. 20. femoralibus,  
 & tibialibus. 130. a. 8. esse tibialibus. 131. a. 15. item. Au-  
 gustinus. 140. a. 3. eas ait. 37. b. 27.

RERVM ET VERBORVM  
MEMORABILIVM,

Nec non locorum, quæ in uariis au-  
ctoribus uel restituantur, uel  
explicantur,

Index copiosissimus.

A. frontem, B. tergum significat.



BBATIS Panor. error.

112. b.

Abscissionis libellus. 104. b.

Abyssus quid in sacris literis.  
mari subiecta. 161. b.

Accursii error. 33. b. 35. b.  
41. b. & infra. 75. b. 91. a

Aceti species garum. Acetum solum, condimen-  
tum ab Atticis dictum. 9. a. b.

Achilles cur cithara uteretur. 204. b.

Achillis sepulchrū quibus floribus ornatū. 109. a.

Adam gigas à quibusdam dictus. 15. b. ubi sepul-  
tus. ibid.

Adamas pro ferri nucleo quibusdam. 89. a.

Admittere equum, quid significet. 29. b.

αιάζοντες. 45. b.

Aedes antiquorū, colūnā in medio habebāt. 126. b.

Aegæa urbs unde dicta. 122. b.

Aegidij Columnij ætate bombarde ignota. 5. b.

Aegyptus totius Orbis horreum olim fuit. 38. b.

Aegypti regio, Nili aluuiionibus, & adaggeratio  
nibus

# Index

nibus creuisse uidetur.	36.a
Aegyptij fletibus solebant Nili irrigationem implorare.	36.b
Aegyptiorum opinio de aquarum origine.	163.b
αἰματίον γάρ ὡς ἐκ τοῦ ὕδατος efficacius Graci dicunt.	90.b
Aemylj Probi locus restitutus.	207.b
Aes aut ferrum mouere, Sole aut Luna deficiente, cur multitudo consueuisset.	206.a
Aeris tinnitus Manibus demonibusq; inimicus.	205.b
Aeris uis.	206.a.
Aeris tēperatura quādā antiquis cognita.	130.b
Aëreum corpus nullum animatum.	65.b. 134.b
Aërea rustica instrumenta priscis.	130.b
αἰθήρ quid.	70.b
Agentia & patientia debent in materia communicare.	62.a. 140.b
Ἀγκύλη, quid.	127.a
Aggeres Nili abrumpi, uetant leges.	38.a
ἀγγεῖον πυροβόλον Heronis.	3.b
Aiacis ex pede talus maximus.	18.a
Albertus Floralius.	171.a
Alcai Poëta, & antiquorum error.	55.b
Alciati error.	48.b. 178.a. furtum.
Alexandri Tralliani locus declaratur.	69.b
Alluiones circa Nilum maxime.	36.a
Amarantho sepulchra ornabantur.	109.a
Amare tanquam osuri an debeamus.	212.a
Ambitus.	188.b
Americus	

# Index.

- Americus Vesputius Gigantū insulā inuenit.* 20. a  
*Amerinus cucullatus à Demone amatus.* 134. b  
*Amicitia unde dicta.* 166. a  
*Anachuir gigantea proceritate.* 14. b. 18. a  
*Andreas Brugonius.* 217. b  
*Angelos cum mulieribus concubuisse quidam putant.* 14. a  
*Anima magis continet corpus quàm corpus animam.* 42. b  
*Anima à corpore discessura cur metuat.* 195. a  
*Anima post mortem, in corpus redire non potest.* 139. b.  
*Anima generalitatis est Seruio.* 43. b  
*Anima pro uita. pro animato corpore. pro caduere.* 42. a  
*Anima Algazel & Auicenna, exteriorem materiam mutare potest.* 62. a  
*Anima à corpore soluta, deductoribus eget.* 195. a  
*Anima est homo, non corpus.* 43. a  
*Anima à corpore soluta, an irasci, & concupisci possit.* 139. b  
*Anima à corpore seiuncta, an specialia cognoscant.* 140. a  
*Animam & non corpus amittere, cur dicantur morientes.* 42. b  
*Animas interfectorum hominum non fieri demones.* 200. b. Cur has fieri demones Diabolus persuadere nitatur. ibid.  
*Animas à corporeis affectibus post mortem destitui*



# Index.

- tui, existimasse antiquos. 139.a
- Animas interfectorum, & aliorum etiam hic oberrare, negat Chrysostomus.* 200.b
- Animas amare sedē corporū relictorum.* 200.a
- Animas circa sepulchra uersari, qui censuerint.* 199.a.b.
- Animas hominum, quidam Dæmones se esse fingunt.* 200.a
- Animas ui peremptorum indignari interfecto-ribus, olim creditum.* 138.b. & infra.
- Animalia diuersi generis si coëant, quæ generare possint.* 60.a.b.
- Animalia cur maiora in mari quā in terra.* 27.a
- Animalia aërea Dæmones Platonici.* 65.a
- Animalia duobus duntaxat in elementis.* 63.b
- Animalis corpus nullum simplex.* 135.a
- Animalium diuisio quadrifida.* 64.a
- Animantes ciuiles quæ.* 10.a
- Antigenidas.* 45.b.
- Antilochus pro patre mortuus.* 211.a.b
- Antinomia eliminatur.* 183.a.b
- Antonius Döchius Lycāthropia correptus.* 201.b
- Antony Juliani error.* 106.a.b
- Antony Iusti Com. in Ariosti Satyram.* 8.a
- Apes nec feras nec mansuetas, cur Plinius dixerit.* 10.b
- Apes feritatem exuere.* 10.b
- Apes omnes Iureconsultis cur fera.* 11.b
- Apum natura est fera. 8. b. neque placida neque fera.*

- fera. ibidem. Apes rustica seu fera & cicures.*  
*apum genera.* 9.a.b  
*Apium, defunctorũ feralibus epulis dicatũ.* 107.a  
*Apij coronæ sepulchrales.* 107.b  
*Apio egere, qui dicantur.* 107.b  
*Aqua lustrali templa ingredientes & Ethnici se*  
*aspergebant.* 194.b  
*Aqua marina lustrationibus apta.* 194.b  
*Aqua eaduca que.* 146.b  
*Aquæ purgationis uim inesse, qui cõsuerint.* 194.a  
*Aquæ potu delectatus Horatius.* 40.b  
*Aquæ potus lippitudini annuæ medetur.* 41.a  
*Aquarum ortum quem esse dicant sacra literæ,*  
*& alij.* 161.a  
*Arbam, Hebreis quatuor signif.* 16.a  
*Ara in sepulchro. 111.a. aræ sepulchrorũ.* 125.a  
*Arboris appellatione & uites continentur.* 185.b  
*Arbores terminales cum notis.* 187.b  
*Arbores altissimæ quibus regionibus.* 26.b  
*Arcades calceis lunatis usi.* 132.b  
*Archidamus uisò catapultæ iaculo, quid dixe-*  
*rit.* 1.b  
*Archimedes Architectus.* 93.b  
*Archimedem Siracusanum Bombardæ inuen-*  
*torem fuisse, quidam falsò existimarunt.* 2.a.b  
*Aries animal errans & uagum.* 120.b  
*Aries inter signa cæcus.* 123.b  
*Aries gregis princeps.* 121.b. 122.a  
*Uries sepulchro Isocratis cũ Sirene isculptus.* 122.a  
*Arie-*

# Index

<i>Arietis signum obscurum.</i>	120. b
<i>Arietis stella, homines uagos reddunt.</i>	120. a
<i>Ariete principatus significatus.</i>	122. a
<i>Arietes Dauidi quid.</i>	122. a
<i>Aristotelis error. 53. a. 130. a. 141. b. locus. 48.</i>	
<i>a. 56. a. sibi non constat super Austri ortu. 141</i>	
<i>a. calumnias in Platonem intorquet. 162. a.</i>	
<i>eius tractatus ubi quadrifida animalium di-</i>	
<i>uisio.</i>	64. a
<i>Aristotelis locus restitutus.</i>	210. b
<i>Armellini.</i>	142. b
<i>Arnoldus Arlenius.</i>	207. a
<i>Arrogatio per populum Adriani Imperatoris</i>	
<i>temporibus.</i>	178. a
<i>Arrogatio per populum sub Imperatoribus non</i>	
<i>multum uetustis.</i>	178. a. b
<i>Artemon.</i>	93. b
<i>Asterij gigantis cadauer.</i>	18. a
<i>Astrolabium olympus.</i>	155. b
<i>Athenodori Philosophi factum.</i>	198. a
<i>Atteij Capitonis locus.</i>	47. b
<i>Attica scriptura, Latina etiam dicta.</i>	207. b
<i>Aues i cœlo nasci, incōsultè dixit Iustinianus. 65. a</i>	
<i>Augustus quibus usus indumentis. 131. a. 142. a</i>	
<i>Augustini error.</i>	17. a. 33. a
<i>Ambus ulceratis nō auspicabātur antiqui. 174. a</i>	
<i>Aulus Gel. quo tempore floreret.</i>	178. a. b
<i>Auli Gellij locus nō patitur emendationē. 103. a</i>	
<i>Gellius parum doctus. 66. b. eius incuria. ibid. lo-</i>	
	cus.

<i>tus.</i>	125.b
<i>Auli Gellij locus corruptus restituitur.</i>	102.b.
<i>44.b.error.70.a.locus.</i>	179.a.
<i>Auster, qui nostras perflat regiones, unde oritur.</i>	141.a
<i>Azonis error.</i>	145.b

## B

<b>B</b> ALLISTIS atque onagris olim nullum tormentum ualidius.	2.b
<i>Barbari dicti à Græcis Latini.</i>	156.a
<i>Βαρβαρικόν. Barbaricum.</i>	153.a
<i>Bartholo unde erroris ansa.</i>	169.b
<i>Bartholi opuscula tria improbata, et reiecta.</i>	167
<i>a. &amp; infra. Bart. error.</i>	75.b
<i>Bartholomæus Magius.</i>	127.b
<i>Bartholomæus Soccinus mendosam, &amp; adulterinā inscriptionē urnæ Papiniani affert.</i>	95.b
<i>Βαρυξώvous, nobiles puellas Græci uocant.</i>	8.a
<i>Becichemi error.</i>	128.a
<i>Beroaldi error.9.b.&amp; infra.</i>	129.a
<i>Biliofos siccis lippitudinibus corripere.</i>	40.a
<i>Blondi error.</i>	149.b.159.a
<i>Bombarda quo tempore inuenta, non satis constat.</i>	4.a
<i>Bombarda inuentor, Chimistes Colonienfis.</i>	3.b.4.
<i>b.eius nomen ignoratur.</i>	2.a
<i>Bombarda usus quando, &amp; ubi primum.</i>	4.b.5.a
<i>Bombarda, Francisci Petrarchæ tempore.</i>	5.a
<i>Bōbardarū usus apud Barbaros antiquus.</i>	5.a.b
<i>Bos</i>	

<i>Bos olim maxima in Sabinis.</i>	28.a
<i>Briccola, machina bellicæ. 5. b. usurpata à Turcarum Imperatore.</i>	6.a
<i>Briccolarum usus in turribus.</i>	6.b
<i>Brisca barbarè pro fauo.</i>	91.a
<i>Bruto spectrum terrificum uisum.</i>	202.b
<i>Bubularū carniū esus robur corpori cōciliat.</i>	123.a
<i>Βούλιμος an etiam à calore. 69. a. in qua re à fame canina differat.</i>	ibid.

## C

<b>C</b> AD AVER magnitudinis non parua in agro Regino repertum.	20.a
<i>Ceruleus color in funere puerorum, &amp; adolescentum.</i>	160.a
<i>Cæciliy locus.</i>	110.a
<i>Cadaveris nostri cura nobis insita.</i>	116.a. b. 117.a
<i>Cadaveri uni unum holocaustum.</i>	124.a
<i>Cadavera in potestate esse Zazelis Demonis, aut Eurynomi, qui censuerint.</i>	200. b. 201.a
<i>Cadavera presentibus occisoribus sanguinem e uulneribus emittere.</i>	176.a
<i>Cadavera etiam apud Hebraeos aliquando cremata.</i>	150.a
<i>Cadavera cremare, institutum antiquissimum apud Rom.</i>	148.a. & infra
<i>Caderēt ut honestè morituri multi curauerūt.</i>	116.a
<i>Caius diuortij etymologiam absurdā affert.</i>	104.a
<i>Caij Iurisc. locus restituitur, &amp; declaratur.</i>	185.a
<i>Calcei lintei.</i>	129.a
<i>Calcei</i>	

# Index

- Calcei mullei alutati.* 131.b  
*Calcei corrigiarum inflexione adornati, forma li-  
 tera C.* 132.b  
*Calcei lunati. ibid.*  
*Calor augendi corpora uim obtinet.* 24.a. 25. b  
*Calybs, ferri nucleum non uidetur significare.* 87  
 b. 88.a  
*Campanarum sono Demones depelli. tempesta-  
 tes sedari.* 206.b  
*Camparma auctoris uilla.* 57.a  
*Canem ex homine aut ouem, & è conuerso, gigni  
 non posse.* 60.b  
*Capillos in orbem uoluebant mulieres caput or-  
 nantes.* 128.a  
*Capiti non parcere, quid significet apud Lactan-  
 tium.* 115.a  
*Capra, Homeri patria an significata.* 122.b. &  
 infra.  
*Capella cœlestis quos demittat influxus.* 123.b  
*Capra solers animal. Capra index.* 122. b. Del-  
 phici oraculi locum inuēnit. ibid.  
*Capra Ioui immolabantur.* 125.a  
*Capra Syria præcellentes.* 123.a  
*Capris ducibus Cranaus usus est.* 122.b  
*Capris albis sacrum fiebat Apollini Græco ri-  
 tu.* 125. a  
*Capreoli in cochleis.* 94.b  
*Carnes asse humide: elixæ sicca, qua rōne.* 56. a  
*Carnifici Rhodum ingredi non licebat.* 209.a  
 Carnifi-

# Index.

<i>Carnifices cur in hominum odia incurrāt.</i>	208.b
<i>Carnifices Romæ fero, &amp; urbis domicilio priuati.</i>	208.b
<i>Caroli V. Imp. seruus à pedibus magna proceritatis. Eius cadauer et modus Bononiæ.</i>	20.a.b
<i>Caroli Carassæ morituri cura.</i>	119.a
<i>Κασιτερός.</i>	130.a
<i>Catamitus puer pro concubino.</i>	76.b
<i>Catamiti, pueri cur dicti,</i>	77.a.b. 78.a
<i>Catonis locus.</i>	146.b
<i>Cauda mutila prædita animalia, aut cauda carentia, non mactabantur Dys.</i>	173.b
<i>Centauri si nascantur statim pereunt.</i>	58.a
<i>Centauri cur quidam populi crediti.</i>	59.b
<i>Centaurorum procreatio cur impossibilis.</i>	60.a
<i>Κάλχεον ferrum dictum, putauit non sine errore Io. Tzetzas.</i>	130.a
<i>Chalamisc Hebrais quid. unde dicatur.</i>	88.b
<i>Christophorus Bethicus.</i>	123.a
<i>Christophorus Rufus.</i>	125.b
<i>Χθονίω Mercurio deducendi animas munus antiqui iniunxerunt.</i>	195.b
<i>Cibi appetentia unde fiat. 67.a.b. dedrauata appetentia.</i>	68.a
<i>Ciconiæ erga uetulos parentes pietas.</i>	189.a
<i>Ciceronis locus declaratus. 34.b. 46.b. 47.b. 63.b. 108.a. in examen uocatus. 211.b. &amp; infra.</i>	
<i>Cippi pomærij.</i>	157.b
<i>Claudius Ubalдинus parricida.</i>	189.a



# Index,

<i>Claues à Iano inuenta.</i>	158.b
<i>Clementis Ro. locus declaratus.</i>	219.a
<i>Clementis libri Apostolicarum constitutionum à quo primum Græcè inuulgati.</i>	99.a
<i>Clypeus quo cōtra obtrectatores tegitur Valla.</i>	85.b
<i>Cochlea perpetua antiquis in usu.</i>	94.b
<i>Cochlea lentis speciem referens.</i>	94.b
<i>Cochleæ non fuit inuentor Archimedes.</i>	94.b
<i>Cochleam, uitem uulgò dicimus.</i>	93.b
<i>Cochlearum species.</i>	94.b
<i>Cæmeteria, unde dicta.</i>	112.b
<i>Καλίας piscis.</i>	91.a
<i>Collicia uel colliquia.</i>	146.b
<i>Color Luteus nouis nuptis in usu.</i>	129.a
<i>Color albus in funere. 159.a.b. niger ibidem. Cyaneus.</i>	160.a
<i>Color niger mortalis.</i>	159.b
<i>Columbæ feræ &amp; placidæ. colūbarum genera multa.</i>	11.b. 12.a
<i>Columbarum omnium cur feram esse naturam, in iure dicatur.</i>	11.b
<i>Columnā in medio habebāt ædes antiquorū.</i>	126.b
<i>Κόλουρα animalia non sacrificabantur.</i>	173.b
<i>Cononi imunitas, &amp; statua publicè decreta.</i>	83.b
<i>Constitutio in XI. lib. C. emendatur.</i>	146.a
<i>Constitutio in XI. lib. C. declaratur.</i>	38.a
<i>Constitutio Valentiniani &amp; Grat. illustrata.</i>	153.a
<i>Constitutio Constantini illustratur.</i>	190.b. 191.a
<i>Constitutiones quedam emendatæ.</i>	35.a.b

# Index.

<i>Coraulæ monumentarij.</i>	45.b
<i>Cornæzzani opus de re militari.</i>	3.b
<i>Cornarij error.</i>	219.b
<i>Cornicis Subianensis in Venere obitus.</i>	134.a
<i>Coronæ Lanæ antiquissima.</i>	110.a
<i>Coronæ tenijs ornabantur.</i>	109.b
<i>Corpus animæ gratia conditum.</i>	43.a
<i>Corpus solum nostrum esse uidetur.</i>	43.a
<i>Corporis uitia ad animum referuntur.</i>	176.a
<i>Corpora hominum magna in frigidis, &amp; in calidis regionibus.</i>	26.a
<i>Corpora humana an ultra septem pedes excrescere possint.</i>	18.b
<i>Corpora antiquorum, Homerus uastiora fuisse arbitratus est.</i>	18.b
<i>Corpora serui dicti.</i>	43.b
<i>Corpora procera, labori inepta.</i>	25.a
<i>Corpora hominum cur nostra ætate quàm apud antiquos breuiora.</i>	13.b
<i>Corporum humanorum staturam paulatim imminui putauerunt Homerus, Lucretius, &amp; Virgilius.</i>	22.a.b
<i>Corporum incrementum immodicum, Hippocratis sententia unde.</i>	24.a. & infrà.
<i>Corporum proceritatis, causæ multæ.</i>	25.b. et infrà.
<i>Corporum incrementum à forma nō à materia.</i>	24.a
<i>Corporum magnitudinis causæ quæ Auicēne.</i>	24.a
<i>Corui funus celebre Romæ.</i>	109.a
<i>Crepida unde dicta.</i>	132.b

# Index.

<i>Crepida Senatoribus indecora.</i>	132.a
<i>Crepidæ qui gestauerint apud antiquos.</i>	131.b
132.a	
<i>Crescendi lex in corporibus.</i>	27.b
<i>Κρητὶς, basis.</i>	132.b
<i>Κρητῖδας quæ calceamenta Græci appellauerint.</i>	
132.a	
<i>Crudis pile ludus cur inimicus.</i>	39.a.b
<i>Crudis quæ præsidia conducant.</i>	39.b
<i>Crurum gracilitas quo pacto repleatur.</i>	100.b
<i>Culeus parricidarum ex qua re fieret.</i>	190.b
<i>Culina, loca sepultura inopum destinata.</i>	112.b
<i>Curtij Paloni morituri factum.</i>	118.b
<i>Cyanæus color in funere.</i>	159.b
<i>Cyprianus in carnificem munificus.</i>	209.a.b
<i>Cyriacus Strozæ.</i>	210.b. 212.a

## D

<b>D</b> AIMACHI commentaria obsidionalia.	88.a
<i>Dæmon circa sepulchrum.</i>	198.b
<i>Dæmones sacri æris tinnitu depelli.</i>	205.b
<i>Dæmones animalia aerea Platonici.</i>	65.a
<i>Dæmones cur circa sepulchra.</i>	201.a
<i>Dæmones esse, Peripatetici negant.</i>	202.a.b. sic et
<i>Sadducaï. ibid. &amp; alij</i>	203.a
<i>Dæmones an rebus usi Venereis.</i>	14.a. 134.b
<i>Dæmones omnes hominum osiores.</i>	135.a
<i>Dæmones amore capti. an Zelotypi.</i>	134.a.b
<i>Dæmoniæ cur circa sepulchra, et in sepulchris.</i>	

201.a

Dæmonia-

# Index.

<i>Demoniacorum effectus quibus causis adscribat</i>	
<i>Aristot. 203. a. de his quid senserit Cattanius</i>	
<i>Imolensis. ibid.</i>	
<i>Dea Viriplaca sacellum Roma.</i>	104. b
<i>Debitorum bona non corpora creditoribus obligata apud Aegyptios.</i>	32. a
<i>Decurionum liberis Diuisiones datae.</i>	74. b
<i>Decurionibus ob statuæ dedicationem Diuisiones datae.</i>	74. b. 75. a
<i>Deliciares tegulae quae sint.</i>	146. b. 147. a
<i>Deliciae aquarum. i. derivationes.</i>	146. b
<i>Delicia tignum.</i>	147. a
<i>Deliciatum tectum.</i>	147. a
<i>D. M. litera interpuncta quid in Ethnicorum sepulchris significant. 101. b. error multorum. ibidem.</i>	
<i>Democriti, &amp; antiquorum error.</i>	193. b
<i>Democriti liber de pestibus, &amp; rationalium malis.</i>	193. b
<i>Dens molaris mirae magnitudinis à Diuo Augusto inuentus.</i>	16. b
<i>Dentes gigantis nouenarum librarum.</i>	19. a
<i>Deum peccata maxima purgare, et Seruatorem esse, Ethnici fatentur.</i>	194. b
<i>Dys quae sana &amp; perfecta solum oblata. &amp; infra.</i>	173. b.
<i>Dies cur in xij. horas diuisus.</i>	50. b
<i>Diuergia aquarum.</i>	104. a
<i>Diuisiones die natali mortuorum dabantur.</i>	74. a

# Index.

*Diuisiones à uiuentibus letitiæ gratia dabantur.*

74. a

*Diuisiones ab Impp. letitiæ causa datæ.* 75. a

*Diuisiones quæ sint apud Marcellum Iurisc.* 72. b

*quo tempore, & quibus darentur.* 73. a. b

*Diuortium primum quando Romæ factum, non  
satis constat.* 102. b

*Diuortium à Platone permissum.* 104. b

*Diuortij etymologia.* 104. a

*Diuortij nomen apud Hebræos unde.* 104. b

*Diuortijs in ipsis uerba solennia.* 105. a

*Donati sententia reiecta.* 126. b

*Δουροδίκη, quid antiquis.* 127. a

*Duodecim Tabulas multa ex legibus Regijs, ex  
moribus pop. Ro. & non nulla ex Faliscorum  
legibus habuisse.* 32. b

*Duodenarius numerus.* 50. b

## E

**E**CCLESIASTICI locus emēdatur. 54. a

*Echtici cur acutam uocem edant.* 48. a

*Elephanto maius animal nullum in terra.* 27. a

*Ελξ quid sit Athenæo. 93. a. b. unde dicatur.*

94. a. b

*Enach uir gigas.* 14. b

*Ennij locus.* 149. b

*Ephippium cum stapijs Forocornelij in uetusto tu-  
mulo inuentum.* 101. b

*Epigramma sepulchri Homeri.* 124. b

*Epiphanij error in temporum supputatione.* 103  
b. locus

# Index.

<i>b. locus declaratur.</i>	
<i>Epitaphium urnæ sepulchralis Papiniani.</i>	95.b
<i>Erasistrati incuria.</i>	66.b.ignoratio. ibid.
<i>Erasistrati locus declaratur.</i>	70.a
<i>Erasmi error.</i>	97.b
<i>Error quorundam.</i>	151.b. 159.a
<i>Euangelij locus illustratur.</i>	47.a
<i>εὐαερία quid.</i>	70.b
<i>εὐδιος quid sit.</i>	70.b
<i>εὐδία, quid significet.</i>	70.a.b
<i>Eunuchas mulieres quis primus fecerit.</i>	82.b
<i>Eunuchorum quis usus apud antiquos.</i>	82.b. Eunuchi cunnilingi. eorum natura.
	83.a
<i>Eupolis prima nuptiarum nocte extinctus.</i>	133.a
<i>Eustathij locus.</i>	127.a
<i>Eurynomus Daemon.</i>	201.a
<i>Exercitij quæ commoda.</i>	39.a
<i>Extincti in Venere.</i>	134.a
<i>Exustio cadaverum Regum Hebraorum qualis esset.</i>	150.b

## F

<b>F</b> <i>ÆX aceti raparum condimentum.</i>	92.a
<i>Faliscorum leges aliquæ in duodecim tabulas conuectæ.</i>	32.b
<i>Fama Poëtarum clypeus.</i>	152.b
<i>Famæ quas res Virgilius adscribat.</i>	152.b
<i>Fames canina, unde.</i>	68.b
<i>Fames unde.</i>	67.a.b
<i>Fames non naturalis unde.</i>	68.a.b

<i>Fames à calore.</i>	69.b
<i>Fascia crinales, &amp; mammillares.</i>	128.a
<i>Fascia crurales. 128.b. pedales.</i>	129.a.
<i>Ferrarij, &amp; multorum error.</i>	178.a
<i>Ferri nucleus.</i>	87.a
<i>Ferrum priscis non erat in usu.</i>	130.a
<i>Ferri laminas quo pacto purgarent Hispani.</i>	86.a
<i>Festi error.</i>	168.b. 169.a. locus. 109.b
<i>Fibula quid sit Mechanicis &amp; Architectis.</i>	217.a.b
<i>Finium nota multa. 187.b. spaciū.</i>	187.a
<i>Fistulatores &amp; fidicines in bello.</i>	204.a
<i>Flamini funebres tibiae audire illicitum.</i>	46.a
<i>Floribus omnibus sepulchra ornabantur.</i>	109.b
<i>Florentini, patritij uiri morituri cura.</i>	119.a
<i>Flumina cornuta, eorum natura.</i>	168.b
<i>Fœminalib. usi Scythæ. 131.b. item Augustus, &amp; tibial.</i>	131.a
<i>Fossæ in Aegypto Niliacæ.</i>	37.b. 38.a
<i>Franciscus Robortellus.</i>	30.a. 102.a. 139.a
<i>Franciscus Spatarius.</i>	171.a
<i>Franciscus Hotomanus.</i>	178.a. 183.a
<i>Franciscus Forrerius.</i>	88.b
<i>Franciscus Balduinus.</i>	190.b
<i>Franciscus Petrarca quo tempore obierit.</i>	5.a
<i>Franciscus Valeriola.</i>	69.a. eius lapsus. b
<i>Francisci Philelpi error. 30.a. Connani.</i>	81.b
	Fran-



# Index

<i>Francisci Aligeri, &amp; aliorum lapsus.</i>	47.b
<i>Frigus cur urere dicatur.</i>	52.b. & infrà.
<i>Fronde sepulchris imposita.</i>	109.a

## G

<b>G</b> ALENI locus.	56.a.b
<i>Galeoti Martij error.</i>	53.a. 137.b. 99.b
<i>Galli an uini, &amp; frugum desiderio se Italia super fuderint.</i>	151.b. & infrà.
<i>Ganymedes ab antiquis Catamitus dictus.</i>	78.a.
<i>Garum quid sit.</i>	90.a.b
<i>Geminiani error.</i>	112.b
<i>Geometria à quibus excogitata.</i>	36.a
<i>Georgij Castriotæ ensis Pisauri.</i>	87.a
<i>Gigantis caluaria à Guilandino uisa Iulia Casarea.</i>	19.b
<i>Gigantis cadauer in Africa repertum.</i>	19.b
<i>Gigantis cadauer Boccacij ætate in Sicilia inuentum.</i>	19.a
<i>Gigantes Mosi aliquando homines bellicosi.</i>	14.b
<i>Gigantes fuisse, sacra Scriptura testatur.</i>	14.b. 15.a. 16.a.b
<i>Gigigantes cur hodie non generentur.</i>	20.b
<i>Gigates Anachim, uel Enachim unde dicti.</i>	14.b
<i>Gigantes post cataclysmum.</i>	15.a
<i>Gigantes ex Angelor. coitu an geniti.</i>	13.b. 14.a
<i>Gigantea proceritatis homo in Syria.</i>	17.a
<i>Giganteo corpore fœmina quedam.</i>	17.a
<i>Gigantū insula cuius proceritatis hoīes alat.</i>	20.a
<i>γίγγας tibia.</i>	46.a

# Index.

<i>Græcorum uerborum quæ Gellius habet interpre-</i>	
<i>Gaza.</i>	66.b
<i>Gregorius Angelerius.</i>	38.b
<i>Gregorij Giraldi lapsus.</i>	47.b
<i>Guido Morgallantus.</i>	79.b
<i>Gulielmus Budaus è Beroaldi scriptis multa de-</i>	
<i>sumpsit.</i>	37.b
<i>Gulielmi Budæi lapsus.</i>	30.a.b.

## H

<b>H</b> <i>ÆREDITAS cur in 12. partes diuisa.</i>	50.b
<i>Harmonia Lydia, acuta, &amp; stridula.</i>	45.b.
<i>&amp; infra.</i>	
<i>Harmodij, &amp; Aristogitonis statua Venetijs por-</i>	
<i>phyretica. Athenis Anea.</i>	83.b.84.a
<i>Hastæ cur humi in bello defigerentur.</i>	127.b
<i>Hastas quo loco reponderent antiqui.</i>	126.a
<i>Hegesippi lapsus.</i>	177.b
<i>Hentenij error.</i>	218.b
<i>Herbæ plantaq; cur frigore ingruente inare-</i>	
<i>scant.</i>	54.a
<i>Hercules cur leonina uestitus pelle fingeretur.</i>	
144.a	
<i>ἱερὰ βοτάνη.</i>	191.b
<i>Hieronymi, &amp; aliorum error.</i>	15.b
<i>Hippocentauri, monstra sunt ficta. an nasci pos-</i>	
<i>sint.</i>	57.b. & infra
<i>Hippocratis locus declaratus.</i>	25.b.71.a.b.193.b
<i>Hippolyti Medic. Card. factum,</i>	203.b
<i>Homerus in Io insula moritur, &amp; tumultatur.</i>	
	124.

# Index.

124.b. Iensis. 120.a. 125.a.b

*Homerus Syrus.* 122.b

*Homerus cur pisces Græcorum mensis non appo-  
suerit.* 123.a

*Homerus pro Deo habitus.* 121.b

*Homerus cæcus.* 123.b

*Homerus omnis uirtutis pater dictus. 21. a. ho-  
minum decreſcere paulatim corpora putauit.  
21. a. b*

*Homeri error. 22. b. quo is tempore in humanis  
fuerit.* 22. b. 23. a

*Homeri natura uaga.* 120. a. 121. a

*Homeri patriæ incertitudo unde.* 121. a

*Homeri parentes ignorati quā ob causā. 121. a. b*

*Homeri manes ab Appione Grammatico cur euo-  
cati.* 121. b

*Homo longitudinis nouem pedum.* 17. b

*Homo per dici ſtatura ſimilis.* 17. a

*Homines quo modo in lupos uerſi.* 201. b

*Homines mōſtroſos, unde natos dicāt quidā. 60. a*

*Horatius uini potationes cur laudet, & ſuadeat,  
aquæ alioqui potu delectatus.* 40. b

*Horatius qua lippitudine laboraret. 40. a. bilio-  
ſus ibidem.*

*Horatij locus declar. 39. b. 40. a. b. 41. a. 172. b*

*Hoſtiarum delectus tam apud Ethnicos, quā  
apud Hebræos.* 174. b

*Hoſticum.* 153. a

*Humor incrementi magni cauſa in animalibus,*

# Index

& plantis. 26.a.b  
*Humum accedere aqua, quæ dicatur.* 146.b

## I

**I**ACOBVS Cuiacius. 103.a. 146.a

*Iacobi Taurelli error.* 40.b

*Iacobi Crucei error.* 64.b. 125.b

*Ianus Pomœria excogitauit.* 158.a.b

*Ianus cur medius ab Horatio, & Cicerone dictus.*

97.a.b

*Iani sacellum arcum in medio Fori Romæ.* 97.a

*Ianitores.* 97.a.b

*Ianiæ unde dictæ.* 158.b

*Ienses Homerum sepeliunt.* 124.b

*Imaginationis uis in nobis.* 61.b

*Imaginatiuæ uirtutis uis.* 140.b

*Impossibilia à Poëtis scripta, quot modis defendan-*

*tur.* 152.a

*Inclino uerbum obscœnum aliquando.* 77.b

*Insula hostijs è lana.* 109.a

*Interfectorum hominum animas, Dæmones se esse*

*fingunt.* 200.a.b

*Ioannes Ricciardescus.* 23.b

*Io. Andreas Angelerius.* 181.b

*Ioannes Gallus.* 136.b

*Ioannes Michaël Brutus.* 206.b

*Ioannes Tortellius.* 99.a

*Io. Bapt. Giraldus.* 50.a

*Io. Nicolaus Iustus.* 171.a

*Ioannis Anni error.* 156.a

*Ioannis*

# Index.

<i>Joannis Buteonis laus.</i>	171. a. 214. b. lapsus. 18. a. b. 215. b. & infra.
<i>Ioannis Zetzæ erratum.</i>	130. a
<i>Jo. Manardi error.</i>	71. a. 72. a
<i>Io. Jucundi error.</i>	217. b
<i>Io. Caroli Bouij error.</i>	219. a
<i>Ioannis Ferrary lapsus.</i>	81. b
<i>Io. Bapt. Pij error.</i>	107. a. b
<i>Io in insula obiit, &amp; sepultus est Homerus.</i>	124. b
<i>Isaac Abaruanelli error.</i>	151. a
<i>Ischiadicis musica medetur.</i>	205. a
<i>Isidis sacra cū fletu ab Aegyptijs celebrata.</i>	36. b
<i>Isidori error.</i>	166. b
<i>Isocratis sepulchro aries cum Sirene.</i>	122. a
<i>Iul. Cæs. Scaligeri error.</i>	217. b
<i>Iulius Sirenius.</i>	62. a
<i>Iulius Paulus Plutarcho recentior.</i>	160. a
<i>Ius unde dictum.</i>	165. a. b
<i>Iustitia unde dicta.</i>	165. b. 166. a
<i>Iustitiæ symbolum ciconia.</i>	189. a
<i>Iusta cur dicta parentalia.</i>	112. a
<i>Iustiniani locus.</i>	12. a. b. 41. b. & infra. 51. a. 65. a. 57. b. & infra. 82. a. 185. a. 186. a.
<i>Iuuenalis locus.</i>	91. a

## L

<b>L</b> ACERTVS piscis.	91. a. lacertuli panes. b
<b>L</b> actantiy Firmiani locus.	111. b. 115. a
<i>Lampridij locus.</i>	80. a
<i>Lanisci unde dicti.</i>	109. b
	Lanisci

# Index:

<i>Lanisci aurei striati.</i>	110.a
<i>Lapides intra terram oriuntur.</i>	182.b
<i>Lapides alicubi crescunt.</i>	182.b
<i>Latini Barbari dicti.</i>	156.a
<i>Latinis in Latinorum rebus, magis quàm Græcis credendum.</i>	103.b
<i>Laurentius Valla quo tempore scripserit Elegantiarum libros.</i>	4.b
<i>Laur. Valla locus restituitur . 76, b. 85. b. idem defensio ibid.</i>	
<i>LaZari Bayssi error.</i>	28.b
<i>Legationes de pace cum tibys, qui obirēt.</i>	204.b
<i>Lex Manilia</i>	186.b
<i>Lex Mancipij.</i>	172.b
<i>Lex Numæ posthumia.</i>	148.b
<i>Lex Cornelia de parricidio, Pompeia antiquior.</i>	
190.a	
<i>Legis Curiatæ in arrogationibus usus etiam sub Impp.</i>	178.a
<i>Legi, Quinque pedum . C. Finium regundorum . qui primi illuxerint. 186. b. &amp; infra.</i>	
<i>Leges sumptuariae Romæ ex Lycurgi axonibus.</i>	
33. b.	
<i>Lege Rhodiorum cautum erat, ne carnifex urbem ingrederetur.</i>	209.a
<i>Leges xij. Tabularum à Decēviris scriptæ.</i>	34.a
<i>Leges duodecim Tabularum quibus ex legibus , ac moribus compositæ.</i>	32. b. 33. a
<i>Legum tituli rubri. 49. b. itē sepulchrorum. ibid.</i>	
<i>Lesbiari</i>	

<i>Lesbiari quid sit.</i>	115. a
<i>Libitina Dea quarum rerum inspectrix.</i>	112. a
<i>Libri rituales Hethruscorum, quid continerent.</i>	158. b
<i>Libri sacrificandi artem continentes.</i>	175. a
<i>Limites agrorum angusti.</i>	188. a
<i>Limitares uie.</i>	188. a
<i>Linguae Mercurio à quibus sacrificatae.</i>	196. b
<i>Lippitudo Horatij arida erat.</i>	40. a
<i>Lippis pila ludere cur inimicum.</i>	40. a. b
<i>Lippitudini sicca modica meri potio aliquando cum balneo utilis.</i>	41. a
<i>Lippitudines aride quos inuadant.</i>	40. a. b
<i>Literarum humaniorum studium immodicum Iu reconsultis obesse.</i>	80. b
<i>Liuij error.</i>	158. a
<i>Liuij testimonium eleuatur.</i>	157. b
<i>Liuij locus declaratur.</i>	106. a
<i>Ludonicus Russardus. 146. a. eius glossema reij- eitur.</i>	185. b
<i>Lugentibus pelles in usu.</i>	144. b
<i>Lugubris sonus grauis. 45. a. item acutus, &amp; stri- dulus. b.</i>	
<i>Lycanthropia laborantes cur circa sepulchra.</i>	201. a. b
<i>Lycanthropia signa.</i>	200. b
<i>Lymbus quid Latinis.</i>	156. a
<i>Lyticorum mos, uini potationem laudare, seq. bi baces demonstrare.</i>	40. b
	Machi-



## M

<b>M</b> ACHINARVM bellicarũ Romani à Gra-	
cis artem didicerunt.	3.a
Magnitudo quot modis accipiat.	25.a
Manes condere.	198.b.199.b.200.a
Manes silentium amare crediti.	206.a
Mantua Benavidius.	191.a
M. Antonius Muretus.	94.a
Mare omnis humoris fons Solomoni, Lucretio, et	
Basilio.	161.a
Marinus Becichemus. 187.a. eius erratum.	48.b
Martialis locus emendatus.	91.a
Marcus Maninus.	134.a
Matthæus Doctorius.	79.b
M. Varro Pythagorico more sepultus.	110.b
M. Varronis epigramma emendatum, ac illu-	
stratum.	120.a
Mechanici multi apud Græcos.	3.a
Melancholia species Lycanthropia.	201.b
Melchior Guilandinus.	19.b
Memoria defunctorum ad monumenta.	73.a
Mensura plurima cur in xij. partes diuise.	50.b
Mercurio terrestri deducendarum animarũ mu-	
nus iniunctum.	195.b.196.a
Mercurius cur animarum deductor dictus.	196.b
Michaël Archāgelus animarũ ductor.	195.a.b
Michaël 7terus.	83.a
Miles non à militia dictus.	166.a
Milites sine pietate, & hominum pessimi.	112.b
Milesia-	

# Index.

<i>Milesiarum uirginum uesania &amp; inhumanitas, quo pacto frenata.</i>	118.b.
<i>Milites morientes in bello, sepeliebantur sumptibus communibus legionis.</i>	113.a
<i>Milites insepultos relinquere, Atheniensium du- cibus capitale.</i>	113.a
<i>Militarium technarum libri auctoris. 92.b. cui dono dati.</i>	6.a.
<i>Modestini locus Benavidij emendationem non pa- titur.</i>	191.a.b
<i>Modestini locus declaratus.</i>	191.a
<i>Mœri, muri.</i>	158.a
<i>Molibus atque exaggerationibus Aegyptus mu- nita.</i>	37.a.
<i>Monstra cur rarò in hominibus. 63.a. quibus lo- cis frequentia. ibid.</i>	
<i>Monstra à natura præternaturã. 62. b. &amp; infrà.</i>	
<i>Monstra fato fieri ait Ulpianus.</i>	62.a
<i>Monstra unde fiant.</i>	62.a.b
<i>Monstra quæ uiuant.</i>	63.a
<i>Monstra ex impressione cœlesti gigni, qui censeât.</i>	62. a
<i>Monstrorum bifida diuisio.</i>	62.b
<i>Monstrosa cur Neptuno tributa.</i>	27.a
<i>Monumentarij.</i>	45.b
<i>Morbi, qui ex animi motibus proueniunt, quomo- do arcendi.</i>	205.b
<i>Morborum popularium causa.</i>	193.a
<i>Morientes cur animam non corpus amittere di- cantur.</i>	Gg

# Index.

*cantur.* 42.b

*Morigerari ore, quid sit.* 115.b

*Mortuorum uorator Dæmon.* 201.a

*Mortuis opitulari, magis iustum quàm uiuis, cur sit existimatum.* 112.a

*Mulier Aethiopem peperit & si Aethiopi non mi-  
sta.* 61.b

*Mulier Auenione foetum semicanem parit.* 61.a

*Mulieris cogitatio in coitu quid efficere possit.* 61.a

*Mulieres aluo ampliore præditæ, foetus magnos e-  
dunt.* 27.a

*Mulieres cur bruta pariant nonnunquam.* 60.b  
61.a

*Mulieres albis uestibus in funere indutæ.* 159.a.  
*nigris. ibidem.*

*Mundus finem suum aduentantem quo argumen-  
to demonstrat.* 13.a

*Mundus, fossa.* 155.b

*Muria quid.* 91.b. *duplex ueteribus fuit. ibid.*

*Murina quid.* 92.a

*Muri, mœri antiquitus dicti.* 158.a

*Musæi Poëtæ error.* 55.a

*Musica mœrorem animi depellit.* 204.b

*Musica uiperarũ morsibus medetur.* 205.a. *pe-  
sistentiam depellit. ibid.*

*Musica seditionem sedat.* 204.b

*Musica corporis, et animi morbis medetur.* 205.a

*Musica animos sedat.* 204.a

*Musica Lacædemonij iram adimebant pugna-  
turis.*

# Index.

turis.

204.a

Musica quid in nobis faciat. 203.b. & infra.

Mutatio, naturæ inimica.

25.a

Mutationes in nobis pariunt, multa, quæ absunt.

140.b

Mutationes temporum morbos pariunt. 25.a

Myrtæ corona sepulchrales.

108.b. 109.a

## N

**N**AENIÆ.

47.b

Natalis Comitius.

92.b

Natales dies defunctorum apud Græcos, & Latinos celebres.

76.a

Natalis dies apud Marcellum Jurisc. non est pro die mortis accipienda.

75.b

Navis portatoria, geraria.

28.b

Necti debitores solebant ante ius decemvirale.

32.a

Neurospasta.

94.a

Nicolaus Ant. Grauatius.

171.b

Nicolai Machiaueli error.

5.a

Niger color mortalis.

159.b

Nilus Isidi sacris sistro celebratis exæstuabat.

36.b

Nilus auctu magno quotannis per Aegyptum uagatur.

36.a

Nili statua Romæ Niliacæ incrementa præseferens.

37.a

Niliacæ incrementa, Aegyptijs copiae, aut penuriae frugum argumenta fuisse.

37.a

# Index.

<i>Noha gigante</i> fuisse, quidam dixerunt.	15. a
<i>Numa</i> sepultura à Cicerone allegata in argumen- tum uetusti moris sepeliendi.	148. b
<i>Nymphodori organum.</i>	94. b

## O

<b>O</b> <i>Baratis</i> prospexit Solon lege lata.	32. a
<i>Obsoniorum parandorum ars</i> medico con- uenit, de ea medici scripserunt.	56. b
<i>Ocquiniscere.</i>	77. b
<i>Ocreis</i> usi aratores.	131. b
<i>Oleum</i> præbitum in Diuisionibus.	73. a. b. 75. a
<i>Olympias Alex. mater</i> , ut honestè caderet, mo- ritura curauit.	116. a
<i>Olympus</i> in tēplorum dedicatione fiebat.	156. a. b
<i>Olympus</i> in designandis urbibus.	153. b. 155. a. 156. a. b
<i>Onagris ballistisq;</i> nullum tormentorum genus olim ualidius.	2. b
<i>Onerarie naues</i> quædam, olim etiam remis age- bantur.	28. b
<i>Oneri</i> ferendo, & gratiæ referendæ esse.	85. a
<i>Orbis Romanus.</i>	177. a. cur sic dictum Ro. impe- rium. ibidem
<i>Orbis</i> pro imperio.	178. b
<i>Orestis corpus giganteum.</i>	18. b
<i>Oribasii locus</i> restitutus.	133. a
<i>Origenis error.</i>	143. b
<i>Orionis corpus</i> maximum.	17. a. b. cur. 27. a
<i>Os</i> femoris diui Christophori mira magnitudinis	Vene-

# Index.

<i>Venetijs.</i>	20.b
<i>Ossa humana monstrose magnitudinis Paulus</i>	
<i>III. Pont. Max. habuit.</i>	20.b
<i>Ossa humana maxima in Phlegra campis reper</i>	
<i>ta.</i>	17.b
<i>Oua garo condiebantur.</i>	90.b
<i>Onidylocus.</i>	64.b. 149.a. 189.a. 190.a
P	
<i>PALLANTIS cadauer maximum, quo tem-</i>	
<i>pore effossum.</i>	18.b
<i>παλμῶν interpretes. παλμῶν obseruationes.</i>	
219.a.b	
<i>Pandeclarum locus.</i>	72. b. 153.a
<i>Pandeclarum locus emendatur.</i>	91.b
<i>Papiniani urna. 95. b. quo honore fmp. eū pro-</i>	
<i>sequantur.</i>	96.a
<i>Parentalia Harmodio ab Atheniensium Impe-</i>	
<i>ratore celebrata.</i>	84.a
<i>Parricidū qui primus Romæ patrauerit.</i>	190.a
<i>Parricidij pœna à Platone præscripta.</i>	189.b
<i>Parricida, monstrum est.</i>	189.b
<i>Partim uox, sine geminatione posita.</i>	31.a
<i>Paulus Ligijs.</i>	57.a. 134.a
<i>Paulus Manutius.</i>	35. a. 148.b
<i>Pauli Iurisc. locus declaratur. 9. b. 11. a. 186. a, b</i>	
<i>Pauperum sepultura curam an Ethnici suscepe-</i>	
<i>rint.</i>	111. b
<i>Pedule.</i>	129.a
<i>Pelles sponsis sternebantur.</i>	144.b

# Index.

<i>Pellium usus in capitijs.</i>	144.a
<i>Pelliceas nestes an, &amp; quibus locis, &amp; temporibus usurpauerint antiqui.</i>	142.a. & infra.
<i>Peronibus usi aratores, et cines Romani.</i>	131.b
<i>Pestis, quæ mortales inuadat, an brutis quoque sit exitialis.</i>	192.a.b. & infra.
<i>Pestilentia, musica ui depulsa.</i>	205.a
<i>Pestilentias qui auctores describant.</i>	192.a
<i>Petrus Antonius Ghetius.</i>	164.b
<i>Petrus Baccius.</i>	171.a
<i>Petri Criniti locus.</i>	186.b
<i>Phalandum Hethrusci cælum dixere.</i>	156.a
<i>Phantasma nigrum, quidam interdum sibi uidere uisus est melancholicus.</i>	202.a
<i>Phrixum &amp; Hellem cur arieti impositos fingant Poëta.</i>	120.b
<i>Phrygius modus ad animarum euocationem a- ptus.</i>	46.a
<i>Pietas in defunctos postrema inter pietatis gene- ra.</i>	111.b
<i>Pij Bononiensis error.</i>	78.b. 79.a
<i>Pila ludo maximè corpus exerceri.</i>	39.b. 40.a
<i>Pila ludus cur lippis obsit.</i>	40.a.b. item crudis. 39.a.b
<i>Pileos Pannonicos, milites Ro. gestabant.</i>	144.b
<i>Pileos ex canina pelle qui gestarint.</i>	143.b
<i>Pisces cur antiquorum mensis non apposuerit Ho- merus.</i>	123.a
<i>Piscium condimentum.</i>	90.b
	Pisci-



# Index.

<i>Piscibus uestigiis, Syri legibus prohibiti.</i>	123.a
<i>Plantæ herbaeque omnes calore præditæ.</i>	53.b
<i>Plantæ cur excrementa non contrahant.</i>	53.b
<i>Platina error.</i>	4.b
<i>Plato defenditur.</i>	162.b. 163.a
<i>Plinius reprehenditur.</i>	148.a
<i>Plinij locus. 109.b. eiusdem locus emendatur.</i>	110.b
<i>Plutarchi interpretis lapsus.</i>	94.a
<i>Plutarchi loca quadam emendantur.</i>	102.b. error. 55.b. 157.b
<i>Plutarchi testimonium rejicitur.</i>	103.b
<i>Plutarchi de aquis opinio.</i>	164.a
<i>Polydori Vergilij error.</i>	4.a. 5.a. 159.a. oscitatio. 103.a
<i>Polyspastum machinamentum.</i>	93.a. b. eius etymologia. 94.a
<i>Pollucis locus.</i>	27.a. error. 157.b
<i>Pomærium apud priscos unum.</i>	157.b
<i>Pomærium Constantinopol. à quo productum.</i>	158.b
<i>Pomærium ubi.</i>	156.b. & infra.
<i>Pomærij etymologia.</i>	158.a
<i>Pomærij productio.</i>	158.b
<i>Pomæria quis primus excogitauerit.</i>	158.a
<i>Pompeius Nutus.</i>	171.a
<i>Pompeij error.</i>	158.a
<i>πομπάιον Mercurium antiqui uocabant.</i>	195.b
<i>Pomponij Iurisc. error.</i>	33.a
<i>Pötis à Cæsare cõstructi declaratio.</i>	214.a. et infra.

<i>Pontis Caesaris declaratio.</i>	214. a. & infra
<i>Pontifici nefas erat cadaver insepultum relinque</i> <i>re.</i> III. b	
<i>Pontificio in iure error.</i>	15. b
<i>Porticus et tabernæ circa Ianitēplū Romæ.</i>	97. b
<i>Potho flore sepulchra ornabantur.</i>	109. a
<i>Premere uerbum georgicum quid.</i>	185. a
<i>Procedere uerbum quid signif.</i>	172. b
<i>Proicere.</i> 182. b. <i>Proiectum.</i>	183. a
<i>Pubertas in fœminis solūm ex annis cognita.</i>	7. b
<i>Pubertatem fœminarum ex corporis inspectio-</i> <i>ne cognosci uolebat Plato.</i>	7. b
<i>Puella Hethrusca stupri cum cane consuetudinem</i> <i>habuit. fœtum semicanem edidit.</i>	60. b
<i>Pueri Catamiti, à meritorijs differunt.</i>	77. a
<i>Pullopremones, qui dicti.</i>	79. b
<i>Puticuli.</i>	112. a. 113. b
<i>Pythagoræi in myrti, oleæ, &amp; populi nigra folijs</i> <i>defuncti condebantur.</i>	110. a
<i>Pythagoricæ sepultura mos partim ex Lycurgi</i> <i>legibus.</i>	111. a

## Q

<i>Q</i> uadrigarij locus declaratur.	105. b
<i>Q</i> uinctinus Acanthius.	89. a. 124. b
<i>Q</i> uinq̃ue pedum sp̃acium in consinio.	186. b
<i>Q</i> uinq̃ue pedum sp̃acium non in omnibus fini-	
<i>bus agrorum.</i>	187. a
<i>Q</i> . Sertullius prima nuptiarum nocte extinctus.	
133. a	

# Index.

## R

- R**ADICES arboris uicini in meum fundum  
 procedentes, recidere an possim. 184.a  
 Repudijs in ipsis uerba solennia. 105.a  
 Ricinum quid. 159.b  
 Ripa fluminis à pradio separatur. quid sit. 169.a  
 Rituales libri. 158.b  
 Roma quadrata primū constructa. 153.b. 154.a  
 Roma cur communis patria dicta. 176.b  
 Roma condita in Palatio. 154.a  
 Roma totius habitata terra compendium. 177.a  
 Romana plebis in se ipsam uesania, & inhumana  
 nitas quomodo frenata. 118.b  
 Romani, Iurisc. error. 75.b  
 Romani bellicas machinas à Gracis habuerunt.  
 Gracos in ea re superarunt. 3.a  
 Romani ciues, qui Romano imperio subiecti.  
 176.b  
 Romani quo tempore sub pellibus hyemare cœpe-  
 rint. 142.b  
 Rose in coronis usus olim minimus. 108.b  
 Rosis sepulchra ornabantur. 108.b  
 Rubigo ferri unde oriatur. 86.a  
 Rubrica quedam in xi. lib. C. declarantur. 38.a

## S

- S**Abellici error. 78.b  
 Sacerdotum corpora qualia esse uoluerint Eth-  
 nici, & Hebraei. 175.b  
 Sacra scriptura auctores multi, Ethnicis antiquio-  
 res

<i>res.</i>	161.b
<i>Sacrificia quæ Deis grata essent.</i>	124.a
<i>Sagmina.</i>	191.b
<i>Salmonium nescio quid Bombardis simile adinuenisse existimatum.</i>	2.a
<i>Sanguine abundant Septentrionibus subiecti.</i>	25.b
<i>Sanguinea uirga quæ sint apud Modestinum.</i>	191.b
<i>Saulis, &amp; filiorum eius cadauera cur combusta.</i>	
150.a. 151.a.	
<i>Σαυωτήρ, quid antiquis.</i>	127.a
<i>Scythia calor in intimas partes compulsus.</i>	25.b.
<i>corpora magna.</i>	26.b
<i>Scombro è pisce garum.</i>	90.a
<i>Scoppa erratum.</i>	77.b
<i>Scortum masculum pro puero concubino.</i>	77.a
<i>Seditio, musica sedata.</i>	204.b
<i>Senatores crepidis usi.</i>	131.b
<i>Sensus nostros decipi in multis, qui dixerint.</i>	202.b
<i>Sepulchrum ad Milciadis, noctu mira audiebantur.</i>	197.a
<i>Sepulchrum in Lypara prodigiosum.</i>	197.b
<i>Sepulchrum plebi misera commune.</i>	112.b
<i>Sepulchro Isocratis aries insculptus.</i>	122.a
<i>Sepulchra an incolant umbra mortuorum.</i>	197.
<i>a. &amp; infra.</i>	
<i>Sepulchra quibus fertis, &amp; floribus ornarentur.</i>	
108.b. & infra.	
<i>Sepulchra tenijs ornata.</i>	110.a
<i>Sepulchra ad ipsa, Dæmones uideri concurrere.</i>	

# Index

201. a. cur Dæmones ad sepulchra. ibid.	
Sepultura cadauerum, pietas prima.	111. b
Sepultura militum, cura in castris.	113. a
Sepultura cadauerum cura etiam ad principes uiros pertinet.	112. a
Sepultura genus, pulueris iniectio.	114. a. b
Serenitas frigori iungitur.	70. a
Serpentes plures an cum parricida culeo inderentur.	190. b
Serta quibus tenijs adornarentur.	109. b
Serui cur corpora à Græcis dicti.	43. a
Serui in commentaria additamenta irrepsisse.	
Eius errores collegit Beroaldus.	6. b
Serui lapsus.	8. a. 33. b. 53. a. 196. b
Seth gigas.	15. b
Sextus dicebatur locus extra urbem in quo in damnatos animaduertebatur.	209. a. b
Signorum uocalium in bello quis usus.	204. a
Συντάξις lex Solonis.	32. a
Siticines qui essent.	44. a
Siticines graue canere soliti.	44. b
Sole aut Luna deficiente as, & ferrum multitudo cur olim moueret.	206. a
Solea quod calceamenti genus.	132. a
Solomon quid senserit de uentorū procursu.	142. a
Solon cur de parricidio legem non tulerit.	149. a
Solum pro sepulchro.	110. b
Soluendo esse quid sit.	85. a
Sonus grauis lugubris.	45. a. 48. a
Spacium	

# Index.

<i>Spaciū inter parietes uicinorum, quantiū.</i>	188.b
<i>Spadonum duæ species.</i>	82.a
<i>Sparta cadauera in oliuæ foliis condita.</i>	111.a
<i>Sphincta qui sint.</i>	79.b
<i>Σφιγκτηρ uox, quid signif.</i>	79.a
<i>Spinther armillarum genus.</i>	80.a
<i>Σπινθῆρ.</i>	80.a
<i>Spinthria qui, &amp; unde dicti.</i>	79.a.b.80.a
<i>Spiritus duplex.</i>	138.a
<i>Spiritum naturalem aliqui negant.</i>	138.a
<i>Sportula.</i>	73.a.b.75.a.b
<i>Stapia mentio apud D. Hieronymum, &amp; in uetusta sepulchri inscriptione.</i>	101.a.b. nulla apud antiquos stapia.
<i>Statij locus.</i>	36.b
<i>Statua nulla pelliceas uestes praeferunt.</i>	143.a
<i>Σταυρὸν, quid Graci appellarent.</i>	127.a
<i>Στομῶς, quid signif.</i>	87.a
<i>Στόμαχος Gracis quid.</i>	87.a. quo pacto purgetur.
	86.b.87.a
<i>Stomomatis plura fuisse genera apud antiquos.</i>	88.a.b
<i>Substantia separata Peripateticis quæ.</i>	202.a
<i>Subueteribus, locus sic dictus Romæ.</i>	97.b
<i>Syri piscibus non uescebantur.</i>	123.a
<i>Syros capra nobiles reddiderunt.</i>	125.a

## T

<b>T</b> ABVLA Parrhasii obscæna.	115.b
<b>T</b> aciti locus declaratur.	105.b

Tacit

# Index.

<i>Tacitum inter, &amp; sacras literas diffidium elimi-</i> <i>natur.</i>	151.a
<i>Tartarius quid.</i>	160.b.ubi.161.b
<i>Tartari motus in gyrum.</i>	162.b
• <i>Temperatura antiqui æs obdurabant.</i>	130.b
<i>Temperamenta ferri uaria.</i>	89.a
<i>Tenia cur Lanisci dicta.</i>	109.b
<i>Tenys festa ornabantur.</i>	109.b
<i>Tenys sepulchra, &amp; urnæ defunctorum ornaban-</i> <i>tur.</i>	110.a
<i>Terebra ad ferrum perforandum.</i>	88.b
<i>Termini lapidei Deo Termino dicabantur. coro-</i> <i>nabantur à uicinis.</i>	187.b
<i>Terra Aristoteli non senescit uniuersa.</i>	21.a
<i>Tertiū'ne Cōsul, an Tertiō dici oporteat.</i>	147.a.b
<i>Tertulliani auctoritas eleuatur.</i>	103.b
<i>Thalmudistarū improba de Adamo opinio.</i>	60.a
<i>Thalmudistarum deliramentum.</i>	15.b
<i>Theodosius Constant. pomærium produxit.</i>	158.b
<i>Thesei corpus magnum.</i>	18.b
<i>Thomas Contarenus.</i>	6.a
<i>Tibia in funere maiorum natu, &amp; nobiliorum.</i> 47.a.b	
<i>Tibia funebres adunca.</i>	46.a
<i>Tibia paratrete.</i> 46.a. <i>Phrygia. ibid.</i>	
<i>Tibiarum usus in legatione, &amp; in bello.</i>	204.a b
<i>Tibialibus, &amp; femoralibus nullis utebantur pri-</i> <i>sci.</i>	129.a.b
<i>Tituli rubre colore scribebantur.</i>	49.b
	Titulis



# Index.

<i>Titulis cur libri antiquorum nonnulli careant,</i> <i>aut adulterinis præditi sint.</i>	49.b
<i>Tituli unde sic dicti.</i>	49.a
<i>Tiraquelli error.</i>	75.b
<i>Tormenta quando longiores certioresq; emissio-</i> <i>nes habeant.</i>	106.a.b
<i>Trabucchi machina bellica.</i>	5.b.6.a
<i>Tranquilli locus.</i>	80.a
<i>Triremes oneraria.</i>	29.a
<i>Trispassum. 93. b. unde dictum.</i>	94.a
<i>Tuba Siticinū in qua re differrēt à reliquis.</i>	44.b
<i>Tutuli.</i>	49.a
<i>Tymbausla.</i>	45.a

## V

<b>V</b> ALERII <i>Maximi locus à Cuiacio restitu-</i> <i>tus.</i>	190.a
<i>Valerij Probi error.</i>	152.b
<i>Varronis sententia improbat.</i>	147.b
<i>Varronis contextus emendatur. 155. a. &amp; infrà.</i> <i>item.</i>	158.a
<i>Varronis locus declaratus. 173. b. &amp; infrà.</i>	
<i>Varronis locus.</i>	110.a
<i>Velo interiecto quæstiones exercere.</i>	98.b
<i>Velo lenato causas cognoscere cur dictum.</i>	98.a
<i>Venereis in rebus quidam casu extincti.</i>	134.a
<i>Venuleij locus restitutus &amp; declaratus.</i>	185.b
<i>Verba quedam ab antiquis in emptionibus, &amp;</i> <i>uēditionibus pecoris usurpata. 171. b. et infrà.</i>	
<i>Vertigine melancholica qui iam corripī cœperat,</i> <i>quid</i>	

# Index

<i>quid sibi uisus sit uidere.</i>	202.a
<i>Veſtes albas in luctu non uſurparant antiquioribus temporibus mulieres.</i>	159.a.b
<i>Viſtimarum probatio.</i>	174.a
<i>Via limitares.</i>	188.a
<i>Vincula pedum, calcei.</i>	132.a.b
<i>Virgili locus declaratur.</i>	126.b
<i>Virgili locus.</i>	8.a. 115. a. 122.a. 126.b
<i>Virgines uiripotētes nuda ſacerdotibus oſtenſæ.</i>	8.a
<i>Viriplace Deæ ſacellum Romæ.</i>	104.b
<i>Vini meraci potio, oculorum ſoluit dolores.</i>	40.b
<i>Viſu debili præditus, ſui ipſius idolum ſibi aduerſum uidebat.</i>	202.b
<i>Vita animalium tribus rebus ſuſtinetur.</i>	193.a
<i>Vitia corporis ad animum referuntur.</i>	176.a
<i>Vitta alba, corona colligata.</i>	110.a
<i>Vitta purpurea in capite Flaminicarum, &amp; lenarum.</i>	49.a
<i>Vlcera ſqualida, aqua uida reddit.</i>	57.a
<i>Ulpiani lapſus.</i>	62.a. 165. b. 166.a
<i>Ulpiani ætate arrogatio per pop. fiebat.</i>	181.2
<i>Vmbra Caligule, circa cadauer.</i>	198.b
<i>Vmbra hominis terrifica domum incolit.</i>	197.b
	199. a
<i>Vngēdi cadauera mos an antiquiſſimus.</i>	149.a.b
<i>Volaterrani error.</i>	142.b
<i>Vox grauis cur.</i>	48.a
<i>Vrne defunctorum tenijs ornabantur.</i>	110.a
<i>Vrne, in qua Papiniani conditi cineres erant, inſcriptio</i>	

## X

**X**ENOPHONTIS locus declaratus. 150.a  
 XII. Tab. quando composita. 148.b

## Z

**Z**AZEL Demon. 200.b  
 Zibellini. 142.b

## FINIS.

## REGESTVM.

a b A B C D E F G H I K L M N O P Q R  
 S T V X Y Z, Aa Bb Cc Dd Ee Ff Gg.

TYPOGRAPHORVM ERRATA, VT INFRA EST,  
 subnotatum, expunges, a. cartæ frontem. b. tergum signi-  
 ficat. numerus uerò posterior lineam.

2.b.21. declaranda. 3.b.12. demeris. 5. b.4. Toletum. 7.b.23.  
 Actes. 14. a.20. autem talia. 17.b.14. Tyngi. 17.a.17. quen-  
 dam in. 19.b.12. Czfarez. 21.b.3.  $\epsilon\chi\tau\theta\phi$ . 32.b.15. tabulas. 45.  
 a.10. possunt. a.18. tibia loquatur. 48.a.11. eo modo. 48.b.  
 21. mutuatus. 64.b.9. formæ. 67.a.2. angusta. 68.b.25. inquiēs.  
 84.a.22. abhorre. 94.a.11. ly/paston. 100.a.1. uel. 101.b.11.  
 hac. 106.b.3. quia teli. 107.b.3. bene olentia. 109.a.18. adhibi-  
 tam. 112.b.20. pōtificii. 117.b.19. feræ. 121.b.4. Appion. 132.  
 a.10. id genus. 146.b.25. usum. 147. b.18. sequutos. 155. b.20.  
 Hethruscos. 160.a.11. Cyaneus. b.22. fundamenta. 162. a.106.  
 quiddam eorum. 163.b.3. Platonem uerbis, hic. 175 b.22. mor-  
 bum. 189.a.18. Solon legis. 196.a.10. quædam haustu ueneni.  
 199.a.27. illas. 201.b.1. Cynanthropia. 219.a.9. allata.







